

S T E N O G R A M
27. Radne sjednice Skupštine Kantona Sarajevo
Održane u utorak, 28.07.2020. godine sa početkom rada u 10,00 sati (ONLINE)

Predsjedavajući Mirza Čelik (u daljem tekstu predsjedavajući):
Otvaram 27. Radnu sjednicu Skupštine Kantona Sarajevo.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice.

Svima nama želim uspješan rad i ugodnu radnu atmosferu.

Sjednici prisustvuje ONLINE 35 zastupnika, što je dovoljan broj za punovažan rad i odlučivanje.

Izostanak sa ove sjednice nemamo najavljenih. Zastupnici su svi prisutni.

Prijedlog dnevnog reda 27. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 14.07.2020.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 22.07.2020. godine, prihvatio je da se Prijedlog dnevnog reda 27. Radne sjednice, dopuni sa sljedećim tačkama:

1. Prijedlog Odluke o izmjenama i dopunama Budžeta Kantona Sarajevo za 2020. godinu -hitni postupak; (razmatraće se kao tačka 2.);
2. Prijedlog Zakona o izmjeni i dopuni Zakona o izvršavanju Budžeta Kantona Sarajevo za 2020. godinu -hitni postupak; (razmatraće se kao tačka 3.);
3. Prijedlog zakona o izmjenama Zakona o visokom obrazovanju - hitni postupak (razmatraće se kao tačka 4.);
4. Prijedlog Zakona o izmjenama i dopunama Zakona o prekršajima protiv javnog reda i mira -hitni postupak; (razmatraće se kao tačka 5.);
5. Prijedlog Zakona o izmjeni Zakona o udžbenicima u Kantonu Sarajevo -skraćeni postupak (razmatraće se kao tačka 6.);
6. Prijedlog Zakona o izmjenama i dopunama Zakona o osnovnom odgoju i obrazovanju -skraćeni postupak (razmatraće se kao tačka 7.);
7. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za Projekat energetske efikasnosti u javnim zgradama Sarajevo; (razmatraće se kao tačka 18.);
8. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo za potpisivanje Ugovora o isplati naknade po osnovu izgubljene dobiti sa „Duhanpromet“ d.o.o. Sarajevo; (razmatraće se kao tačka 19.);
9. Prijedlog Odluke o davanju saglasnosti na nacrt ugovora o kupoprodaji garaže u garažnom nizu od četiri bloka-Blok 3, izgrađenom u naselju Stup-Bačičko polje, općina Ilidža, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Muaz Zuberović) (razmatraće se kao tačka 20.);
10. Prijedlog Odluke o davanju saglasnosti na nacrt ugovora o kupoprodaji u stambenom objektu K-37, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Dženana Zametica) (razmatraće se kao tačka 21.);
11. Prijedlog Odluke o davanju saglasnosti na nacrt ugovora o kupoprodaji u stambenom objektu K-37, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Faruk Mudžet); (razmatraće se kao tačka 22.);
12. Prijedlog Odluke o davanju saglasnosti na nacrt ugovora o kupoprodaji stana u ulici Žunovačka bb, općina Hadžići, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane

- borce i prognane osobe, kao Prodavac, zaključiti sa kupcem nekretnine (Adi Kalem); (razmatraće se kao tačka 23.);
13. Prijedlog Odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnine (Mohamed Semrin); (razmatraće se kao tačka 24.);
 14. Prijedlog Odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Irmel Dervišević); (razmatraće se kao tačka 25.);
 15. Prijedlog Odluke o davanju saglasnosti na nacrt ugovora o kupoprodaji nekretnine nastale nadziđivanjem postojećeg stambenog objekta na adresi Huseina Đoze broj 238E, općina Ilidža, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Fazlić Ismet); (razmatraće se kao tačka 26.);
 16. Prijedlog odluke o davanju saglasnosti na Finansijski plan prihoda i rashoda za 2020. godinu Kantonalnog stambenog fonda Sarajevo; (razmatraće se kao tačka 27.);
 17. Prijedlog odluke o davanju saglasnosti na Program rada Kantonalnog stambenog fonda Sarajevo za 2020. godinu; (razmatraće se kao tačka 28.);
 18. Izvještaj o poslovanju KJP "ZOI 84" Olimpijski centar Sarajevo d.o.o. Sarajevo za 2019. godine; (razmatraće se kao tačka 29.);
 19. Izvještaj o radu sa finansijskim izvještajem, na koje je predhodno dato mišljenje ovlaštenog revizora, Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2019. godinu; (razmatraće se kao tačka 30.);
 20. Prijedlog Odluke o davanju saglasnosti na Finansijski plan prihoda i rashoda za 2020. godinu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (razmatraće se kao tačka 31.);
 21. Prijedlog Odluke o davanju saglasnosti na Program rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2020. godinu; (razmatraće se kao tačka 32.);
 22. Izvještaj o radu i finansijskom poslovanju Javne ustanove Kantonalni zavod za zaštitu kulturno-historijskog i prirodnog naslijeđa Sarajevo za 2018. godinu. (razmatraće se kao tačka 33.);
 23. Izvještaj o radu i finansijskom poslovanju Javne ustanove Kantonalni zavod za zaštitu kulturno-historijskog i prirodnog naslijeđa Sarajevo za 2019. godinu; (razmatraće se kao tačka 34.);

Prije prelaska na utvrđivanje Dnevnog reda podsjetio bih vas da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka prelazimo na Prijedlog Odluke o izmjenama i dopunama Budžeta Kantona Sarajevo za 2020. godinu, po hitnom postupku.

Ima li potrebe da predstavnik predlagača obrazloži razloge donošenja ovog Zakona po hitnom postupku? Ako ima, evo uvaženi ministar Halebić ima riječ. Ministre Halebić da li ste spremni za uvodne napomene za razmatranje zakona po hitnom postupku ili neko od članova Vlade? Kolega Halebiću da li ste prisutni na sjednici?

Premijer Mario Nenadić:

Gospodine predsjedavajući, Mario Nenadić da li me čujete? Hvala vam, pozdravljam vas i sve zastupnice i zastupnike u Skupštini Kantona Sarajevo. Ministar Halebić će se uključiti za jednu minutu. Evo imamo i neke probleme. Samo jednu sekundu molim vas, ministar će se uključiti.

Predsjedavajući:

Zahvaljujem premijeru. Evo sačekat ćemo ministra Halebića. Podsjetit ću vas da samo uvodne napomene za razloge donošenja ovakvog Zakona po hitnom postupku, a u postupku kada budemo usvojili dnevni red obrazložit ćemo. Ministre Halebiću da li se čujemo?

Ministar Jasmin Halebić:

Čujemo se uvaženi predsjedavajući. Izvinjavam se, pošto sam se tek sada uključio, riječ je za šta? Jel za obrazloženje ili?

Predsjedavajući:

Znači samo da obrazložite zašto donosimo Zakon po hitnom postupku.

Ministar Jasmin Halebić:

Aha. Zakon donosimo, dakle Budžet i izmjenu Zakona o izvršavanju budžeta donosimo po hitnom postupku zbog toga što se u suštini ne radi o velikim izmjenama, i zbog potrebe da efikasno djelujemo prema privrednicima u Kantonu Sarajevo jer smo u proteklom periodu dugo čekali neka rješenja sada mi pokušavamo da sami predložimo praktično neka rješenja u okviru nadležnosti koje imamo u Kantonu Sarajevo.

Predsjedavajući:

Zahvaljujem uvaženi ministre. Možete li smanjiti samo zvučnik vaš i isključiti, kako bi mogli nastaviti s radom sjednice Skupštine Kantona Sarajevo? Da li imamo li pitanja od strane zastupnika prema ministru? Nemamo. Otvaram raspravu. Ukoliko se niko ne javlja za riječ, zaključujem raspravu.

Molim zastupnike da pristupe izjašnjavanju da se Prijedlog Odluke o izmjenama i dopunama Budžeta Kantona Sarajevo za 2020. godinu donese po hitnom postupku.

Otvaram glasanje.

ZA JE GLASALO 32 ZASTUPNIKA, SUZDRŽANIH I PROTIV NIJE BILO.

Konstatujem da je Skupština usvojila Prijedlog da se Odluka o izmjenama i dopunama Budžeta Kantona Sarajevo za 2020. godinu donese po hitnom postupku.

Također, u okviru prethodnog postupka imamo **Prijedlog Zakona o izmjeni i dopuni Zakona o izvršavanju Budžeta Kantona Sarajevo za 2020. godinu, po hitnom postupku.**

Ima li potrebe da predstavnik predlagača obrazloži razloge donošenja ovog Zakona po hitnom postupku obzirom da se u prethodnom izlaganju već i dotakao Zakona o izmjeni i dopuni Zakona o izvršavanju Budžeta Kantona Sarajevo za 2020.godinu? Nema. Ima li pitanja? Nema. Otvaram raspravu. Ukoliko se niko ne javlja za riječ, zaključujem raspravu.

Molim zastupnike da pristupe izjašnjavanju da se Prijedlog Zakona o izmjeni i dopuni Zakona o izvršavanju Budžeta Kantona Sarajevo za 2020. godinu donese po hitnom postupku.

Otvaram glasanje. Molim zastupnike da glasaju u viber grupu.

ZA JE GLASALO 32 ZASTUPNIKA, SUZDRŽANIH I PROTIV NIJE BILO.

Konstatujem da je Skupština usvojila Prijedlog da se Zakon o izmjeni i dopuni Zakona o izvršavanju Budžeta Kantona Sarajevo za 2020. godinu donese po hitnom postupku.

Nadalje, u okviru prethodnog postupka imamo **Prijedlog zakona o izmjenama Zakona o visokom obrazovanju, po hitnom postupku.**

Ima li potrebe da predstavnik predlagača obrazloži razloge donošenja ovog Zakona po hitnom postupku? Ima li potrebe? Ukoliko ima potrebe molim ministra Anisa Krivića da uvodne napomene za razloge donošenja Zakona po hitnom postupku iznese. Kolega Krivić da li ste spremni za uvodne napomene po hitnom postupku donošenja Zakona? Premijeru, imamo li ministra Krivića?

Ministar Anis Krivić:

Dobar dan ministre. Srdačno pozdravljam. S obzirom da je u dosadašnjoj dinamici rada Skupštine Kantona Sarajevo postojala pauza u radu Skupštine u mjesecu augustu, te činjenica da Zakon stupa na snagu osmog dana od objavljivanja u Službenim novinama Kantona Sarajevo, Ministarstvo za obrazovanje nauku i mlade cijeni da je kratak period za provođenje procedure po redovnom postupku. Da ubrzo ističe rok za završetak studija po predbolonjskom sistemu studija, te da zbog interesa 2117 studenata postoje objektivni razlozi i neodložna potrebe donošenja Zakona po hitnom postupku. Hvala.

Predsjedavajući.

Zahvaljujem uvaženi ministre Kriviću. Ima li pitanja? Nema. Otvaram raspravu. Kolega Damir Marjanović, izvolite, imate riječ.

Poslanik/zastupnik Damir Marjanović:

Zahvaljujem predsjedavajući. Nadam se da me čujete. Prije svega želim da se zahvalim kolegicama i kolegama na lijepim željama. Neću odugovlačiti. Poštujem intenciju Ministarstva, mislim da treba da se radi i da se izađe u susret ovim studentima. Neću biti od onih koji će insistirati na forsiranju prethodnog postojećeg Nacrta Zakona o visokom obrazovanju. Međutim koliko mi je poznato postoji sigurno baš još par članova Zakona koji bi se morali izmijeniti isto po hitnom postupku glede realizacije naredne školske godine. Ja sam poslao amandmane duboko svjestan da se ti amandmani ne tiču prijekoga ovoga Zakona i znam da na neki način te amandmane nećete ih moći usvajati ali sam poslao amandmane da vidite o čemu se radi i od srca sugeriram Ministarstvu ako možemo da ovu tačku na neki način prolongiramo za sljedeću sjednicu. Mislim da neće biti previše kasno da bi eventualno ovaj prijedlog Zakona proširili iz još jednog razloga. Ovaj Prijedlog Zakona nije bio na Komisiji za obrazovanje i nauku, zato što je išao u dopuni dnevnog reda. Komisija nije imala mogućnost da da svoju sugestiju a ja bih dao na komisiji ove sugestije. Još jednom ponavljam, poštujem intenciju, mislim da je dobra intencija. Pozdravljam i odluku Vlade i Ministarstva, mislim da je to dobar pravac. Ali sugeriram ako je vremenski moguće da odgodimo za sljedeću sjednicu, mislim da neće biti kasno i da tada idemo po hitnom postupku, sa još par proširenih članova. Hvala velika.

Predsjedavajući:

Uvažena zastupnica Duraković Jasna diskusija. I molim da se samo držimo dnevnog reda, odnosno da diskutujemo razloge donošenja po hitnom postupku. A kada budemo imali tačku na dnevnom redu, o samom meritumu Zakona ćemo govoriti.

Poslanik/zastupnik Jasna Duraković

Hvala predsjedavajući. Zahvaljujem. Držat ću se naravno tačke dnevnog reda. Isto na tragu ovoga što je rekao kolega Marjanović. Slažem se da možda ne bi bilo loše razmisliti da ovo ostavimo za neku narednu sjednicu, mislim da neće biti kasno, upravo iz razloga što svi već

mi, pogotovo akademski radnici očekujemo te izmjene i dopune Zakona o visokom obrazovanju i mislim da se on nužno mora provesti naravno i javna rasprava i da ide u nekoj hitnoj ili redovnoj proceduri ali evo da nekako znamo koji je to rok, kada to možemo očekivati, da zaista idemo i sa svim ovim dodatnim izmjenama i dopunama koje su neophodne koje u jednu ruku, vi znate ministre, razgovarali smo, i opstruiraju neki rad pojedinih akademskih radnika. Dakle puno je nedosljednosti i taj tekst Zakona kakav jeste sada aktuelni je pogrešan po meni, čini mi možda bi bilo dobro da o tome razmislimo, da pokušamo u narednih mjesec dana ići s tom varijantom da unaprijedimo još više. Dakle bez obzira na onu situaciju u kojoj se nalazite, svima je to jasno, ali ipak mislim da se treba tretirati i ovo s nekom dozom hitnosti, jer evo od januara mjeseca mi čekamo da vidimo taj Nacrt Zakona o visokom obrazovanju u novoj formi, i neophodne su zaista neke suštinske izmjene koje zaista hitnost jeste tu, tako da slažem se s profesorom Marjanovićem. Ne znam, evo možda možete ponuditi neki odgovor ili neki okvirni rok kada mislite da bi mogli imati spušten Nacrt Zakona o visokom obrazovanju u skupštinske klupe. Evo da vidimo možemo li ga unaprijediti da ne idemo sada samo s ovom izmjenom nego da zaista i ove druge koje smo i ranije tretirali da to nekako ide kako je već rečeno. Toliko hvala.

Predsjedavajući:

Zahvaljujem. Imamo repliku uvažene zastupnice Kerle Bibije, zastupnici Duraković. Ali ja vas lijepo molim, otišli smo zaista daleko od ovoga o čemu raspravljamo. Molim vas zaista da se držite Poslovnika i da razloge za donošenje Zakona po hitnom postupku budu usmjerene u vašoj raspravi.

Poslanik/zastupnik Bibija Kerla:

Draga kolegice s obzirom da ministar mijenja samo neke članove Zakona vezano za studiranje po predbolonjskom sistemu, rok za završetak bi bio septembar 2020. Mislim da će ovaj Zakon biti još uvijek dorađivan, mislim da ova tačka ipak treba da bude na današnjem dnevnom redu i da se uvrsti samo ovaj dio Zakona, i moram da kažem da pohvalim ministra za sve ono što je do sada uradio što se tiče Ministarstva obrazovanja, nauke i kulture Kantona Sarajevo.

Predsjedavajući:

Zahvaljujem. Uvažena zastupnica Dizdarević Neira. Izvolite imate riječ.

Poslanik/zastupnik Neira Dizdarević:

Zahvaljujem predsjedavajući. Ja ću vrlo kratko, vezano za hitnost o kojoj upravo diskutujemo. Moram zaista da izrazim svoje negodovanja zbog ove procedure iz razloga što smo ponovo dovedeni u situaciju da gasimo požar, odnosno da usvajamo hitne izmjene Zakona koji je po zaključku Skupštine i programu Vlade, trebao se razmatrati u maju mjesecu ove godine. Mi smo evo na pragu augusta i još uvijek nemamo Nacrt Zakona koji i ne treba da bude idealan i savršen, upravo zato i postoji javna rasprava da bi se određena rješenja poboljšala i djelovala na određene članove koji će eventualno biti korigovani. Upravo zbog ovih 2117 studenata kako je to naveo ministar, mi ćemo podržati ove izmjene da se produži rok za studente predbolonjskog sistema, međutim moja kolegica Vildana predložit će jedan zaključak Skupštini koji će se upravo odnositi na nužnost donošenja novog Nacrta Zakona o visokom obrazovanju. Hvala, toliko.

Predsjedavajući:

Zahvaljujem uvažena zastupnice Dizdarević. Kolegiaca Vildana Bešlija ima riječ. Hvala predsjedavajući. Pa evo, kolegica Neira je već najavila te zaključke. Htjela sam samo reći da je tu naveden rok i da eventualno i ministar se može onda izjasniti o tome smo pričali na Kolegiju i čini mi se da je tom prilikom to bilo i rečeno da je izvodljivo, da se možemo izjasniti o tome. Ne bih onda dalje dužila pošto je već to spomenuto kao inicijativa, odnosno donošenje zaključaka od strane Skupštine. Hvala.

Predsjedavajući:

Zahvaljujem uvažena zastupnice Bešlija. Ukoliko se više niko ne javlja za riječ, zaključujem raspravu.

Molim zastupnike da pristupe izjašnjavanju da se Prijedlog zakona o izmjenama i dopunama Zakona o visokom obrazovanju donese po hitnom postupku.

Molim zastupnike da glasaju, otvaram glasanje. Molim da glasate o gore predloženom, kolegica Aida Zeković je postavila anketu i da glasate, a ne pojedinačno, samo da pritisnete da li ste za, protiv ili suzdržani.

ZA JE GLASAO 31 ZASTUPNIK, SUZDRŽAN 1 I PROTIV NIJE BILO.

Konstatujem da je Skupština usvojila Prijedlog da se Zakon o izmjenama Zakona o visokom obrazovanju donese po hitnom postupku.

I posljednji, u okviru prethodnog postupka je **Prijedlog Zakona o izmjenama i dopunama Zakona o prekršajima protiv javnog reda i mira, po hitnom postupku.**

Ima li potrebe da predstavnik predlagača obrazloži razloge donošenja ovog Zakona po hitnom postupku? Molim predstavnika predlagača da podnese uvodne napomene. Premijeru? Ustvari zastupnici su se izjasnili da nema. Ima li pitanja? Nema. Otvaram raspravu. Ukoliko se niko ne javlja za riječ, zaključujem raspravu.

Molim zastupnike da pristupe izjašnjavanju da se Prijedlog Zakona o izmjenama i dopunama Zakona o prekršajima protiv javnog reda i mira donese po hitnom postupku.

Otvaram glasanje.

ZA JE GLASALO 32 ZASTUPNIKA, SUZDRŽANIH I PROTIV NIJE BILO.

Konstatujem da je Skupština usvojila Prijedlog da se Zakon o izmjenama i dopunama Zakona o prekršajima protiv javnog reda i mira donese po hitnom postupku.

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 27. Radne sjednice, glasi:

1. Poslanička/zastupnička pitanja, inicijative i odgovori;
2. Prijedlog Odluke o izmjenama i dopunama Budžeta Kantona Sarajevo za 2020. godinu - hitni postupak;
3. Prijedlog Zakona o izmjeni i dopuni Zakona o izvršavanju Budžeta Kantona Sarajevo za 2020. godinu - hitni postupak;
4. Prijedlog zakona o izmjenama Zakona o visokom obrazovanju - hitni postupak ;
5. Prijedlog Zakona o izmjenama i dopunama Zakona o prekršajima protiv javnog reda i mira - hitni postupak;
6. Prijedlog Zakona o izmjeni Zakona o udžbenicima u Kantonu Sarajevo - skraćeni postupak;
7. Prijedlog Zakona o izmjenama i dopunama Zakona o osnovnom odgoju i obrazovanju - skraćeni postupak;
8. Nacrt Zakona o dopuni Zakona o pravobranilaštvu;
9. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
10. Prijedlog Odluke o imenovanju članova Vijeća nacionalnih manjina Kantona Sarajevo;
11. Prijedlog Odluke kojom se daje saglasnost na Nacrt Sporazuma koji se zaključuje između Univerziteta u Sarajevu, Fakulteta zdravstvenih studija Univerziteta u Sarajevu i Javne ustanove „Studentski centar" Sarajevo o ustupanju na dugoročno korištenje objekata Paviljon VIII i Paviljon IX u okviru Javne ustanove „Studentski centar" Sarajevo koji su sagrađeni na parceli 2400/1 KO Sarajevo novog premjera, pri

- čemu po starom premjeru odgovaraju parcela broj 26 upisana u zk. ul. broj. 96 K.O. SP_SARAJEVO - MAHALA LXVII1 i parcele br. 24, 323, 324, 123, 25, 30, 135, 206, 414, 416, 423, 424, 31, 433, 547, zk. ul. broj 223 K.O. SP_SARAJEVO-MAHALA LXVIII, na kojima je kao nosilac prava raspolaganja upisan Univerzitet u Sarajevu;
12. Prijedlog Odluke o davanju saglasnosti na Program rada i Finansijski plan Javne ustanove "Fond Memorijala Kantona Sarajevo" za 2020. godinu;
 13. Izvještaj o radu sa finansijskim poslovanjem Univerziteta u Sarajevu za period 01.01. - 31.12.2019. godine;
 14. Izvještaj o radu i finansijskom poslovanju Zavoda za izgradnju Kantona Sarajevo za 2019. godinu;
 15. Izvještaj o radu i finansijskom poslovanju Zavoda za informatiku i statistiku Kantona Sarajevo za 2019. godinu;
 16. Izvještaji o poslovanju za 2019. godinu:
 - a) KJKP „TOPLANE SARAJEVO" d.o.o. Sarajevo;
 - b) KJKP "Park" d.o.o. Sarajevo;
 - c) KJKP "Tržnice-pijace" d.o.o. Sarajevo;
 - d) KJKP "Vodovod i kanalizacija" d.o.o. Sarajevo;
 - e) KJKP "Sarajevogas" d.o.o. Sarajevo;
 - f) KJKP "Pokop" d.o.o. Sarajevo;
 17. Izvještaj o poslovanju Kantonalnog javnog preduzeća za gospodarenje državnim šumama "Sarajevo - šume" d.o.o. Sarajevo za 2019. godinu;
 18. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za Projekat energetske efikasnosti u javnim zgradama Sarajevo;
 19. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo za potpisivanje Ugovora o isplati naknade po osnovu izgubljene dobiti sa „Duhanpromet“ d.o.o. Sarajevo; ;
 20. Prijedlog Odluke o davanju saglasnosti na nacrt ugovora o kupoprodaji garaže u garažnom nizu od četiri bloka-Blok 3, izgrađenom u naselju Stup-Bačičko polje, općina Ilidža, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Muaz Zuberović) ;
 21. Prijedlog Odluke o davanju saglasnosti na nacrt ugovora o kupoprodaji u stambenom objektu K-37, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Dženana Zametica) ;
 22. Prijedlog Odluke o davanju saglasnosti na nacrt ugovora o kupoprodaji u stambenom objektu K-37, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Faruk Mudželet);
 23. Prijedlog Odluke o davanju saglasnosti na nacrt ugovora o kupoprodaji stana u ulici Žunovačka bb, općina Hadžići, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Adi Kalem);
 24. Prijedlog Odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnine (Mohamed Semrin);

25. Prijedlog Odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Irmel Dervišević);
26. Prijedlog Odluke o davanju saglasnosti na nacrt ugovora o kupoprodaji nekretnine nastale nadzidiivanjem postojećeg stambenog objekta na adresi Huseina Đoze broj 238E, općina Ilidža, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Fazlić Ismet);
27. Prijedlog odluke o davanju saglasnosti na Finansijski plan prihoda i rashoda za 2020. godinu Kantonalnog stambenog fonda Sarajevo;
28. Prijedlog odluke o davanju saglasnosti na Program rada Kantonalnog stambenog fonda Sarajevo za 2020. godinu;
29. Izvještaj o poslovanju KJP "ZOI 84" Olimpijski centar Sarajevo d.o.o. Sarajevo za 2019. godine;
30. Izvještaj o radu sa finansijskim izvještajem, na koje je prethodno dato mišljenje ovlaštenog revizora, Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2019. godinu;
31. Prijedlog Odluke o davanju saglasnosti na Finansijski plan prihoda i rashoda za 2020. godinu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe;
32. Prijedlog Odluke o davanju saglasnosti na Program rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2020. godinu;
33. Izvještaj o radu i finansijskom poslovanju Javne ustanove Kantonalni zavod za zaštitu kulturno-historijskog i prirodnog naslijeđa Sarajevo za 2018. godinu.;
34. Izvještaj o radu i finansijskom poslovanju Javne ustanove Kantonalni zavod za zaštitu kulturno-historijskog i prirodnog naslijeđa Sarajevo za 2019. godinu;
35. Informacija o poslovanju Bags Energotehnika d.d. Vogošća za 2018. i 2019. godinu

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Otvaram glasanje.

ZA JE GLASALO 32 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA ZA 27. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

Kao informativni materijal dostavljeno vam je:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec maj 2020. godine;
- Dokument okvirnog Budžeta Kantona Sarajevo za period 2021. - 2023. godina;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec juni 2020. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec januar - juni 2020. godine.

Ja sam vidio da imamo poslovničku intervenciju. Molim zastupnike prije nego što krenemo s tačkama dnevnog reda da se ne prijavljuju. Kada pročitamo tačku dnevnog reda od tada ćemo voditi evidenciju kako se ko prijavio. Sve ovo što ste se do sada prijavili morat ćete se prijaviti ponovo kada krenemo sa tačkom. Uvaženi zastupnik Senad Hasanović je tražio poslovničku intervenciju. Kolega izvolite, imate riječ.

Poslanik/zastupnik Senad Hasanović:

Zahvaljujem predsjedavajući. Pozdravljam sve prisutne kao i gledaoce kraj malih ekrana. Evo ja bih s obzirom da je danas pred nama obiman dnevni red, sa nekoliko jako bitnih tačaka, predlažem da tačku dnevnog reda zastupnička pitanja i inicijative razmatramo kao posljednju. Hvala.

Predsjedavajući:

Zahvaljujem uvaženi zastupniče. Samo da sekretar napravi anketu i o vašem prijedlogu zaključka da se izjasne. Koliko sam vas razumio prva tačka da se razmatra kao posljednja tačka na dnevnom redu za 27 radnu sjednicu. Samo trenutak. Molim zastupnike da se izjasne o prijedlogu uvaženog zastupnika Hasanovića da se tačka 1. Razmatra posljednja.

Molim zastupnike da glasaju, imaju još jednu minutu da glasaju, izvolite. Za je glasalo 17 zastupnika, 16 je bilo protiv, suzdržanih nije bilo. Kolega Dević je tražio poslovničku intervenciju, pojedinačno izjašnjavanje. Sekretaru izvolite.

Sekretar Skupštine Aida Zeković:

Dobar dan svima. Molim vas da se izjasnite.

- 1.Aljović Hamed ZA
- 2.Bešlija Vildana PROTIV
- 3.Bišćević-Tokić Jasmina ZA
- 4.Čampara Aljoša ODSUTAN
- 5.Čelik Mirza ZA
- 6.Ćosović-Hajdarević Samra ZA
- 7.Delalić Sabahudin ODSUTAN
- 8.Dević Mahir ZA
- 9.Dizdarević Neira PROTIV
- 10.Duraković Jasna PROTIV
- 11.Handžić Vibor PROTIV
- 12.Hasagić Amra ZA
- 13.Hasanović Senad ZA
- 14.Hodžić Admela ZA
- 15.Jakupović Vedran PROTIV
- 16.Junuzović-Kaljić Amra PROTIV
- 17.Kerla Bibija ZA
- 18.Konaković Elmedin PROTIV
- 19.Krstić Danijela PROTIV
- 20.Marić Zvonko ZA
- 21.Marjanović Damir PROTIV
- 22.Mekić Amel PROTIV
- 23.Memić Arijana PROTIV
- 24.Milavica Sead ZA
- 25.Nikšić Damir PROTIV
- 26.Okerić Elvedin PROTIV
- 27.Pecikoza Fahrudin ZA
- 28.Pleho Haris ZA
- 29.Poturak Dževad ZA
- 30.Srna- Bajramović Segmedina PROTIV
- 31.Stojanović Igor PROTIV
- 32.Suljević Samir PROTIV

33.Šahman Bilsena ZA
34.Viteškić Smiljana ZA
35.Vreto Elvis PROTIV

Predsjedavajući:

Uvaženi zastupniče Delalić čujemo vas.

Poslanik/zastupnik Sabahudin Delalić:

Uvaženi predsjedavajući imao sam problem sa konekcijom nisam mogao na vrijeme glasati pa evo samo sada da kažem da sam ZA.

Predsjedavajući:

Evo sekretar će vas prozvati.

Sekretar Aida Zeković:

Delalić Sabahudin?

Poslanik/zastupnik Sabahudin Delalić:

ZA.

Predsjedavajući:

Zahvaljujem sekretaru, nakon pojedinačnog izjašnjavanja 17 zastupnika je glasalo ZA, 17 protiv.

Konstatujem da prijedlog uvaženog zastupnika Senada Hasanovića nije usvojen.

Prije nego što pređemo na realizaciju prve tačke dnevnog reda obavezni smo da razmatramo Zapisnike sa stenogramima sa 24. Radne sjednice i 9. Hitne sjednice, koji su Vam dostavljeni uz poziv za sjednicu.

Ima li primjedbi?

a)

Molim vas da se izjasnite ukoliko nema primjedbi o Zapisniku sa 24. Radne sjednice Skupštine Kantona Sarajevo.

Otvaram glasanje.

ZA je glasalo 29 zastupnika, PROTIV i SUZDRŽANIH nije bilo.

Konstatujem da je Skupština potvrdila Zapisnik sa 24. Radne sjednice Skupštine Kantona Sarajevo održane 23.04.2020. godine.

b)

Molim vas da se izjasnite o Zapisniku sa 9. Hitne sjednice Skupštine Kantona Sarajevo.

Otvaram glasanje.

ZA je glasalo 31 zastupnika, PROTIV i SUZDRŽANIH nije bilo.

Konstatujem da je Skupština potvrdila Zapisnik sa 9. Hitne sjednice Skupštine Kantona Sarajevo održane 07.05.2020. godine.

Prelazimo na realizaciju dnevnog reda, sada je 12 sati i 17 minuta. I otvaramo tačku 1.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Uvaženi zastupnik Pecikoza, šef Kluba traži 15 minuta pauzu. Pauza 15 minuta ili ako se slažete da napravimo pauzu za ručak kako bi mogli nesmetano nastaviti s radom nakon pauze koja bi mogla biti evo nekih 35 do 40 minuta. Kolega Pecikoza da li možete promijeniti ili ostali šefovi klubova da idemo sa pauzom od 40 minuta za ručak i da onda nastavimo raditi bez pauze? Ukoliko se slažete kolegice i kolege, molim da se izjasnite.

Konstatujem da je glasalo 18 zastupnika za pauzu od 40 minuta za ručak, odnosno konsultacije, pa pauza. Nastavljamo raditi u 13,00 tačno.

PAUZA 40 MINUTA.

NASTAVAK NAKON PAUZE

Predsjedavajući:

Evo nastavljamo za par minuta, samo da TVSA bude spremna kako bi se uključili direktno. Jeste li spremni TVSA? Eh, samo da najave.

Nastavljamo sa radom, 27. Radna sjednica. Na tački jedan smo:

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnici su se prijavili i to sljedećim redoslijedom kako ću čitati i davati riječ. Uvaženi zastupnik Čampara Aljoša se prvi javio. Izvolite Čampara imate riječ.

Poslanik/zastupnik Aljoša Čampara:

Zahvaljujem predsjedavajući. Dakle ja imam jednu inicijativu i dva pitanja. Jel se čujemo?

Pokrećem inicijativu da u Kantonu Sarajevo Vlada predloži model po kojem bi studenti Zlatne značke, studenti generacije i nagrađivani studenti mimali prednost pri zapošljavanju u institucijama, JP, JU, upravama, zavodima. Obrazloženje: obzirom na neumoljivu statistiku koja pokazuje da već godinama veliki broj mladih napušta BIH, i traži svoje mjesto na tržištu rada van granica naše države, te da najbolji studenti osim lične satisfakcije ne uživaju nikakve druge pogodnosti ili olakšice predlažem ovu mjeru kao doprinos njihovom ostanku i razvijanju bh društva i države. Dajem inicijativu da Vlada osmisli modalitet i predloži ga na usvajanje Skupštini Kantona Sarajevo, te da kao jedan od modaliteta razmotri mogućnost izmjene i dopune Zakona o državnoj službi Kantona Sarajevo u kojoj će ugraditi odredbu prema kojoj prednost u zapošljavanju u javnim subjektima i organima uprave imaju ovi studenti. To bi bila inicijativa. Ja ću je i pismeno mailom poslati.

Dalje imam pitanje evo ili premijeru ili cijeloj Vladi obzirom da ministra zdravstva trenutno nemamo, podnio je ostavku, zanima me zašto je Vlada Kantona Sarajevo daniha nijema na molbu direktora Opće bolnice prof. Dr. Ismeta Gavrankapetanovića da se za potrebe zbrinjavanja pacijenata oboljelih od korona virusa za koje nema prostora u izolatoriju na Podhrastovima omogući korištenje Vaskularne klinike koja je prema informacijama koje smo dobili već godinama pod ključem a u potpunosti je opremljena za prijem pacijenata. Iz medija smo saznali da je KCUS uputio dopis sa oznakom hitno Općoj bolnici da omoguće prostorne kapacitete kojih je sve više dok su iz Opće bolnice uputili zahtjev prema Vladi sa sadržajem koji sam gore već pomenuo. Prema informacijama koje svi imamo molba iz Opće bolnice se ignoriše i ne tretira i zanima me zašto i da li je u planu djelovanje Vlade odnosno resornog ministarstva po ovom pitanju u toku.

I treće moje pitanje bi se odnosilo Vladi, odnosno premijeru i resornom ministru, šta se desilo sa dva Zakona, izmjenama i dopuna Zakona u unutrašnjim poslovima i Zakona o policijskim službenicima, zašto nisu upućeni u proceduru parlamentarnu, odnosno zašto su povučeni sa Vlade, kada svi znamo, radi javne sigurnosti da u Kantonu Sarajevo, prema Pravilniku o

unutrašnjoj organizaciji i sistematizaciji radnih mjesta fali najmanje 320 ili 340 policijskih službenika u MUP-u, tačnije upravi policije. Da ćemo do kraja godine imati odlazak u mirovinu odnosno u penziju oko 100 policijskih službenika i da imamo isto toliko 100 policijskih službenika koji su trenutno invalidi druge kategorije i ne mogu odgovoriti policijskim zahtjevima koji se traže od njih. Dakle, sumarno to je oko 520 ili 540 policijskih službenika koje trenutno nemamo u MUP-u i na ovaj način već odgađamo konkurse i procedure prijema novih 300. Molio bih ovaj odgovor i ko će preuzeti odgovornost za eventualno narušavanje javne sigurnosti u Kantonu Sarajevo. Hvala.

Predsjedavajući.

Vrijeme hvala. Zastupniče Čampara ja bih vas lijepo molio da vašu zastupničku inicijativu za koju tražite da se izjasni Skupština Kantona Sarajevo dostavite sekretaru Skupštine kako bi mogli svih zastupnicima proslijediti i da se o svim izjasnimo.

Poslanik/zastupnik Aljoša Čampara:

Hoću hvala. Hoću.

Predsjedavajući:

Uvaženi zastupnik Nikšić Damir izvolite, imate riječ.

Poslanik/zastupnik Damir Nikšić:

Hvala predsjedavajući. Dakle pokrećem inicijativu da se Skupština Kantona Sarajevo izjasni o tome da,

1. *„Osuđuje svako negiranje genocida, smatrajući sve koji imaju direktno ili indirektno finansijsku političku pomoć, ili političku pomoć i podršku od strane država koje nisu usvojile Rezoluciju o genocidu u Srebrenici nepoželjnim u Kantonu Sarajevo.*
2. *Prekida svaku saradnju sa poslovnim subjektima, bankama, političkim i drugim (nerazumljivo), društvima, medijima i pojedincima koji imaju direktnu ili indirektnu finansijsku ili političku pomoć od strane država koje nisu usvojile Rezoluciju o genocidu u Srebrenici.*
3. *Zahtjeva od parlamentarne Skupštine BIH da po hitnom postupku usvoji Zakon o zabrani negiranja genocida koji bi jasno definisao sankcije za one koji to čine i koji bi definisao sankcije i prekid diplomatskih i Poslovnik odnosa sa državama koje nisu usvojile Rezoluciju o genocidu o Srebrenici sve dok to one učine.*
4. *Zahtjeva da Vijeće ministara BIH potvrdi i objavi zvaničnu listu svih država koje još uvijek nisu usvojile Rezoluciju o genocidu u Srebrenici.*
5. *Zahtjeva da se zakonom o zabrani negiranja, minimiziranju, opravdanju holokausta, genocida i genocida i zločina protiv čovječnosti definiše i zabrana djelovanja poslovnih subjekata, banaka, institucija, političkih i drugih organizacija, društva, pojedinaca i medija, koji su na bilo koji način finansirani i pomagani od strane država koje nisu usvojile Rezoluciju o genocidu u Srebrenici i koji su negatori genocida.*
6. *Poziva Predsjedništvo BIH, sve Skupštine Kantona u FBiH kao entitete Skupštine da se pridruže ovoj inicijativi”.*

Obrazloženje:

Smatram da pozitivnim izjašnjavanjem ovih šest tačaka i pridruživanje ovoj inicijativi, moje kolege zastupnici u ovoj i drugim skupštinama, uključujući i Predsjedništvo BIH kao šefove stranaka vladajuće koalicije, ne samo da imaju priliku na djelu pokazati i izraziti svoje domoljublje i državničko ponašanje već i svoju predanost istinskim ljudskim vrijednostima čime će na adekvatan način odati počast žrtvama genocida u Srebrenici. To je bila inicijativa.

Imam jedno pitanje Sada kada je na snazi “vertikala vlasti”, pitam se da li ova skupština trenutno ima uvid u rad KCUS-a preko svojih članova upravnog i nadzornog odbora i da li je istina da je oko pedeset uposlenika KCUS-a zaraženo koronavirusom? Hvala to je sve.

Predsjedavajući:

Zahvaljujem uvaženi zastupniče Nikšić. Kolega Elvis Vreto je sljedeći. Imate riječ kolega Vreto.

Poslanik/zastupnik Elvis Vreto:

Hvala predsjedavajući. Moje pitanje je u principu postavio već kolega Aljoša Čampara, ja samo želim da naglasim da je komisija za sigurnost prije 15 dana razmatrala isti materijali tražila od Vlade da se izjasni po navedenim zakonima, Zakonu o unutrašnjim poslovima i Zakonu o policijskim službenicima koji su jako neophodni da se donesu usaglašeni, prošli sve procedure, pa me zaista zanima šta se dešava s tim zakonima i kada će biti u proceduri. Eto toliko, hvala predsjedavajući.

Predsjedavajući:

Zahvaljujem uvaženi zastupnik Marjanović Damir. Uvaženi zastupniče Marjanoviću, sačekat ćemo par sekundi da se kolega Marjanović uključi. Možemo dati riječ uvaženom zastupniku Konakoviću, pa kada se uključi Marjanović neka se prijavi pa ćemo mu dati riječ odmah. Izvolite kolega Konakoviću.

Poslanik/zastupnik Elmedin Konaković:

Hvala predsjedavajući. Jel se čujemo, promijenio sam aparat, jel OK? Dakle na mail skupštinski sam dostavio deklaraciju o kojoj tražim da se danas Skupština Kantona Sarajevo izjasni. Odnosi se na imenovanje direktora RAK-a koji je na to mjesto imenovan na poprilično poznat našoj javnosti po negiranju genocida kažnjen više puta od iste RAK-a i zatražili smo od naših predstavnika na nivou državnom da se ponašaju na način da zaštite dignitet svih građana BIH. Da ne čitam Deklaraciju, duga je. Vi je vjerovatno imate u elektronskoj formi, svima sam je poslao. Tako da je to prvi dio mog obraćanja. Drugi dio je inicijativa ministru saobraćaja Adiju Klemu da se podhitno iznađe način da se pomogne sarajevskim taksistima koji su ugroženi i pogođeni, jedna od kategorija koja je zanemarena u svim programima u kojima se aplicira za pomoć od strane države. Oni su dio javnog gradskog prevoza i kao takvi morali bi imati ozbiljniju podršku države s obzirom da su njihovi prometi pali na možda nekih 20% od normalnih prihoda.

Također pokrećem inicijativu prema Ministarstvu zdravstva ZZO, da se HITNO uradi rebalans Zavoda zdravstvenog osiguranja, a koji će pratiti novonastali čini mi se nepropisani, ali ipak novonastali put pacijenta u kojem Opšta bolnica sve veći dio posla a novac i dalje troši KCUS: ustavi gomila ga na svojim računima ni ne troši ga, pa će nam pričati kako je bio pozitivan. A Opšta bolnica s obzirom na sve, veći obim posla nema značajniju podršku ZZO, tako da tražim da Zavod hitno uradi rebalans kako bi se pomoglo Opštoj bolnici koja zaista vrlo dobro radi svoj posao. Odlično radi svoj posao.

I zadnja je upućena Ministarstvu kulture i sporta, resornom ministru Alikadiću koji bi trebao shvatiti ovaj problem. Možda nismo u mogućnosti puno, ali pokrećem inicijativu da Kanton Sarajevo pomogne tuzlanski Mejdan, koji je ovih dana pogođen prirodnom katastrofom, nesrećom poplavom, koji je zaista u teškom stanju, kao bi se što prije revitalizirao. Trebalo bi odvojiti sredstava koliko je moguće ministre Alikadiću apelujem na vas da shvatite potrebu tuzlanskih sportaša da im svi u ovom trenutku pomognemo i upućujem inicijativu da izdvojite dio sredstava i doznačite svojim kolegama. Time završavam, hvala.

Predsjedavajući:

Zahvaljujem uvaženi zastupniče Konakoviću. Da li nam je uvaženi Damir Marjanović prisutan na sjednici? Ako jeste dajem njemu riječ. Nije. Kolegica Bešlija Vildana ima riječ. Izvolite kolegice.

Poslanik/zastupnik Vildana Bešlija:

Hvala predsjedavajući. Ja ću prvo pročitati inicijativu znači za imenovanje Centra za interdisciplinarne postdiplomske studije Univerziteta u Sarajevu i to po našem profesoru Zdravku Grebi. Znači prijedlog je da se „Centar za interdisciplinarne postdiplomske studije Univerziteta u Sarajevu zove – Zdravko Grebo (CIS – Zdravko Grebo. Podnoseći ovu inicijativu da se Centar za interdisciplinarne postdiplomske studije Univerziteta u Sarajevu nazove po njegovom nekadašnjem direktoru Zdravku Grebi želimo da još jedanput iskažemo poštovanje ovoj javnoj ličnosti prvog reda. Omiljenom profesoru Pravnog fakulteta, suosnivaču važnih institucija građanskog društva u BiH, kao što su Otvoreno društvo i Helsinški parlament građana i šefu Informativnog odjeljenja političke uprave ARBiH u prvim mjesecima agresije 1992 godine. Pored toga što je bio prvi i višegodišnji direktor, Zdravko je bio jedan od inicijatora formiranja Centra za interdisciplinarne postdiplomske studije UNSA, jedan od autora koncepta centra kao i više programa koji su se unutar Centra realizirali. A poseban napor je uložio da Centar dobije svoju adresu, da se fizički obezbijedi prostor za realizaciju postdiplomske nastave unutar Kampusa. Da se adaptira neuslovno skladište u prostoru koji će standardom odgovarati savremenima edukacionim zahtjevima. Izvještavajući prije godinu i po o tužnom trenutku kada nas je profesor Zdravko Grebo napustio, pariški Le Mond podsjetio je da je život takvih ličnosti bogat različitim iskustvima, od akademske karijere preko umjetničkih i urbanih poduhvata do medijskih avantura, izuzetno teško sažeti. Na ovaj ugledni svjetski dnevnik ipak se odlučio da se u naslovu istakne jedna činjenica iz života profesora Grebe a to je da on bio moralna figura opsade Sarajeva. Ovom inicijativom želimo da trajno sačuvamo uspomenu na njega i nadam se jednoglasnoj podršci zastupnika i zastupnica. Smatram da nas je profesor Zdravko Grebo, sve, kao društvo, bez obzira na našu političku, ideološku pripadnost zadužio. Također ću samo još spomenuti zaključke, dvije vrste zaključaka koje sam podnijela, neću ih sve čitati, mislim da nema vremena. Zaključci se odnose na Zakon o visokom obrazovanju da se obaveže Ministarstvo da pripremi za narednu sjednicu materijal. I tri zaključka koja se tiču prostornog uređenja, građenja i zaštite šuma na prostorima planina Bjelašnica i Igman, također koji se vezuju za pripremu naredne sjednice. Hvala vam.

Predsjedavajući:

Zahvaljujem uvažena zastupnica Bešlija. Sljedeća je uvažena zastupnica Dizdarević Neira. Izvolite kolegice. Ako je Marjanović spreman poslije kolegice Dizdarević neka se javi.

Poslanik/zastupnik Neira Dizdarević:

Hvala predsjedavajući. Ja za danas imam više pitanja i inicijativa. Pročitat ću samo one na koje ću moliti i usmeni odgovor, s obzirom da na svoje pitanje i inicijative u pisanoj formi nisam dobila odgovor a pitanja su poprilično hitna i imamo veliki broj upita naših građana. Pitanje za Ministarstvo zdravstva kada će KCUS početi pružati zdravstvene usluge pacijentima u punom obimu? Da pojednostavim, kada će dijabetičar koji iz dana u dan uslijed svoje bolesti gubi vid, konačno dobiti injekciju Abastin koju od mjeseca marta ne može da dobije?

Drugo pitanje je za ministra obrazovanja. Nakon zaključenja liste čekanja koji je broj mališana na listama čekanja za upis u vrtiće i da li će se ispuniti obećanje ministra u više navrata na prethodnim sjednicama da ni jedno dijete neće ostati neupisano u vrtiće. Dakle šta je sa subvencijama i da li će se svi naši mališani biti i septembru upisani u vrtiće? Pitanje također za usmeni odgovor ministra Kapidžića da nas izvjesti o radnjama koje Ministarstvo prostornog uređenja, građenja i zaštite okoliša poduzelo u vezi gradnje i nelegalne sječe šume na planini Bjelašnici? Naročito u vezu i obavješćavanja KUIP te molim ujedno za odgovor

bilo od ministra Kapidžića ili ukoliko je pozvan predstavnik KUIP da nas izvijestite kako je moguće da uprkos tome što Regulacioni plan nema Studiju uticaja na okoliš i dalje se gradi na Bjelašnici gdje uopšte ne znamo kakav će to imati uticaj na izvoriste pitke vode Sarajevsko polje, jer Studiju Ministarstvo nije prihvatilo. Isto pitanje kako je moguće da se mjesecima krči šuma a da to niko nije zaustavio? Također ću imati dva prijedloga zaključka. Neću ih čitati sada, zamolit ću vas predsjedavajući da na kraju pročitate moje zaključke, jedan će se odnositi upravo na problem sječe šuma a drugi na prihvatanje ljekarskih uvjerenja od strane sekretara škola za upis prvačića u prve razrede. Radi se o privatnim zdravstvenim ustanovama. Toliko hvala.

Predsjedavajući:

Zahvaljujem uvažena zastupnice Dizdarević. Ja se nadam da ste prosljedili vaše inicijative odnosno prijedlog zaključaka o kojima Skupština treba da se izjasni na mail sekretara Skupštine Kantona Sarajevo i pozivam da svi oni koji imaju prijedlog zaključaka o kojima traži da se izjasni Skupština pošalju na mail, sekretara Skupštine prosljedio mail na grupu na koji trebate prosljediti vaše inicijative i pitanja. Uvaženi zastupnik Marjanović Damir ima riječ. Izvolite kolega.

Poslanik/zastupnik Damir Marjanović:

Hvala predsjedavajući. Zahvaljujem vam se i izvinjavam se što maloprije nisam bio tu. Imao sam između ostalog i razgovor s epidemiološkom službom. Želim na ovaj način da pohvalim njihovu efikasnost i rad. Ja ću biti kratak. Postavljam pitanje Ministarstvu zdravstva, volio bih da idemo korak naprijed, da više ne gledamo šta je bilo nego šta će tek da bude. Možda je neko od mojih kolega postavio već to pitanje, volio bih da čujem procjene Ministarstva zdravstva koliko imamo kapaciteta za testiranje na COVID-a9? Da li smo obezbijedili sve da ne dođe do zagušenja, koliko što se tiče laboratorijskih kapaciteta toliko što se tiče hemikalija dostupne našim laboratorijama. Svi smo svjedoci da kolege s KCUS jako puno rade, i rade i u više smjena, i pohvaljujem njihov rad. Nadam se da Kanton Sarajevo i Ministarstvo zdravstva idu u tom pravcu ne samo da ih rastereti nego da im obezbijedi i njima i drugim laboratorijama potrebne hemikalije., upozoravam da imam iskustva da kada je velika potražnja jako je teško doći do njih na tržištu, tako da bih volio da čujem da li smo spremni za tu opciju? Drugo pitanje ide prema Ministarstvu obrazovanja.s vjesni smo da nam se opet sprema online nastava. Volio bih i sugerirao bih evo neka bude usmena inicijativa, dostavit ću je i pismeno da se u što kraćem roku organizara jedan kratak skup, sastanak ili komunikacija, radno tijelo koje će razmisliti o tome kako kreirati nastavu za osnovnu i srednje škole da se u potpunosti ispoštuju svi epidemiološki standardi ali da se pokuša pronaći načina da iako bude predominantna online nastava da se na osnovu iskustva drugih zemalja na neki način taj sociološki momenat i to druženje dječaka i djevojčica organizira u obezbjeđenim epidemiološkim uvjetima. Siguran sam da naši psiholozi i naši eksperti imaju načina da to urade kako treba. Što se tiče Zakona o visokom obrazovanju, već sam dao jednu sugestiju i stojim kod toga, volio iskoristit ću ovu priliku, a u diskusiji ću to reći, poslao sam već i Ministarstvu i poslao sam vama svima amandmane, postoji opravdani zahtjevi kolega studenata UNSA i drugih univerziteta vezano za izmjene određenih članova Zakona, da im se poveća broj ETCS koje mogu da prenose, da im se omoguće dodatni rokovi u septembru i još nešto što je vjerovatno kolegica Duraković rekla, mislim da bi trebali u ovim hitnim izmjenama Zakona da vodimo računa o tome, stoga i šaljem inicijativu, da ako i budemo išli s ovom hitnom izmjenom Zakona sada da se pripremi za sljedeću sjednicu s opet ovim hitnim izmjenama. Moramo olakšati našim dječacima i djevojčicama da lakše prolaze kroz specifične uvjete. Moramo olakšati kolegicama i kolegama da se snalaze u ovim teškim uvjetima. S tim ide i inicijativa prema Ministarstvu obrazovanja i Vladi da zajedno sa kolegama s Univerziteta i rektorom Škrijeljom maksimalno optimiziraju online sistem, koji mora biti ujednačen na svim fakultetima a siguran sam da će Vlada dati potporu, a znam da kolegice s UNSA znaju

kako to treba da urade. Ove pismene inicijative ću dostaviti, ne tražim na njih izjašnjavanje ali ću dostaviti u toku ovoga dana. Hvala vam velika.

Predsjedavajući:

Zahvaljujem uvaženi zastupnice Marjanović. Kolegica Junuzović-Kaljić Amra ima riječ. Izvolite kolegice.

Poslanik/zastupnik Amra Junuzović-Kaljić:

Prije svega srdačan pozdrav uvažanim kolegama i vama predsjedavajući kao i građanima Kantona Sarajevo. Vrlo ću kratko. Ja sam ove inicijative poslala i pismeno na mail Skupštine, tako da želim samo da upoznam sljedeće. Dvije upućene prema ZZO Kantona Sarajevo, a prva se odnosi na sljedeće: naime, Medit koji je Društvo za konsalting, medicinsku i opštu informatiku d.o.o. Sarajevo, sa sjedištem u Sarajevu, je ovlašteni distributer za medicinske sisteme, servisiranje medicinskih informacionih sistema i njihovu nadogradnju, te ova firma ima ugovor sa ZZO KS za usluge održavanje više modula: AIS, BIS, e-OSA, e-DOKTOR, e-APOTEKA sistema i ostalih modula IS.

U posljednja dva mjeseca međutim dolazi do čestih “padova” navedenih sistema što jako usporava i otežava rad medicinskim timovima. To je jednim dijelom uslovljeno naravno uvođenjem novih modula koji se odnose na COVID pacijente ali isto tako padom tih sistema jako se usporava rad medicinskih timova. Time dovodimo do čekanja, nagomilavanja pacijenata što ni u kojem obliku nije dobro. Radi toga su se uposlenici i menadžment JUDZ KS kao i druge zdravstvene ustanove često obraćali predstavnicima navedene firme. Ja ovim putem ustvari molim Zavod zdravstvenog osiguranja Kantona Sarajevo da u ime građana i medicinskog osoblja kojima je ovaj sistem potreban na dnevnoj bazi kontaktiraju predstavnike društva “Medit” te da se u skladu sa zaključenim ugovorom o održavanju, ovaj sistem unaprijedi i stabilizira.

Druga inicijativa je upućena također ZZO a odnosi se na pitanje tzv papirne odnosno blok recepata. Naime, jako je olakšan rad JUDZ Kantona Sarajevo, medicinskim timovima odnosno ljekarima koji propisuju recepte olakšan je uvođenjem modela elektronskog recepta. Međutim Zavod zdravstvenog osiguranja Kantona Sarajevo je donio odluku da se prestaju izdavati ljekarima koji imaju šifru za propisivanje recepata blok recepti, dakle ti “papirni” recepti. Obzirom da nije prestala potreba za tim papirnim receptima, a posebno u slučajevima evo već navedenih ovih periodičnih “padova” sistema AIS, BIS, e-OSA, e-DOKTOR, e-APOTEKA sistema i ostalih modula IS, ovim putem tražim da se izdavanje ovih blok recepata, papirnih recepata, nastavi kako bi svi građani dobili pravovremenu uslugu. To naravno ne mora biti u velikom obimu ali u svakom slučaju određena količina bi trebala tih papirnih recepta trebala biti dostupna ljekarima popisivačima terapije.

Sljedeća inicijativa se manje više je to pitanje koje upućujem na sljedeći način:

Ispred muzeja “Sarajevo 1878-1918” (Muzej Sarajevskog atentata), je stajalo spomen obilježje “Stope Gavrila Principa”, djelo poznatog umjetnika Voje Dimitrijevića, a koje su uklonjene. Obzirom da ove stope obilježavaju izuzetan historijski momenat, početak Prvog svjetskog rata i taj spomenik je od velikog historijskog a i turističkog značaja, kada je planirano njihovo vraćanje, obzirom da su iste trebale biti vraćene sredinom prošle godine?

Predsjedavajući:

Zahvaljujem uvažena zastupnice Junuzović-Kaljić, sljedeća je dopredsjedavajuća Kristić Danijela.

Dopredsjedavajuća Danijela Kristić:

Zahvaljujem predsjedavajući. Obzirom da se prvi put javljam, pozdravljam sve prisutne i gledaoce kraj malih ekrana. Ja ću imati dva zaključka. Jedan je na tragu što je i kolege zastupnik Čampara postavio u sklopu pitanja. Ja ću ići sa zaključkom i molim da se Skupština o istom izjasni, kojim se obavezuje se Vlada Kantona Sarajevo da stavi na raspolaganje Općoj

bolnici prostor i kapacitete Klinike za Vaskularnu hirurgiju, kako bi se stvorili uslovi za zbrinjavanje i smještaj oboljelih pacijenata od COVID-19. Obrazloženje: upoznati smo s činjenicom da su kapaciteti klinike Podhrastovima skoro popunjeni, na ovaj način bi se rasteretili i pružili zdravstvenu pomoć i zaštitu svim građanima Kantona Sarajevo kojima je potrebna.

Drugi zaključak je da se obavezuje Vlada Kantona Sarajevo resorno Ministarstvo i Skupština Kantona Sarajevo da pripremi zakonski okvir kojim će se onemogućiti apliciranje na javni poziv udruženjima, pravnim licima i fizičkim osobama, koji nisu opravdali utrošak javnih sredstava na proteklim javnim pozivima. Te se obavezuju gore pomenuti javni organi da u svojim javnim pozivima kao eliminirajući kriterij navedu da aplikanti na javni poziv nemaju utvrđen slučaj, da nisu opravdali sredstva po prijašnjim javnim pozivima svih javnih organa u Kantonu Sarajevo. Obrazloženje: samo u prošloj godini nisu opravdana sredstva 78 udruženja iz oblasti sporta i u drugim udruženjima je slična situacija. Sredstva koja dobiju ne utroše namjenski za projekte sa kojima su aplicirali tako da su ta sredstva i ne opravdaju. Praksa takvih udruženja je bila da godinu u kojoj su trebali opravdati sredstva ne apliciraju na javni poziv dok narednu ponovo apliciraju. Na ovaj način ćemo zaustaviti nenamjensko trošenje sredstava budžetskih korisnika, i zloupotrebu odobrenih sredstava kroz javne pozive.

Imam također pitanje za premijera. Na 25. radnoj sjednici smo usvojili zaključak jednoglasno oko ispuštanja otpadnih voda sa visokom koncentracijom arsena i sulfata, pod tačkom 3 zaključka navedeno je da je obaveza Vlade Kantona Sarajevo i gore pomenuti javni organ da u poduzetim radnjama u vezi ovog problema izvještaju Skupštinu Kantona Sarajevo svaku radnu sjednicu o do tada poduzetim radnjama. Obzirom da je to trebalo biti na 26 radnoj sjednici nije bilo, evo sada je i 27. radna sjednica i nije na dnevnom redu, ja bih zamolila premijera da nam kaže kada su planirali da nas informišu o poduzetim radnjama. Da li je to za narednu sjednicu. Također bih podsjetila i na zaključak koji je usvojen na 21. radnoj sjednici, gdje je navedeno da će u roku do 6 mjeseci biti održana tematska sjednica sa stanjem vezano za zaštitnu zonu u Sarajevskom polju. Trenutno je u osmom mjesecu ističe nekako taj rok, i mislim da bi u osmom mjesecu trebala biti ta tematska sjednica pa pitanje premijeru da li se pripremaju za tu sjednicu i da li će biti ispoštovan zaključak i da li će ona biti uopšte u osmom mjesecu? Hvala.

Predsjedavajući:

Zahvaljujem uvažena kolegice dopredsjedavajuća Kristić. Sljedeća je uvažena zastupnica Duraković Jasna. Izvolite.

Poslanik/zastupnik Jasna Duraković:

Zahvaljujem predsjedavajući. Ovako ja sam već poslala i pitanja i amandman, ali nećemo o tome sada, i Deklaraciju koju predlažem na koju evo tražim da se Skupština izjasni, očituje.

Na osnovu člana 121. Poslovnika Skupštine Kantona Sarajevo predlažem da Skupština Kantona Sarajevo donese sljedeću Deklaraciju. Kratka je vrlo, pročitat ću je:

„U teškim trenucima za zdravstvo Kantona Sarajevo, dodatno pogoršanim pandemijom korona virusa, kada nam je zdravstveni sistem devastiran, a svaki zdravstveni radnik potreban, naročito stručnjak koji je svojim dugogodišnjim radom bio na usluzi pacijentu, Skupština Kantona Sarajevo oštro osuđuje kampanju koja se vodi protiv prof. dr. Ismeta Gavrankapetanovića i daje mu punu podršku u njegovoj borbi za dobro pacijenata, te u obnovi i jačanju zdravstvenog sistema Kantona Sarajevo”.

Dakle tražim izjašnjenje po ovoj Deklaraciji. Moja pitanja koja sam pripremila također poslala upućujem Ministarstvu za obrazovanje nauku i mlade, evo ministru Kriviću s kojim sam već u prethodnim razgovorima obavila određene konsultacije. Tako da se neću puno ponavljati, zahvaljujem se na odgovorima, međutim radi potreba javnosti i ljudi koji se javljaju zaista, ja vas moram zamolit da mi date neke kratke usmene odgovore, ako možete. Mene prvo zanima ono što sam postavila ali ću ponoviti ponovo Kada možemo očekivati Nacrt Zakona o visokom obrazovanju da bude pušten i kada ta javna rasprava i kolega

Marjanović je već to lijepo uobličio. Neću ponavljati. Tražim isti taj odgovor ako možete molim vas, kratko po tom osnovu, kada možemo to očekivati da uvrstimo i da sve ove ostale izmjene i dopune o kojima su govorili koje su neophodne i mislim da taj rok ne bi smio biti kraj godine, već nekada septembar, oktobar ako vi smatrate da do tada možete zaista kvalitetno tekst pripremiti sa svim ovim izmjenama i dopunama koje nekako čini mi se moraju biti uvrštene. A i moje drugo pitanje također radi potreba javnosti, prvenstveno nas roditelja, radi potreba Vijeća roditelja Kantona Sarajevo nastavnog osoblja, prosvjetnih radnika i radnica jako je bitno da nam kažete kakav plan i program imate vezano za kompletnu ovu zdravstvenu situaciju koja nam se dešava na žalost koja se ne suzbija nego se širi, i za očekivati je naravno u skladu sa okolnostima da ćemo imati vjerovatno isti problem i u septembru. Kako planirate realizirati nastavu, koje je optimalno rješenje? Evo to me zanima jer sam čula i vi ste mi to i potvrdili da imate neke tri opcije, pa ovisno naravno od situacije koja nas bude zadesila u septembru tako ćete i reagirati. Ali evo zaista vas molim da u kratkim crtama ako možete ministre Kriviću date odgovor radi potreba javnosti i svih onih. Toliko, imam još par pitanja to sam uputila pismeno pa evo tražim pismeni odgovor pošto više nemam vremena.

Predsjedavajući:

Hvala vam. Kolega Zvonko Marić, da li ste spremni? Imate riječ.

Poslanik/zastupnik Zvonko Marić:

Zahvaljujem predsjedavajući. Dakle dame i gospodo, drugarice i drugovi, poštovani građani, ja imam nekoliko inicijativa i pitanja ali ću nastojati da bude što kraće. Prije svega s obzirom na stanje s krizom korona, mislim da su DZ ugroženi i njihova funkcija vitalna, to je prijevozna sredstava odnosno automobili koji se koriste ili kombiji sanitetski za potrebe hitnog reagiranja na terenu itd. Ako želimo da jačamo taj zdravstveni sustav ili sistem, mislim da bi Vlada trebala poduzeti, ovo je moja inicijativa, znam da zahtjeva procjenu finansijsku i da će se Vlada očitovati o tome s obzirom da su moguća finansijska ulaganja kako bi se ta vozila nabavila barem svakom DZ, na području Kantona Sarajevo po jedno vozilo koje bi moglo biti na raspolaganju, pogotovo na najave epidemiologa s obzirom na mogući povratak korona virusa, odnosno korona krize, u jesenjim danima, čak i pogoršanje. I molimo vas ukoliko je moguće da se Vlada očituje o ovoj mojoj inicijativi da se razmotri na najbolji mogući način i onako racionalno i u skladu sa mogućnostima i sredstvima naravno novčanim. Druga stvar pitam također Vladu i premijera, vezano za tržišne centre. S obzirom da u tržišnim centrima radi pretežno ženska radna snaga, taj status je njihov je više primjeren robovlasničkom društvu jer rade po 12 sati, čak i bolesne zaposlenice itd. Bilo je jako puno inicijativa koje su molile da Vlada poduzme bilo kakve mjere ili u smislu inspekcijskog i drugog nadzora nad radom u tim tržišnim centrima jer čak nije kapitalističkom društvu to primjereno nego baš robovlasničkom. Čak i kada donesu bolovanja od nekog ljekara izvan tržišnog centra, jer oni imaju svoje interne ljekare, taj ljekar pobija svaku moguću dijagonozu i prisiljava ih da rade pod tim izuzetno teškim uvjetima. Znamo i kolikom riziku su izloženi. Budući da se govori u posljednje vrijeme, ovo je za ministra Kalema, o infrastrukturnim projektima, molim ga da mi u najkraćem kaže o kakvim projektima i u kojem obimu se rade ti projekti. Koliko je sredstava predviđeno ili osigurano za te infrastrukturne projekte koji godinama nisu pokretani sa mrtve tačke. Zato me zanima budući da u medijima čitamo, šta je to zapravo, kratak jedan osvrt ukoliko je moguće. Da ne bih dalje duljio, ja ću najvjerovatnije priložiti sve moguće svoja pitanja i inicijative koji nije mali broj. I na kraju samo jedno za ministra obrazovanja pitanje. Odnosni se na online nastavu. S obzirom na epidemiološku situaciju, zanima me da li su obje mogućnosti predviđene kada je riječ o online nastavi ili nastavi koja se inače u normalnim uvjetima obavlja? Da li je za obje ili je samo Ministarstvo koncentrisano i fokusirano da radi na unapređenju i kapacitiranju online nastave? Hvala vam puno.

Predsjedavajući:

Hvala vam kolega Marić. Samo nam naglasite o kojim inicijativama trebamo da es izjasnimo kao Skupština i to prosljedite na mail sekretara Skupštine. Kolega Okerić Elvedin. Izvolite.

Poslanik/zastupnik Elvedin Okerić:

Zahvaljujem predsjedavajući. Čujemo li se? Sve srdačno selamim i pozdravljam kao i građane pored malih ekrana. Imam dva pitanja. Prvo pitanje se odnosi na ministara MUP-a Kantona Sarajevo. Javnosti je poznato da je ministar Halebić na sjednici Vlade Kantona Sarajevo 13.07. dostavio 21 amandman zbog čega se praktično odustalo od izmjena i dopuna navedenih zakona. Kako su pojedini mediji prenijeli vi ste se ministre Jusko usprotivili da amandmani budu uvršteni u izmjene i dopune Zakona o unutrašnjim poslovima i Zakona o policijskim službenicima, zbog čega je i prekinuta ta sjednica Vlade Kantona Sarajevo. Ovim se dovode u pitanje procesi unapređenja policijskih službenika i zapošljavanja novih 230 policajaca koji nedostaju po važećoj sistematizaciji i za čije upošljavanje postoji ranije data saglasnost Vlade kao i opšta sigurnost u Kantonu Sarajevo. Zbog čega se naprasito odustalo od izmjena i dopuna Zakona o unutrašnjim poslovima i Zakona o policijskim službenicima koji su bili pripremljeni i usaglašeni sa Upravom policije, sindikatom policije, Komisijom za sigurnost koja je podržala prijedlog, zatim MUP-om, te predstavnicima OHR-a.

Drugo pitanje se odnosi za ministra obrazovanja, gospodina Krivića. S obzirom da postoji nacrt Zakona o visokom obrazovanju koji je usvojila prethodna Vlada Kantona Sarajevo tačnije 23.01.2020.godine na 55 sjednici Vlade Kantona Sarajevo i da i mamo sasvim dovoljno vremena da se provede javna rasprava čak do 30.09.2020 ne znam šta sprječava ministra i resorno Ministarstvo da Zakon spuste u javnu raspravu? Važno je napomenuti i da predstavnici sindikata također izražavaju negodovanje zbog čega nema Zakona o viskom obrazovanju, zato što imaju niz nekih nedostataka koji bi imali da kažu i da kroz javnu raspravu i naravno da unaprijede ovaj jako bitan Zakon. I još jednom podcrtavam tri Zakona na današnjoj sjednici, jedini ovaj Zakon o viskom obrazovanju jedino je za njega usvojen Nacrt Zakona. Hvala prijatno.

Predsjedavajući:

Zahvaljujem uvaženi zastupniče Okerić. Arijana Memić je sljedeća, imate riječ. Izvolite.

Poslanik/zastupnik Arijana Memić:

Zahvaljujem predsjedavajući. Obzirom da se prvi put javljam pozdravljam sve prisutne i gledaoce kraj malih ekrana. Ja za danas imam jednu inicijativu i molit ću da se Skupština izjasni o istoj.

Inicijativa za pokretanje postupka smjene generalne direktorice i kompletnog menadžmenta KCUS te imenovanje v.d. generalnog direktora i privremenog rukovodstva do izbora novog menadžmenta a zbog neadekvatnog organiziranja zdravstvene zaštite stanovništva, tercijarnog i sekundarnog B nivoa u uslovima pandemije. Nepostojanje jasnih planova i procedura za postupanje u uslovima vjerojatnog pogoršanja situacije u vezi sa pandemijom, loše kadrovske politike neprestanog politiziranja zdravstva kao bitne funkcije društva u aktuelnoj situaciji i općeg nezadovoljstva i nesigurnosti stanovništva a koje je izazvano neodgovarajućim radom menadžmenta KC.

Obrazloženje:

Inicijativa se pokreće iz više razloga čiji sadržaji su različiti problemi i devijacije u radu menadžmenta KCUS koji posljedično rezultiraju sve manjim brojem zdravstvenih usluga za stanovništvo: nižim nivoom kvaliteta, zatvorenošću klinika za pacijente, drastičnom neiskorištenošću kapaciteta, lošom koordinacijom sa ostalim nivoima zdravstvene zaštite i zdravstvenim ustanovama te nepovjerenjem stanovništva, odnosno korisnika usluga. Cilj ove inicijative je da se nakon smjene imenuje v.d. rukovodstvo koje će brzim i efikasnim mjerama popraviti stanje u korist bolje zdravstvene zaštite građana, uslovima pandemije. Istovremeno po redovnoj proceduri konkursom imenovalo bi se novo rukovodstvo po kriteriju stručnosti i

neovisnosti od političkih, ličnih i drugih uticaja. Konkretno kao razlozi za inicijative nadalje su neprihvatljivi sljedeći oblici funkcioniranja KC u sistemu zdravstvene zaštite: loše planiranje kapaciteta izolatorija za zbrinjavanje oboljelih od COVID-19. Očigledno je da poduzete mjere menadžmenta nisu stvorile uslove za efikasan odgovor za širenje pandemije. Izolatorij Podhrastovi je već popunjen. Kapaciteti na Građevinskom fakultetu su rasformirani bez ikakve procjene tendencija pandemije. Testiranje se vrši po nejasnim kriterijima, nejasno je stanje raspoloživih zaštitnih sredstava, testova, lijekova i slično. Zatvaranje kapaciteta klinika na KC za sva druga oboljenja osim hitnih intervencija tercijarnog nivoa. Ovakvo izoliranje KC od pacijenata pod izgovorom zaštite od korona virusa u mjeri koja se provodi je neopravdano i već ide na štetu zdravlja pacijenata. Svakodnevna vidljiva praksa ukazuje da je KC uspostavio sporu i neadekvatnu trijažu pacijenata u šatorima na ulazima u krug u lošim uslovima i sa slabom organizacijom protoka ljudi što onemogućava pacijente da dobiju pravovremenu a neophodnu terapiju. Nepristupačnost zdravstvene zaštite građanima. Uočena je taktika prilikom trijaže da se čak ni hitni pacijenti indicirani za hirurške intervencije B nivoa ne primaju na klinike nego šalju u Opću bolnicu bez obzira na hitnost i rizik da se zbog gubitka vremena na transport ugrozi život pacijenta. Kontrola hladne procedure se ne provode a onkološke i druge neodgodive se obavljaju uz velika kašnjenja, smanjen kvalitet i maltretiranje pacijenta. Loš odnos i nepristupačnost. Praksa je pokazala da pacijenti iz Goražda kada nemaju mogućnost liječenja sa teškoćama ulaze na KC na liječenje. Poznat je slučaj trudnice iz Olova koje je sada već na sudu koja je otpuštena s KC zbog toga što je bila korona pozitivna. Ista je uspješno porođena u Zeničkoj bolnici. Još neki slučajevi su neprestano politiziranje funkcije KC i zloupotreba političke pozicije generalne direktorice. Ne sprečavanje i poticanje daljeg odliva stručnog kadra na štetu kvaliteta usluga. Opstrukcija razvoja i osposobljavanja kapaciteta Opće bolnice, neadekvatna zaštita osoblja od virusa, zaštitna oprema nedovoljna. Neuspješnost menadžmenta KC proističe iz činjenice da je u Skupštini Kantona Sarajevo oboren izvještaj o radu i finansijskom poslovanju KC za 2018 godinu. Neću dalje dužiti obzirom da je isteklo vrijeme. Shodno navedenom predlažem da se ova inicijativa usvoji i da se pokrene postupak UO, menadžmenta i generalne direktorice KC. Hvala.

Predsjedavajući:

Zahvaljujem uvažena zastupnice Memić. Kolegica Bilsena Šahman ima riječ.

Poslanik/zastupnik Bilsena Šahman:

Zahvaljujem Mirza. Vidim da dobro izgledaš. Drago mi je da ste se oporavili i ti i kolega Dino i da će naš profesor Marjanović vrlo brzo biti oporavljen i dobro društvo što bi on rekao. Tako pozdravljam sve kolege i naše sugrađane. Imam jednu inicijativu i jedno pitanje.

Inicijativa je da evo svakodnevno smo svjedoci da je ugrožen veliki broj građana i u Ferhadiji i u Vilsonovom i na svim drugim mjestima gdje vlasnici pasa svih rasa, pogotovo onih koji su opasniji i koji mogu nanijeti teške i po život opasne potrebe vode svoje pse bez zaštite, odnosno brnjice, životinje nepredvidivost i brnjicama osigurati zaštita okruženja, pogotovo manje djece, čija prsa i lice su upravo u visini pasa, tako da vezano i za današnju jednu tačku koju imamo za javni red, da molim Ministarstvo unutrašnjih poslova da nađe najbolje rješenje i zakonske okvire kako bi vlasnici pasa poštovali zakone i stavljali brnjice njihovim psima prilikom odlaska vani, gdje ima ljudi. I javni apeli i novčane kazne bi sigurno popravili ovakvu situaciju koja ugrožava sigurnost građana. Moje pitanje na koje tražim usmeni odgovor je od ministra unutrašnjih poslova Juske, koliko dugo postoji kriminalističko obavještajna jedinica MUP-a i da li bi se odrazilo negativno njeno gašenje na rad policije u Kantonu Sarajevo? Hvala.

Predsjedavajući:

Zahvaljujem uvažena kolegice Šahman. Segmedina Srna Bajramović je sljedeća. Izvolite imate riječ.

Poslanik/zastupnik Segmedina Srna Bajramović:

Zahvaljujem predsjedavajući. Pozdravljam sve prisutne. Pa evo ja ću iskoristiti ovo vrijeme zato što osjećam potrebu da kažem da me stid političke neodgovornosti koju pokazujemo kao Skupština. Mislim na početak našeg današnjeg rada, baveći se političkim obračunima dok ljudi strahuu kako će preživjeti do kraja godine i zbog zdravstvene i zbog ekonomske situacije koja se usložnjava. Dakle sve marifetluke, talove, koji imate jednima, drugima ili trećima odnesite u Tužilaštvo, Ured za borbu protiv korupcije, radite šta znate samo prestanite maltretirati ljude koji u nas gledaju, i čekaju da im rješavamo životna pitanja, a mi ih sa ovakvim našim neodgovornim ponašanjem doslovno bacamo u očaj činjenicom da umjesto jasnog upravljanja krizom mi trošimo energiju na ta pa rekla bih, neka arhaična međusobna prepucavanja. Moje prvo zastupničko pitanje odnosi se na sljedeće_:

Članom 15 „Zakona o ublažavanju negativnih ekonomskih posljedica (Službene novine Federacije BiH, broj 28/20)“ propisalo se obavezno zdravstveno osiguranje svim građanima Federacije za vrijeme trajanja stanja nesreće, odnosno istekom tridesetog dana poslije proglašenja prestanka stanja nesreće.

Postavljam pitanje Vladi KS da li su u saradnji sa ZZO KS evidentirali broj osoba koje nisu bile osigurane, a htjeli su konzumirati ovo pravo za vrijeme stanja nesreće. Ukoliko imate navedene podatke, molila bih da mi se u pismenoj formi dostavi koliko osoba je uspjelo iskoristiti ovo pravo, a koliko osoba nije moglo konzumirati ovo pravo i iz kojeg razloga?

OBRAZLOŽENJE:

Zakonom o ublažavanju negativnih ekonomskih posljedica se propisalo obavezno zdravstveno osiguranje za sve građane za vrijeme stanja nesreće i trideset dana od proglašenja okončanja stanja nesreće. Kako posljedice za stanovnike nisu bile samo ekonomske nego i zdravstvene želim da znam da se pravo građana koje im je zagantovano ovim zakonom provodilo. Pogotovo za one ugrožene koji nisu imali zdravstveno osiguranje a koje im je dato ovim zakonom. Uzimajući u obzir dakle i nastalu situaciju kao i otežane uslove rada zdravstvenog sistema u tom periodu, i dalje je potrebno da se nastave druge aktivnosti na pružanju zdravstvenih usluga građanima Federacije Bosne i Hercegovine. Jeste li nešto rekli predsjedavajući?

Predsjedavajući:

Vrijeme je već isteklo, ali ja vas...

Poslanik/zastupnik Segmedina Srna Bajramović:

Iz ovog razloga želim da dobijem uvid u broj primljenih osoba i koje su koristile usluge zdravstvenog sistema na osnovu člana 15. pomenutog zakona, a koliko ih je odbijeno i nije moglo konzumirati pravo na zdravstvenu njegu. I ako mi dopustite jer smatram jako važnim to je nešto o čemu je kolega, znam da sam prekoračila vrijeme i kolega Okerić govorio, zamolila bih uvaženog premijera Nenadića i resornog Juska da li mi kao zastupnici danas možemo dobiti usmeni odgovor u formi neke vrste vaše kratke informacije zašto ne razmatramo reformske zakone izmjene i dopuna Zakona o unutrašnjim poslovima i Zakona o policijskim službenicima. Navedeni reformski zakoni iz ove oblasti su produkt inicijative kao i zaključka Skupštine Kantona Sarajevo detaljno obrazloženje za ovo pitanje dostaviti u pisanoj formi ali insistiram na usmenom odgovoru. Zahvaljujem.

Predsjedavajući:

Zahvaljujem uvažena zastupnice Bajramović Srna. Kolegica Bibija Kerla ima riječ. Izvolite kolegice.

Poslanik/zastupnik Bibija Kerla.

Obzirom da sam se ja danas javljala još samo da poželim našem kolegi Marjanoviću brz oporavak a za ovu dvojicu znam da su već oporavili. Ja za danas imam jedno pitanje za pročitati, ustvari za reći, i jednu inicijativu, a sva ostala pitanja ću dostaviti pismenim putem. S obzirom da smo na 25. sjednici Skupštine Kantona Sarajevo na prijedlog mog kolege Dine Konakovića u ime NiP-a izglasali inicijativu o prekidu ugovora između KJKP ZOI84 i Domoart iz Sarajeva, molim mog kolegu Konakovića ali bez imamo ironije već prijateljski da nam da formu o prekidu ugovora a koji ne bi išao na štetu Kantona Sarajevo odnosno ZOI'84. Obrazloženje: bez obzira na donesenu odluku o prekidu ugovora dobila sam informaciju da Domoart ulaže sredstva u renoviranje objekta a samim tim krši odluku koja je donesena. Molim ministra privrede da mi da odgovor dokle se došlo s ovim slučajem i da li je kontaktirano Pravobranilaštvo prilikom zaključivanja a i prilikom pokušaja prekida ugovora a mog kolegu Konakovića molim za formulu koju sam tražila. Na ovo pitanje tražim usmeni odgovor.

Dalje, za danas imam jednu zastupničku inicijativu. U toj inicijativi me je pretekao moj kolega Elmedin Konaković s obzirom da je i on sportista. Međutim ja ću je ipak iznijeti tako da moje kolege sportisti ipak znaju da mislim na njih. S obzirom da je sportska dvorana Mejdan u zadnjim poplavama koje su zadesile Tuzlu uništen kompletan parket, a i kuglana te ostali prateći objekti, molim ministra Alikadića da u mogućnostima Ministarstva Kantona Sarajevo izdvoji određeni dio sredstava kako bi se renovirala kuglana koja ima jedan od najboljih prostora na Balkanu. Pored kuglane obnova je potrebna i sportskoj dvorani. Moja zahvalnost unaprijed ide ministru u ime svih sportista Tuzle i njihovih simpatizera. Sve ostalo dostavljam pismenim putem. Hvala lijepo.

Predsjedavajući:

Zahvaljujem uvažena zastupnice Kerla. Dopredsjedavajući Handžić Vibor ima riječ. Kolega izvolite.

Poslanik/zastupnik Vibor Handžić:

Zahvaljujem predsjedavajući. Mislim da je kolegica Hodžić prije mene.

Predsjedavajući:

Kolegica Admela Hodžić i Smiljana Viteškić su odustale pa vas ja molim prije nego što krenete da smanjite prijemnik i da nastavite s vašim izlaganjem.

Dopredsjedavajući Vibor Handžić:

Nisam znao te informacije. Dobro, zahvaljujem predsjedavajući. Imam nekoliko pitanja i inicijativa, neke tražim pismene odgovore, neke usmene odgovore. Prvu inicijativu koju sam na nekom od prethodnih Kolegija uputio a evo nije nikada realizovana, pokrećem prema Vladi Kantona Sarajevo i premijeru Nenadiću. Molim vas da na narednoj sjednici Skupštine Kantona Sarajevo pripremite cjelokupnu informaciju o implementaciji Zakona o ublažavanju negativnih ekonomskih posljedica u Kantonu Sarajevo i ponudite zastupnicima u Skupštini na razmatranje kao tačku dnevnog reda.

Druga inicijativa je pokrećem inicijativu prema Ministarstvu saobraćaja da mi u skladu sa Članom 18. stav 5) Uredbe o organiziranju parkiranja, javnim parking površinama, parking zonama, izgradnji novih parkinga i organizaciji jedinstvenog sistema naplate parkiranja, propisuje da broj odobrenih rezervisanih parking mjesta u jednoj parking zoni može biti do 5% od ukupnog broja parking mjesta u toj parking zoni.

Molim vas da mi dostavite detaljnu informaciju o tome koliko je u svakoj zoni rezervisanih parking mjesta u odnosu na njihov ukupan broj, te koliki je taj broj po pojedinim lokacijama?

Imam još nekoliko inicijativa za koje tražim pismeni odgovor prema Ministarstvu privrede i Turističkoj zajednici, ali radi vremena neću ih sada ovdje čitati.

Za sljedeće inicijative tražim usmeni odgovor. Prvo tražim od ministra privrede da mi odgovori na par pitanja. Prošlu sjednicu sam imao inicijativu vezano za javni poziv za subvencioniranje dijela neto plate za mjesec mart i 10 jula sam dobio odgovor da javni poziv za mjesec mart još uvijek nije okončan. S obzirom da ulazimo u mjesec august a radi se mjesecu martu, dakle trećem mjesecu u godini, molim ministra da mi obrazloži u čemu je problem sa realizacijom tog javnog poziva koji je već tri ili četiri puta nadopunjavao. Vezano za ove javne pozive za subvencioniranje dijela minimalne plate za april i maj, molim ministra privrede da mi odgovori da li su sve opštine u skladu sa viješću koja je bila objavljena potpisale sporazum s kantom i izdvojile sredstva jer sam dobio informacije s terena pa me ispravite ako griješim da su određeni privredni subjekti odbijeni za dodjelu sredstava zato što nisu d.o.o. i rečeno im je da taj dio sredstava moraju isplatiti opštine a da neke od njih nisu potpisale taj sporazum i izdvojile sredstava. Dakle imam nekoliko pitanja za Ministarstvo zdravstva. Ministra nema ali molim nekog iz Ministarstva da mi odgovori. Kako izgleda put pacijenta u ovom stanju pandemije odnosno u vrijeme korona krize pacijenta koji nisu zdravstveno osigurani kod ZZO? Da li oni imaju jednak tretman kao osiguranici? Kome se obraćaju kada osjete simptome, gdje se testiraju i ko ih liječi? Pogotovo ove hitne slučajeve i životno ugrožene. Šta se nalazi sa ovim izolatorijem, komentarisala je moja kolegica Arijana Memić, ta se dešava, zašto je rasformiran izolatorij na Građevinskom fakultetu koji je prethodno plaćen čini mi se pola miliona KM a stalno čujemo pritužbe kako je krenulo i kako se situacija razvija nedostajat će kapaciteta u tom kontekstu. I treće pitanje je molim vas da mi dostavite personalno kakav je trenutno sastav kriznog štaba Ministarstva, ja imam onaj prvobitni sastav. Neki su se direktori mijenjali. Molim vas, personalno kako on sada izgleda? Sljedeće pitanje imam dva pitanja za premijera Nenadića direktno, da mi kaže kada će se popuniti nedostajuća odnosno funkcije ministra u dva resora, kada se to planira, s obzirom da su dva od čini mi se četiri najvažnija resora, pogotovo u vremenu u kojem trenutno živimo, ostala bez svojih rukovodioca? I također pitanje direktno njemu kao premijeru, da li je istina da opunomoćenici koji čine Skupštinu TVSA, koje znamo po novoj odluci delegira direktno Vlada, i formira im stavove i ono kako će oni glasati, da nisu usvojili plan poslovanja TVSA za naredne tri godine, što prethodno jeste usvojio Nadzorni odbor i da je na taj način ugroženo funkcionisanje ovog subjekta u narednom periodu pa molim vas ako je to istina da mi obrazložite iz kojeg razloga se to nije desilo i u čemu je problem sa predloženim planom poslovanja? Zahvaljujem.

Predsjedavajući:

Zahvaljujem dopredsjedavajući Handžić, Poturak Dževad je sljedeći. Izvolite kolega Poturak.

Poslanik/zastupnik Dževad Poturak:

Prije svega vas selamim i pozdravljam. Pitanje za ministra obrazovanja jeste da imamo jedan od problema sa kojima su se susreli nastavnici i učenici u Kantonu Sarajevo. Zasigurno je bio način vrednovanja i ocjenjivanja znanja prilikom online nastave. Zanima me ukoliko dođe do strožijih epidemioloških mjera i ponovne realizacije online nastave da li će Ministarstvo nešto poduzeti u cilju poboljšanja i preciznijeg vrednovanja znanja i ocjenjivanja učenika? Drugo pitanje moje je za komesara i ministra policije Kantona Sarajevo. Dobio sam informaciju od građana da se cestama Kantona Sarajevo voze kamioni koji su pretovareni a da policija ne želi ili neće da ih kontroliše. To znači da mi uzalud radimo na obnovi naših puteva kada je pretovar očigledan i na taj način se uništavaju naše ceste. Pitanje glasi i želio bih da se pisanim putem na ovo odgovorio, koliko se ti kamiona prekontroliše, njihova tehnička ispravnost i taj pretovar? Onda gotovo svaki kamion ima minimum 5 kubika pretovara, koliko kamiona prođe samo za jednu noć? Kako je moguće da kamioni s materijalom prolaze kroz centar grada? Kako je uređen saobraćaj kroz grad kada je riječ o ovoj vrsti saobraćaja, tj transporta? Zahvaljujem.

Predsjedavajući:

Zahvaljujem uvaženi zastupniče Poturak. Zastupnik Jakupović Vedran je sljedeći. Izvolite.

Poslanik/zastupnik Vedran Jakupović:

Zahvaljujem predsjedavajući. Imam dvije inicijative. Prva inicijativa bi bila upućena ka Vladi Kantona Sarajevo. I tražit ću da se Skupština izjasni o ovome. Podnosim inicijativu da Skupština Kantona Sarajevo donese zaključak kojim bi se naložilo Vladi Kantona Sarajevo da odmah donese novu odluku o subvencioniranju rješavanja stambenog pitanja mladih te samim tim objavi novi dodatni javni poziv za subvencioniranje stambenog zbrinjavanja mladih koje je raspisalo Ministarstvo prostornog urešenja, građenja i zaštite okoliša, i to na način da se uklone diskriminatorni kriterij iz prethodne odluke objavljena u Službenom listu broj 25/20 koji se odnose na maksimalan iznos vrijednosti stana od 100.000 KM. Ovim novim dodatnim pozivom ili dopunjenim pozivom bi se uklonila diskriminacija prisutna u aktualnom javnom pozivu za subvencioniranje stambenog zbrinjavanja mladih, koje je raspisalo Ministarstvo prostornog uređenja, građenja i zaštite okoliša 03.07. o.g. te isti revidiran na način da se uklone ove diskriminatorni kriteriji. U obrazloženju:

Nakon odgovora na moje pitanje na sjednici Skupštine Kantona Sarajevo, nakon što je ministar informisao javnost da ove godine neće biti javni poziv za stambeno zbrinjavanje mladih, u javnosti je izazvana burna reakcija i razočarenje mladih koji su već izvršili kupovinu stana/kuće kao uslov za prijavu na javni poziv koji se raspisivao prethodnih godina. Nakon reakcija, ministar raspisuje revidiran Javni poziv za subvencioniranje stambenog pitanja kojim isključuje određene grupe mladih ljudi koji se ne mogu prijaviti na isti, s obzirom da je jedan od kriterija i nekretnina do 100.000KM. Uzimajući u obzir cijene kvadrata nekretnina u Kantonu Sarajevo, možemo utvrditi da je vidno ograničena ponuda stanova do 100.000KM a da su to većinom stanovi manji što znači da je došlo do diskriminacije određenog broja mladih. Također, jako interesantno, novost je da mladi neće dobiti grant u iznosu od 10.000KM već će se ovih planiranih 550.000KM koja su obezbijedena podijeliti sa brojem prijave, što znači ukoliko budemo imali veliki broj prijave, sredstva će biti dosta umanjena. I kolege iz Skupštine, posebno kolegica Admela Hodžić, je reagovala prošli put s inicijativom i Skupština je usvojila inicijativu u kojoj se spominjalo ovih 10.000 KM. Ovim potezom, samo podstičemo njihovo razočarenje mladih i podržavamo faktički odluku njihovu da budućnost grade u drugim zemljama. Kompletan tekst inicijative će zastupnici dobiti, naravno ja ću objaviti javno. Tako da iniciram dva zaključka i tražit ću da se Skupština izjasni po ovom pitanju. Primarno da Vlada

Predsjedavajući:

Samo malo brže kolega, već ste pri kraju s vremenom pa evo sam.

Poslanik/zastupnik Vedran Jakupović:

Dobro evo kažem dva su zaključka, ja ću ih proslijediti. Prvi se odnosi na novu odluku, to sam već i rekao u kojoj će se ukloniti ove diskriminatorne odredbe. A drugi je da se naloži Vladi Kantona Sarajevo da odmah obezbijedi dodatna sredstva na budžetskoj stavci koja se odnosi na provođenje aktuelnog javnog poziva. Znači da se osim tih 550.000 doda nova količina novca da bi svi dobili po 10.000 KM.

I druga je inicijativa je za prijem stručnih kadrova, dakle magistara farmacije, farmaceutskih tehničara u JU Apoteke Sarajevo na neodređeno vrijeme obzirom da se konstantno objavljuju javni pozivi konkursi za ovu ekipu stručne ljude za određeno, a istovremeno se za neka radna mjesta, tipa domar, samostalni saradnik za pravne poslove, referent za kontroling, imamo konkurse za ugovore na neodređeno. Znači u vrijeme COVID-a kada su ljudi preopterećeni, posebno govorim o magistrima farmacije i tehničarima, prošle godine je prijem.

Predsjedavajući:

Kolega Jakupoviću zaista moram prekinuti. Evo skratite već ste preko 4 minute ne mogu zaista dopustiti da ide neko preko četiri minute.

Poslanik/zastupnik Vedran Jakupović:

Hvala ići će ovo u proceduru.

Predsjedavajući:

Zahvaljujem uvaženi zastupniče Jakupović. Stojanović Igor je sljedeći, imate riječ kolega ako ste spremni.

Poslanik/zastupnik Igor Stojanović:

Spreman sam. Hvala predsjedavajući. Moja prva inicijativa odnosi se na donošenje zaključka koji se tiče moje inicijative koja je Skupština usvojila 25.02.2020. a radi se o usklađivanju regulacionih planova svih nivoa vlasti u Kantonu Sarajevo radi ograničavanja građenja visokih zgrada. Moj zaključak glasi ovako:

1. *„Zadužuju se Vlada Kantona Sarajevo, odnosno Ministarstvo prostornog uređenja, građenja i zaštite okoliša da za narednu sjednicu Skupštine Kantona Sarajevo pripreme i dostave informaciju o realizaciji Zaključka Skupštine Kantona Sarajevo broj: 01-04-3436-6/20 od 25.02.2020. godine.*
2. *Informacija iz tačke 1. ovog zaključka treba da sadrži sve aktivnosti koje su preduzete od strane nadležnog ministarstva na pripremi Odluke o izmjenama i dopunama Odluke o zaštiti i poboljšanju kvaliteta zraka u Kantonu Sarajevo, kao i aktivnosti nosioca pripreme i izrade planske dokumentacije (Ministarstvo, Grad, općine i Zavod za planiranje razvoja Kantona Sarajevo) u pogledu provođenja zaključaka i preporuka sadržanih u “Studiji o urbanim ventilacionim koridorima i uticaju visokih zgrada”.*

Mislim da je svima jasna moja inicijativa da smo i 25.02. donijeli zaključak da se jednostavno usklade svi regulacioni planovi s obzirom da nam dolaze vrijeme zima u kojima znamo kako Sarajevo slabo diše i s obzirom na COVID koji će nam biti dodatni problem, i ako nastavimo graditi možemo imati dodatne probleme.

Moje naredno pitanje je vezano za gospodina Jeličića, za ministra privrede. Vrlo me konkretno zanima ministre koliki je broj ljudi kojima će Kanton Sarajevo pomoći kroz korona Zakon? Koji je to broj radnika? Koji je to broj firmi? I koliki je tačan iznos novca? Kao i koliko će precizno po čovjeku dobiti svaka firma koja je tražila određeni iznos? Zamolio bih vas ako možete da mi vrlo precizno kažete koje su to cifre. I također, me zanima kada taj novac mogu očekivati vlasnici firmi. Također imam za ministra privrede još jedno pitanje zašto se čeka više od dvije godine da u Ministarstvu privrede Nacrt pravilnika o vodo zaštitnoj zonama se donese? Ja sam ovo pitanje već postavljao dobio sam vrlo površan odgovor iz Ministarstva, zna se hitnost ovog rješavanja. Ako mi može ministar konkretno reći kada će u kojem roku će Nacrt ovaj biti na Vladi i na razmatranju s obzirom da stoji u Ministarstvu privrede već dvije godine. Hvala.

Predsjedavajući:

Zahvaljujem uvaženi zastupniče Stojanović. Još nam se Suljević Samir ostao. Izvolite, imate riječ.

Poslanik/zastupnik Samir Suljević:

Hvala predsjedavajući.

Predsjedavajući:

Samo stišajte, imamo jak eho, možete smanjiti na laptopu zvuk.

Poslanik/zastupnik Samir Suljević:

Evo smanjio sam maksimalno. Hvala predsjedavajući. Pozdravljam sve koji učestvuju u radu današnje sjednice kao i gledaoce kraj malih ekrana. Imam tri zastupnička pitanja. Prvo je upućeno Ministarstvu saobraćaja, odnosno Ministarstvu za obrazovanje, nauku i mlade Kantona Sarajevo odnosno njihovim rukovodiocima ministrima. Naime, da li je moguće uvesti kontrolu zaštitne opreme u javnom prevozu svih a naročito srednjoškolaca? Ovo moram da kažem iz razloga što je veliki broj roditelja, čija djeca koriste javni prevoz insistirala na ovom jer znamo da srednjoškolci uglavnom putuju sredstvima javnog prevoza te zbog gužvi nije moguće držanje fizičke distance. A u vozilima bez obzira na narednu niko ne kontroliše zaštitnu opremu, odnosno maske. Čak i ljudi koji idu na testiranja ili su pozitivni od korone, uglavnom koriste ili taksi prevoz ili javni prevoz, pa je potrebno nešto uraditi po ovom pitanju. Drugo pitanje je za ministra za komunalnu privredu i infrastrukturu Kantona Sarajevo. I odnosi se na jedno možda vama banalno ali vrlo vrlo važno pitanje. Da li je moguće da se vozila KRO Rada koja se koriste za odvoz i dovoz smeća da ne voze u toku špica, odnosno kada ljudi idu na posao i kada se vraćaju s posla jer stvaraju ogromne gužve i zastoje u saobraćaju. I treće pitanje je isto upućeno Ministarstvu komunalne privrede i infrastrukture Kantona Sarajevo kao i direktoru KJKP Pokop, interesuje me u kojoj fazi je izgradnja tehničkih prostorija na gradskom groblju Vlaskovo, odnosno izgradnja obdukcione sale za preminule od zaraznih bolesti? Hvala.

Predsjedavajući:

Zahvaljujem uvaženi zastupniče Suljević. Obzirom da nemamo više pitanja niti inicijativa uvaženih zastupnika u Skupštini Kantona Sarajevo, molim predstavnike Vlade da nam odgovore na postavljena pitanja na koje se tražio usmeni odgovor. Radi stenograma molim da se predstavite.

Amra Isić sekretar Ministarstva zdravstva:

Hvala predsjedavajući. Kao sekretar Ministarstva zdravstva u ovoj situaciji odgovorila bih na postavljena pitanja zastupnika ukoliko mogu dobiti riječ. Sekretar Ministarstva zdravstva, Amra Isić. Lijepo pozdrav svim zastupnicima, zastupnicama, i gledaocima TVSA koji nas danas prate kraj malih ekrana. Na osnovu postavljenih upita i inicijativa krenula bih redoslijedom postavljanja istih, te bih počela sa postavljenim pitanjem uvaženog zastupnika Aljoša Čampare. U vezi sa istim, u predmetu pitanja poštovane i uvažene dopredsjedavajuće Kristić Danijele koje pitanje se odnosilo na popunjenost kapaciteta Izolatorija Podhrastovi KCUS, i postavljenog zahtjeva KC za formiranjem prostora u Općoj bolnici za prijem pacijenata oboljelih od COVID-a zbog prekapacitiranosti koja se očekuje u narednom periodu izolatorija u Podhrastovima te obraćanje po osnovu istog prijedloga od strane v.d. direktora Ismeta Gavrankapetanovića, prof. Dr. Za stavljanje u funkciju objekta Klinike za vaskularnu hirurgiju KCUS. Znači reosrno Ministarstvo je 17.07. zaprimio zahtjev od KC za formiranjem prostora u Općoj bolnici za prijem pacijenata oboljelih od COVID a osnovom kojeg zahtjeva je 23.07. Opća bolnica predložila da se za iste potrebe stavi objekat Klinike vaskularne hirurgije KCUS. Postupajući po oba zahtjeva od KC i od Opće bolnice resorno Ministarstvo se obratilo na nadležno postupanje Federalnom Ministarstvu zdravstva i Vladi FBiH također, obzirom da su oni titulari imovinskog prava objekata KCUS. U postavljenom upitu traženo da se predmetni objekat Vaskularne hirurgije KCUS razmotri sa mogućnošću davanja na privremeno korištenje Vladi Kantona Sarajevo a do momenta stavljanja u funkciju izolatorija odnosno objekta Armijske garnizonske ambulate u prostoru Opće bolnice Abdulah Nakaš koji je u fazi trenutne adaptacije i rekonstrukcije i koji će se koristiti trajno za potrebe izolatorija u budućnosti Kantona Sarajevo. Ja se nadam da smo sa ovim dali adekvatan odgovor. A o svim naravno budućim aktivnostima po pitanju istog blagovremeno ćemo

obavijestiti i javnost i sve zainteresovane. Što se tiče drugog pitanja postavljenog od uvaženog zastupnika gospodina Elmedina Konakovića u dijelu postavljene inicijative rebalansa budžeta ZZO a koji se smatra opravdanim od strane uvaženog zastupnika zbog uspostavljenog sistema regulisanja pružanja zdravstvene zaštite primarnog, sekundarnog i tercijarnog nivoa kojim je stavljen u pogon 24/7 rad Urgentnog centra u Općoj bolnici „Prim.dr. Abdulah Nakaš“, mogu reći da će svakako inicijativa biti prosljeđena na nadležno postupanje ZZO Kantona Sarajevo. U dijelu postavljenog pitanja zastupničkog od uvažene zastupnice Dizdarević Neire, koliko sam mogla da evidentiram pitanje se odnosi kada će KCUS pružati usluge u punom kapacitetu prvenstveno u dijelu hemodijaliznih pacijenata i da li su zaista ima obezbijeđen lijek Avastin? Mogu reći da je postavljeno pitanje iz nadležnosti Federalnog Ministarstva zdravstva obzirom da se hemodijalizni pacijenti i samo liječenje ovim lijekom vršu putem liste lijekova Federalnog fonda solidarnosti a samim tim u nadležnosti i ingerenciji Federalnog Ministarstva zdravstva. Uvaženi zastupnik Marjanović Damir pitao je koliko imamo trenutno kapaciteta za testiranje na COVID -19 te hemikalija dostupnih laboratorijima koje vrše analizu na COVID. Ne znam koliko bih mogla u ovom momentu dati tačan odgovor ali mogu reći da se u dijelu ovog postavljenog pitanja na koje ćemo i razmatrati raspoložive kapacitete možemo očitovati kao resorno Ministarstvo da smo po pozivu Federalnog Ministarstva zdravstva koji je upućen na federalnom nivou svim privatnim laboratorijima za mikrobiologiju kao kantonalno resorno ministarstvo isti poziv uputili privatnim laboratorijima za mikrobiologiju registriranim odnosno otvorenim od strane resornog Ministarstva zdravstva da popune zahtjeve za certificiranje svojih laboratorija ka Federalnom Ministarstvu zdravstva a u svrhu vršenja testiranja na COVID-19 u budućnosti. Također po istom osnovu sve zdravstvene ustanove su iskazale svoje potrebe za naredni period od šest mjeseci u dijelu svih zdravstvenih potreba kao što su, misli se prvenstveno na medicinska sredstva, pomagala opremu, tako da u tom nekom narednom periodu zasigurno će biti obezbijeđene sve potrebe zdravstvenih ustanova i laboratorija također u skladu sa sredstvima UNDP kao i samim mogućnostima u skladu sa zakonom o javnim nabavkama ustanova i postupaka koje će provoditi. U dijelu postavljenog zastupničkog pitanja uvažene zastupnice Jasne Duraković u kojem je zastupnica iznijela da je tražila izjašnjenje po upućenoj deklaraciji podrške prof.dr. Ismetu Gavrankapetanović isti odgovor Ministarstvo će uputiti u pismenoj formi nakon što provede sve prateće radnje po dobijanju istog u odnosu na zdravstvene ustanove. Uvažena zastupnica Segmedina Srna Bajramović je postavila pitanje ZZO a to je koliko je iskorišteno pravo na pružanje zdravstvenih usluga u vrijeme važenja Zakona o ublažavanju negativnih ekonomskih posljedica licima koja nisu imala riješeno zdravstveno osiguranje i pravo na zdravstvenu njegu. Znači po ovom pitanju bez obzira da li se radi o COVID situaciji ili ne, svi građani Kantona Sarajevo ostvaruju pravo na zdravstveno osiguranje i na zdravstvenu njegu. Ko snosi i ko refundira troškove za liječenje ovakvih osiguranika koji nemaju ustvari riješeno zdravstveno osiguranje to je pravno pitanje i svakako ćemo ga uputiti stručnim licima ZZO i uvaženoj zastupnici odgovoriti pismeno. Zatim imali smo pitanje uvaženog zastupnika Handžić Vibora, koji je postavio upit kako izgleda put pacijenta u COVID-u građana bez zdravstvenog osiguranja u Kantonu Sarajevo. Nastavno na prethodno on izgleda apsolutno isto kao i put pacijenta tzv i svih osiguranih lica a to je ustvari taj način pružanja zdravstvene usluge primarnog, sekundarnog i tercijarnog nivoa. Znači nema nikakve razlike niti se ikada i pravila razlika. Drugo pitanje koje je postavio uvaženi zastupnik jeste šta je sa izolatorijem na Građevinskom fakultetu. Znači izolatorij na Građevinskom fakultetu je bio uspostavljen za vrijeme trajanja stanja nesreće i ukidanjem stanja nesreće zaključkom Federalnog Ministarstva zdravstva samim tim je i pravni osnov za uspostavljanje takvog izolatorija prestao da važi. Također uvaženi zastupnik je pitao kakav je trenutno sastav Kriznog štaba Ministarstva zdravstva. Znači od 14.07 2020 ministar je formirao Krizni štab u novom sastavu i taj sastav čini 14 predstavnika, ja lično mogu pročitati imena ali da ne bi smo sada znači ne znam koliko treba da oduzimam vrijeme, znači evo predstavnike tog Kriznog štaba to nije nikakva tajna i nema razloga da to i ne podlijemo sa građanima. Predsjednik je gđa Aida Pilav, prof.dr. medicine, koja je i u ranijem sazivu kriznog štaba imala istu funkciju. Član

kriznog štaba je uvažena prof.dr. Mirsada Hukić, specijalista mikrobiologije i član Akademije nauka BiH, zatim ispred Opće bolnice „Prim.dr. Abdualh Nakaš“- prof. Dr. Ismet Gavrankapetanović, v.d.direktor JU Opća bolnica „Prim.dr.Abdulah Nakaš“, zatim prim. dr. Amra Junuzović ispred Skupštine Kantona Sarajevo, doc.dr. specijalista Rusmir Baljić specijalista infektolog ispred KCUS, primarijus dr. Muhamed Ahmić generalni direktor JU DZKS, magistar dr. Adem Zalihić direktor JU ZHMP Kantona Sarajevo, dr. Anisa Bajramović specijalista epidemiolog ispred JU Zavod za javno zdravstvo Kantona Sarajevo, Izet Smajić sanitarni inspektor ispred KUIP, također član, dr. Alma Kadić pomoćnica ministra ispred Ministarstva zdravstva Kantona Sarajevo, Alen Katović diplomirani pravnik pomoćnik ispred Ministarstva zdravstva, Kemal Beganović kao vanjski saradnik također ispred Ministarstva Kantona Sarajevo, Amra Isić diplomirani pravnik sekretar ministarstva Kantona Sarajevo, i gđa Azra Đozo ispred Službe za protokol i press Vlade Kantona Sarajevo diplomirani žurnalista. Ja se nadam da u ovom dijelu nema ništa što nismo odgovorili.a sve dodatno možemo i pismeno. Također ja imam samo još jedno pitanje koliko sam pratila i evo uspjela zapisati od uvaženog zastupnika Samira Suljevića, a to je pitanje koje je bilo vezano za umrle od COVID. Ja ne znam korektno jer je bilo kratko i prekinuto kao i pitanje prethodnog uvaženog zastupnika Vedrana oko upošljavanja kadrova na određeno, neodređeno JU Apoteke Sarajevo, gdje bih ja zamolila uistinu ako može da se ponovi i da odgovorimo konkretno u JU Apoteke Sarajevo se u nadležnosti kadrovske politike što se tiče rukovodnih i upravljačkih struktura ustanove. Tako da resorno ministarstvo vjeruje u tom dijelu ne preduzima nikakve niti radnje niti ima ikakvo nadležno postupanje. A što se tiče oko umrlih COVID počela su, to ste mogli i medijski propatiti , počele su obdukcije umrlih lica od COVID tako da konkretno možemo odgovoriti na sve što bude bilo potrebno u nekom narednom periodu na upite ustanovama i ostalo. Ja se uistinu zahvaljujem i evo tu sam na raspolaganju za ovo vrijeme dok traje Skupština a i poslije.

Predsjedavajući:

Zahvaljujem sekretaru Ministarstva zdravstva. Premijeru ko nam je sljedeći za usmene odgovore neka se prijavi i neka krene sa odgovorima. Čujemo mi vas, samo mikrofoniju imate. Pa evo radi stenograma predstavite se i možete.

Ministar Ismir Jusko:

Zahvaljujem se. Ismir Jusko, ministar unutrašnjih poslova. Odgovore na zastupnička pitanja gospodina i zastupnika Čampare i Vrete, Okerića i zastupnice Šahman. Mislim da možemo objediniti odgovore zastupnika Čampare, Vrete i Okerića u jedan. Budite uvjereni da sigurno i meni i mojim kolega je možda bilo najviše u interesu da predloženi zakoni budu na današnjoj sjednici, međutim kao što sami znate nije bilo dovoljno vremena da 21 amandman koji smo dobili u tako kratkom vremenskom periodu razmotrimo i ugradimo u taj Zakon. Bili smo također uvjereni da to ne bi bili samo ti amandmani da bi kap što smo već imali najavu i drugi zastupnici predložili određene amandmane a htjeli smo da to ide hitnim postupkom zbog urgentnosti kada je u pitanju zapošljavanje 320 pripadnika i pripadnica Uprave policije. Došlo je do toga da se nismo mogli usaglasiti po pitanju nekoliko bitnih stavki. Kao što je već javnost informisana jedan od amandmana je bio da se van snage se stavi kriminalističko obavještajna jedinica koja je u Sektoru kriminalističke policije. Nismo mogli naći zajedničku riječ po tom pitanju, jer evo,ujedno i odgovor mi zastupnici Šahman da Kriminalističko obavještajna jedinica u okviru Uprave policije egzistira 21 godinu, da je za to vrijeme dobila podršku i od IPF, EUPM, EUFOR , OHR; Američke ambasade, britanske ambasade i mnogih drugih, da su upravo uposlenici kriminalističko obavještajni jedinice prošli mnoge edukacije koje su obile u organizaciji navedenih organizacija, također u vašem pitanju zastupnice Šahman pitali ste da li bi se negativno odrazilo na rad uprave policije. Pa odgovorno tvrdimo da bi. Ovo nije samo komentar ministra unutrašnjih poslova nego struke da kriminalističko obavještajna jedinica sigurno i te kako ima svakodnevno veliki doprinos u radu uprave

policije po pitanju mnogo toga. Kada bi sada krenuli davati odgovore po tom pitanju vjerovatno bih izašao iz okvira vremena koji mi je dozvoljen da dam odgovore u ovom momentu. Sumirano, dogovoreno je da 05 septembra bude organizovana sjednica Skupštine i da tog momenta usaglasimo sve nespornosti i ja insistiram da do tog momenta struka sjedne za sto i razgovara o ovim pitanjima. I dalje smo stava da struka treba da donese odluku po ovom pitanju. I dalje smo stava da Međunarodna zajednica i međunarodni partneri trebaju da budu prisutni ovdje nikome nije u interesu da saradnju koju u ovom momentu imaju prije svega uprava policije i Ministarstvo unutrašnjih poslova i obavještajno sigurnosna agencija koji su odlične, saradnja do ovog momenta je bila više nego odlična, da bacamo sjenu na naš rad dosadašnji. Ja sam stava da trebamo da sjednemo da razgovaramo, ja ću insistirati na tome da Komisija za sigurnost Kantona Sarajevo također uzme svoju participaciju u svemu ovome. Ono čega nemamo u ovom momentu je vrijeme, ali dobili smo 30 i nešto dana da usaglasimo stavove i da zajednički nađemo rješenje za ovaj Zakon. Kao što je to i naveo zastupnik Okerić 320 ljudi u ovom momentu nedostaje Upravi policije. U aprilu mjesecu iduće godine i do tog momenta mnogo će otići u penziju. Znači definitivno kao što sam pomenuo resurs koji nemamo je vrijeme i što hitnije moramo krenuti sa zapošljavanjem novih ljudi. Sumirano 05 septembra je sjednica Skupštine, do toga momenta bit će zakazano nekoliko sastanaka. Ja ću insistirati na tome da krenemo što prije sa njima. I da dođemo do zajedničkog rješenja. Ja se zahvaljujem.

Predsjedavajući:

Zahvaljujem ministre Jusko. Da li još neko ima usmeni odgovor? Izvolite uvaženi ministre Draško Jeličić.

Ministar Draško Jeličić:

Ja sam imao nekoliko konkretnih pitanja pa bih želio da ih konkretno, usmeno odgovorim na ta pitanja. Najprije pitanje cijenjenog zastupnika Handžića Vibora odnosi se na javni poziv za isplatu plaća za mjesec mart. Kao što vam je poznato, Vlada je čim je proglašena pandemija korona virusa da se formira podračun, odnosno dio budžeta da se izdvoji za isplatu mjesečnih plata za mart. I mi smo bili prvi Kanton i jedini, koliko je meni poznato da smo isplatili minimalnu platu do visine od 406 KM i to zavisno od broja dana koliko je bio obustavljen rad u mjesecu martu i to je prijavilo se 2841 poslovni subjekat i isplaćeno je ukupno 1.531.000 KM. Sredstva koja nisu isplaćena za mjesec mart odnose se na one prijave koje su imale određenih nedostataka pa smo i po javnom pozivu tražili ponovo da se dostave ti podaci. Međutim tada je došlo do rebalansa budžeta u kojem smo planirana sredstva planirali iz sredstava MMF-a. Svima vam je jasno zašto do sada još nije isplaćeno jer sredstva iz MMF još uvijek stoje u Centralnoj banci. Što se tiče drugog konkretnog pitanja odnosi se na javni poziv za april i maj, a to se tiče a to je slično pitanje je postavio i cijenjeni zastupnik Igor Stojanović. Znači ovakva je situacija. Znači što se tiče Kantona Sarajevo postavljeni su kriteriji koji su objavljeni u javnom pozivu. Znači firme koje su imale pad prometa od 40 do 70% po zaposlenom radniku dobit će po 203, polovinu minimalne mjesečne plate, a firme koje su imale pad prometa od 70% i više dobit će po cijelu mjesečnu minimalnu platu od 406 KM. Što se tiče mjeseca aprila, za ovu platu od 203 marke ima 446 privrednih subjekata, to je ukupno 4.295 zaposlenih ili 871.885. što se tiče pada prometa od 70 i više %, to je 1405 privrednih subjekata ili 7.915 odnosno ukupno 3.213.490 KM. Što se tiče mjeseca maja, tu se radi o padu prometa između 40 i 70 to je 478 poslovnih subjekata sa ukupno 5.030 zaposlenih u iznosu od 1.021.090. a što se tiče firmi koje su imale pad preko 70% radi se o 1.069 poslovnih subjekata, odnosno 5.901 radnik, što je ukupno 2.395.806 KM. Dalje, što se tiče pitanja koje su cijenjeni zastupnici postavili a odnosi ne općine. Sa Kantona Sarajevo potpisale su općine izuzev Starog Grada. Potpisale su sporazum kojim će isplatiti plaće za mjesec april i maj ali za one privredne subjekte koji su svoju registraciju obavili u tim općinama. Sve općine koje su potpisale sporazum izuzev općine Novo Sarajevo gdje je u toku izrada javnog poziva, objavile su javni poziv i prema podacima koje su danas ažurirani broj

subjekata koji su imali u aprilu mjesecu pad prometa od 40 do 70% to su ukupno 92 privredne subjekta sa 282 zaposlena. Ili 57246. Pad prometa od 70 do 100% je ukupno 770 privrednih subjekata sa 1993 zaposlena ili 809.000 KM: a paušalci tzv koji nemaju registrirane promete, nemaju fiskalne kase, ukupno im je utvrđena iznos od 50%. Znači 203 marke njih je prijavljeno za mjesec april po općinama 885 odnosno 929 privrednih subjekata sa ukupno 188.587 maraka. Što se tiče maja mjeseca ovi privredni subjekti koji su imali izražene padove od 40 do 70% to je 128 subjekta ili 328 radnika sa ukupno 66548 KM. Pad prometa veći od 70% 154 privredna subjekta. Sa 407 zaposlenih. To je 165242 i paušalni utvrđeni iznosi to je 494 privredna subjekta sa 523 radnika ukupno 106.169 KM. To su precizni brožčani podaci koje ćemo objaviti u službenom listu sa listama svih koji su participirali po javnom pozivu i dobili poticaj, kao i listu onih koji nisu dobili poticaje sa razlogom zašto te poticaje nisu dobili jer kod nekih je očigledno nedostatak dokumenata koji su potrebni da bi se uključili u ovu isplatu plata a sve ovisi o tome kada će se završiti rebalans jer mi smo sada planirali da više nemamo strijeljanja da čekamo od Vlade FBiH predviđena sredstva od MMF nego smo u ovome rebalansu koji će biti danas na razmatranju planirani da ovim privrednim subjektima isplatimo plaće za navedene periode kako bi smo malo rasteretili privredu i kako bi smo odmah krenuli u dalje aktivnosti oko preraspodjele sredstava jer kada se ova sredstva koja su planirana za pomoć privredi a to je naša mjera u programu M1, a to je planirano 20 miliona, kada se zbroje sva ova sredstva koja smo planirali za mjesec mart, april i maj su negdje oko 10 miliona. S tim što smo mi u planu stavili da bi to trebalo biti 12 ne računajući da će nam se općine pridružiti ovoj aktivnosti. Sada kako su se općine pridružile to je ispalo negdje oko 10. Prema tome, oko 10 miliona KM će preostati planiranih koje ćemo po proceduri koju smo usvojili na sjednicama Vlade, odnosno na koordinacionom tijelu isplanirat ćemo na koji će se način ta sredstva dodijeliti privrednicima, odnosno koje su privredne grane doživjele najveći pad pa ćemo se na taj način pokušati ova sredstva plasirati privrednicima. Što se tieč konkretnog pitanja cijenjenog zastupnika Igora Stojanovića a odnosi se na Pravilnik o vodama. Komisija stručna u kojoj su i uvaženi profesori sa Građevinskog fakulteta pripremila je odluku koja će biti prezentirana Vladi. Vlada će se odrediti po toj odluci izmijenjenoj ili formi kako je Komisija predložila, i dat će Skupštini na razmatranje ovu odluku, s tim što moram napomenuti da se ovdje relativno kasnilo iz razloga COVID-a, tako da nismo bili u situaciji da cijenjene profesore i ove članove komisije u periodu pandemije iskupimo da bi se ovaj materijal završio u kraćem roku. Nadam se da sam odgovorio na sva pitanja na koja ste insistirali da se odgovori usmeno, na ostala pitanja ćemo odgovarati pismeno. Hvala lijepo.

Predsjedavajući:

Zahvaljujemo ministre Jeličiću. Imamo li još nekoga za usmeni odgovor.

Ministrica Mersa Kustura:

Mersa Kustura ministrica pravde i uprave Kantona Sarajevo. Želim da pozdravim cijenjenog predsjedavajućeg i sve zastupnice i zastupnike u Skupštini Kantona Sarajevo i gledaoce TVSA. Cijenjeni zastupnik Vibor Handžić postavio je pitanje doduše premijeru Kantona Sarajevo vezan za resor koji Ministarstvu pravde i uprave a to je TVSA. Pitanje se odnosilo na sljedeće da li ej Skupština preduzeća TVSA postupila tako da nije usvojila plan poslovanja za 2020 do 2022 godine i da li će to ugroziti poslovanje TVSA? TVSA nema plan poslovanja evo već je august mjesec, evo njen rad nije ni do danas ugrožen, ali što se tiče odluka Skupštine preduzeća ja sam dužna da vas obavijestim da je Vlada Kantona na svojoj sjednici donijela uputu, i to je sjednica 23.07 obaveznu uputu za učešće o radu i odlučivanju na Skupštini JP TVSA doo Sarajevo, na toj sjednici Skupštine Kantona između ostalih bila je i tačka dnevnog reda razmatranje plana poslovanja JP TVSA doo Sarajevo za period 2020-2022 godina. Sa prijedlogom Odluke i Vlada je u skladu sa Odlukom o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo donijela uputu za ovu tačku dnevnog reda, onako kako slijedi:

Da su punomoćnici dužnici prilikom odlučivanja da postupe savjesno, sa pažnjom dobrog privrednika i u skladu sa razumnom prosudbom najboljeg interesa Kantona Sarajevo kao osnivača. U skladu sa naprijed pomenutom Uredbom resorno Ministarstvo očekuje i povratnu informaciju od punomoćnika Skupštine, odnosno od JP koji su dužni pismeno obavijestiti u roku od tri dana od dana održavanja skupštine putem resornog Ministarstva svoje donesene odluke u cilju praćenja odlučivanja i po potrebi Vlada odnosno resorno ministarstvo će ispoštovati član 4 navedene Uredbe. Hvala.

Predsjedavajući:

Zahvaljujem uvažena ministrice. Ima li još ministara ili neko da bi odgovorio? Imamo ministra Krivića izvolite.

Ministar Anis Krivić:

Poštovanje predsjedavajući da li se čujemo?

Poštovanje dobar dan, Anis Krivić Ministarstvo za obrazovanje, nauku i mlade. Sve srdačno pozdravljam. Veliki pozdrav za građane Kantona Sarajevo koji nas prate. Krenut ću redom da odgovoram na pitanja cijenjenih zastupnika. Hvala vam na postavljenim pitanjima iz oblasti obrazovanja. Prvo pitanje bilo je upućeno od uvažene zastupnice Dizdarević Neire. Pitanje je bilo u vezi liste čekanja koji je broj djece na listi čekanja, šta je sa subvencijama i zahtijevala je odgovor usmeno. Dakle nakon prvog upisnog roka u JU Djeca Sarajeva imamo 1446 djece na listi čekanja. Na pitanje kada će biti raspisan drugi krug za upis djece JU će sutra u 18 sati odlučivati da li će raspisivati drugi upisni rok i da li ima potrebe za njim. Naravno kada donesu takvu odluku blagovremeno će javnost biti obaviještena. Želio bih istaći i ispraviti vaš navod uvažene zastupnice kada ste rekli da sam izjavio da ni jedno dijete neće ostati neupisano u vrtiće. Ja sam dana 11.06.2020 godine izjavio da ni jedno dijete neće ostati neupisano u prvi razred osnovne škole. I pri otme nisam mislio na predškolske ustanove. Ali budući da sada govorimo o listi čekanja i i upisu u predškolske ustanove želio bih da odgovorim na način tako što bih prokomentarisao odluku od prošle godine i na način rješavanja zbrinjavanja liste čekanja u prošloj godini. Subvencija je plaćana za 420 djece i za propalu godinu isplaćeno je 776.300 KM. To izađe mjesečno oko 84.000 KM. Ukoliko bi smo listu čekanja tretirali na isti način koja je nastala ovim javnim pozivom iz ove godine onda bi takva računica izašla da bi Kanton Sarajevo plaćao subvenciju u mjesečnom iznosu od 289.200 KM. Odnosno 2,8 miliona za nekih 10 mjeseci. Stvorena je jedna da kažem situacija iz koje treba izaći mudro. Prošle godine način rješavanja liste čekanja je bio brz i razuman, bi o je vrlo koristan. Ali ove godine očigledno je da su roditelji iz privatnih vrtića svoju djecu ispisali ili ih nisu ispisali, ali su se većinom svi upisali u JU. To je rezultat nejednakog tretmana djece koja su pohađala privatne predškolske ustanove tako da ove godine imamo uvećan broj djece na listi čekanja, drastično, odnosno za cca 1000 djece više. Šta ja imam namjeru učiniti po tom pitanju. Budući da se očigledno ovi brojevi ne mogu odnositi na zbrinjavanje liste čekanja, sasvim je jasno da ovu pojavu treba zvati svojim imenom i vrlo je očigledno da roditelji čija djeca pohađaju privatne vrtiće nisu upisali djecu u JU Djeca Sarajeva sa ciljem da djeca pohađaju javnu ustanovu već kako bi ostvarili subvenciju. Tako da je potrebno po okončanju i po utvrđivanju konačne liste čekanja ja ću se zajedno sa Ministarstvom odrediti na koji način ćemo se odnositi prema ovom pitanju. Sasvim je jasno da imam namjeru to učiniti na isti način kako je to učinjeno i prošle godine. Dakle, prošle godine je formirana komisija, ja to također imam namjeru uraditi. Bit će sastavljena od predstavnika Ministarstva finansija, obrazovanja, Ministarstva socijale. Također smatram da bi bilo potrebno pozvati i predstavnike privatnih predškolskih ustanova. U ovom trenutku prema listi čekanja koja nam je sada već indikativna, imamo indikaciju da će biti drastično veća, postavlja se pitanje da li Kanton može na način kako je to do sada bilo riješeno uopšte plaćati takvu subvenciju. Također, postavlja se jedno logično pitanje a to je da li je uopšte pametno plaćati subvenciju u ovom iznosu ili graditi vrtiće gdje bi onda JU preuzimala svu djecu sa liste čekanja. Također mislim da je jako važno spomenuti da ove godine će se kapaciteti JU

Djeca Sarajeva proširiti i s početkom nove školske godine imat ćemo proširene kapacitete. Tek tada mi ćemo znati u suštini i praktično koliki je taj broj djece koja su na listi čekanja. Ukoliko bude nezadovoljstvo odgovorom ja bih molio da ostavite mi prostor da vam svakako se odgovori pismeno. Nadalje, uvaženi zastupnik Marjanović imao je više inicijativa. Svakako pozdravljam inicijative iz oblasti obrazovanja. Jedno od pitanja je bilo da li bi se mogao inicirati sastanak sa svim uključenim u sistem realizacije online nastave. Ja bih evo, ne bih dužio po ovom pitanju samo bih kratko izjavio da smo mi od samog početka pandemije uključeni u komunikaciju sa predstavnicima roditelja, sa akademskom zajednicom, sa direktorima škola, nastavnicima, školskim administratorima, psiholozima, pedagozima i da smo tokom cijele pandemije imali s njima dobru saradnju kako bi smo mogli online nastavu učiniti održivom. Ono što uvaženi zastupnik Marjanović ovdje nije naveo jeste da li se ovo pitanje odnosi isključivo na visoko obrazovanje ili ne. Ukoliko se odnosi na visoko obrazovanje, apsolutno podržavam ovu inicijativu i ovo pitanje ću shvatiti kao prijedlog da se inicira sastanak što ću svakako i učiniti. Hvala vam. Uvažena zastupnica Duraković postavila je pitanje vrlo slično uvaženom zastupniku Okeriću. A odnosi se na Zakon o visokom obrazovanju, odnosno kada će Zakon o visokom obrazovanju biti upućen Skupštini na razmatranje. A uvaženi zastupnik Okerić pitao je šta sprječava ministra da spusti Zakon, odnosno da ga uputi Skupštini u daljnju proceduru. Niko od nas nije birao da li će se pandemija pojaviti, da li će nas spriječiti u nekim redovnim poslovima i u aprilu mi nismo razgovarali na ovu temu. U aprilu se nismo bavili redovnim poslovima nego smo se bavili onim urgentnim pitanjima koja su se odnosila na realizaciju nastave. Na pitanje koje se logično postavlja, a to je da je nacrt Zakona spreman i da ga je potrebno samo spustiti, ja bih odgovorio ja neću sigurno spustiti Nacrt Zakona u koji nisam siguran, kojeg nisam pročitao. Također, ne želim prejudicirati da takav Nacrt Zakona neće biti spušten, sasvim je jasno da hoće, nemam smatram ovo pitanje iznimno važnim. Mislim da u viskom obrazovanju Zakon je iznimno važan iz razloga što zakonska rješenja mogu riješiti većinu krupnim, važnih pitanja iz oblasti visokog obrazovanja. Uvaženi zastupnik nisam siguran da li zastupnik Okerić ili su mi u pitanju, postavljajući pitanje rekli da nacrt Zakona i ne mora biti savršen da će kroz javnu raspravu biti doraden. Ja se ne mogu složiti sa takvom konstatacijom., mislim da Nacrt Zakona kojeg priprema ministarstvo za obrazovanje nauku i mlade mora biti što bolji. Smatram da Prijedlog Zakona mora biti kvalitetan. Također na konstataciju da je Zakon loš i da ima dosta loših zakonskih rješenja, ja se s tim svakako mogu svakako složiti, ali smatram da priprema Zakona o viskom obrazovanju, nacrt svakako mora da se radi vrlo oprezno, mudro i mora biti kvalitetan. Naravno ne možemo znati šta će biti u javnoj raspravi ali ako ću stati iza nacrt Zakona o visokom obrazovanju za koji smatram da je izvor problema, ali sa kvalitetnim tekstom nacrt Zakona možemo ga vrlo lako pretočiti u izvor svih rješenja kada je riječ viskom obrazovanju u Kantonu Sarajevo. Pitanje uvažene zastupnice Duraković kakav je plan za novu školsku godinu. Pitanje je bilo vrlo slično kao i kod uvaženog zastupnika Marića, koji je pitao da li razmišljamo samo o realizaciji online nastave ili imamo namjeru razrađivati oba scenarija u smislu i redovne nastave. Počeo bih svoj odgovor na način da bi odgovorio uvaženom zastupniku Mariću. Zastupniče mi ne razmatramo samo realizaciju nastave na način da to bude u online okruženju. Velika je razlika između pripreme realizacije nastave i pripreme online nastave. Dakle, kada govorim o realizaciji same nastave tu podrazumijevamo sve one probleme koji su se javili krajem prošle školske godine a odnose se na online nastavu. Sama uspostave online nastave ne nosi sa sobom sve probleme koje realizacija nastave podrazumijeva. Mi smo locirali više problema, i imali smo ih zaista jako puno. Neke smo riješili neke nismo uspjeli riješiti, ali evo sada imamo priliku da se za novu školsku godinu bolje pripremimo. O čemu se radi? Naime, nakon što smo uspostavili online nastavu primijetili smo da nastavnici imaju problem vezano za digitalne sadržaje. Također mnogi nastavnici nisu imali dovoljne kompetencije da realiziraju online nastavu. Također mnogi roditelji nisu imali dovoljno dobre kompetencije da realiziraju online nastavu. Na svemu tome smo radili. Također smatram važnim istaći da u ovom trenutku mi radimo na poboljšanju vrednovanja znanja i ocjenjivanja u toku realizacije nastave. Također

metodologije realizacije online nastave, i radimo na pripremi digitalnog sadržaja i upotrebu digitalnog sadržaja u nastavnom procesu. Razmišljamo generalno kada je u pitanju realizacija nastave razmišljamo o eventualna tri modela. Budući da ne možemo znati kakva će biti epidemiološka situacija početkom septembra pripremamo se na realizaciju nastave sa pojačanim epidemiološkim mjerama. Na realizaciju nastave intenzivne online nastave, i razmišljajmo o jednom mješovitom modelu koji bi bio da kažem neka sredina između ta dva modela. Jako je puno pitanja koja su zaista jako važna. U konstantnoj smo komunikaciji sa svim uključenima, to podrazumijeva: nastavnike koji realiziraju nastavu, školske administratore koji omogućavaju realizaciju online nastave, predstavnike roditelja, direktore škola, jednostavno predstavnike svih onih koji su uključeni u nastavu. Prije početka naredne školske godine svakako da ćemo obavijestiti na vrijeme sve učenike, nastavnike, roditelje, direktore škola o načinu realizacije nastave. To sigurno će da ovisi o epidemiološkoj situaciji. U ovom trenutku razmišljamo i o kontinuitetu realizacije same nastave, jer nakon što školska godina počne, nakon što krenemo sa realizacijom nastave treba biti svjestan da ćemo nakon dvije, tri, četiri, pet sedmica sigurno možda imati promjenu u epidemiološkoj slici u Kantonu. Tako da mi moramo biti spremni, ne samo na početak nego i na eventualne primjene u društvu ukoliko nam to bude naložila i diktirala epidemiološka situacija. Mislim da su to sva pitanja koja su bila za mene danas. Ja se uvaženi. A da, bilo je pitanje uvaženog zastupnika Poturka koji je pitao da li se nešto čini po pitanju ocjenjivanja, poboljšanja ocjenjivanja učenika u online okruženju. Evo uvaženi zastupniče Poturak ja bih vam odgovorio na najkraći mogući način da smo do sada već zabilježili probleme prilikom ocjenjivanja i vrednovanja znanja učenika u online okruženju. Radimo na iznalaženju kvalitetnog modela i poboljšanju samog ocjenjivanja i sigurno je da ćemo izaći sa određenim smjernicama koje će se odnositi na vrednovanja znanja i ocjenjivanja u toku realizacije nastave. Mislim da će to biti od velike pomoći našim nastavnicima. Na vrijeme ćemo i blagovremeno obavijestiti. Pratimo epidemiološku situaciju. Hvala vam svima na upućenim pitanjima. Svi koji nisu dobili odgovor, ali ja mislim da sam dobro slušao i da sam zapisao sva pitanja, također svi koji budu nezadovoljni odgovorom ja vas molim da to i kažete pa sasvim je sigurno da ćete odgovor dobiti pismeno. Hvala vam na pažnji. Doviđenja i prijatno.

Predsjedavajući:

Zahvaljujem ministre Kriviću. Ko nam je sljedeći od ministara? E izvolite.

Ministrica Nihada Glamoč:

Cijenjeni predsjedavajući, uvaženi članovi Skupštine srdačno vas pozdravljam. Ja bih imala odgovor evo na četiri pitanja. Od uvaženog zastupnika Suljevića bila su dva pitanja. Da li je moguće da vozila preduzeća RAD voze u drugim smjenama kada nisu ogromne gužve? Znači preduzeće RAD trenutno samo na području Općine Novo Sarajevo u periodu od 13 do 19 sti obavlja dnevnu smjenu, a što se tiče ostalih smjena i organizacionih jedinica, rade većinom u noćnim smjenama i prije podnevnim satima kada su manje gužve. Trenutno je u preduzeću RAD nabavka i novih vozila, tako ćemo se potruditi da i ovu smjenu što više olakšamo da našim sugrađanima olakšamo da kamioni ne idu kada su ove velike gužve. Pitanje izgradnje objekta na Vlakovu, što se tiče obdukcione sale, u toku je zahtjev od preduzeća Pokop za objezbjeđenje okolišne dozvole. Radovi su u toku i u toku projekta kojim se predviđa izgradnja je predviđena obdukciona sala za zarazne bolesti. Druga su dva pitanja bila postavljena što se tiče za vodozaštitnu zonu. U februaru mjesecu na osnovu inicijative zastupnice Danijele Kristić za informaciju i da se održi tematska sjednica po pitanju vodozaštitne zone Sarajevsko polje. Ta informacija se priprema i u roku koji je dostavljeno, evo Ministarstvu komunalne privrede i svim prozvanim od preduzeća VIK, Općine Ilidže i Trnovo, ona će biti u narednih mjesec dana spremna i prema vama upućena na usvajanje. Drugo pitanje je bilo upućeno prema Vladi što se tiče da li imamo informaciju koje je preduzeće VIK detektovalo prisustvo arsena? Po saznanju koje je Ministarstvo komunalne privrede dobilo u aprilu mjesecu da je na osnovu uzimanja uzorka vode u trećoj zaštitnoj zoni

detektovalo prisustvo arsena, Ministarstvo komunalne privrede odmah se obratilo KUIP na nadležno postupanje, gdje smo nakon drugog intervenisanja dobili odgovor da su oni uputili zahtjev prema Federalnoj upravi za inspekcijske poslove i evo ponovo se Ministarstvo komunalne privrede u junu mjesecu uputilo pismeni akt i odgovor čim dobijemo zastupnicima će biti transparentno dostavljen na uvid. Zahvaljujem.

Predsjedavajući.

Zahvaljujem uvažena ministrice. Ja koliko sam dobio informaciju, još ministar Alikadić ima. Izvolite ministre.

Ministar Kenan Alikadić:

Uvaženi predsjedavajući, zastupnici, ministri u Vladi Kantona Sarajevo, svi oni koji prate današnju sjednicu putem medija, želim vam dobar dan. Osvrnut ću se na inicijativu uvažene zastupnice Kristić-. Kao što je poznato već više od dva mjeseca provodimo aktivnosti na svemu onome što je ona danas navela u svojoj inicijativi. Ministarstvo kulture i sporta je pokrenulo analizu svih onih koji nisu pravdali sredstva u prethodnom periodu, tačnije u 2017,18 i 19 godini. Njima su upućeni dopisi da sredstava pravdaju u roku od osam dana ili da ista vrate u budžet Kantona Sarajevo. Tako da smo omogućili da se, ima jedna detaljna analiza, jedan jasan pregled svih onih koji nisu potrošili sredstva onako kako je to namijenjeno. Jedna također novina koja se naslanja, možemo reći na ovu inicijativu i na ove aktivnosti koje smo provodili, se svakako odnosi na potpisivanje ugovora gdje sada svi korisnici, odnosno aplikanti koji su zadovoljili javni poziv, kojima su sredstva odobrena iz grantova ili kulture ili sporta potpišu ugovor sa jasno decidno navedenim sadržajem svega onoga što će oni u narednom periodu realizovati. Ukoliko oni ta sredstva ne pravdaju, prekida se finansiranje 2020 godine. A ukoliko pravdaju kreću u nastavak finansiranja za 2020.godinu. Ove godine ne radimo finansiranje kompletni iznos čitavu godinu već to isplaćujemo u tranšama. To jeste svakako jedan obimniji posao koji se odnosi na rad Ministarstva kulture i sporta, ali će nama dati jasniju sliku i mogućnost da pratimo utrošak sredstava iz budžeta Kantona Sarajevo.

Predsjedavajući:

Zahvaljujemo uvaženi ministre Alikadiću. Jel ministar Adi Kalem spreman? A neka se pripremi ministar Kapidžić.

Ministar Adi Kalem:

Jeste predsjedavajući. Hvala lijepa. Iskoristio bih priliku da vas pozdravim predsjedavajući, dopredsjedavajući, zastupnice i zastupnike i sve gledaoce pored malih ekrana. Ja sam imao par pitanja na koja sam trebao odgovoriti usmeno, neke pismeno, i imao sam inicijativu uvaženog zastupnika Elmedina Konakovića. Pomoć sarajevskim taksistima, ozbiljnija pomoć. Imam obavezu da vas obavijestim da smo mi u toku prirodne nesreće pomagali taxi udruženjima kroz dijeljenje zaštitne opreme, u suradnji sa Civilnim štabom kantonalnim. Također ja sam već dao nalog da moj pomoćnik pozove taxi udruženja da zakažemo sastanak u narednoj sjednici, da vidimo kakav vid pomoći mi možemo njima pružiti. Postoje određene opcije, tako da sve je na stolu i razgovarat ćemo o tome. Također sam imao pitanje uvaženog zastupnika Zvonke Marića o kakvim infrastrukturnim projektima se radi i koliko je novca osigurano itd. Pa Ministarstvo saobraćaja je u proteklom periodu raspisalo javne nabavke za nabavku novih trolejbusa u vrijednosti od 15 miliona eura., u toku je evaluacija ponuda. Nabavka tramvaja 30 miliona eura, to je (nerazumljivo) javna nabavka. Objavili smo tender za rekonstrukciju pruge Ilidža Marin dvor u vrijednosti od 20 miliona eura. Objavili smo tender za rekonstrukciju pruge Marin dvor – s krivina u vrijednosti 500.000 KM. U toku je priprema sporazuma sa izvođačem radova. Radovi bi trebali vrlo brzo početi. Također potpisali smo ugovore i izabrali izvođača za podzemnu garažu P3 u vrijednosti cca 6 miliona KM. U toku je uvođenje izvođača u same radove. Ono što je jako bitno napomenuti, ove

godine smo imali preko 50 gradilišta u Kantonu Sarajevo, cca 20 miliona. To su oni projekti koji podrazumijevaju sanaciju i rekonstrukciju puteva. Također do polovine augusta nas očekuje raspisivanje tendera za tunel Kobilja glava u vrijednosti 27 miliona eura. Plus 3 miliona eura za spoj IX transverzale sa lotom 2C. Evo sada i otkočili smo i izgradnju kružnog toka na IX transverzali u vrijednosti od 7,5 miliona KM. U toku je ishodovanje imovinsko pravnih odnosa. Tako da nas očekuju radovi i na tom dijelu. Također u toku je i izbor izvođača na projektu prvog dijela I transverzale u vrijednosti od 21,4 miliona KM. Također je pokrenuli smo i projekte postavljanja taktilnih traka, odnosno taktilnih površina i zvučne signalizacije u vrijednosti od 230.000 KM na užem lokalitetu Skenderije. Pokrenuli smo i otkočili XII transverzalu, VII, X, uglavnom očekuje nas period dosta dobrih projekata. Suma sumarum to je negdje oko 95 miliona eura se ulaže u građevinsku infrastrukturu i jedan dio koji je preko domaćih fondova 56,2 miliona KM. Također, uvaženi zastupnik Handžić Vibor je tražio da mu se dostavi detaljna informacija vezano za Uredbu. Naravno da ćemo dostaviti. Također, imao sam i postavljena pitanja od uvaženog zastupnika Poturka Dževada. Naravno i vama ćemo se obratiti pismeno. Uvaženi zastupnik Samir Suljević je postavio pitanje vezano za kontrolu zaštitne opreme u javnom prevozu. Mi smo naravno proslijedili sve neophodne instrukcije uposlenicima, kako Grasa tako i Centrotransa, odnosno operaterima u javnom prevozu na Kantonu Sarajevo. Naravno tu je nadležna i inspekcija. Zahtjevano je od operatera da imaju dodatnu kontrolu zaštitne opreme u vozilima javnog prevoza, tako da smo uključeni u taj proces, a naravno iskoristio bih priliku da apelujem i na građane Kantona Sarajevo da nose zaštitne maske, da poštuju socijalnu distancu u vozilima javnog prevoza i da olakšaju posao ovim ljudima. Zahvaljujem.

Predsjedavajući:

Zahvaljujem ministre Kalem. Pretpostavljam ministar Kapidžić da je sljedeći. Izvolite.

Ministar Faruk Kapidžić:

Zahvaljujem. Ne znam jel se čujemo. Hvala. Pozdravljam sve zastupnike i gledaoce pored malih ekrana. Direktno je bilo postavljeno dva pitanja na moje Ministarstvo i na mene kao ministra resornog, a dva su bila na Vladu odnosno na premijera. Ali obzirom da se ovo Ministarstvo s tim bavi onda ću ja to i odgovoriti. Krenut ćemo od lakših stvari. Poštovana zastupnica Kristić Danijela je postavila pitanje za tematsku sjednicu za zaštićenu zonu u Sarajevskom polju. Tematska sjednica se priprema. Imamo namjeru da to dakle u septembru kada bude Skupština da pripremimo taj materijal da se o tome raspravlja. To ima dosta posla obzirom da ima dole dosta tema vezano za to. Drugo pitanje je bilo također postavljeno, inicijativa i zaključci i pitanja vezano za stambeno pitanje mladih, postavljeno od poštovanog zastupnika Jakupović Vedrana. Isto tako na premijera odnosno na Vladu s inicijativom da se raspisali javni poziv sada doradi, dogradi u smislu da nije dobar. Ono kako je bilo prije i ovaj sada poziv kako je obavljen, onome kome je prije ovaj bio dobar, ovaj novi naravno neće biti dobar. Ali to su sada određeni mali broj ljudi koji su imali interesa onakvog javnog poziva, interesa ovakvog. Mi znamo dobro, ja sam izlagao zašto i kako je došlo do ovog poziva, i zašto se tako uradilo. Samo da skrenem pažnju u smislu ograničavajućeg faktora od 100.000 KM za kupovinu stana. Ta cifra nije slučajno izašla obzirom da se radi o pozivu sa ograničenim sredstvima, 550.000 KM koje će se bez bodovanja, ko zadovolji uslove će se podijeliti u odnosu na broj prijavljenih. Očekujući da će ih biti mnogo, a iz prošlog poziva je bilo preko 200 prijava sa stanovima ispod 100.000. znači to nije kategorija kako se pokušava prikazati, da se ne mogu kupiti stanovi do 100.000, da je to sve mnogo skuplje itd. Stanovi koji imaju po 100 kvadrata u centru grada, naravno da se ne mogu kupiti. Ali ovdje se radi pomaganju mladih da mogu da počnu život uopšte. Zato iz tog razmišljanja, 100.000 je bila granica i mislim da je to bila dobra mjera. I vidjet ćemo koliko će doći prijavljenih, tako da otprilike sada ih ima 130. ima još do petka vremena i vidjet ćemo ko je zadovoljio. I naravno da će biti, sa svakim će biti kada se donese spisak, obavljen razgovor. Možda neko htjedne odustati, ako mu subvencija od 3, 4 ili 5000 bude mala, koliko bude. Možda će odustati pa će

se ostatku povećati. U svakom slučaju, vezano za to, moram da kažem da ćemo, da mi radimo na tome, i da mi radimo novu subvenciju koju pokušavamo u toku ove godine sprovesti, a to se ne odnosi na subvenciju o kojoj sam ja pričao, dakle za stanove od 50 kvadrata za 50.000. to je subvencija koja će se desiti iduće godine ali se sada počinje graditi i priprema se radi. Ovo što sada hoćemo da probamo ostvariti zavisno naravno od sredstava. Niko ne može u ovakvoj situaciji obećavati jer ne zna kako će se odvijati ova situacija s koronom i koja ćemo mi sredstva uopšte imati, ali imamo veliku namjeru i ministar finansija i ja i čitava Vlada da izdvojimo jedan dio para ukoliko to bude moguće i napravimo novu subvenciju koja sada ima nekoliko varijanti, razmišlja se i o subvencioniranju mladih koji su kupili putem kredita. Pa da im se skinu dio obaveza kredita odnosno kamata itd. To ćemo vidjeti i to ćemo vrlo brzo tokom septembra ili oktobra znati, zavisno od sredstava. I na tome se radi i mislim da će to biti jako dobar program. Dakle, cilja nam je da napravimo što više subvencije, da odvojimo što više para ali zadatak nam je da mladi ne dobivaju pare u ruke, nego da dobivaju, da se pokrivaju troškovi direktno, ko im stvara te troškove, tako da se subvencionira mlad čovjek. Treće pitanje je bilo pitanje Vildane Bešlije, poštovane zastupnice, odnosno Neire Dizdarević, zastupnice, vezano za radove na Bjelašnici, regulacione planove itd. To je jedno teško pitanje s kojim se moramo suočiti. Naravno, protekle Vlade su se ili pokušavale ili nisu imale snage da se bore u smislu ovakvih dešavanja. Stvar je u tome što je do ovoga došlo kroz djelovanjem ili nedjelovanjem institucija kroz protekle tri godine. Dakle 2017 se usvaja Odluka o pristupanju za izradu regulacionog plana sportsko rekreativno područje Bjelašnica. I od tog Regulacionog plana od 2017 ne radi se ništa na tom Regulacionom planu, ali se ubrzano radi osam urbanističkih projekata. To su mali sastavni dijelovi tog plana. Dakle kada je raspisana odluka o pristupanju, nije ni trebalo raditi urbanističke projekte, nego je trebalo raditi na Regulacionom planu. Međutim, u (nerazumljivo) regulacionog plana po Zakonu o zaštiti prirode, da bi se raspisao regulacioni plan, u raspisu regulacionog plana moralo je stajati da se mora uraditi prije toga stratezijska procjena plana na okoliš. Što nije stavljeno i nije urađeno. Dakle nije se krenulo s planom po svim pravilima i zakonima. Da bi se onda u razvoju situacije zavisno od ovih urađenih urbanističkih planova se krenulo u realizaciju određenih dijelova tih planova, tako da se tražilo odobrenje za sječu šume, da bi se krenulo u realizaciju tih planova. Po Zakonu sječa šume treba odobrenje, odnosno okolinska dozvola za sječu šume od Ministarstva prostornog uređenja kada se radi više od 5 hektara, od 5 do 50 hektara. Preko 50 je Federalno ministarstvo. Obzirom da se ovdje krenulo sa prvim zahtjevom koji je bio još 15.08.2018 radilo se o 1,6 hektara šume, dalo se odobrenje obzirom da do 5 hektara obično se to traži za neke cestovne, infrastrukturne stvari a plana još nije bilo u izradi. Ministarstvo je tada dalo odobrenje, međutim kasnijim zahtjevom od 28.11.2018 se tražio novi zahtjev za nešto preko 4 hektara sječe šume, da bi se onda kontrolom kontrolom Ministarstvo ustanovilo zapravo da su to čestice jedinstvene parcele. I tada se shvatilo da se zapravo radi iz sitnih parcela da bi se dobila ova dozvola, zapravo radi se o istoj parceli i tu nije nikada izdata dozvola. Znači od 28.22.2018. u međuvremenu se na Regulacionom planu nije radilo ništa, da bi Ministarstvo u proteklom periodu samo reagovalo prema inspekciji. Tako da dat ću vam podatke da je Ministarstvo nije spavalo, to je tačno, ali je reagovalo samo prema inspekciji a ne prema planskoj dokumentaciji. I tu je malo moja zamjerka na rad Ministarstva što nisu djelovali na izradu planske dokumentacije nego samo prema inspekciji. Tkao da je prvi zahtjev za inspekciju bio 29.06.2018, pa drugi 30.01.2019, urgencija, pa 20.02.-2019 ponovno urgencija. Da bi 01.07.2019 kada se ustanovilo prošlo ljeto da se nešto gradi rađen zahtjev inspekciji novi. U nekoliko navrata inspekcija ili nije odgovarala ili se obraćala sa odgovorom da je kantonalni inspektor na bolovanju jednom, pa onda opštinski inspektor na bolovanju drugi put. U svakom slučaju Ministarstvo i općenito Vlada ne može djelovati više od ovoga što se do sada djelovalo, izuzev da se pokrenu i ubrzaju izrade regulacionih planova i da se onda ustanovi usvajanjem regulacionih planova koja je šteta napravljena, odnosno koliko se više drveća posjeklo nego što je trebalo. Ono što je činjenica i što tako sagledavanje, može se i tako gledati, dakle, velika je količina šume na općini Trnovo i kada es uzme koliko je isječeno za ovaj sportski centar, to nije ništa obzirom da održavanje

šume zahtjeva 1/5 godišnje šume da se faktički iskrči da ne bi dobili prašumu, da ne bi dobili divlju šumu. To nije ništa jer se tu radi o nekim ispod 0,5% od ukupne količine šume. Međutim, ono što je primjedba i urbanizma, zato što je to 0,5% na jednom malom skoncentrisanom urbanom dijelu tog područja a ne u smislu šume kao procenta, e zbog toga je to katastrofa. Zato što ondje gdje nam je trebala šuma, isijevamo a ondje gdje bi trebali sjeći šumu da bi je održavali faktički ne radimo to, pa onda se suši dio šume itd. Dakle, moj odgovor na to pitaje da inspekcije moraju da to rade jer obzirom da je prošle godine prošli ministar je pokrenuo čak neku zabranu izgradnje, to nije put, i to s ene može tako, faktički. Može se zabraniti izdavanje građevinskih dozvola, može se zaustaviti usvajanje nekog plana sa ove distance ali ne može se zabraniti gradnja u tom smislu. To radi inspekcija i too moraju raditi inspekcije. Ministarstvo ovo od kako sam ja došao ovdje ubrzano radi na izradi ovih planova i imamo stalnu komunikaciju. To su teške komunikacije sa načelnikom. Ali mislim da načelnici imaju, inače svi načelnici imaju veliku energiju i treba je iskoristiti uz stalni rad i priču to će na kraju spasiti se što se spasiti može. Ja nisam došao prije godinu ili tri godine, mnoge stvari se ne bi desile. Dakle, i četvrto pitanje se odnosi na pitanje poštovanog zastupnika Igora Stojanovića vezano za regulacione planove i implementaciju Studije o vjetrokoriđorima. Moram ovom prilikom da samo kaŹem jednu stvar. Studija o vjetrokoriđorima nije nastala prošle godine, nije to produkt prošle Vlade, to je nastalo još davne 2015 usvajanjem KEAPa i tadašnje Vlade su usvajanjem KEAP-a odnosno Kantonalnog plana za zaštitu grada, urbanog područja, poslije toga 2017 se usvojio plan zelenog grada, to je bila osnova je bila da se mora uraditi ova studija. Ova studija je prošle godine naručena preko Europske banke i urađena i usvojena na Skupštini u februaru ove godine. Od tada, ova Vlada je pripremila materijal i usvojila je na Vladi 18.06. na Vladi u službenim novinama izašlo 25.06. odluka o sprovođenju. U toj odluci je pisalo da će Ministarstvo prostornog uređenja zajedno sa Zavodom za planiranje u roku od 10 dana dati opštinama tačan nacrt zona koje poduhvataju ti vjetrokoriđori i da će u roku od 30 dana dati smjernice. Dakle 05.06. Zavod je dobio to i poslao opštinama, da bi danas , odnosno sutra će dobiti instrukcije za provođenje koje je Ministarstvo napravilo. Da bi se to napravilo trebao je veliki rad sa Zavodom za planiranje, velika priča sa opštinama i opštinskim načelnicima i došlo se do toga da zapravo u suštini, evo da iznesem sada, da se radi o ukupnom broju planova koje zahvataju koriđori su 63 plana, što izgleda ogromna cifra. Međutim, usvojenih ima ukupno 42 a izvedbi su 21. kada smo to pobrojali, vidjeli, svaki plan smo u Zavodu za planiranje, bukvalno više provodim vremena tamo nego u Ministarstvu, koji je to obiman posao, došli smo do toga da faktički se moraju provesti procedure za mijenjanje tih planova koji su već usvojeni na snazi, u 12 planova. I od toga u Starom Gradu nema ni jedan, u Opštini Centar 2, Novo Sarajevo 3, u Novom Gradu 5 i na Ilidži 1. opštinski načelnici će dobiti ovo od Zavoda za planiranje koliko sutra ili prekosutra najdalje da krenu u sprovođenje u pokretanje procedura na općinskim vijećima da se ovi planovi koji su usvojeni da se pokrenu i da se implementira po smjernicama koje će i one dobiti. Dakle smjernice koje će biti stavljene u pokretanje tih planova. Ostali koji su na snazi 21 plan koji je u izradi trenutno ne treba se vršiti pokretanje nego se samo, samo ćemo prilagoditi smjernicama i na taj način ćemo faktički otvoriti priliku da ovaj grad postane mnogo zeleniji nego što je bio u smislu zelenih površnih, i lakšeg prodora vjetra kroz sami centar grada. Hvala.

Predsjedavajući:

Zahvaljujem ministre Kapidžić. Imamo li još ikoga od članova Vlade za prijavu?

Premijer Mario Nenadić:

Hvala vam puno nadam se da me čujete. Evo nakon što su članovi Vlade dali odgovore na pitanje iz resora meni ostaje da odgovorim na pitanje uvaŹenog dopredsjedavajućeg gospodina Vibora Handžića koje nije bilo vezano za resore nego je bilo upućeno meni kao premijeru Vlade. Pitanje je glasilo kad aće se popuniti funkcija ministara u resorima odnosno u Vladi Kantona Sarajevo. Evo ja bih Źelio da iskoristim priliku da vas obavijestim da sam

ostavku ministre Agić službeno putem protokola zaprimio sredinom mjeseca, tačnije 15.07. međutim ministrica Agić redovno radi, ona nije na bolovanju, radila je sve ovo vrijeme i ja još uvijek nisam usvojio njenu ostavku u koordinaciji s mnom, ovo smo iskoordinirali. Dakle ostavka u smislu važećih Zakona, Zakona o organizaciji organa uprave, i Poslovnika o radu skupštine i Vlade Kantona Sarajevo ostavka još uvijek nije usvojena. Također želim da vas informišem da sam ja jučer u skladu s važećim propisima također zaprimio ostavku prof. Mesihovića na mjesto ministra zdravstva Kantona Sarajevo. Ostavku smo naravno odmah dali u proceduru, procesuirali je u skladu s važećim propisima. I njegovu ostavku još nisam prihvatio. Ovo govorim čist pravničke termine kako to stoji u zakonu. Dakle ostavke nisu prihvaćene ja ih ne dovodim u pitanje jer se radi o zdravstvenim razlozima ali sam dužan da vas obavijestim da kao premijer Vlade ostavke još uvijek nisam prihvatio. Evo za prvu sam obrazložio da je da je ona od sredine mjeseca i da sam u koordinaciji sa ministricom dogovorio da ćemo je zajednički pustiti u proceduru onog časa kada budemo smatrali da je vrijeme za to, u smislu važećih propisa a da ministra Mesihovića ostavku ponavljam zaprimio jučer negdje oko 10 ili 11,00 sati, ima u protokolu tačno kada sam zaprimio. Dakle nakon što sam zaprimio ostavku ministra Mesihovića jučer, obzirom da ministra Agić kako rekoh nekoliko puta, svo ovo vrijeme radila bez obzira na njeno zdravstveno stanje, ja sam održao neophodne sastanke sa rukovodećim državnim službenicima u Ministarstvu zdravstva Kantona Sarajevo, dogovorili smo se u skladu sa Zakonom o Vladi, Zakonom o državnoj službi, organizirao sam nesmetan rad Ministarstva, dio obveza sam nešto više sam tih obaveza preuzeo, evo malo da koordiniram ispred Ureda premijera, odnosno kao premijer Vlade dok se ovo pitanje ne riješi, ali uglavnom tačno se u Ministarstvu zna šta radi sekretar, šta koji od pomoćnika, tako da to je jučer odmah nakon pismene ostavke, zbog važnosti resora i trenutka u kome se nalazimo urađeno. Dakle u narednih par dana otvorit će se neophodne konsultacije u skladu sa članom 12 i 13 Zakona o Vladi i nadam se da ćemo ovo pitanje što prije predložiti Skupštini Kantona Sarajevo koja je kao nadležno tijelo dužna da o ovome donese konačnu odluku. Hvala vam.

Predsjedavajući:

imali ste pitanje od uvaženog zastupnika Marića za tržne centre, upućeno je vama bilo, pa evo da ne bi bilo nezadovoljstvo odgovorom, molim vas ako treba da ponovi Marić da ponovi, ako ste zapisali da odgovorite.

Premijer Mario Nenadić:

Hvala vam što ste me to podsjetili. Ne treba ponoviti, ja sam svako pitanje uvaženih zastupnika vrlo odgovorno zabilježio, međutim u skladu sa mojom najavom da ćemo uvijek odgovarati iz resora, dakle tržni centri, pitanje opterećenja ženske radne snage, nadzorom nad radne odnose i ostalo, obećavam zastupniku Mariću da će ovo pitanje odmah biti prosljeđeno nadležnoj Upravi za inspekcijske poslove, a da ću u zavisnosti od karaktera ovog pitanja i od odgovora koje dobijemo od Uprave za inspekcijske poslove i drugih nadležnih organa dostaviti i pismeni odgovor uvaženom zastupniku.

Predsjedavajući:

Zahvaljujem. Imamo prijavu nezadovoljstvo odgovorom odnosno za dodatnim pitanjima dopredsjedavajući Vibor Handžić, Segmedina Srna i uvažena zastupnica Kerla Bibija. Također pozivam ministre da u skladu sa članom 217 kao i zastupnike pridržavaju Poslovnika i da mogu postaviti pitanje zastupnici 2 minute a također i ovi koji odgovaraju 2 minute. Izvolite dopredsjedavajući Handžić imate riječ.

Dopredsjedavajući Vibor Handžić:

Zahvaljujem predsjedavajući. Ma ja ću kratko. Izrazio sam nezadovoljstvo odgovorom, smatram da nisam dobio potpun i precizan odgovor iz resora zdravstva odnosno od sekretarke Ministarstva koja je odgovarala na moja pitanja. Ja apsolutno nisam problematizovao

činjenicu da i osigurana i neosigurana lica po Odluci o osnovnom paketu prava imaju pravo apsolutno na zdravstvenu zaštitu, posebno u ovim uslovima zaraze o kojima mi danas govorimo. Dakle ja sam tražio da mi se obrazloži jer dobivam takve upite puta pacijenta za neosigurana lica u slučaju COVID-a. Dakle, navodim hipotetički, ja personalno kao osigurano lice kada dobijem simptome javljam se ljekaru porodične medicine koji mi dalje daje sugestije odnosno uputnicu za DZ da se idem testirati. Kome se u tom prvom kontaktu obraća neosigurano lice koje nema ljekara porodične medicine? Jel ide direktno u DZ, u Hitnu, i kome se obraća sa simptomima i ko mu daje nalaz da ide obavljati testiranje? Eto, taj me samo dio zanimao. Zahvaljujem.

Predsjedavajući:

Zahvaljujem dopredsjedavajući Handžić. Segmedina Srna Bajramović. Izvolite, imate vaše dvije minute.

Poslanik/zastupnik Segmedina Srna Bajramović:

Zahvaljujem predsjedavajući još jednom. Pa evo najprije bih se zahvalila sekretarki Ministarstva zdravstva za odgovore koje nam je dala na postavljena pitanja. Sasvim razumljivo najviše pitanja Ministarstvu zdravstva upućeno s obzirom na epidemiološku situaciju. No imam potrebu podsjetiti da sam ja vrlo jasno u svom postavljenom pitanju rekla da tražim odgovor u pisanoj formi i pitala da li su u saradnji sa ZZO Kantona Sarajevo evidentirali broj osoba koje nisu bile osigurane a htjele su konzumirati pravo u vrijeme nesreće u skladu sa članom 15 Zakona o ublažavanju negativnih ekonomskih posljedica. To je na vrijeme propisano i zamolila bih da mi se ukoliko postoje navedeni podaci u pisanoj formi dostavi koliko je osoba uspjelo iskoristiti ovo pravo, što se svakako može i provjeriti kada stenogramski. Kada je u pitanju odgovor ministra Juska, iako ministar Jusko, ovdje ću podsjetiti na onu da nema demokratije gdje je izvršna iznad zakonodavne vlasti, ja zaista ne zamjeram što ministar Jusko nije evidentirao da sam ja postavila pitanja vezano za razloge nedonošenja Zakona policijskim službenicima i Zakona o unutrašnjim poslovima jer je to uradio čitav niz zastupnika prije mene, pa mi dopustite ono što nisam uspjela u ovih što ukazuju zapravo na važnost donošenja ovih reformskih Zakona, ukoliko mi je još ostalo vremena da podsjetim na ono što nisam uspjela reći kod postavljanja samog pitanja. Dakle nezadovoljna sam odgovorom koji sam čula, iako to tamo nije bilo evidentirano, nisam evidentirana kao jedna od onih koji su postavili pitanje, dakle navedeni reformski zakoni iz ove oblasti su produkt inicijative i kasnije zaključka Skupštine Kantona Sarajevo kojim je naloženo Vladi formiranje tri ekspertne grupe uz obavezu da rade na reformi

Predsjedavajući:

Vrijeme uvažena zastupnice, već ste probili.

Poslanik/zastupnik Segmedina Srna Bajramović:

...legislative. Želim još ovo reći dopustite mi predsjedavajući. Dakle svjedoci smo da se sindikat u više navrata oglasio kako očekuje brzo usvajanje istih zbog svih razloga koje smo čuli danas, naravno ne želim prejudicirati stvari ali su nesporne činjenice kako su zakoni i s vaše strane najavljivani međutim u posljednjih sedam dana svjedočili smo medijskih člancima u kojima se prijedlozi istih osporavaju na različit način, u koji ne želim da ulazim, jer ih smatram nekim domenom špekulacija, i zato sam očekivala da i mi i sindikat i javnost dobijemo informacije iz prve ruke, šta je problem, gdje je rješenje, i nadam se evo čuli smo da je to septembar neki vremenski okvir kada ih možemo očekivati. Samo nezadovoljstvo. Nemam nikakvo dodatno pitanje. Hvala vam predsjedavajući.

Predsjedavajući:

Zahvaljujem uvažena kolegice Segmedina Srna Bajramović. Uvažena zastupnica Kerla Bibija, imate riječ kolegice.

Poslanik/zastupnik Bibija Kerla.

Ja bih samo da ministra privrede podsjetim da sam ja postavila pitanje dokle je došlo sa raskidanjem ugovora između ZOI'84 i firme Domoart, s obzirom da smo mi na 25 sjednici Skupštine Kantona Sarajevo na inicijativu Elmedina Konakovića donijeli odluku da se raskine ugovor, međutim koliko sam ja obavještena gospodin koji vodi Domoart ulaže sredstva u renoviranje objekta, pa me interesuje dali je Ministarstvo privrede kontaktiralo Pravobranilaštvo i da se taj zaključak što prije sprovede u djelo. Hvala lijepo.

Predsjedavajući:

Zahvaljujem uvažena zastupnice Kerla. Konaković ima riječ. Izvolite. Neka se pripremi uvaženi zastupnik Čampara.

Poslanik/zastupnik Elmedin Konaković:

Hvala predsjedavajući. Ja ću vrlo kratko. Samo nisam htio prekidati, a vi ste citirali član 217. u njemu stoji da ministar i primjer odgovaraju u istom trajanju do 3 minute, nekoliko ministara je odgovaralo po 15 minuta. Ministar Kapidžić je na ovoj jednoj odgovaraju toliko dugo da ga ništa nismo ni shvatili. Nisam htio prekidati, pa vas molim da član 217. Poslovnika primjenjujte kada je riječ i o odgovorima ministara i premijera samo nas zastupnika. Hvala vam.

Predsjedavajući:

Zahvaljujem. Ali nekoliko je bilo pitanja za ministara Kapidžića pa smo sabrali vrijeme, tako da zahvaljujem na sugestiji. Kolega Čampara izvolite, imate riječ.

Poslanik/zastupnik Aljoša Čampara:

Zahvaljujem predsjedavajući. Pa bilo je malo i šumova, pa ne znam jesam li baš u potpunosti čuo odgovor od sekretarke Ministarstva i drugim zastupnicima, ali ne znam tačno jesam li dobro sve čuo. Uglavnom ispalo je da ćemo čekati neke saglasnosti vezano od drugih institucija. Ja imam osjećaj da mi nemamo za to, da mi u BIH u Sarajevu svakodnevno imamo trocifrene brojeve zaraženih osoba, i ja mislim da mi već, ne da kasnimo, nego da smo jučer trebali odrediti prostor za te nove COVID bolnice, tako da evo još jednom apeliram na Ministarstvo zdravstva da se ozbiljno posveti ovom problemu. Hvala.

Predsjedavajući:

Zahvaljujem uvaženi zastupniče Čampara. Jakupović Vedran, nezadovoljstvo odgovorom, izvolite.

Poslanik/zastupnik Vedran Jakupović:

Zadavljujem predsjedavajući. Prvenstveno nisam uputio usmeni, nisam zahtijevao usmeni odgovor od ministra Kapidžića i ne bih da ulazimo u neke, ja evo osjećam da je to neko već lično pitanje, da ministar osjeća da neko njega lično napada pa bih realno sve političke opcije, sve stranke, i svi ljudi koji su uključeni u život u Kantonu Sarajevo imaju problem sa, da ne govorimo mladima, imaju problem sa ovom subvencijom. Mi smo u konstantnu konstantno sa građanima, sa mladima i ono što se dešavalo ranijih godina je ono što su mladi ustvari htjeli, zanimalo me i ja ću ovo opet dati na izjašnjavanje, je li ministar pravio istraživanje tržišta, je li razgovarao o cijenama nekretnina, je li razgovarao o tome gdje mladi kupuju stanove itd. Imao sam priliku vidjeti da je SDA protiv njegovo načina subvencioniranja i ja bih evo zamolio pošto nije samo on uključen, uključena je cijela Vlada u to, da se za početak ovaj novac digne sa 550.000, da taj iznos bude veći. I evo ministar je potvrdio da ćemo ići na 3 do 4 hiljade. Ranije je bilo 10.000. možemo doći dotle da neko dobije 500 ili 600 KM ako bude toliko veliki broj aplikacija, da se ovaj iznos od 550.000 ne može ispuniti. Prvenstveno evo ja ću tražiti od Skupštine da se izjasni o ovome i da krenete u realizaciju jednog programa koji bi

zadovoljio potrebe mladih. I druga stvar je vezano za Ministarstvo zdravstva. Nisam do kraja uspio pročitati tu inicijativu, gđa Isić je odgovorila da.

Predsjedavajući:

vrijeme kolega. 2 minute je već isteklo.

Poslanik/zastupnik Vedran Jakupović:

Evo ja ću samo zamoliti, pošto i prošli put sam prekinut a riječ je o krucijalnoj stvari. Znači imamo magistra farmacije, imamo farmaceutske tehničare, koji se slamaju od posla od početka COVID-a 19, koji opet imaju ja ću slobodno reći pod mobingom su direktora i da im stalno produžava ugovor za godinu, po godinu. Ljudi konstanto moraju polagati testove, i opet nakon godine dana imali smo priliku da vidimo da je više od 25 ljudi bilo potrebno prošle godine, ove godine im treba 5. a znamo kako ti ljudi rade. Znači evo imamo i magistra farmacije među kolegama ja bih zamolio da Ministarstvo utiče, ako treba i na menadžerske odluke u cilju poboljšanja zdravstvenog sistema Kantona Sarajevo . Hvala vam.

Predsjedavajući:

Zahvaljujem. Evo naglasit ću da sam vam dao 1 minutu duže nego što je Poslovníkom predviđeno. Ali eto, neće zamjeriti ostale kolege i kolegice. Kolegica Duraković Jasna izvolite imate riječ.

Poslanik/zastupnik Jasna Duraković:

Zahvaljujem predsjedavajući. Evo pa samo kratko bih se osvrnula na ovo uvodno izlaganje zapravo odgovaranje na pitanja koja su bila upućena Ministarstvu zdravstva. Predstavnica Ministarstva zdravstva očito me pogrešno shvatila, ja nisam uputila pitanje prema Ministarstvu zdravstva riječ je o Deklaraciji za koju tražim izjašnjenje. Tako da evo ne trebate uopće se baviti tim pitanjem zato što apsolutno nije relevantno ne radi se o bilo kakvom pitanju koje sam postavila. Evo samo da to razjasnimo da ne bi ste davali bilo kakav pismeni odgovor jer to nisam tražila, toliko zahvaljujem.

Predsjedavajući:

Zahvaljujem. Nemamo više prijavljenih za nezadovoljstvo odgovorom. Kolega Handžić, Ministarstvo zdravstva. Evo pozivamo nekoga iz Ministarstva zdravstva, sekretara pretpostavljam da odgovori pa ministra Jeličića i koliko sam razumio nemamo više koji traže usmene odgovore. Premijeru da li je neko iz Ministarstva zdravstva prisutan da odgovori?

Premijer Mario Nenadić:

Pa trenutno u sali ovdje nije predstavnik Ministarstva zdravstva, međutim mi smo se evo ovdje usaglasili da ova preostala pitanja da ih pripremimo i damo detaljno već do kraja sutrašnjeg dana u pismenoj formi.

Predsjedavajući:

U pisanoj formi. Zahvaljujem se vama premijeru. Obzirom da smo završili nezadovoljstvo odgovorom.

Imamo inicijative o kojima se treba Skupština izjasniti. Koliko sam vidio, kolega Dević 10 minuta pauza kako bi se Klub mogao dogovoriti za glasanje.

Kolega Vedran Jakupović je postavio jednu zastupničku inicijativu da se izjasnimo. Obzirom ad se radi o finansijskim sredstvima gdje treba Vlada Kantona Sarajevo da se izjasni o ovome se možemo izjasniti tek na sljedećoj sjednici ukoliko Vlada ne dostavi svoje izjašnjenje. Pa evo nadam se da ćete razumjeti, to je poslovnička odredba. Drugačije ne možemo. Kolega Jakupoviću mi se o ovoj inicijativi možemo izjasniti tek sljedeće sjednice.

Sada je 15,45. nastavljamo u 15,55. Pauza 10 minuta na zahtjev Kluba SDA, Devića kao šefa Kluba.

NASTAVAK NAKON PAUZE

Predsjedavajući:

ukoliko je TVSA spremna, evo neka se uključe, mi možemo nastaviti sa radom sjednice Skupštine Kantona Sarajevo. Sekretara Skupštine ću zamoliti da postavim anketu vezano za inicijativu uvaženog zastupnika Aljoša Čampare. I o inicijativama ćemo kako ja budem čitao kolegica sekretar Skupštine će postavljati anketu, i onda ćemo glasati.

Da li je spremna TVSA? Zahvaljujem. Nastavljamo sa radom. 27. Radna sjednica, došli smo do tačke 1. zastupnička pitanja i inicijative i tiče se zastupničkih inicijativa koje su predložene da se o izjasni Skupština o njima.

Prva inicijativa je bila uvaženog zastupnika Čampare. Molim zastupnike da pristupe glasanju, a tiče inicijative, citiram:

“Pokrećem inicijativu da u Kantonu Sarajevo Vlada predloži model po kojem bi studenti Zlatne značke, studenti generacije i nagrađivani studenti imali prednost pri zapošljavanju u institucijama, javnim preduzećima, javnim ustanovama, upravama, zavodima itd. „

Molim zastupnike da glasaju. Otvaram glasanje.

Kolegice Kerla vi ste tražili pojašnjenje, ministar Jeličić nije odgovorio iz razloga što se Vlada dogovorila da će u pisanoj formi dostaviti odgovore na sva postavljena pitanja na koja nisu dali odgovor. Pretpostavljam da niste čuli. i to je stav Vlade, ne možemo natjerati nikoga da dostavi odgovor. Ali evo u svakom slučaju mi smo zabilježili vaše pitanje i svakako ćemo vas informirati čim dobijemo od Vlade, odnosno resornih ministarstava.

ZA JE GLASALO 34 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE ZASTUPNIČKA INICIJATIVA UVAŽENOG ČAMPARE USVOJENA U SKUPŠTINI KS.

Inicijativa uvaženog zastupnika Nikšića. Kolegica sekretar Aida Zeković će postaviti anketu, i molim zastupnike da glasaju. Otvaram glasanje. Tiče se:

1. *“Osuđuje svako negiranje genocida, smatrajući sve koji imaju direktno ili indirektno finansijsku političku pomoć, ili političku pomoć i podršku od strane država koje nisu usvojile Rezoluciju o genocidu u Srebrenici nepoželjnim u Kantonu Sarajevo.*
2. *Prekida svaku saradnju sa poslovnim subjektima, bankama, političkim i drugim organizacijama, društvima, medijima i pojedincima koji imaju direktnu ili indirektnu finansijsku ili političku pomoć od strane država koje nisu usvojile Rezoluciju o genocidu u Srebrenici.*
3. *Zahtjeva od Parlamentarne Skupštine BIH da po hitnom postupku usvoji Zakon o zabrani negiranja genocida koji bi jasno definisao sankcije za one koji to čine i koji bi definisao sankcije i prekid diplomatskih i poslovnih odnosa sa država koje nisu usvojile Rezoluciju o genocidu o Srebrenici sve dok to one učine.*
4. *Zahtjeva da Vijeće ministara BIH potvrdi i objavi zvaničnu listu svih država koje još uvijek nisu usvojile Rezoluciju o genocidu u Srebrenici.*
5. *Zahtjeva da se Zakonom o zabrani negiranja, minimiziranju, opravdanju holokausta, genocida i genocida i zločina protiv čovječnosti definiše i zabrana djelovanja poslovnih subjekata, banaka, institucija, političkih i drugih organizacija, društva, pojedinaca i medija, koji su na bilo koji način finansirani i pomagani od strane država koje nisu usvojile Rezoluciju o genocidu u Srebrenici i koji su negatori genocida.*

6. *Poziva Predsjedništvo BiH, sve Skupštine kantona u FBiH kao entitetske Skupštine da se pridruže ovoj inicijativi”.*

ZA JE GLASALO 33 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA INICIJATIVU UVAŽENOG ZASTUPNIKA NIKŠIĆA.

Inicijativa, odnosno Deklaracija uvaženog zastupnika Konakovića. Otvaram glasanje.

„Skupština Kantona Sarajevo osuđuje imenovanje Draška Milinovića na čelo Regulatorne agencije za komunikacije (RAK).

Milinović koji je bio i šef kabineta Željke Cvijanović kada je ona bila premijerka entiteta RS, postao je direktor Državne agencije koja je više puta kažnjavala RTRS kojim je on rukovodio i to zbog brutalne povrede propisa, vrijeđanja žrtava genocida, žrtava Tuzlanske kapije, te po brojnim drugim osnovama.

Smatramo ponižavajućim imenovanje Milinovića, i to je još jedno povijanje kičme pred politikama koje veličaju ratne zločince i negiraju genocid.

Od predstavnika vlasti na državnom nivou tražimo da zaštite dignitet i dostojanstvo naroda i građana koji žive u BiH, a posebno žrtava genocida i drugih zločina koje su počinile zločinačke horde”.

Molim zastupnike koji nisu glasali da glasaju.

ZA JE GLASALO 33 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA Kantona Sarajevo USVOJILA DEKLARACIJU UVAŽENOG ZASTUPNIKA KONAKOVIĆA.

Zastupnica Vildana Bešlija je podnijela zastupničku Inicijativu:

“Na osnovu člana 106. Poslovnika Skupštine Kantona Sarajevo (SL novine Kantona Sarajevo broj 25/10, 14/11, 19/11, 7/12, 26/12,) upućujem sljedeću zastupničku inicijativu za imenovanje Centra za interdisciplinarne postdiplomske studije Univerziteta u Sarajevu (CIS), kao „Centar za interdisciplinarne postdiplomske studije Univerziteta u Sarajevu – Zdravko Grebo (CIS – Zdravko Grebo)“.

Otvaram glasanje i molim zastupnike da glasaju.

SKUPŠTINA JE SA 33 GLASA ZA , PROTIV I SUZDRŽANIH NIJE BILO, USVOJILA ZASTUPNIČKU INICIJATIVU UVAŽENE ZASTUPNICE BEŠLIJA VILDANE.

Također je zastupnica Vildana Bešlija je podnijela zastupničku inicijativu:

Na osnovu člana 117.i 120. Poslovnika Skupštine Kantona Sarajevo (SL novine Kantona Sarajevo – Drugi novi prečišćeni tekst, broj 41/12, 15/13, 47/13, 47/15, 48/16), predlažem da Skupština Kantona Sarajevo donese sljedeće zaključke:

1., Obavezuje se Ministarstvo za obrazovanje nauku i mlade Kantona Sarajevo da pripremi Nacrt zakona o visokom obrazovanju za narednu sjednicu Skupštine Kantona Sarajevo.

2.Obavezuje se Skupština Kantona Sarajevo da za narednu radnu sjednicu na dnevni red uvrsti tačku Nacrt zakona o visokom obrazovanju.”

ZA JE GLASALO 33 ZASTUPNIKA, PROTIV I SUZDRŽANIH NIJE BILO.
KONSTATUJEM DA SMO USVOJILI ZASTUPNIČKU INICIJATIVU ZASTUPNICE VILDANE BEŠLIJA.

Treća inicijativa odnosno prijedlog zaključaka,

“U skladu s članom 117.i 120. Poslovnika...

1. *Obavezuje se Skupština Kantona Sarajevo da na narednoj radnoj sjednici na dnevni red uvrsti tačku o stanju prostornog uređenja, građenja, te zaštite šuma na prostoru planina Bjelašnica i Igman.*
2. *Obavezuju se Vlada Kantona Sarajevo, njena resorna ministarstva, Kantonalna uprava za inspekcijske poslove, kao i općine Trnovo, Ilidža i Hadžići da za pomenutu tačku dnevnog reda pripreme cjelovitu informaciju o stanju gore pomenutih oblasti*
3. *Obavezuje se Skupština Kantona Sarajevo da na predloženu tačku dnevnog reda pozove predstavnike javnih organa pomenutih u tački 2.”*

Molim zastupnike da glasaju.

ZA JE GLASALO 32 ZASTUPNIKA, PROTIV I SUZDRŽANIH NIJE BILO.

KONSTATUJEM DA SMO USVOJILI INICIJATIVU UVAŽENE ZASTUPNICE BEŠLIJA.

Prelazimo na izjašnjavanje o inicijativi odnosno predloženim zaključcima uvažene zastupnice Neire. Ja se Izvinjavam, morat ćemo ponoviti.

“U skladu s članom 117.i 120. Poslovnika Skupštine Kantona Sarajevo uvažena zastupnica Dizdarević je predložila sljedeće zaključke:

“

1. *„Obavezuju se Vlada Kantona Sarajevo i resorna ministarstva, Kantonalna uprava za inspekcijske poslove da poduzmu sve zakonske radnje u vezi neovlaštene sječe i stavljanja drveta u promet od strane Općine Trnovo.*
2. *Obavezuje se Ured za borbu protiv korupcije i upravljanje kvalitetom da ispita u okviru svoje zakonske nadležnosti da li su svi javni organi postupali zakonito po pitanju sječe šume, kao i gradnje na Bjelašnici, te da li u tome postoje elementi koruptivnih i krivičnih djela.*
3. *Obavezuje se Kantonalna uprava za inspekcijske poslove da na svaki mogući zakonit način zaštititi svoje uposlenike u vršenju svojih redovnih poslova i zadataka”.*

Molim zastupnike da glasaju.

KONSTATUJEM I ZAKLJUČUJEM GLASANJE DA JE ZA GLASALO 22 ZASTUPNIKA, PROTIV NIJE BILO, SUZDRŽANIH JE BILO 5.

INICIJATIVA UVAŽENE ZASTUPNICE NEIRE DIZDAREVIĆ JE DOBILA POTREBNU VEĆINU TE JE ISTA I USVOJENA.

Prelazimo na inicijativu uvažene zastupnice Neire Dizdarević, njena druga inicijativa, također, „Na osnovu člana 117. i 120. Poslovnika Skupštine Kantona Sarajevo predlažem da se donesu sljedeći zaključci:

1. *Obavezuju se Vlada Kantona Sarajevo i Ministarstvo za obrazovanje, nauku i mlade da nalože svim osnovnim školama prihvatanje ljekarskih uvjerenja od privatnih zdravstvenih ustanova kako bi smanjili rizik širenja infekcije corona virusom, te omogućili pristup manje rizičnim zdravstvenim ustanovama, te na kraju olakšali roditeljima upis djece u prvi razred.*
2. *Obavezuju se Vlada Kantona Sarajevo i Ministarstvo za obrazovanje, nauku i mlade da o ovome zaključku obavijeste javnost putem medija, zvanične web stranice i FB profila Vlade Kantona Sarajevo”.*

Otvaram glasanje. Zaključujem glasanje.

ZA JE GLASALO 29 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE INICIJATIVA DOBILA POTREBNU VEĆINU TE JE TAKVA I USVOJENA.

Uvažena dopredsjedavajuća Danijela Kristić je podnijela zaključak, ja bih molio da se resori ministar Alikadić uključi pošto je tražio da obrazloži prijedlog zaključka uvažene zastupnice Kristić i da se nakon toga izjasnimo. Ja ću pročitati ponovo zaključak:

1. *“Obavezuju se Vlada Kantona Sarajevo, resorna ministarstva i Skupština Kantona Sarajevo da pripremi zakonski okvir kojim će se onemogućiti apliciranje na javnim pozivima udruženjima, pravnim licima i fizičkim osobama koja nisu opravdala utrošak javnih sredstava na proteklim javnim pozivima.*
2. *Obavezuju se gore pomenuti “javni organi” da u svojim javnim pozivima kao eliminirajući kriterij navedu da aplikanti na javni poziv nemaju utvrđen slučaj da nisu opravdali sredstva po prijašnjim javnim pozivima svih javnih organa Kantona Sarajevo”.*

Ministre Alikadiću da li ste spremni?

Ministar Alikadić:

jel me čujete predsjedavajući? Ministarstvo kulture i sporta je zasigurno generator..

Predsjedavajući:

Ministre Alikadiću mi vas ništa ne čujemo ili pojačajte ton na vašem mikrofону ili provjerite šta je sa uređajem.

Ministar Kenan Alikadić:

Jel me čujete sada? Ministarstvo kulture i sporta Kantona Sarajevo je zasigurno generator najviše dodjela po javnim pozivima iz oblasti kulture i sporta i kao što sam već ranije rekao mi smo uradili sve ono što je uvažena zastupnica Kristić navela, ima određeni model koji je spriječio sve ono što je ona ranije navela u svojoj inicijativi a odnosi se na pravdanje novčanih sredstava. Odnosno svi oni aplikanti koji nisu pravdali sredstava u prethodnim godinama neće moći biti predmetom dodjele sredstava po novim javnim pozivima. Naravno, ukoliko se smatra da bi to trebalo provesti kroz nekakvu proceduru pravilnika ili nekog drugog akta koji definiše tu oblast, moram reći da je to zakonom predviđena procedura i da je samo neophodno primjenjivati važeće zakonske propise iz oblasti finansija koji jasno definišu kako se ta oblast uređuje i kako se trebaju svi oni aplikanti koji su dobili sredstva odnositi prema sredstvima, tako da smo mi krenuli u poslijeratnom periodu po prvi put u jednu vrlo dinamičnu i odgovornu aktivnost po pitanju toga. Naravno, nailazimo na mnoge otpore, mnogi nisu sretni da se uvodi jedan sistem gdje ne mogu koristiti sredstva za onu namjenu za koju nisu dobili ili ih eventualno ne pravdati. Zaista ja mogu dostaviti iznose onih koji nisu pravdali sredstva i zaista se radi o jednom vrlo neodgovornom odnosu prema budžetskom novcu. Svaki dan dobijamo prijave pojedinaca koji su bili dužni da pravdaju sredstva a u međuvremenu su drugi preuzeli udruženja tako da se radi o jednom kao što sam rekao neodgovornom odnosu i ovo je procedura koja će svakako spriječiti sve one koji su tako postupali u prethodnom periodu da se s tom praksom prekine i odustane, to je zakonska procedura, a ukoliko smatrate da mi možemo svojim doprinosom prenijeti to generalno na neka još Ministarstva koja imaju pozive u puno manjem obimu, mi u potpunosti stojimo na raspolaganju, smatramo da je ova

inicijativa u potpunosti realizovana u prethodnom periodu, ali svakako dajemo svoj puni značaj i podršku da se to i unaprijedi i da se u narednom periodu istraje na tome. Svakako će trebati podrška kako Vlade Kantona Sarajevo tako i Skupštine da se istraje na ovom principu.

Predsjedavajući:

zahvaljujem ministre. Kolegice dopredsjedavajuća Kristić, ja koliko sam shvatio ovo je već u zakonskim okvirima pa evo ja ću vama dati riječ, da li ostajete pri vašem prijedlogu zaključka da se glasa ili da povlačite vašu inicijativu.

Dopredsjedavajuća Danijela Kristić:

Zahvaljujem predsjedavajući. Pa evo ako je bilo u zakonskim okvirima onda moram reći da prethodnici nisu poštovali te zakonske propise jer je ministar u svojim uvodnim obrazloženjima naveo da dosta udruženja nije pravdalo sredstva, da se tu godinu nisu javili, a da su imali mogućnost sljedeću. Ja sam ovaj zaključak podnijela zbog toga što želim da se stane u kraj tim udruženjima, fizičkim licima, sportskim kolektivima da nikada više u budućnosti ne mogu aplicirati ni na jedan javni poziv u bilo kojem Ministarstvu. Znači nije u pitanju samo Ministarstvo sporta. Ja vjerujem, i vidjela sam sada u javnom pozivu da je ministar to dobro uradio i da je zaustavio taj dio ali za ubuduće ja želim da se Skupština izjasni o ovom zaključku da se napravi zakonski okvir, ukoliko nema, ukoliko ima, onda da se pozove na odgovornost da se on primjenjuje. I želim da usvojimo zaključak gdje će se jasno definisati u svakom narednom javnom pozivu da jasno bude definisan kriterij da se udruženja ili sportski kolektiv, fizičko lice ne mogu javiti ni na jedan poziv u bilo kojem Ministarstvu ukoliko nije bilo koju godinu pravdao. Tako da ostajem pri svome zahtjevu i želim da se Skupština izjasni o zaključku. Hvala.

Predsjedavajući:

Zahvaljujem uvažena dopredsjedavajuća. Otvaram glasanje, možete glasati za predloženi zaključak uvažene dopredsjedavajuće Kristić Danijele. Zaključujem glasanje.

ZA JE GLASALO 29 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA PRIJEDLOG ZAKLJUČKA UVAŽENE DOPREDSJEDAVALA KRIŠTIĆ.

Također u skladu s Poslovnikom 117 i 120. kolegica dopredsjedavajuća Kristić je podnijela prijedlog zaključka *kojim se obavezuje Vlada Kantona Sarajevo da stavi na raspolaganje Općoj bolnici prostor i kapacitete Klinike za vaskularnu hirurgiju kako bi se stvorili stvorili uslovi za zbrinjavanje i smještaj oboljelih pacijenata od COVID-19.*

Premijer je tražio riječ da nas upozna vezano za smještajne kapacitete na Klinici za vaskularnu hirurgiju. Premijeru da li ste tu i ja vam dajem riječ. Izvolite.

Premijer Mario Nenadić:

Jesam gdine predsjedavajući. Hvala. Vrlo kratko. Tražio sam riječ da ne bi smo dobili u konačnici nemoguć zadatak. Dakle odmah nakon što smo u Vladi Kantona Sarajevo, to je došlo na ruke premijera, zato se i obraćam, inače bi iz resora govorio predstavnik Ministarstva zdravstva. Odmah nakon što smo zaprimili prijedlog da se Vaskularna klinika stavi na raspolaganje za potrebe zbrinjavanja pacijenata mi smo obratili. Moramo da znamo da Vaskularna klinika nije vlasništvo kantona niti kantonalnih institucija. Mi smo se obratili federalnom Ministarstvu zdravstva i Vladi FBiH. Kopije tih naših obraćanja smo prosljedili direktorici KCUS. I direktoru Opće bolnice u Sarajevu na znanje, kako bi znali da smo poduzeli korake kako bi smo da kažem razobličili pravnu situaciju prije svega, u smislu titulara vlasništva i od njih smo direktno tražili da se ova inicijativa razmotri i da nam se ovaj objekat stavi na raspolaganje. Evo kakav god vi zaključak donesete ali sam bio dužan da vas

upoznam da Vaskularna klinika nije vlasništvo Kantona Sarajevo prema onome što imamo u ovom trenutku na raspolaganju.

Predsjedavajući:

Znači uvažena dopredsjedavajuća ne možemo obavezati Vladu Kantona Sarajevo da stavi kapacitete Klinike za vaskularnu hirurgiju Općoj bolnici na raspolaganje. Evo ja bih vas lijepo molio da se i vi izjasnite i da imamo možda i veću pravnu snagu kao što je to napisao Čampara. Pa evo, izvolite.

Dopredsjedavajuća Danijela Kristić:

Ja naravno ostajem pri svom zaključku. Želim da se skupština izjasni, smatram da će imati jaču pravnu snagu ukoliko cijela skupština i svi zastupnici stanu iza ovoga. Toliko.

Predsjedavajući:

Zahvaljujem. Molim zastupnike da se izjasne. Otvaram glasanje i izvolite glasajte. Zaključujem glasanje.

ZA JE GLASALO 24 ZASTUPNIKA, PROTIV I SUZDRŽANIH NIJE BILO.

KONSTATUJEM DA SMO USVOJILI PRIJEDLOG ZAKLJUČKA UVAŽENE DOPREDSJEDAVALJUĆE KRISTIĆ.

Prelazimo na izjašnjavanje Deklaracije uvažene zastupnice Jasne Duraković. Kolestice Duraković mi bi ovdje imali nešto modifizirati. Ukoliko bi ostalo da je zdravstveni sistem devastiran, mi kao zastupnici ne možemo glasati, odnosno parlamentarna većina koja je danas u Skupštini Kanton Sarajevo ne bi mogla glasati. Ali vašu deklaraciju možemo ukoliko se slažete ostaviti da se izjasnimo u toku dana, a vas ću moliti da vas kontaktiraju šefovi klubova kako bi usaglasili Deklaraciju i istu usvojili. Prijedlog je da se u vašu deklaraciju uvrste i oni koji su bili u Novom Pazaru, te da se i oni spomenu u toj deklaraciji, ljekari i medicinski radnici koji su proveli 14 ili 15 dana u Novom Pazaru. I bilo bi zaista dobro da Skupština Kantona Sarajevo i njih spomene u Deklaraciji. Pa evo ja dajem vama riječ ukoliko ste saglasni da se ova Deklaracija modifikuje na način da se spomenu i ti ljudi a da se spomenu i uposlenici COVID ambulante i svi oni koji su radili na liječenju svih pacijenata i da ovu riječ devastiran. Devastiran znači urušen, i evo ja mislim da ovo trebamo modifizirati i da budemo svi zastupnici za. Evo dajem riječ uvaženoj zastupnici Duraković i nadam se da ćete prihvatiti prijedlog da modifiziramo i da do kraja udana usvojimo ovu Deklaraciju. Izvolite uvažena zastupnice Duraković. Nakon vas je kolega Dević tražio poslovničku intervenciju, ali evo poslije vas.

Poslanik/zastupnik Jasna Duraković:

Zahvaljujem predsjedavajući. Svakako da pristajem na modifikaciju riječi devastiran i to ću evo u narednih desetak minuta vam ispraviti. Međutim ako sada budem u potpunosti mijenjali tekst Deklaracije to onda gubi na suštini. To nije poenta. Ja se svakako suosjećam i otvoreno i javno iskazujem podršku i svim naravno zdravstvenim radnicima i COVID ambulantama, i institucijama, ne samo u BIH, već u Novom Pazaru, kao što rekoste. Ali to onda u potpunosti mijenja suštinu ove Deklaracije, pa evo u tom kontekstu ne bih išla na tu vrstu modifikacije ali ću svakako pristati na modifikaciju riječi devastiran. Eto toliko.

Predsjedavajući:

Samo da vas napomenem, poslovničku deklaraciju možemo usvojiti u toku sjednice, u svakoj pauzi između tačaka dnevnog reda tako da ja ću se zaista potruditi evo da odmah poslije Rebalansa modifiziranu vašu Deklaraciju damo na glasanje. Znači izjasnit ćemo se u toku dana o vašoj Deklaraciji. A šefove klubova molim da kontaktiraju vas i da pripreme tekst

Deklaracije kako bi isti usvojili. Kolega Deviću vi ste tražili poslovničku intervenciju, izvolite.

Poslanik/zastupnik Mahir Dević:

Zahvaljujem predsjedavajući. Ma koristio sam ovu mogućnost možda malo nije baš ni prikladno ali evo da kažem jednu, dvije rečenice. Mislim dane bi trebali pojedinačno izdvajati bilo koji segment zdravstveni. Tu treba spomenuti svakako i ovu ekipu koja je išla u Novi Pazar, i ovaj izolatorij Podhrastovi i COVID ambulante koje djeluju pri JU DZKS. Da pošaljemo jednu poruku da se zahvaljujemo svim medicinskim radnicima na svim nivoima a ne da pravimo bilo kakvu vrstu diskriminacije koja će imati bilo kakve političke konotacije koje u konačnici neće koristiti naravno ni profesoru Gavrankapetanoviću i nikome od nas. Jednu takvu deklaraciju svi bi zajedno podržali. To je naš prijedlog. Hvala.

Predsjedavajući.

Zahvaljujem uvaženi zastupniče Deviću. Ja vas molim da kontaktirate uvaženu zastupnicu Duraković svi šefovi klubova i usaglasite tekst deklaracije i dostavite sekretaru Skupštine kako bi se o toj deklaraciji mogli i izjasniti. Uvaženi zastupnik Čampara traži riječ, ali poslovnički, ja vam ne mogu dati riječ dok ne kažete da li je ispravka krivog navoda, poslovnička intervencija, to su dvije jedine opcije za koje mogu da vam dam riječ odmah. Da bi kolegice Duraković mogli glasati sa modifikacijom, ja vas lijepo molim da ovako kao što sam vam i predložio, da dostavite tekst Deklaracije kako bi se zastupnici mogli izjasniti, morate dostaviti modificiranu Deklaraciju ili da se o ovoj izjasnimo. Kolega Čampara, poslovnička intervencija, pretpostavljam. Jeste. Izvolite.

Poslanik/zastupnik Aljoša Čampara:

Zahvaljujem predsjedavajući, pa otprilike onako isto kao što je gđin Mahir Dević dobio riječ, smatrao sam da imam i ja pravo na isti način, jel? Dakle, što se tiče ove inicijative, ili deklaracije ili kako se to već zove što je ponudila gđa Jasna Duraković, dakle ja evo javno kažem da ću to podržati vezano za profesora Gavrankapetanovića i isto tako želim da podržim i neku možda drugu inicijativu koja se bude ticala podrške svim ljekarima koji se bore protiv pandemije i koji služe našim građanima. I u bolnici u Podhrastovima i u COVID ambulantom i u DZ, i Općoj bolnici i našim ljekarima hrabrim koji su otišli u Sandžak da pomognu Bošnjacima i drugim građanima u Sandžaku. Međutim ovdje ne možemo u isti koš dovoditi sve stvari i sve ljude. Dakle, ja sam shvatio da je ova Deklaracija upravo upućena na način da se da podrška iz Skupštine Kantona Sarajevo čovjeku koji je u vrijeme ove pandemije i svega ovoga zato što je rekao da treba liječiti pacijente, curicu, koji je ispred etičkog komiteta, kako se to zove, Ljekarske komore, počela da se provodi određena procedura prema njemu u smislu konačnice za oduzimanje ljekarske licence. Ja mislim da tu postoji ogromna razlika i ogromna diskrepanca između ovih ljekara. A svakako zasluga i pohvala i velika hvala svim ljekarima koji se bore za građane Kantona Sarajevo. I mislim da bi trebale ove dvije stvari biti potpuno jasne i ne možemo ih uvezivati na ovakav način. Hvala.

Predsjedavajući:

Uvažene kolegice i kolege ne morate pisati u grupi da dajem riječ. Ja ću dati svakome riječ ko god napiše da traži riječ ali u skladu s Poslovnikom. Ja sam sugerirao kolega Dević, uvaženi zastupniče Čampara je tražio poslovničku intervenciju, vi ste tražili riječ. Kada budete napisali sljedeći put, ja sam vas evo usmjerio da kažete da je to poslovnička intervencija i dao vam riječ. Također i ostale molim da se pridržavaju Poslovnika o radu Skupštine Kantona Sarajevo i svakako će Jasna Duraković dobiti riječ, i evo ja dajem riječ uvaženoj zastupnici Duraković jer je tražila poslovničku intervenciju. I nemojte molim vas da izlazimo iz tog konteksta da nekome ja ne dajem riječ. Ko god traži poslovničku intervenciju, ispravku

krivog navoda, dobit će riječ odmah. I to sam prekidao ne samo na slučaju Devića nego i svih ostalih zastupnika bilo koje političke partije. Ja se pridržavam Poslovnika i tako će biti do kraja. Radi toga što će ostati trajno ovo, viber grupa, mi to kopiramo i ostavljamo u arhivu. Ja ću vama dati uvažena zastupnice Duraković riječ ali vas molim da se u grupu prijavite da tražite poslovničku intervenciju kako bi imali pisani trag. Zahvaljujem, i kolegica Duraković ima riječ.

Poslanik/zastupnik Jasna Duraković:

Pa evo zahvaljujem predsjedavajući, samo dok sam napisala, pa ću ispraviti, ima greška. Ja se zahvaljujem vama prije svega na korektnosti i na izuzetno profesionalnom vođenju današnje sjednice. I naravno zahvaljujem kolegi Čampari na dodatnom obrazloženju koje je ponudio i dakle ja stojim pri ovoj Deklaraciji ovakvoj kakva jeste, kakva je napisana jer kako sam već i rekla ako bi smo mijenjali sada, nadodavali sve ovo ostalo, a to je zaista od izuzetne važnosti to bi moralo onda biti u tekstu neke druge inicijative, deklaracije ikako već želite da nazovete. Ja bih išla samo sa ovom modifikacijom te riječi koja jeste možda evo neprimjerena u ovom trenutku, tako da bih modificirala tekst samo promjenom riječi umjesto “zdravstveni sistem devastiran” – “zdravstveni sistem ugrožen”. Ako se slažete. I evo stojim pri tom stavu da bih voljela da se o tome odmah izjasnimo da Skupština glasa po ovom pitanju. Toliko, hvala.

Predsjedavajući:

Kada radimo u skladu s Poslovníkom sve može i naravno vaš zahtjev da se izjasne zastupnici o Deklaraciji koju smo predložili, svakako ćemo dati odmah na glasanje jer je to vaš zahtjev, vi ste predlagáč Deklaracije i kao poslanik u Skupštini Kantona Sarajevo imate na to pravo. Znači čitam tekst Deklaracije. Sekretara molim da napravi anketu. Predloženi tekst Deklaracije:

“U teškim trenucima za zdravstvo Kantona Sarajevo, dodatno pogoršanim pandemijom korona virusa, kada nam je zdravstveni sistem ugrožen, a svaki zdravstveni radnik potreban, naročito stručnjak koji je svojim dugogodišnjim radom bio na usluzi pacijentu, Skupština Kantona Sarajevo oštro osuđuje kampanju koja se vodi protiv prof. dr. Ismeta Gavrankapetanovića i daje mu punu podršku u njegovoj borbi za dobro pacijenata, te u obnovi i jačanju zdravstvenog sistema Kantona Sarajevo”.

Molim zastupnike da se izjasne o predloženom tekstu Deklaracije, a tražim potvrdu od uvažene zastupnice Duraković da je Deklaracija pročitana na način na koji je i zahtijevala kolegica Duraković. Kogegice Duraković imate riječ, izvolite.

Poslanik/zastupnik Jasna Duraković:

Jeste, sve je u redu.

Predsjedavajući:

Otvaram glasanje i molim zastupnike da se izjasne. Evo još koji trenutak. Zaključujem glasanje.

Konstatujem da je sa 25 glasova ZA, protiv nije bilo, sadržanih 1 usvojena deklaracija na prijedlog uvažene zastupnice Duraković.

Prelazimo na izjašnjavanje inicijative uvaženog zastupnika Marića. Molim sekretara Skupštine da napravi anketu kako bi mogli zastupnici mogli glasati. Već je napravila. Otvaram glasanje za inicijativu uvaženog zastupnika Marića.

“Budući da je u vrijeme Corona krize, funkcioniranje zdravstvenog sistema, primarna briga svake ozbiljne vlade, pokrećem inicijativu da se razmotri mogućnost nabavke sanitetskih

vozila za Domove zdravlja na području KS. Domovi zdravlja hronično oskudijevaju, kada je riječ o sanitetskim vozilima, bez kojih je nezamislivo njihovo efikasno funkcioniranje. Ako želimo jačanje zdravstvenog sistema, mislim da je nabavka sanitetskih vozila, jedna od nužnih pretpostavki. S obzirom da su za realiziranje ove inicijative potrebna novčana sredstva, proceduralno, odnosno poslovnički je potrebno očitovanje vlade, no ne treba zanemariti mogućnost da se sanitetska vozila osiguraju i u formi donacija, od onih koji žele pomoći našem zdravstvenom sistemu, u vremenu kada epidemiolozi najavljuju usložnjavanje epidemioloških neprilika u jesenjem periodu”.

Kolega Mariću ovdje trebamo imati očitovanje Vlade koliko sam vidio, pa ja bih vas lijepo molio da pojasnite vašu inicijativu jer ukoliko su potrebna finansijska sredstva, Vlada treba prvo da se izjasni pa ukoliko to ne učini do naredne sjednice, mi se možemo kao Skupština izjasniti. Dajem riječ uvaženom zastupniku Mariću.

Poslanik/zastupnik Zvonko Marić:

Zahvaljujem predsjedavajući:

Ja jesam i naveo da je to poslovnički nužno da se uradi, proceduralno, kako god hoćete, međutim može se i skupštinska izjasniti da me podržava ukoliko Vlada misli da može to osigurati ili na neki drugi način, kroz donacije ili sasvim svejedno ili kupovinom, izdvajanjem sredstava itd. Ja mislim da možda podržimo Vladu u razmišljanju da se posvete tom problemu koji je evidentan. Dakle naravno poštovat ću i sve drugo što je u skladu sa zakonom. Ali mislim da bi poslali time i jasnu poruku i javnosti da brinemo o jačanju zdravstvenog sistema.

Predsjedavajući:

Vi ste to i naveli da se razmotri mogućnost, nismo nikako obavezali Vladu da kupi odnosno da nabavi sanitetska vozila za DZ, pa evo mišljenja sam da se možemo izjasniti o ovoj inicijativi jer da razmotri, ništa drugo, znači ne odvajamo ništa sredstava za vašu inicijativu. Evo predlažem da se o inicijativi izjasnimo i molim zastupnike da o ovoj inicijativi glasaju. Otvaram glasanje. Zaključujem glasanje.

KONSTATUJEM DA JE ZA GLASALO 31 ZASTUPNIK, PROTIV I SUZDRŽANIH NIJE BILO. ZASTUPNIČKA INICIJATIVA UVAŽENOG ZASTUPNIKA MARIĆA JE USVOJENA.

Uvažena zastupnica Arijana Memić je podnijela inicijativu i tražila je da se Skupština Kantona Sarajevo izjasni. Inicijativa za pokretanje postupka smjene generalne direktorice i menadžmenta KCUS.

“Inicijativa za pokretanje postupka smjene generalne direktorice i kompletnog menadžmenta KCUS te imenovanje v.d. generalnog direktora i privremenog rukovodstva do izbora novog menadžmenta a zbog neadekvatnog organiziranja zdravstvene zaštite stanovništva, tercijarnog i sekundarnog B nivoa u uslovima pandemije. Nepostojanje jasnih planova i procedura za postupanje u uslovima vjerovatnog pogoršanja situacije u vezi sa pandemijom, loše kadrovske politike, neprestanog politiziranja zdravstva kao bitne funkcije društva u aktuelnoj situaciji i općeg nezadovoljstva i nesigurnosti stanovništva a koje je izazvano neodgovarajućim radom menadžmenta KC”.

Otvaram glasanje. Izvolite glasati. Molim zastupnike da glasaju, još evo 30 minuta ćemo ostaviti za mogućnost glasanja. 30 sekundi, ja se ispričavam.

ZA JE GLASALO 16 ZASTUPNIKA, PROTIV 11, SUZDRŽANIH 5.

KONSTATUJEM DA SKUPŠTINA NIJE USVOJILA ZASTUPNIČKU INICIJATIVU ZASTUPNICE MEMIĆ.

Poslovnička intervencija uvažene dopredsjedavajuće Krivić i uvaženog zastupnika Stojanović Igora, sumnja u glasanje. Pojedinačno izjašnjavanje. Molim sekretara da krene sa pojedinačnim izjašnjavanjem. Sekretar skupštine, izvolite.

Sekretar skupštine Aida Zeković:
hvala. Molim da se izjasnite.

1. Aljović Hamed PROTIV
2. Bešlija Vildana ZA
3. Bišćević-Tokić Jasmina PROTIV
4. Čampara Aljoša SUZDRŽAN
5. Čelik Mirza PROTIV
6. Čosović-Hajdarević Samra PROTIV
7. Delalić Sabahudin PROTIV
8. Dević Mahir PROTIV
9. Dizdarević Neira ZA
10. Duraković Jasna ZA
11. Handžić Vibor ZA
12. Hasagić Amra PROTIV
13. Hasanović Senad SUZDRŽAN
14. Hodžić Admela PROTIV
15. Jakupović Vedran ZA
16. Junuzović-Kaljić Amra ODSUTNA
17. Kerla Bibija ODSUTNA
18. Konaković Elmedin ZA
19. Krstić Danijela ZA
20. Marić Zvonko SUZDRŽAN
21. Marjanović Damir ZA
22. Mekić Amel ZA
23. Memić Arijana ZA
24. Milavica Sead PROTIV
25. Nikšić Damir ZA
26. Okerić Elvedin ZA
27. Pecikoza Fahrudin ODSUTAN
28. Pleho Haris PROTIV
29. Poturak Dževad SUZDRŽAN
30. Srna- Bajramović Segmedina ZA
31. Stojanović Igor ZA
32. Suljević Samir ZA
33. Šahman Bilsena SUZDRŽANA
34. Viteškić Smiljana PROTIV
35. Vreto Elvis ZA

Predsjedavajući:

ZA JE GLASALO 16 ZASTUPNIKA, PROTIV 11, UZDRŽANIH 5.

Konstatujem da Skupština nije usvojila predloženu inicijativu uvažene zastupnice Memić Arijane.

Prelazimo na izjašnjavanje inicijative uvaženog zastupnika Stojanović Igora. Molim sekretara da napravi anketu.

Na osnovu člana 106 Poslovnika Skupštine Kantona Sarajevo zastupnik Stojanović predlaže da se usvoje sljedeći zaključci:

1. *“Zadužuju se Vlada Kantona Sarajevo, odnosno Ministarstvo prostornog uređenja, građenja i zaštite okoliša da za narednu sjednicu Skupštine Kantona Sarajevo*

pripreme i dostave informaciju o realizaciji Zaključka Skupštine Kantona Sarajevo broj: 01-04-3436- 6/20 od 25.02.2020. godine.

2. *Informacija iz tačke 1. ovog zaključka treba da sadrži sve aktivnosti koje su preduzete od strane nadležnog ministarstva na pripremi Odluke o izmjenama i dopunama Odluke o zaštiti i poboljšanju kvaliteta zraka u Kantonu Sarajevo, kao i aktivnosti nosioca pripreme i izrade planske dokumentacije (Ministarstvo, Grad, općine i Zavod za planiranje razvoja Kantona Sarajevo) u pogledu provođenja zaključaka i preporuka sadržanih u "Studiji o urbanim ventilacionim koridorima i uticaju visokih zgrada".*

Otvaram glasanje i molim zastupnike da glasaju o prijedlogu zaključaka uvaženog zastupnika Stojanovića. Još 30 sekundi za glasanje. Molim zastupnike da glasaju. Zaključujem glasanje. Za je glasalo 21 zastupnik, protiv i suzdržanih nije bilo.

KONSTATUJEM DA SMO USVOJILI ZASTUPNIČKU INICIJATIVU UVAŽENOG ZASTUPNIKA STOJANOVIĆA.

I zastupnika inicijativa uvaženog Stojanovića ponovo. Evo da sačekamo anketu. Evo završili smo i to.

Na osnovu člana 117. i 120. Poslovnika Skupštine Kantona Sarajevo kolega Stojanović je predložio da se donesu sljedeći zaključci.

1. *"Obavezuju se Vlada Kantona Sarajevo i resorna ministarstva, Kantonalna uprava za inspeksijske poslove da poduzmu sve zakonske radnje u vezi neovlaštene sječe i stavljanja drveta u promet od strane Općine Trnovo.*

2. *Obavezuje se Ured za borbu protiv korupcije i upravljanje kvalitetom da ispita u okviru svoje zakonske nadležnosti da li su svi javni organi postupali zakonito po pitanju sječe šume, kao i gradnje na Bjelašnici, te da li u tome postoje elementi koruptivnih i krivičnih djela.*

3. *Obavezuje se Kantonalna uprava za inspeksijske poslove da na svaki mogući zakonit način zaštiti svoje uposlenike u vršenju svojih redovnih poslova i zadataka.*

4. *Skupština Kantona Sarajevo daje punu podršku svakom uposleniku Kantonalne uprave za inspeksijske poslove u poštenom i zakonitom obavljanju svojih radnih zadataka, a posebno kantonalnom šumarskom inspektor Dominku Bešliću".*

Molim zastupnike da se izjasne o predloženoj inicijativi uvaženog zastupnika Stojanovića. Još 30 sekundi za glasanje. Molim zastupnike koji nisu glasali da glasaju. Zaključujem glasanje.

KONSTATUJEM DA SMO S 18 GLASOVA ZA I SUZDRŽANIH 6, PROTIV NIJE BILO, USVOJILI INICIJATIVU UVAŽENOG ZASTUPNIKA STOJANOVIĆA.

Prelazimo na realizaciju tačke dva.

Imali smo Jakupović inicijativa. Zastupniče Jakupović vi ste naveli precizno da tražite da se odvoje sredstva, ja sam vama kazao da morate i vi modificirati.

Poslanik/zastupnik Mahir Dević:

Predsjedavajući, imali smo sumnju u glasanje, prije toga, možda niste vidjeli.

Predsjedavajući:

Kolega Deviću, da bi tražili pojedinačno izjašnjavanje zastupnika, morate napisati da je to poslovnička intervencija, jer to poslovnička intervencija i jeste u skladu sa Poslovnikom o radu Skupštine Kantona Sarajevo. Ja vas molim da vi napišete poslovnička intervencija, sumnja u glasanje, č i ja ću vama svakako dati riječ radi našeg stenograma i trajnog dokumenta koji čuvamo u ovoj viber grupi, mi ćemo to tražiti od vas prije nego što vam damo riječ

izrazite sumnju u glasanje. Kolega Dević šef Kluba SDA je izrazio sumnju u glasanje, molim sekretara nekome je ostao mikrofon uključen, molim zastupnike da provjere. Sekretar o zastupničkoj inicijativi uvaženog zastupnika Stojanovića, pojedinačno izjašnjavanje.

Sekretar Skupštine Aida Zeković:

Hvala. Molim da se izjasnite:

1. Aljović Hamed PROTIV
2. Bešlija Vildana ZA
3. Bišćević-Tokić Jasmina SUZDRŽANA
4. Čampara Aljoša ZA
5. Čelik Mirza PROTIV
6. Ćosović-Hajdarević Samra PROTIV
7. Delalić Sabahudin SUZDRŽAN
8. Dević Mahir SUZDRŽAN
9. Dizdarević Neira ZA
10. Duraković Jasna ZA
11. Handžić Vibor ZA
12. Hasagić Amra SUZDRŽANA
13. Hasanović Senad SUZDRŽAN
14. Hodžić Admela ODSUTNA
15. Jakupović Vedran ZA
16. Junuzović-Kaljić Amra ODSUTNA
17. Kerla Bibija ODSUTNA
18. Konaković Elmedin ZA
19. Kristić Danijela ZA
20. Marić Zvonko ODSUTAN
21. Marjanović Damir ZA
22. Mekić Amel ZA
23. Memić Arijana ZA
24. Milavica Sead ODSUTAN
25. Nikšić Damir ZA
26. Okerić Elvedin ZA
27. Pecikoza Fahrudin ODSUTAN
28. Pleho Haris ODSUTAN
29. Poturak Dževad SUZDRŽAN
30. Srna- Bajramović Segmedina ZA
31. Stojanović Igor ZA
32. Suljević Samir ZA
33. Šahman Bilsena ZA
34. Viteškić Smiljana PROTIV
35. Vreto Elvis ZA

Predsjedavajući:

ZA JE GLASALO 18 ZASTUPNIKA, PROTIV 4, UZDRŽANIH JE BILO 6.

KONSTATUJEM DA JE ZASTUPNIČKA INICIJATIVA UVAŽENOG ZASTUPNIKA STOJANOVIĆA USVOJENA U TEKSTU KAKO JE I PREDLOŽENO.

Kolega Jakupoviću ja sam vas ponovo upozorio da za vašu inicijativu ne mogu dopustiti da se skupština izjasni bez stava Vlade pošto su ovdje u pitanju novčana sredstva dok se Vlada ne izjasni. Ukoliko se ne izjasni, u skladu s Poslovníkom na sljedećoj sjednici Skupštine Kantona Sarajevo ja ću vašu inicijativu dati na glasanje, do tada u skladu s Poslovníkom ne mogu ovo pustiti na glasanje.

Iscrpili smo tačku jedan.

Prelazimo na realizaciju tačke dva.

Kolega Jakupoviću mi nismo dobili vaša dva zaključka. Mi smo pozvali sve zastupnike da svoje zaključke dostave sekretaru Skupštine kako bi svi zastupnici mogli o istim da se izjasne. Bila je i pauza. Sada ne mogu dopustiti da vi dostavite zaključke pa da tražimo da se Skupština izjasni o istim.

Poslanik/zastupnik Vedran Jakupović:

Predsjedavajući, dva su zaključka na istom papiru, na istu temu vezana, jedan..

Predsjedavajući:

Jakupoviću, hajte da poštujemo Poslovnik. Ja ću vama dati riječ, samo ne možete vi dobiti riječ kada vi želite, nego kada vam odobrim u skladu sa vašim prijedlogom zaključka. Ja ću vama dati riječ da vi obrazložite vašu inicijativu i da nam kažete o čemu se radi. Ali u vašoj inicijativi, svi smo dobili zastupnici, i ja koliko vidim ovo je jedna inicijativa, niti je pod jedan niti pod dva, ali evo vi nas upoznajte o vašoj inicijativi. Dajem vam riječ, izvolite.

Poslanik/zastupnik Vedran Jakupović:

Zahvaljujem predsjedavajući. Znači u toj inicijativi su dva zaključka, jedan je, u pravu ste, odnosi se na obezbjeđivanje dodatnih sredstava na ovo budžetnoj stavci, a drugi je, odnosno prvi, piše da je prvi zaključak:

„Nalaže se Vladi Kantona Sarajevo da odmah da donese novu odluku o subvencioniranju rješavanja stambenog pitanja mladih i samim tim objavi novi javni poziv za subvencioniranje stambenog zbrinjavanja mladih, na način da se uklone diskriminatorni kriterij iz prethodne odluke”. To je zaključak jedan.

Zaključak dva pominje dodatna sredstva. Tako da za njega možemo čekati mišljenje Vlade. Možda ste se malo zbunili u čitanju. Dakle dva su zaključka.

Predsjedavajući:

Nisam se ja zbunio, vi ste u obrazloženju to predložili, ali u skladu s Poslovnikom trebali ste u preambuli. Ali evo, u svakom slučaju ja sam vas razumio i smatrat ćemo da je Zaključak 1 onaj o kojem treba da se izjasnimo, a Zaključak 2. ćemo tražiti od Vlade Kantona Sarajevo da se izjasni. Ukoliko se ne izjasni na narednoj sjednici mi ćemo se svakako kao Skupština izjasniti.

Predlažem da glasamo za prijedlog Zaključka uvaženog zastupnika Jakupovića:

„Nalaže se Vladi Kantona Sarajevo da odmah da donese novu Odluku o subvencioniranju rješavanja stambenog pitanja mladih, te samim tim objavi novi javni poziv za subvencioniranje stambenog zbrinjavanja mladih, koje je raspisalo Ministarstvo prostornog uređenja, građenja i zaštite okoliša, na način da se uklone diskriminatorni kriterij iz prethodne Odluke („Sl.novine Kantona Sarajevo broj 25/20”)”.

Molim zastupnike da se izjasne. Još 30 sekundi za glasanje. Zaključujm glasanje.

ZA JE GLASALO 16 ZASTUPNIKA, PROTIV NIŠTA, SUZDRŽANIH 9.

KONSTATUJEM DA SKUPŠTINA NIJE USVOJILA PRIJEDLOG ZAKLJUČKA UVAŽENOG ZASTUPNIKA VEDRANA JAKUPOVIĆA.

Poslovnička intervencija, sumnja u glasanje. Tražim pojedinačno izjašnjavanje, zastupnik Vedran Jakupović, šef Kluba NiP-a 2. izvolite uvažena sekretarko, pojedinačno izjašnjavanje.

Sekretar Skupštine Aida Zeković:

Hvala vam. Molim vas da se izjasnite.

1. Aljović Hamed SUZDRŽAN
2. Bešlija Vildana ZA
3. Bišćević-Tokić Jasmina SUZDRŽANA
4. Čampara Aljoša: Ja sam SUZDRŽAN jer mi ništa nije jasno oko ovog zaključka i o čemu smo glasali stvarno
5. Čelik Mirza SUZDRŽAN
6. Čosović-Hajdarević Samra SUZDRŽANA
7. Delalić Sabahudin SUZDRŽAN
8. Dević Mahir SUZDRŽAN
9. Dizdarević Neira ZA
10. Duraković Jasna ZA
11. Handžić Vibor ZA
12. Hasagić Amra SUZDRAŽNA
13. Hasanović Senad SUZDRŽAN
14. Hodžić Admela ODSUTNA
15. Jakupović Vedran ZA
16. Junuzović-Kaljić Amra ODSUTNA
17. Kerla Bibija ODSUTNA
18. Konaković Elmedin ZA
19. Kristić Danijela ZA
20. Marić Zvonko ODSUTAN
21. Marjanović Damir ZA
22. Mekić Amel ZA
23. Memić Arijana ZA
24. Milavica Sead SUZDRŽAN, nažalost nije mi jasno ništa
25. Nikšić Damir ZA
26. Okerić Elvedin ZA
27. Pecikoza Fahrudin SUZDRŽAN
28. Pleho Haris ODSUTAN
29. Poturak Dževad ODSUTAN
30. Srna- Bajramović Segmedina ZA, iskoristiti ću ovu priliku, molim vas da se ugase mikrofoni čak čujemo i neke koji nisu prisutni na glasanju, čujemo njihove mikrofone, i smetaju nam u radu. Ja sam ZA
31. Stojanović Igor ZA
32. Suljević Samir ZA
33. Šahman Bilsena SUZDRŽANA, mislim da se o ovome još treba raspravljati
34. Viteškić Smiljana ODSUTNA
35. Vreto Elvis ZA

Predsjedavajući:

ZA JE GLASALO 16 ZASTUPNIKA, PROTIV NIJE BIO NIKO, SUZDRŽANIH JE BILO 12.

KONSTATUJEM DA PRIJEDLOG ZAKLJUČKA UVAŽENOG ZASTUPNIKA VEDRANA JAKUPOVIĆA NIJE DOBIO POTREBNU VEĆINU, A O ZAKLJUČKU 2 ĆEMO PROSLIJEDITI VLADI NA OČITOVANJE. UKOLIKO SE NE OČITUJE DO NAREDNE SJEDNICE, MI ĆEMO SE IZJASNITI O PRIJEDLOGU ZAKLJUČKA UVAŽENOG ZASTUPNIKA JAKUPOVIĆA.

Imamo, mislili smo da je neko poslovničku intervenciju tražio. Prelazimo na realizaciju tačke dva.

Poslanik/zastupnik Aljoša Čampara:
Jesam, ja sam tražio poslovničku.

Predsjedavajući:

Ja se izvinjavam. Nisam pogledao, sugerirao mi je sekretar da je bila poslovnička intervencija. Kolega Čampara poslovnička intervencija, izvolite.

Poslanik/zastupnik Aljoša Čampara.

Ma vidite predsjedavajući, stvarno ne želim da nešto dodatno usložnjam situaciju, ali nekako smo kod ove sada tačke bili malo, vidim, ne samo ja nego i drugi zastupnici zbunjeni. Prvo je bilo rečeno da nećemo glasati uopšte o ovoj inicijativi iz razloga što se Vlada treba izjasniti. E onda je odjednom došlo da glasamo o jednom dijelu inicijative, odnosno o tački 1, a tačku 2 ćemo ostaviti za drugi put. I vjerujte mi, ja sam onako, morao glasati suzdržan, zato što uopšte nisam znao o čemu se radi i o čemu se glasa. Dakle ja vas molim da sljedeći put ovo malo iskristališemo i da ovo riješimo do kraja, konkretno, ozbiljno je pitanje, radi se o mladima, ja ne znam da li sada u ovo ulazi i ona inicijativa koju je Admela Hodžić podnijela vezano za mlade od prošlog puta, dokle smo, šta je. Hajte da malo vidimo, pa evo da možda ostavimo do sljedeće sjednice drugi dio inicijative, ali da znamo tačno o čemu i kako glasamo i da imamo stav Vlade zato što se radi sigurno o finansijama. Eto. Toliko.

Predsjedavajući:

Očito negdje niste na dobrom signalu, pošto se često gubite i kada je glasanje. Evo ja sam ponovio i (nerazumljivo) zastupničke inicijative kada sam rekao da se ne možemo izjasniti na osnovu predloženog teksta zastupničke inicijative (nerazumljivo). Molim zastupnike da isključe mikrofone, svi oni kojima je ostao upaljen mikrofoni, molim da to učine, radi građana koji prate današnje zasjedanje Skupštine Kantona Sarajevo. Kolega Čampara ukoliko niste čuli, ja ću vas upoznat i zastupnici su svi drugi shvatili, ali evo, vjerovatno je do signala. Evo ja vas molim zaista da budete negdje dostupni kako bi mogli glasati i kako bi čuli o čemu glasamo.

/mikrofoni su uključeni i ton je nerazgovijetan/

Možete li izgasiti mikrofone? Provjerite svi svoje jer imamo mikrofoniju. Znači kolega Vedran Jakupović je tražio poslovničku intervenciju i kazao da je njegova inicijativa iako nije napisala sa metodologijom zastupničkih inicijativa, ima dva prijedloga zaključka na drugoj strani, poslije obrazloženja. I tražio je da se o zaključku 1. izjasni Skupština Kantona Sarajevo jer ne zahtjeva se dodatna finansijska sredstva. Zaključak 2. ko ji nalaže da Vlada Kantona Sarajevo odmah obezbijedi dodatna sredstva je u saglasnosti sa uvažanim zastupnikom Jakupovićem predloženo da pošaljemo Vladi na očitovanje i ukoliko Vlada do naredne sjednice se ne očituje, mi se o takvoj inicijativi a sve u skladu s Poslovnikom izjašnjavamo. Ne možete replicirati uvaženi zastupniče Čampara. Dao sam vam poslovničku intervenciju. Replika u poslovnim inicijativama pitanje. Ne možete replicirati kolega Aljoša, pošto se radi o poslovnim pitanjima i inicijativama.

Poslanik/zastupnik Aljoša Čampara.

Ali znam, ali vi ste rekli da se ja nešto često gubim kod glasanja. Ali ne vidim da se gubim, ja sam o svemu glasao i to vrlo javno i transparentno.

Predsjedavajući:

Kolega Čampara morate se prijaviti i tražiti ispravku krivog navoda, poslovnički. Ne možete kolega Čampara zato što se niste prijavili. Sačekat ćemo da se prijavite pa ćemo vam dati poslovničku intervenciju.

Poslanik/zastupnik Aljoša Čampara.
Evo samo malo.

Predsjedavajući:
Ispravka krivog navoda uvaženi zastupnik Čampara. Izvolite.

Poslanik/zastupnik Aljoša Čampara:
Gospodine predsjedavajući ja mislim da ne biste trebali zloupotrebljavati svoju poziciju i funkciju predsjedavajućeg pa onako negdje usput rečenice reći da se ja često gubim kod glasanja itd. Ja se ne gubim uopšte kod glasanja i imam dobru konekciju i mislim da sam skoro za sve tačke dnevnog reda glasao. Ja glasam vrlo javno i transparentno. I glasam onako kako mislim da trebam glasati. To sam pokazao evo i sada na glasanju za razliku od nekih koji nisu smjeli a misle isto kao i ja oko profesora Gavrankapetanovića. Prema tome, i nemojte mi imputirati da se ja gubim kod glasanja. Ja svoju zastupničku dužnost, vrlo časno pošteno i vrlo transparentno obnašam. Tako te upadice, ja bih vas zamolio da ne koristite mikrofonski predsjedavajućeg u tu svrhu. A kako ću ja glasati, to je potpuno stvar moga opredjeljenja. Valjda ja imam pravo na to.

Predsjedavajući:
Naravno da imate i o tome vam niko nije ništa kazao. Ja sam rekao u uvodnim napomenama da je zastupnik Vedran Jakupović i upozorio sam vas da niste često na signalu jer niste čuli, ja sam ponovio i pročitao sam zastupničku inicijativu uvaženog zastupnika Jakupovića. Vi ste se javili i pitali ste nešto što sam ja pročitao a na zahtjev uvaženog zastupnika Jakupovića. Imao sam obavezu da vam kažem da možda niste bili na signalu, pa i između ostalog kada se glasalo za neke tačke. Pretpostavljam evo ukoliko sam pogriješio ja se ispričavam vama.

Poslanik/zastupnik Aljoša Čampara:
OK. ali predsjedavajući, troje zastupnika istu je stvar reklo.

Predsjedavajući:
Kolega Čampara, ja bih vas lijepo molio da vi ne zloupotrebljavate sada mikrofonski, ukoliko se budete nastavili tako javljati ja ću vas isključiti. Možete tražiti poslovničku inicijativu. Ne samo da će on isključivati, nego svi oni koji vode sjednicu će isključivati sve one koji zloupotrebljavaju Poslovnik Skupštine Kantona Sarajevo. Ako ste se prijavili poslovnička intervencija, možete dobiti riječ. Jel imate potrebu.

Poslanik/zastupnik Aljoša Čampara:
Zahvaljujem. Ma imam samo potrebu da kažem da nisam samo ja rekao.

Predsjedavajući:
Možete li prijaviti kolega Čampara, ja bih vas lijepo molio, mi držimo satnicu kako na samoj sjednici, tako i na viber grupi da ne bi bilo zloupotrebe sa bilo koje stranice od bilo kojeg zastupnika, vodimo evidenciju da mu damo riječ. Uvaženi zastupnik Čampara, poslovnička intervencija, izvolite.

Poslanik/zastupnik Aljoša Čampara:
Zahvaljujem predsjedavajući. Ali evo kontam da bi manje vremena iskoristili ovako. Dakle mi uopće namjera da polemiziram ali nisam jedini ja primijetio vezano za ovaj zaključak. To je reklo još nekoliko zastupnika. Mislim da je Bilsena Šahman istu stvar rekla, i još jedan zastupnik čini mi se gospodin Hasanović iz DF. Zato sam se javio da prokomentiram. Čisto iz najbolje namjere da dođemo do najboljeg rješenja, ništa drugo. Hvala.

Predsjedavajući:
Naravno, ja vam se zahvaljujem.

Prelazimo na realizaciju tačke dva:

AD – 2.

PRIJEDLOG ODLUKE O IZMJENAMA I DOPUNAMA BUDŽETA KANTONA SARAJEVO ZA 2020. GODINU - HITNI POSTUPAK

Prijedlog ste dobili u dopunskom materijalu. Molim predstavnika Predlagača da podnese uvodne napomene. Pretpostavljam ministar Halebić. Izvolite, imate riječ ukoliko ste spremni. Ministre Halebić da li ste spremni za vodne napomene o Prijedlogu odluke o izmjenama i dopunama Budžeta Kantona Sarajevo za 2020 godinu – hitni postupak?

Ministar Jasmin Halebić: UVODNO IZLAGANJE

Predsjedavajući:
Zahvaljujem ministre Halebiću. Da li predstavnici radnih tijela žele riječ? Samo isključite mikrofoni uvaženi ministre. Ima li pitanja? Ima uvaženi zastupnik Elvis Vreto se prijavio. Izvolite kolega Vreto.

Poslanik/zastupnik Elvis Vreto:

Hvala vam predsjedavajući. Pa imam nekoliko pitanja. Prvo je na rashodovnoj strani, planirano je povećanje na plate uposlenih u Kantonu. Iznos 2,6 miliona. Mene zaista zanima o čemu se tu radi, u koje svrhe su uopšte povećanje plata shodno vremenu u kojem se nalazimo i situaciji vezano za pandemiju i evo kako ste sami u izlaganju rekli stanje u privredi kakvo je. Drugo moje pitanje se odnosi na ovaj iznos sredstava za ovaj Fond za podršku privredi zbog pandemije. Mene zaista zanima zašto mi 07. Maja kada smo usvajali prve izmjene nismo ta sredstva predviđeli iz vlastitih sredstava i da ona do sada budu implementirana a ne da privrednici čekaju, na šta smo upozoravali da je Vlada Kantona u tom segmentu, iako prvi Kanton reagovala, ali ipak sporo ljudi su osjetili, poslodavci tako i radnici određenu nesigurnost. Evo vidimo da se taj iznos sredstava od 20 miliona još uvijek čeka da se isplati zbog nekih tehničkih odnosno razloga. Zašto tada nismo već planirali iz vlastitih sredstava a sredstva iz MMF kao što sada planiramo usmjeriti tamo gdje je to moguće? U javnosti se špekulisalo, čak je Unija poslodavaca tražila da se podrži ovaj rebalans. Špekuliše se o 37 miliona pomoći privredi. Pa mene zanima ovaj iznos u maju koji smo usvojili od 20 miliona za ovaj Fond isti je u drugim izmjenama, odnosno današnjim izmjenama koje razmatramo. Na šta se odnosi ostalih 17 miliona, ako postoje, i da nam ministar pojasni. Eto toliko predsjedavajući, hvala.

Predsjedavajući:
Zahvaljujem uvaženi zastupniče Vreto. Segmedina Srna Bajramović ima riječ. Kolegice izvolite.

Poslanik/zastupnik Segmedina Srna Bajramović:

Zahvaljujem predsjedavajući. Ja bih također imala nekoliko pitanja za tačku koju razmatramo, za rebalans budžeta. Prvo bi bilo je li nemoralno da u ovakvoj ekonomskoj situaciji registrujete povećanje prihoda kroz rebalans umjesto da insistirate na produženju moratorija uzimajući u obzir da se ukidanjem stanja nesreće ekonomski ništa značajno nije promijenilo za privrednike. Drugo pitanje, koliko ste po prvom rebalansu isplatili novca direktno privrednicima na osnovu kantonalnog korona Zakona, te koliko je obuhvaćeno privrednih subjekata od ukupnog broja u Kantonu Sarajevo, te koliko radnika od ukupnog broja u

Kantonu Sarajevo zaposlenih? Da li je bilo razmišljanja u okviru Vlade da proširite obuhvat prvobitno usvojenih mjera i produžite vrijeme primjene kantonalnog korona Zakona. Interesuje me dalje šta se suštinski promijenilo u međuvremenu od donošenje prvog rebalansa budžeta pa da se u ovom rebalansu planiraju povećanja 15 miliona za domaće zaduživanje i 40 miliona kod ino kredita? I na kraju, odnosno nije još, jeste zapravo i to će biti posljednje pitanje otprilike ali nešto što se naslanja na moje prethodne inicijative na prethodnom sjednicama Skupštine Kantona Sarajevo na razdjelu 34 ekonomski kod 615 300 smanjenje i uspostava prečišćavanja procjernih voda Smiljevići i drugi projekti na Regionalnom centru za upravljanje otpadom Smiljevići sa 4 miliona na samo 1 milion KM; a poznato nam je da je deponija Smiljevići gorući problem stanovnika koji žive oko nje. I postavlja se pitanje s razlogom da li su sredstva od 1 miliona dovoljna i za puko održavanje aktivnih ploha i ove multibarijerne zaštite a kamo li za sanaciju i rješavanje procjernih voda. Napominjem da se Skupština Kantona Sarajevo više puta izjasnila o ovome i ovakva odluka o sredstvima je praktično derogiranje takvih odluka te anuliranje svih napora da se stanovnicima sarajevske opštine Novi Grad obezbijede normalni uslovi življenja. Toliko zahvaljujem.

Predsjedavajući:

Zahvaljujem uvažena zastupnice Segmedina Srna Bajramović. Zastupnica dopredsjedavajuća Viteškić Smiljana, imate riječ.

Dopredsjedavajuća Smiljana Viteškić:

Zahvaljujem predsjedavajući. Ja imam dva pitanja za ministra. Prvo je, koliko je sredstava u drugom kvartalu 2020 godine manje izvršeno.

Ministar Jasmin Halebić:

Uvaženi predsjedavajući mi ne čujemo. Izvinjavam se mi ne čujemo ovamo pitanje.

Predsjedavajući:

Kolegice dopredsjedavajuća Viteškić možete li glasnije molim vas pošto vas stvarno slabo čujemo.

Dopredsjedavajuća Smiljana Viteškić:

Znači imam dva pitanja za ministra. Koliko je sredstva u drugom kvartalu 2020 manje izvršeno na pozicijama ugovorene usluga i putnih troškova u odnosu na 2019 godinu kao posljedica donošenja Zakona o sprječavanju negativnih ekonomskih posljedica i uštedama u Kantonu Sarajevo? I drugo je pitanje u kojem iznosu su ostvareni prihodi od poreza na dobit, prihodi od poreza na dohodak, administrativne i sudske takse u proteklom periodu. Znači od početka 2020 do danas? Hvala.

Predsjedavajući:

Zahvaljujem uvažena zastupnice Viteškić. Sljedeća je zastupnica Hasagić Amra.

Poslanik/zastupnik Amara Hasagić:

Zahvaljujem predsjedavajući. Jel se čujemo? S obzirom da s eprvi put javljam, pozdravljam kolegice i kolege, uvaženog premijera, ministre u Vladi Kantona Sarajevo i vas kao rukovodstvo. Kolegi Damiru Marjanoviću i članovima njegove porodice bih poželjela brz oporavak. Imam dva pitanja za ministra. Da li će donošenje drugih izmjena i dopuna budžeta Kantona Sarajevo za 2020 godinu stvoriti pretpostavke za efikasnije doznačavanje sredstava privredi u vremenu kada sredstva MMF-a kasne za kantone, i sljedeće moje pitanje jeste, da li se očekuje još jedan rebalans do kraja 2020 godine? I da li smatrate da je prvi Rebalans donesen na vrijeme i zašto? Zahvaljujem.

Predsjedavajući:

Zahvaljujem uvažena zastupnice Hasagić. Sljedeća je Hodžić Admela, izvolite. Imate riječ kolegice.

Poslanik/zastupnik Admela Hodžić:

Zahvaljujem predsjedavajući. Da li me čujete. OK. Zahvaljujem. Pozdravljam sve prisutne kolege i kolegice. Jedno pitanje već je postavio uvaženi kolega Vreto koje sam htjela postaviti. Sljedeće moje pitanje koji su najveći kapitalni projekti planirani u budžetu? Također koji procenat od ukupno planiranih sredstava MMF-a za Kanton Sarajevo je usmjereno za privredu? Samo bih se još osvrnula na inicijativu koju sam podnijela Ministarstvu privrede i Ministarstvu rada i socijalne politike. Naime, tražila sam da se provede anketa prema privrednim subjektima kojima je ograničeno ili obustavljeno poslovanje, na koji način oni očekuju da im Vlada Kantona Sarajevo pomogne narednim mjerama koje bi eventualno donijeli ili koje su donijeli. Pa ovako, u procentima, sufinansiranje plaće radnicima, privrednici su se izjasnili u procentu od 79,3%. Dodjelu grantova sredstva u cilju ublažavanja negativnog poslovanja 44,80%. Zanima me odgoda plaćanja kreditnih zaduženja izjasnilo se 29,6%. Dodjela novih povoljnih kredita 19,7% privrednika. Čak jedan dio se izjasnio za nadoknadu štete. Eh sada me zanima koje mjere, u kojem procentu je Vlada uspjela privrednicima izaći u susret. Znamo da je u planu finansiranje, evo sada ovim rebalansom budžeta, plaća za dva mjeseca. Dakle, zanima me da li će se još nešto od ovoga izaći u susret privrednicima, da li će se još nešto donijeti u narednom periodu za ublažavanje negativnih posljedica u privredi izazvano pandemijom korona virusa. Zahvaljujem.

Predsjedavajući:

Zahvaljujem uvažena zastupnice. Sljedeći je Jakupović Vedran. Kolega izvolite.

Poslanik/zastupnik Vedran Jakupović:

Zahvaljujem predsjedavajući. Imam nekoliko pitanja. Iz oblasti obrazovanja da li ste planirali sredstva u obrazovanju koja se odnosi na konkurse za zapošljavanje u osnovnom obrazovanju? To su obavezni konkursi koje treba da se odvijaju sada, tokom augusta mjeseca. Kolegica Danijela Kristić je postavila već ranije pitanje vezano za sistematske preglede. U majskom rebalansu budžeta je bilo problema sa ovim stavkama. Osnovne škole neće moći ispuniti svoje obaveze po pitanju ovog procesa. Saglasnosti za konkurse hoće li dobiti, neće li dobiti i to će proizvesti konflikt Zakona i pravilnika sa zakonom. Zakonom o izvršenju budžeta Kantona Sarajevo. Škole ne mogu da započnu da tako kažem, da pokrenu ove procedure bez sredstava. Drugo pitanje da li planirate sredstva za ustanove iz oblasti kulture i obrazovanja kojih nije bilo u prošlom rebalansu? Riječ je o ustanovama koje su na državnom nivou. Dijelom su finansirane od strane Kantona Sarajevo. Ja sam prošli put podnio inicijativu po ovom pitanju mogu pohvaliti ministra kulture i sporta koji je dosta zainteresovan za rješavanje ovog problema. Ali evo da se bar neki bajpas napravi do konačnog rješenja. I treće pitanje, da još jednom pomenem inicijativu koja se odnosi na planiranje dodatnih sredstava za subvencije rješavanje stambenog pitanja mladih. Da li ste planirali izmjene odnosno unošenje novih ili dodatnih sredstava za ovu stavku? Hvala.

Predsjedavajući:

Zahvaljujem uvaženi zastupniče Jakupović. Sljedeći ima riječ uvaženi zastupnik Konaković Elmedin. Izvolite.

Poslanik/zastupnik Elmedin Konaković:

Zahvaljujem predsjedavajući. Prije svega zanima me ova prihodovna strana. Da li zaista vjerujete da će u projekciji indirektnih poreza biti ostvaren iznos od 462.567.000? to je samo 12 miliona manje od budžeta koji je usvojen za 2020 prije nego što se pandemija pojavila. Takse i naknade su bile planirane 103. Miliona u budžetu 2020. Vaša projekcija je sada 163

miliona. Volio bih da nam pojasnite malo tu prihodovnu stranu. Pridružujem se pitanju mog kolege Vrete koja vas je muka natjerala da povećavate plate u ovakvoj situaciji u kojoj je realni sektor na koljenima? Volio bih da nam pojasnite prošli put je o tome govorio stavku Rekonstrukcija investicionog održavanje. Koja je sa budžeta 2020

Ministar Jasmin Halebić:

Uvaženi predsjedavajući ja se izvinjavam ja pitanja nisam razumio poštovanog zastupnika Konakovića, zaista prekida ova audio veza prema nama.

Predsjedavajući:

Evo kolega Konaković će ponoviti i ja bih vas molio samo da evo i ostale zastupnike da isključe mikrofone kako bi bio ton jasniji. A vas kolega Konakoviću da ponovite pitanje.

Poslanik/zastupnik Elmedin Konaković:

Evo pokušat ću s nekim slušalicama i mikrofonom. Čujemo li se sada?

Predsjedavajući:

Ne čujemo vas Konakoviću nešto ste sada nemate tona. Ne čujemo na žalost.

Poslanik/zastupnik Elmedin Konaković:

Upaljeni su neki mikrofoni, meni je mikrofonija neka strašna. Molim ministra Halebića da ugasi, Milavica, Čampara.

Predsjedavajući:

Ja sam isključivao mikrofone svih zastupnika koje su imali uključene pa evo ja se Izvinjavam imate riječ.

Poslanik/zastupnik Elmedin Konaković:

Dakle ministre Halebiću da li ste zaista sigurni u ovaj dio prihoda indirektnih poreza koji su manji za samo 12 miliona u odnosu na plan 2020 prije pandemije indirektni porezi. Projekcija takse i naknade 60 miliona čini mi se veća ako ne griješim. Odnosu na budžet 2020 koji je usvojen. Šta vas je natjeralo da povećavate plate, kolega Vreto vas je to već pitao. Možete li nam pojasniti rekonstrukcija i investiciono održavanje sa 24 miliona 2020 budžet na 61 u drugom rebalansu? U prvom rebalansu 54. Od toga zemljište, šume, zasad 11 miliona. U Direkciji za ceste ta pozicija raste za 7 miliona. Koliko ste novca namjenskog prenamijenili za potrebe pomoći privredi osim onoga što ste dali Grasu? Da li ste i jednu marku tzv obojenog novca prenamijenili. Volio bih da nam na to pitanje odgovorite. Putne troškove ste povećali sa 2,6 – 2020, na 3,2 miliona. Zašto? Ko i gdje je planirao putovati. Sitni inventar materijal sa 94 na 101, 3. Ugovore i druge obaveze sa 35 na 40. Pojasnite nam zašto ovako izgledala ovaj prijedlog rebalansa? Hvala.

Predsjedavajući:

Zahvaljujem zastupniče Konakoviću. Kolegica Neira Dizdarević ima riječ ukoliko je spremna.

Poslanik/zastupnik Neira Dizdarević:

Hvala predsjedavajući. Pa ovako, ja sam i prošli put imala slično pitanje za ministra Halebića. Ministar je tada govorio o razmjerama štete i o tome kako gubimo otprilike jedan miliona dnevno. Moje pitanje je sada s obzirom da raspolažemo sa više informacija, kolike su razmjere štete pandemije korona virusa u ekonomskom smislu u našem Kantonu, da li ej iznos koji je predviđen rebalansom dostatan za spas privatnog sektora i radnih mjesta. Sada ću imati par pitanja o pojedinim stavkama koje zahtijevaju dodatno obrazloženje. Svi smo primijetili gotovo 3 miliona povećanja na plaćama i naknadama troškova zaposlenih. Molim

obrazloženje. Na razdjelu Skupština, poslanici, i parlamentarne grupe, s obzirom da se tiče nas, izdaci za materijal, sitan inventar i usluge rastu sa 130.000 na nekih cca 190.000. kao i naknade članovima i sekretarima radnih tijela sa 50.000 na 88.000. Nisu mi jasna ova povećanja. U Ministarstvu saobraćaja izdaci za materijal i sitan inventar sa 600.000 na 1,2 miliona. Izdaci za tekuće održavanje sa 30.000 na 430.000. Projekat adaptivno upravljanje saobraćajem je izgleda ukinut, iznos se smanjen sa 8 miliona na 0. Da li se odustalo sa projekta ili je to ovo prenošenje u narednu godinu kako je ministar najavio da se od nekih projekata odustalo, odnosno prolongirani su. Pa molim obrazloženje. U Ministarstvu komunalne privrede i infrastrukture, problematizirat ću isto kao što je i moja kolegica Segmedina Srna, to je ovaj projekat Smiljevići, smanjen iznos sa 4 miliona na 1 milion. i u Ministarstvu privrede Fond za podršku privredi ostao je netaknut. 20 miliona znamo li koji broj radnih mjesta spašavamo i hoće li ova sredstva biti dostatna. I jedno zapažanje, ovim rebalansom ovi resori ostali su da kažem netaknuti. Neki ključni resori kao što je resor Ministarstva za rad i socijalnu politiku, potpuno identičan rebalans kao i prošli put. I čak i Ministarstvo zdravstva neke vrlo, vrlo male kozmetičke izmjene. Pa ako može također obrazloženje. Hvala.

Predsjedavajući:

Zahvaljujem kolegice Dizdarević kolegica Bešlija Vildana ima riječ.

Poslanik/zastupnik Vildana Bešlija:

Hvala predsjedavajući. Vidite me jel tako? E dobro. Ja bih imala pitanja, prvo da krenem od prihoda. Znači moram stvarno prokomentarisati izlaganje ministra. Moram postaviti konkretno pitanje jel zaista mislite da je realno, mislim stvarno ne mogu prihvatiti činjenicu da stavljate znak jednakosti između popuštanja mjera i odgovornosti prema privredi. Prema malim privrednicima. To mi je onako vrlo zaparalo uši. Milim da je to i kolega Konaković spominjao i ne mogu stvarno da prihvatim činjenicu da takse naknade koje Kanton, da se hvalimo tim prihodima u ovim vremenima. Radije bih očekivala da zaista pokrenemo određene aktivnosti kao što smo ranije evo i ja i neke druge kolege ustvari predlagali da se to promijeni. Da krenem redom, na kontu 711210- porez na dobit preduzeća planirano je povećanje ovih prihoda za nešto više od 34 miliona na osnovu čega je planirano povećanje ovih budžetskih prihoda ako se uzme u obzir trenutna situacija s COVID-19? Većina preduzeća u Kantonu Sarajevo će imati manju dobiti, bez obzira na ovo što ste iznijeli, vidjet ćemo šta će se desiti krajem godine i oni koji budu uopšte poslovali pozitivno u odnosu na 2019. S tim vezi i sam porez je za očekivati da će biti dosta manji. I nadalje, da li ovo povećanje prihoda znači promjenu stope poreza na dobit? Odnosno izmjenu Zakona o povećanju ove stope. Također, ja mislim da povećanje ovih prihoda u svakom slučaju nije realno. Na kontu 722 427- naknada za parkirališta. Namjenski prihod Ministarstva saobraćaj, razgraničeni prihodi. Planirano je povećanje za 500.000 KM. Na osnovu čega je urađena procjena povećanja ovih prihoda? Na šta se ovo odnosi? Da li se ovi prihodu mogu povećati za dodatnih 500.000 odnosno ukupno na milion? Molim vas za informaciju da li ste osobe, odnosno institucije koje koriste ove parkinge imaju iste naknade ili se one razlikuju? Da li svi plaćaju parking ili ima izuzetaka. Kada su u pitanju rashodi na 614400- subvencioniranje javnih preduzećima planirano je povećanje za 3,5 miliona KM. O kojim subvencijama se tačno radi molim da mi se odgovori. I na kontu 615200- kapitalni transfer pojedincima planirano je povećanje u iznosu od cca 3 miliona KM. Koji su to pojedinci na koje kapitalne transfere se ovo tačno odnosi i zbog čega se izdvaja dodatnih 3 miliona za ovu stavku? I u dijelu pregled primitaka od domaćeg zaduživanja. Stavka Ministarstvo kulture i sporta na šta se odnosi 2,5 miliona koja su planirana kao kapitalni transfer gradu i općinama. I ujedno evo postavljam pitanje pod kojom stavkom se nalaze planirana sredstva najavljena za finansiranje sedam institucija kulture od državnog značaja, jer je u ovom budžetu nisam uspjela pronaći. A ministar kulture i sporta je posljednjih mjesec dana, što je vrlo pohvalno, aktivno iznosio

informacije u javnost da će Kanton Sarajevo preuzeti finansiranje navedenih institucija. Međutim sredstva nisu jasno vidljiva pa bih zamolila samo da se objasni gdje su. Hvala vam.

Predsjedavajući:

Zahvaljujem uvažena zastupnice Bešlija. Dopresjedavajući Handžić Vibor ima riječ. Kolega da li ste spremni?

Poslanik/zastupnik Vibor Handžić:

Spreman predsjedavajući. Ne znam dal me vidite, imam s kamerom problema ali meni je važno da vi mene čujete. Imam nekoliko pitanja. Možda će se neka i preklopiti s pitanjima koje su prije postavljale kolege ali nema veze. Volio bih ako mi se može samo dodatno obrazložiti ove preraspodjele u budžetu unutar Ministarstva saobraćaja, jer ove preraspodjele koje su napravljene u ovom budžetu nemaju po mom mišljenju puno veze sa situacijom u kojoj se trenutno Kanton nalazi i osnovna svrha pokretanja rebalansa budžeta Kantona Sarajevo ima ova neka stavka skida se akumulirani gubitak Grasa, potpuno se ukida, to je govorila moja kolegica Dizdarević ukida adaptivno upravljanje saobraćajem, koje je nekoliko puta najavljivano kao jedan ozbiljan projekat. Pa samo eto također želim malo obrazloženje. Također porast ostalih ugovorenih usluga u Ministarstvu obrazovanja, nauku i mladih za oko 700.000 KM: samo da ministar obrazloži na šta se to tačno odnosi. Ova mi je stavka posebno važna, i ne želim da prestanem pričati o ovom problemu bez obzira što mi je direktor CZ na prošloj sjednici, kada sam se bavio ovom temom pročitao masu nekih uredbi i zakona. Međutim, želim da mi se odgovori ovo pružanje materijalne pomoći dobrovoljnim vatrogasnim društvima. Stavka 350.000 koja se potpuno ukida. Da li to se sredstva negdje drugo transferiraju, da li se radi preraspodjela, da li su prebačena na neku drugu stavku koju ja ne mogu da vidim u budžetu? Ili se potpuno ukida? Ako se potpuno ukida, ja se bojim da smo mi u ozbiljnom problemu., jer je suština da dobrovoljna vatrogasna društva i te kako učestvuju u zaštiti i spašavanju ljudi i materijalnih dobara imaju ogroman doprinos u Kantonu Sarajevo. Zavisno od odgovora to ću u diskusiji onda dalje obrazlagati. Imamo na računu prihoda imam par pitanja. Vidim da je planirano povećanje naknada za postavljanje reklamnih panoa za otprilike 500.000 KM. Pa ako može ministar tačno objasniti na šta se ovo odnosi, na osnovu čega je planirano ovo povećanje? Kao i novčane kazne za prekršaji koji su registrirani u Registru novčanih kazni i troškovi prekršajnog postupka. Povećano planiranje prihoda za oko milion KM: ovo posebno molim da mi se obrazloži na šta s tačno i konkretno odnosi. S druge strane, što se tiče rashoda, nešto su evo kolega vreto i kolegica Dizdarević i još neke kolege su govorile, vezano za povećavanje ove stavke plate. Jer vidimo iz budžeta da se ne povećava broj zaposlenih u određenim budžetskim jedinicama, pa me zanima na šta se odnosi ovo povećanje za izdvajanje konta za plate i naknade. I konto 615.400 kapitalni transferi javnim preduzećima. Planirano je povećanje za 12 miliona KM, također da mi se i to malo obrazloži. Na koje se kapitalne transfere misli. I konto 616 000 izdaci za kamate gdje je planirano smanjenje za 600.000 KM , također da mi se obrazloži na šta se ovo tačno odnosi. Zahvaljujem.

Predsjedavajući:

Zahvaljujem uvaženi dopredsjedavajući Handžić. Marjanović Damir, kolega da li ste spremni, ako jeste imate riječ. Izvolite.

Poslanik/zastupnik Damir Marjanović.

Nadam se da me čujete. Hvala velika. Bit ću kratak. Pošto volim da pohvalim ponekada i neke dobre stari ali prije nego što požurim s pohvalom želim i da provjerim informaciju (nerazumljivo) u rebalansu budžeta povećanje određenih iznosa posebno u oblasti za Ministarstvo obrazovanja, nauku i mlade Kantona Sarajevo. Tekućim transferi neprofitnim organizacijama sa 9,8 miliona na 11 miliona, (nerazumljivo) određenog povećanja otprilike oko 700.000 iz oblasti nauke. Konkretno me zanima o čemu se radi? Hvala velika.

Predsjedavajući:

Zahvaljujem. Prijavila nam se i dopredsjedavajuća Danijela Kristić. Kolegice Kristić imate riječ.

Dopredsjedavajuća Danijela Kristić.

Zahvaljujem predsjedavajući. Ja ću kratko dva pitanja postaviti. Prvo pitanje je obzirom da taj put pacijenta nam ide prema Općoj bolnici i da hajmo reći sav teret na njoj. Zar ne bi trebalo jačati tu Opštu bolnicu. A iz Rebalansa budžeta vidimo da je za nabavku opreme u Opštoj bolnici ostao identičan iznos od 927.920. dok je za KC za nabavku opreme izdvojeno 2.805.000. moje pitanje je da li bi dio tih sredstava trebao biti preusmjeren na Opću bolnicu i jačanje Opće bolnice? Drugo pitanje je vezano za Ministarstvo privrede. Samo da mi se pojasni stavka rehabilitacija SKI centra Bjelašnica i Igman, izdvojeno je 2,3 miliona. Šta podrazumijevaju ta sredstva i u šta će biti uložena? Toliko.

Predsjedavajući:

Zahvaljujem uvažena dopredsjedavajuća. Nemamo više zastupnika koji će postaviti pitanja. Molim ministra Halebića da krene ka odgovorima na postavljena pitanja. Kolega Halebiću da li ste spremni? Kolega Halebiću da li ste spremni da odgovorite na postavljena pitanja. Ako vam je potrebna pauza.

Ministar Jasmin Halebić:

Poštovani predsjedavajući. Evo isključiti video da bi ovaj audio išao bolje prema poštovanim zastupnicima. Bilo je više pitanje koja se odnosi na povećanje na kontu plata, da li je to opravdano u doba pandemije itd povećavati plate. Naravno da nije. Mi ne povećavamo plate nego povećavamo, odnosno dodajemo onima kojima je početo planiramo nedovoljno. Primijetili smo da je na JU Djeca Sarajeva planiran nedovoljan iznos i da je na tri ili četiri škole u sektoru obrazovanja jeste također planiran manji iznos za plate i vidjeli smo prema dinamici isplate plata da bi te ustanove mogle doći u problem isplate plata. Dakle ne povećanih, ne uvećanih plata nego onih plata koje su na nivou 2019. U zadnjem kvartalu. Zato koristimo priliku da ovaj rebalans napravimo na način da budžetski korisnici imaju svih 12, ne uvećanih naravno plata u budžetu. Bilo je nekoliko pitanja koja su povezana sa podrškom privredi. Fond za podršku privredi, zašto ne iz vlastitih sredstava uz priznanje da smo prvi reagovali u Federaciji. Postoje neke špekulacije o tome itd, podaci koje mi iznosimo nisu špekulativne prirode. Podaci su navedeni u dokumentu budžeta, oni su javni, transparentni, nakon što se nadamo se usvoji rebalans budžeta. Rebalans budžeta će biti objavljen u službenim novinama Kantona Sarajevo i na taj način obezbijediti zakonom predviđenu transparentnost ovih naših finansijskih planova i aktivnosti. Prema tome, ponovit ću da je iz ukupnih sredstava po zadnjim informacijama, 36,1 miliona, a bilo je riječi istina o 37 miliona, međutim kada se iskoristio broj stanovnika iz 2013 godine za kantone, što je kriterij za raspodjelu sredstva od MMF Kantonu Sarajevo će pripasti 36,1 oko 36,1 milion KM. Sada ta raspodjela sredstava ide na četiri glavne aktivnosti. Prva je 20 miliona podrška isplati plata u privatnom sektoru a na osnovu javnog poziva koje je Ministarstvo privrede objavilo za mart u dva navrata i za april i za maj. Tu planiramo da neće sva sredstva od ovih 20 miliona biti utrošena i da će se naći sredstava u višku za eventualno produžavanje ove mjere u narednom periodu. Vidjet ćemo da li će to biti jedan mjesec ili dva mjeseca, zavisno od toga koliko se privrednih subjekata prijavi na javne pozive. Drugi dio sredstava se koristi za podršku zapošljavanju mladih. treći dio sredstava se koristi za srednjoročne mjere. To su kreditno garantni fond. U iznosu od 5,8 čini mi se KM. I četvrti dio od MMF smo iskoristili za otplate kredita koji su do sada uzeti. U pismo koje nam je došlo sa FBIH, novac nije stigao. Pismo jeste stiglo, se navodi da će sredstava biti odobrena za podršku budžetu. Za pomoć budžetima. Budžet nema samo taj problem recimo koji očekuju od njega privredni subjekti u privatnom vlasništvu. Budžet ima naravno obavezu da obezbijedi stabilno finansiranje za

nadležnosti koje Kanton Sarajevo ima po Zakonu. Prema tome, mi kada kažemo stabilnost budžeta, onda podrazumijevamo stabilnost svega onoga što se kroz budžet finansira. Koliko je isplaćeno plaća do sada i koliko će biti isplaćeno plaća jednostavna računica govori da se sa 20 miliona KM ako se sva ova sredstva isplate za podršku plaća, a jedna plata iznosi oko 403 KM, može isplatiti do 50.000 plata. Za privredne subjekte koji ponovo budu aplicirali i budu ispunjavali uslove iz javnog poziva. Koliko će na taj način biti sačuvano radnih mjesta, mi zaista ne znamo koliko će biti sačuvan radnih mjesta, ali znamo da će biti isplaćeno oko 50.000 plaća. Nadamo se da će ova mjera doprinijeti očuvanju radnih mjesta u značajnoj mjeri. Postavljeno je pitanje također u vezi sa regionalnom deponijom Smiljevići. Smanjenje sredstva se događa na toj stavci 615300. Tako je. Resorno ministarstvo je preuzimanjem mandata izvršilo detaljnu analizu spremne projektne dokumentacije, ponavljam spremne projektne dokumentacije, i procijenilo da je dovoljan 1milion KM, kojim će se izraditi i osposobiti ploha od 5000 m², a da ostali projekti nisu spremni za implementaciju u ovoj godini. Da se nalaze u nekoj fazi idejnih rješenja, ishodovanja dozvola i projektovanja samih rješenja. I zbog toga te projekte od njih se ne odustaje ali se prebacuju i premještaju na finansiranje u 2021 godini. Procijenjeno je da će oko maja 2021 biti izrađena projektna dokumentacija, da bi se projekti Regionalnog centra za upravljanje otpadom mogli implementirati. postavljeno je također pitanje u vezi sa obezbjeđivanjem sredstava za provođenje konkursnih procedura i sistematskih pregleda u sektoru obrazovanja. Iznos stavka je povećana, mi smo cjelokupan iznos od 675000 staviti na ostale ugovore ne usluge i to je odgovor zašto ostale ugovore usluge rastu a bilo je jedno od pitanja koje je došlo od strane zastupnika, zašto ostale ugovorene usluge rastu. Iz razloga što smo sredstva za provođenje konkursa koji idu u narednom periodu sa početkom školske godine, iza sistematske preglede, što je obaveza po kolektivnim ugovorima, povećali i što smo ih stavili na ostale ugovorene usluge. Bilo je više pitanja o ustanovama kulture na državnom nivou i finansiranje tih ustanova a na osnovu inicijative resornog ministarstva kulture i sporta, do sada je bilo 770.000 KM planirano u budžetu za podršku radu tih ustanova kulture i ta sredstva su već isplaćena. Za ostala sredstva i za ostala eventualna sredstva i potrebe za sredstvima mi praktično čekamo odgovor od Vijeća ministara o prijenosu upravljačkih nadležnosti, privremenom, sa viših nivoa na niže nivoe. I ukoliko se to dogodi, u narednom periodu bi se sredstva za provedbu takve inicijative planirala. U ovom rebalansu budžeta ta sredstva ne postoje jer je još uvijek stanje takvo da je nivo razgovora na nivou inicijativa. Mi nismo dobili odgovor od strane Vijeća ministara. Kada taj odgovor dođe, i u skladu sa vrstom odgovora kakav dođe, mi ćemo se opredijeliti i naravno o tome informisati i Skupštinu i javnost koja su sredstva potrebna za finansiranje tih ustanova. Povezano pitanje je bilo od istog zastupnika poštovanog Jakupovića. Stambeno rješavanje mladih. U narednom budžetu ukoliko rebalans budžeta se dogodi u 2020 godini kao treći rebalans budžeta mi i to pitanje možemo tretirati. u ovom budžetu su predviđena sredstva praktično za završetak dosada preuzetih obaveza po ranijim programima. Bilo je niz pitanja od poštovanog zastupnika Konakovića. Neka smo čuli, neka nismo pa smo zamolili da se ponovo. Povećanje plata. Ima povećanje izdvajanja na platama za neuvećane plate jer pojedini budžetski korisnici nisu planirani u potrebnom iznosu u prvim izmjenama i dopunama budžeta. Zatim je bilo pitanja o putnim troškovima, o sitnom inventaru i ugovorenim uslugama. Što se tiče putnih troškova mi ne vidimo da putni troškovi rastu. Čak smo upoređivali smo efekte Zakona o ublažavanju negativnih ekonomskih posljedica u Kantonu Sarajevo, i vidjeli smo da putni troškovi u odnosu na planirane iznose se smanjuju višestruko. Što se tiče sitnog inventara to je praktično pozicija koja označava nesmetano funkcionisanje sistema. I na tim pozicijama sitnog inventara smo u velikoj mjeri uvažili praktično zahtjeve budžetskih korisnika. Što se tiče procjena prihoda, već sam kazao da procjene prihoda su vrlo nezahvalne, čak i u normalnim godinama, mi se u pravilu oslanjamo na procjene prihoda viših nivoa vlasti. Federacija je najavila da će se raditi vanredne procjene prihoda procjena koje su objavljene u maju. One se obično objavljuju u maju i oktobru po nekom redovnom kalendaru. Očekivali smo da se i vanredne procjene prihoda dogode i nakon maja. U nekim mišljenjima Federalnog ministarstva finansija to je

bilo i navedeno, nismo dobili vanrednu procjenu prihoda tako da mislim da ne postoji ustanova danas koja može kazati kako će se ova godina završiti 31.12. kada se ona završi kalendarski u fiskalnom smislu. Mi pojedine pozicije smo vidjeli da će se povećati više nego što su bile planirane u ranijem periodu kao što je prihod od poreza na dobit. Što se tiče prihoda od indirektnih poreza smanjili smo za 12 miliona, upravo je smanjeno za 26 miliona u odnosu na iznose iz 2019 godine. Tako da da li je 26 miliona, ili će biti 30 miliona ili možda manje od 26 miliona. U ovom momentu zaista ne možemo sa preciznošću odgovoriti na to pitanje što se tiče prenamjene sredstava. Nju smo koristili iz resora privrede za resor saobraćaja jer smo onim zakonom o ublažavanju negativnih ekonomskih posljedica takvu jednu mogućnost predvidjeli ali smo sada rebalansom finansiranje u saobraćaju a prvenstveno se odnosi na finansiranje Grasa, finansiranja rada preduzeća Gras, odlučili se da ta sredstva više ne koristimo a da koristimo budžetska sredstva za finansiranje poslovanja Grasa. Bilo je pitanje kolike su razmjere štete. Još uvijek je rano da govorimo o štetama na jedan validan način jer će se evaluacija u pogledu procjene šteta početi provoditi tek kada se širenje korona virusa okonča. Ono jš uvijek nije okončano tako da nemamo procjenu, ne samo da mi nemamo, nego ne postoji procjena o razmjerama šteta ili pada prihoda ili pada bruto domaćeg proizvoda u Kantonu Sarajevo u ovom momentu. Što se tiče finansiranja Skupštine. Mi smo uvažili zahtjev koji je došao od Skupštine i praktično Skupštinu smatramo, to je već i ranije više puta izneseno svojim poslodavcem tako da zahtjev u najvećoj mjeri pokušavamo ispoštovati. Bilo je pitanje za saobraćaj. Tu su pozicije adaptivnog upravljanja saobraćajem. Projekat adaptivnog upravljanja saobraćajem zapravo prebačen na finansiranje putem EBRD-a. Tako da izgleda da je se od njega odustalo. Ali se nije od njega odustalo izvori njegovog finansiranja su promijenjeni. Smiljevići već smo kazali. Privreda koji broj radnih mjesta se može spasiti sa 20 miliona. Mi se nadamo da će biti spašen veliki broj radnih mjesta, barem u vremenu u kojem postoji finansiranje putem sredstava MMF-a. Istaknuta je primjedba da su neki resori mijenjani a neki su ostali netaknuti kao što je Ministarstvo za rad i socijalnu politiku ili kolokvijalno socijala. To je iz razloga što ne vidimo da prijete rizici neki posebni tom sektoru. Sva socijalna izdavanja koja podmiruje Kanton su isplaćena u potpunosti do sada i blagovremeno. Prema tome, takav principi će biti održan i u narednom periodu i smatramo da je ovaj resor rada, socijalne politike, raseljenih lica i izbjeglica optimalno finansiran. Zbog toga ga nismo mijenjali. Da li je realno popuštanje mjera i šta se događa sa administrativnim taksama, sa stopom poreza na dobiti i iznosom poreza na dobit? Stopa poreza na dobit je regulisana federalnim zakonom, d a vas podsjetim. Mi ne odlučujemo o stopi poreza na dobit, niti je možemo povećati niti smanjivati dakle ukoliko FBIH odluči da promijeni taj Zakon imat će to direktne reperkusije na javne finansije svih Kantona, uključujući i Kanton Sarajevo. Za sada je stopa poreza na dobit 10%, ona je neizmijenjena. Da li će se ostvariti dodatna sredstva po porezu na dobit? Mi očekujemo da će smanjenje sredstva iz prihoda o porezu na dobit značajnije biti vidljivo tek u 2021 godinu, jer 2020 godina i tu se slažemo sa onima koji misle da neće biti poreza na dobit. Da ali njega neće biti u 2021 jer neće biti dobit ostvarena u 2020. U 2019 je ostvarena rekordna dobiti u FBIH. To je bila jako dobra godina i vidi se to p tome što i pored toga što se privreda nalazi u cijeloj FBIH u teškom stanju, prihodi od poreza na dobit ne padaju toliko puno pa smo ih mi evo sa polovinom jula praktično već dostigli godišnju cijelu planiranu iznos na toj stavci. Zbog toga smo se odlučili da taj iznos kao plansku veličinu povećamo. Ponovo koliko će se ona ostvariti do 31.12. o.g. ostaje nam svima da vidimo. Što se tiče parkirališta i iznosa od 500.000 na parkiralištima, taj iznos se odnosi na ponovnu procjenu od strane resornog ministarstva i na realizaciju projekata SMART parking, od kojeg se očekuje povećanje prihoda. Također podsjetiti ću vas da je mjera ne naplaćivanja parkinga koja je jedno vrijeme bila donesena na nivou Kantona i istekla i da to znači sada u finansijskom smislu da će se iznos na parkiralištima povećavati. Što se tiče subvencioniranja javnih preduzeća, subvencioniranje javnih preduzeća se uglavnom odnosi na Skenderiju, ZOI i Gras kao preduzeća koja mi u najvećoj mjeri subvencioniramo. Kapitalni transferi Gradu i općinama na poziciji kulture, odnose se naravno na projekte koje Kanton podržava na nižim nivoima vlasti. Većina tih projekata je u implementaciji i smatramo da ti projekti naravno

trebaju biti dovedeni do kraja i da se na taj način također benefiti kulture i sporta održe u cijelom Kantonu. Bilo je također ponovo pitanje o institucijama na državnom nivou. Odgovorio sam ranije. I sredstvima koja će biti potrebna za tu svrhu. Bilo je također pitanje od poštovanog zastupnika Vibora Handžića o dobrovoljnim vatrogasnim društvima. Sredstva se ne ukidaju na toj poziciji, ostala su na namjenskim sredstvima za zaštitu i spasavanje. DVD ne mogu koristiti ta sredstva jer je Zakon o zaštiti od požara predvidio da se DVD finansiraju isključivo iz vatrogasnih sredstava koja se prikupe i to 10%. Moguće ih je finansirati samo ako se proglase službom. A one su proglašene službama općina i tamo ostvaruju pravo finansiranja gdje su proglašene službom općina. Ukoliko ih Kanton bude finansirao ili sufinansirao pored općina to može biti samo iz redovnih budžetskih sredstava a ne iz namjenskih. Bilo je pitanje o preventivnog upravljanja saobraćajem. Odgovorili smo, taj projekat ide na EBRD. Ugovorene usluge na Ministarstvu obrazovanja i nauke odnose se na preglede i konkurse, Zatim povećavanje kazni. Mi smo planirali 7 miliona, do sada je ostvareno 5 miliona na godišnjem nivou i smatramo da će do kraja godine biti ostvareno dodatno još 1 miliona KM. Kapitalni transferi javnim preduzećima zašto oni rastu. Pa rastu zbog toga što u prvom rebalansu budžeta finansiranje Grasa je bilo predviđeno na način da će se Gras oporaviti u smislu ostvarivanja prihoda u nekom narednom periodu. Međutim vidimo da ove mjere u kojima je dozvoljen javni prijevoz uz razmak u vozilima između putnika utiče na to da Gras ne može da zaradi one prihode koje je ranije planirao pa zbog toga rastu kapitalni transferi JP i naravno tu je i ona stavka za pokriće gubitka koja JP ostvaruju. Zašto rastu izdaci za kamate? Zapravo izdaci za kamate su povezani su sa ino otplatama. Dogodila se preraspodjela ino otplate rastu za 600.000. a izdaci za kamate su smanjeni za 600.000. Evo imam još dva tri pitanja da odgovorim i to bi bilo to otprilike. Šta je sa nabavkom opreme za Opštu bolnicu i za KCUS? Predviđena su sredstva za energetske efikasnost za dvije klinike, čini mi se za fiskalnu terapiju i za urgentnu medicinu koji već se više godina finansira iz sredstava Svjetske banke a putem Federalnog Ministarstva prostornog uređenja. I tu su predviđena dva projekta koje je resorno Ministarstvo kandidovalo. Čini mi se da je riječ o ove dvije klinike za fizikalnu terapiju i za urgentnu medicinu. Dakle to su sredstva koja idu na utopljanje tih objekata. Što se tiče potreba zdravstvenih ustanova. Mi također znamo da postoji i finansijski plan ZZO, u kojem je na jednoj stavci predviđeno 8 miliona. Neka sredstva su utrošena na toj stavci. Dodatna rezerva je oko 21 milion KM u finansijskom planu ZZO. Tako a smatramo, to nisu naravno kapitalna ulaganja. Ali smatramo da se i tim sredstvima može intervenisati jer su za tu namjenu i predviđena. Tekuća rezerva inače po definiciji pozicija koja služi u ovakve svrhe da se mogu koristiti sredstva ukoliko bude bilo potrebe. Mimo onoga što je sada planirano kroz budžet Kantona Sarajevo i kroz finansijski plan ZZO. Što se tiče projekta rehabilitacija ski centra od 3 miliona, riječ je izgradnji garaže na lokalitetu Babin do. Gdje je sada asfaltna podloga za garažu. I drugi dio tog projekta jeste praktično jeste zasnježavanje ski staze na Igmanu, na Malom polju uz rekonstrukciju žičare dvosjeda u smislu zamjene sajle, kako sam razumio, i osvjetljavanja jednog dijela remonta da ona ostvari svoju funkcionalnost jer je u dotrajalom stanju. I osvjetljavanja jednog dijela staze. I još odgovori u kojem su iznosu ostvareni prihodi poreza na dobit dohotka administrativnih i sudskih taksi. Prema podacima zadnjim iz jula porez na dobit je ostvaren u iznosu od 61 milion, porez na dohodak od 87 miliona, administrativne takse u iznosu u od dva miliona. Sudske takse 3 miliona. A novčane kazne to sam već objasnio bilježe već oko 67% priliva u prvih sedam mjeseci. Zbog toga smo i povećali na godišnjem nivou. Zatim je bilo pitanje da li će se stvoriti pretpostavke za efikasnije doznačavanje sredstva privredi u vrijeme kada ova sredstva MMF kasne? To je praktično i glavni razlog. Odgovor je da, to je praktično i glavni razlog zašto smo se odlučili na predlaganje rebalansa budžeta prema Skupštini jer smo u dosadašnjoj komunikaciji vidjeli da praktično FBiH čini dosta napora da administrira efikasno ta sredstva međutim da privredni subjekti prvenstveno ne mogu toliko čekati i da mi trebamo da preduzmemo jednu proaktivnu ulogu i ovim rebalansom budžeta tu ulogu i preuzimamo. Bilo je pitanje o najvećim kapitalnim projektima koji su planirani u budžetu. Najveća izdvajanja su u resoru saobraćaja i to za projekte rekonstrukcije, rehabilitacije i

investicionog održavanja puteva i mostova u iznosu od 26 miliona. Zatim izgradnja i rješavanje imovinsko pravnih odnosa u iznosu od 20 miliona, to su velike stavke, te imovinsko pravni odnosi na primarnim gradskim saobraćajnicama u iznosu od 14,5 miliona. Zatim realizacija projekta izgradnje saobraćajnica uz vlastito učešće za projekte EBRD 12 miliona, opremanje tramvajskih stajališta za kontrolisanu naplatu karata 11 miliona. Nova parkirališta i izgradnja javnih garaža u Kantonu Sarajevo 5 miliona. Neki od ovih projekata smo svi mogli i građani mogli čuti prilikom predstavljanja, otvaranja, ili početka implementacije tih projekata u Ministarstvu privrede. Kapitalni projekti iz šumarstva 6 miliona. Zaštita vodotoka, projekti javni preduzeća i tretman animalnog otpada oko 3,8 miliona. Evo već pomenuti projekat Rehabilitacija ski centra Bjelašnica, Igman 2,3 miliona. Zatim u Ministarstvu prostornog uređenja najveći kapitalni projekat je energetska efikasnost. U Ministarstvu komunalne privrede i infrastrukture rekonstrukcija vodovodne i kanizacione mreže iz sredstava vodne naknade 6,3 miliona. Bilo je pitanje također i evo time se približavamo kraju ovog dijela odgovora na pitanja, o raspodjeli planiranih sredstava iz MMF-a koliko je usmjereno za privredu. Nije loše da se više puta ponovi, dakle za mjeru podrške isplate plata 20 miliona. Podrška privredi industrijske zone zapošljavanja mladih 2 miliona. Kreditno garantni fond 5,8 miliona. Otplata postojećih kredita 6 do 7 miliona. Što se tiče ankete koju je uvažena zastupnica Hasagić čini mi se pomenula, rezultati ankete, ukoliko budu oni validni u jednom naučnom smislu i metodološki ispravno provedena anketa, mi je možemo iskoristiti za formulisanje nekih naših mjera u budućnosti. Da li se očekuje rebalans još jedan do kraja budžeta i da li je prvi Rebalans donesen na vrijeme i zašto? Pitanje tajminga. Prvi prvom Rebalansu bilo je zastupnika koji su smatrali da će biti još rebalansa do kraja godine, evo to se pokazalo tačnim. Već drugi Rebalans do polovine godine smo pokrenuli. Da li će ih biti još do kraja godine praktično zavisi od situacije na terenu. Od realizacije ovih brojki koje su sada planirane brojke. Ja sam kazao smatram transparentno ukazao na situacije koje nisu 100% tačne jer ih niko ne može 100% prognozirati do kraja godine. Ukoliko se dogodi neki značajniji udar ili šok, mi ćemo ponovo informisati Vladu, mislim na Ministarstvo finansija informisati Vladu i odlučit ćemo da li ćemo to rješavati putem onih preraspodjela vladinih ili eventualno opet nekim rebalansom budžeta u trećem ili četvrtom kvartalu. Smatramo da je prvi rebalans donesen na vrijeme. Zašto? Zato što u budžetu koji je donesen prije prvog Rebalansa a mi smo u godinu ušli sa Odlukom o privremenom finansiranju, pa je donesen Budžet, nije bilo sredstava MMF-a jer nije bilo korona krize. Da bi smo mogli raspisati uopšte javni poziv mi smo morali predvidjeti sredstva MMF-a. Zbog toga smo ta sredstva predvidjeli raspisali javni poziv, evo jedno vrijeme očekivali da se ta sredstva transferišu od strane FBIH. Spoznali da FBIH ima svoje izazove sa kojima se suočava i sada odlučili praktično finalno da kroz ovu proaktivnu ulogu u rebalansu budžeta mi i ponovo ćemo to uraditi, to ćete vidjeti, ukoliko se podrži ovaj rebalans, kao prvi Kanton u FBIH, koji isplaćuje finansijsku podršku preduzećima u ovom iznosu. Također je bilo pitanja o tome zašto se neke aktivnosti ne finansiraju. Ja ću vas podsjetiti da smo u padu budžetskih prihoda uveli i održali do kraja godine egzistencijalnu naknadu za borbe koja je na godišnjem nivou 8 miliona KM. Da smo također povećali socijalna izdvajanja za pojedine kategorije do 6%. Dakle sve su to situacije gdje smo u finansijskom smislu djelovali sredstvima prema kategorijama društva koja smatramo opravdanim. I ovo spominjemo samo kao činjenicu da i pored smanjivanja budžetskih prihoda, mi smo povećali egzistencijalnu naknadu za borbe i ona je usvajanjem naravno Zakona koji je to omogućio od strane Skupštine, mi smo to finansijski pratili i naravno nismo smanjivali ta sredstva u Rebalansu ovom drugom, niti naravno planirano smanjivati do kraja godine. Ne znam jesam li sva pitanja odgovorio. Ja sam pokušavao da bilježim onako koliko sam brzo stizao pisati. Bilo je još pitanje, izvinjavam se poštovani predsjedavajući ako dozvolite o domaćim kreditima. Smanjeni su za 15 miliona KM. A ino krediti su povećani za 35 miliona KM. Što se tiče domaćih kredita 8 miliona adaptivno upravljanje saobraćajem. Taj projekat je prešao na finansiranje iz ino izvora sredstava. 3 miliona su smanjena na Smiljevićima zbog projektne dokumentacije. 1 milion KM je smanjeno na zgradi MUP. Također tu projektna

dokumentacija ne prati želje svih nad da se ovaj projekat počne realizovati stoga očekujemo da se evo posveti dodatna energija za izradu validne projektne dokumentacije da bi smo onda mogli planirati sredstva za implementaciju tog projekta. Izgradnja garaže G3 je također smanjena jer je Ministarstvo u ranijem periodu deponovalo 2 miliona KM sredstava i ta sredstva postoje čini mi se na Zavodu za izgradnju pa smo za isti iznos smanjili projektovana sredstva koja su bila predviđena iz domaćih kredita. 1 milion KM smo smanjili prihvatilište za pse lugalice jer smatramo da je tu više sredstava nego što je dinamika realizacije tog projekta. Pa će se taj projekat u narednom periodu fazno finansirati. I 1 milion KM je povećana su sredstva na Ministarstvu privrede za projekat u ski centru Bjelašnica i Igman. Što se tiče novih projekata, ino projekata od oko 35 miliona: energetska efikasnost je 2,5 miliona, obnova voznog parka 19,5 miliona i evo ovo adaptivno upravljanje saobraćajem ukupno 13,7 miliona. Dakle to su bili ti oko 35 miliona KM. Eto poštovani predsjedavajući mislim da sam ova pitanja, koliko sam uspio zabilježiti da sam na njih i odgovorio.

Predsjedavajući:

Zahvaljujem uvaženi ministre Halebiću. Samo isključite mikrofon. Ja bih vas lijepo molio da isključite mikrofon. Otvaram raspravu. I prvi za raspravu se prijavio uvaženi zastupnik Konaković Elmedin. Izvolite zastupniče Konakoviću, imate riječ.

Poslanik/zastupnik Elmedin Konaković:

Čujemo li se predsjedavajući, je li OK ton?

Predsjedavajući:

Mi vas čujemo, sve OK.

Poslanik/zastupnik Elmedin Konaković:

Da probam malo smanjiti ovaj eho, čuje li se sada? Hvala puno. Dakle, neko bi Vladi Kantona Sarajevo trebao reći da je situacija vanredna. Da živimo koronu, da je privreda na koljenima. I ako ste raspoloženi jedan dan da prošetamo Čaršijom da porazgovarate sa privrednicama koji su u vas gledali kao jednu od zadnjih šansi za spas svojih malih biznisa. Da se probamo provozati taksijem da čujete taksiste da vam kažu o realnom stanju u Kantonu i da obidemo neke od hotela koji su mahom, listom uglavnom već zatvoreni. Najavljivali ste jednom prilikom i ja to hvalio javno Zakon o uštedama. Volio bih da ste takav Zakon donijeli da nam danas pokažete jednu stavku na kojoj ste uštedili 1 KM. I ovakva kukavički pristup kreiranju budžeta nisam zaista dugo vidio. Dakle, evo jedno osnovno pitanje na koje ste dali odgovor. Šta ste prenamijenili od novca koji sigurno trenutno ne možete trošiti za njegovu namjenu, dakle te namjenske pare? Federacija vam dala Zakon, mi usvojili Zakon, mogli ste sredstva posebnih naknada šume, vode, civilnu zaštitu trošiti na pomoć privredi ne čekajući MMF jer tada kada smo mi vama govorili a imam snimke sa te sjednice, nemojte ljudi čekati Federaciju, vi ste pričali o nekoj hijerarhiji da morate čekati Federaciju. Danas su i ministar Halebić i na pitanjima i inicijativa ministar Jeličić rekli da neće više čekati Federaciju, evo skoro u augustu. Dakle mjeseci su prošli vi niste ništa uradili što bi ohrabrilo privrednike i zato su vam danas hiljade nezaposlenih na birou i zato za njih izdvajamo mnogo novca (nerazumljivo). Jedino što ste od novca prenamijenili potrošili ste na Gras. Dakle niste mi odgovorili na pitanje, jeste djelimično ministre Halebiću o toj famoznoj poziciji investiciono održavanje i rekonstrukcija o kojoj ćete u izbornoj godini načelnicima u opštinama doznačiti 61.646.000 kako bi ste u neke sokake i sarajevske mahale zakrpili neke rupe i napravili neke male ceste. Ali vam tim cestama premijeru Nenadiću i ministre Halebiću i ostali članovi Vlade neće imati ko hodati jer to što krpate ulice pred izbore, podsjećam, 24.850.000 je bila pozicija kod prvo- usvojenog budžeta 2020 godine. Vi ste je povećali na 61. kao plastičan primjer da ste ove godine odlučili da manje krpate ulice i manje se ponašate predizborno, to vam je kompletan iznos, simbolično baš, eto malo i više od toga, koji čekate od MMF-a. Imali ste priliku to uraditi u prvoj sedmici pandemije kada smo vas mi molili, kumili, preklinjali,

slali mailove i predlagali., vi to niste uradili. Ministar Halebić, on zna da ga ja jako cijenim i znam da on puno može. Naravno u ovakvom političkom ambijentu ne može, ni on ni Nenadić ni niko jer vi niste došli da uradite posao, došli ste tu da srušite Vladu i zadržite vodu. Kaže ovako nismo mi povećali plate nego smo samo nedovoljno planirali. Dakle jedna Novalićevska izjava, il se puno Jasmin družio sa Novalićem ili je nešto tu sumnjivo. Kaže nije povećanje plata to što je 3 miliona, nego je nedovoljno planiranje plata u odnosu na prvobitno. Onda se postavlja pitanje pitanje ministre Kriviću jel moguće da ste promašili 3 miliona u svom resoru. Vidim da jeste. Djeca Sarajeva (nerazumljivo), u osnovom isto tako oko 600.000. Šta je radilo Ministarstvo obrazovanja u planiranju budžetskih sredstava. Vi ste morali potpisati to šihitaricu u zahtjevu i poslati u Ministarstvo finansija. Dakle, promašili ste Kriviću 3 miliona u obrazovanju. Vi i ko je tamo direktor sada Djece Sarajeva, vi to mijenjate ko na traci, uopšte ne mogu više pohvatati ko su ti ljudi. Prestrašno je, ministar Halebić kaže pa povećali smo sitni inventar, jer mi smo znate uvažili zahtjeve budžetskih korisnika. Ja sam igrom slučaja radio s budžetskim korisnicima. Oni su ko pirane. Ako pustite, ljudi uzmu za svoju komociju, a vaš je posao da ih natjerate da rade, vi ste njima, ali bi morali biti svjesni da je pandemija, trebali reći da je pandemija. Morali ste ih obavijestiti da je vanredno stanje, morali ste ih obavijestiti da je preko 30.000 ljudi otišlo na biro u Federaciji i da im objasnite da redukuju sve troškove, da ih svedu na minimum. Ne, ne, vi ste rekli znate oni su budžetski korisnici, mi smo njima uvažili sve zahtjeve. Tako ste se zaista ponašali. Toliko ste se kukavički podnijeli u ovoj pandemiji naravno pred lokalne izbore. Ja sam zbog toga presretan. Ali sam tužan prvo što vas znam personalno i znam da vi to možete puno bolje, zato što ste zarobljenju ovakvim politikama, sa ovakvih 18 klimavih ruku, s kojima vi jedva radite. Ali ste trebali iskoristiti vala ovu dobru sinergiju s opozicijom koja je bila tu da vam pomogne da ovo uradite kako treba. Praviti ćete garaže i krpiti ćete ulice. To je ovaj budžet. Pravite garaže, krpiti ulice i čekate MMF. Ni jedna marka uštede. Pazi drugi odgovor, kaže Halebić nema veze što je 5,2 miliona na putnim troškovima, ne putuje se. Što ih niste srezali, što niste bili tu hrabri. Što niste limitirali budžetske korisnike. Jeste li vidjeli kod Kalema ostala 22.000 (nerazumljivo). Adi Kalem ima na budžetu 22.100 za putovanja do kraja godine. E gdje ga misli putovati bez negativnog PCR testa ne može mrđnuti. Ne možemo inače nigdje mrđnuti. Dakle što ste ovo ljudi vi radili s ovim budžetom, ko biva nama ste ga sada gurnuli pod plaštom znate privreda čeka. Ne pada nam na pamet da ga podržimo. Narod i pravda bit će protiv usvajanja kukavičkog budžeta. Pozivamo da ovo povučete, da sjednemo ko ljudi tri dana da zarežemo tamo gdje ne treba. Nemojte se igrati ovih predizbornih cirkusa jer ćemo mi u svaku tu ulicu koju zakrpiti otići uslikati je i reći ljudima ovo su vaša radna mjesta. To ne možete praviti ko kampanju ove godine. Kampanja vam je bila da se komotno osjećaju naši privrednici. Govorim u ime Kluba ako bude 10 minuta. Vaša kampanja trebala je biti da ljudi budu sretni. Jeste li vidjeli u Hrvatskoj kako vlast nagrade zbog brzih, kvalitetnih mjera. Kako tamo ministar zdravstva bude čovjek s najvećim brojem glasova u koroni, a naš ministar zdravstva pobjegne glavnom bez obzira. I desetakovana vam je i Vlada zato što ste tako kukavičici ušli u ovu cijelu priču. Dakle, samo ste sjedili, sabirali, oduzimali i množili. Vi ništa niste (nerazumljivo). Procjene prihoda su nezahvalne. Sklonite se da dođe ekipa ekonomskih stručnjaka da vam pokaže procenat ekonomskih prihoda. Jeste li vidjeli kako Njemačka napravi procjenu prihoda? Napraviti će je u 5 miliona eura s budžetima od ko zna koliko milijardi. Jer to je živa materija za struku. Naravno da je ona trenutno preživa ali struka to uradi, napravi procjenu. Vi ste ostali zakucani na (nerazumljivo) nešto miliona prihodovne strane to je zaista čudno. Čudno. Šta još govorite, šta ste nam danas još poručili? Eh, kaže ovo nam je iz 2019 godine, ima para od poreza na dobit. Imamo mi to vidi se to po prihodima i to se troši ali mi znamo da neće biti 2021 i 2020 je krah. I šta radite da 2020 ne bude krah, jer to sitno 200 KM na pola plate 1/10 ljudi koja vam se obrati ljudi nije dovoljno. Ta krajnja potrošnja će potpuno krahirati zbog kontrakcije kojoj vi doprinosite svojim kukavičlukom. Dakle da ste samo ovu stavku famoznu rekonstrukciju i održavanje investiciono. I znate šta još treba da uradite, molim vas pogledajte izvršenje ovih pozicija. I u vrijeme Vlade u kojoj smo radili zajedno i Zoljeve i svake druge, ovo na 61. pa upumpat ćete vi te pare u opštine,

znam ja to. Ljudi njima to ne treba. To treba privredi u ovom trenutku da se ne čeka taj famozni MMF. Dakle danas ste dvije tri, da ste bar rekli evo bili ste u pravu izvinite. Govorili ste ko papagaji četiri mjeseca čekamo Federaciju, čekamo Federaciju. Vi ste čekali Solaka, Jelku, u segmentu donošenja odluka vezano za koronu i čekali ste Fadila šampiona da nam on uredi ovaj ekonomski segment da se ljudi od njih oporavi. I mi bi umrli čekajući njih. Dakle to je nemoguće, tu ste morali iskoračiti, biti hrabriji. Napraviti svoje projekcije, zarezati. Ni jednu marku. Dakle vama rastu putni troškovi. Ljudi, vi ste u rebalansima napravili veću projekciju putnih troškova nego u miru dok nije bilo pandemije. A nama kažete znate ona se ne troši. Ali vam je ostala stavka 3,2 miliona. Pa evo dajte sada makar napravite taj amandman, molim vas. Skinite to 3,2 a onoliko koliko ćete potrošiti do kraja. Taj 1,6 napravite neki kreditno garantni fond. Pa izračunajte po tih 200 KM koliko ćete pomoći ljudima. Eto samo to. Dakle, znate li koliko ima takvih primjera? Vi ste zemljište., šume i zasadi, sa 1,4 povećali na 11 miliona ljudi. Dakle na stvari koje nas neće održati u životu, našu privredu, ekonomiju. Ovo neće održati neće održati u životu jer mi sada kada vas smijenimo doći ćemo na belaj, zato vas ja i molim nemojte bolan ovakvu rupu, krater ostaviti iza sebe. Znat će ko je ostavio. Ovo su pare koje su bile žive. Imali ste Zakon da namjenski novac trošite u privredu, pomoć privredi. Ni marku, ljudi ni marku osim Grasu. Gras nije privreda, on je naša obaveza. I morate, OK mi podržavamo to. Ali ni marku para niste prenamijenili od ovog ovakvog budžeta. Ni jedna stavka nije padala: putni troškovi, sitni inventar, ugovorene usluge, sve ono na čemu se reže odmah. Da je na čelu Vlade došao, ne govorim o mladim, govorim o konceptu, Vlada (nerazumljivo) rezala bi, odmah bi nabrala 50 miliona čistih budžetskih para u kojima bi novac ovima koji imaju hoš te dobiti dala da prežive, pa da imaju dobiti i naredne godine da imaju da troše pare da ponovo vrate. K ako ćemo dočekati 2022 godinu? Ovaj budžet je stvarno cirkus. Boga mi. Dakle, evo sve mirno pričam, bez puno emocija, ovo je cirkus koji sam vidio i znam da vi možete bolje i ne znam zašto niste bolje. Dakle, nema evo vidim sve sam to govorio. Ovo što ste napravili, drži nas u životu još par mjeseci, ali i taj život je na nekom respiratoru ove cijele naše privrede i poslije toga dolazi krah zato što vi niste radili. Molim vas, molim vas, povucite ovaj dokument. Vratite se i iskrižajte ove rashode, nemojte politikama koje vas tjeraju da načelnicima dajete pare za krpljenje ulica podleći jer ćete vi biti krivi. Oni to od vas traže a ja vas molim da to ne uradite. Nemojte ništa vam te ulice neće donijeti vjerujte mi u kampanjama. Taj novac izvadite, ozdravite ga, obojite ga i dajte da ovim ljudima pomognemo, jer ne znam da li imate osjećaj kako žive ovi ljudi koji su u turizmu, žive od turizma koji su naslonjeni na turizam i svi oni koji se bave razmjenom roba i usluga. Ti su ljudi na koljenima. Molim vas da to shvatite. Naravno, za ovakav budžet nećemo glasati. Narod i pravda je protiv apsolutno i predlažemo vam da naš ekspertni tim sjedne sa vama, da napravimo bolje i da ga vratimo u brzu, hitnu proceduru za pet dana (nerazumljivo). Hvala.

Predsjedavajući:

Zahvaljujem uvaženi zastupniče Konaković. Bešlija Vildana. Kolegice da li ste spremni?

Poslanik/zastupnik Vildana Bešlija:

Jesam predsjedavajući. Hvala na riječi. Pa evo na osnovu dobijenih odgovora slično kao što smo imali diskusiju na prethodni rebalans budžeta zaista je evidentno opet, nažalost nespremnost Vlade. Sada je već potpuno jasno, to smo govorili i prvi put, a evo sada je potvrđeno da smo mi zaista zakasnili sa mjerama očuvanja i oporavka malih i srednjih preduzeća. I malih privrednika, obrtnika koji kompletnom svojoj imovinom, temeljem Zakona odgovaraju za poslovanje svih svojih malih firmi. I mi im nismo dali ništa. Jednostavno im ništa nismo ponudili. Pustili smo onako da se provuče ovih par mjeseci, čak nisu dobili ni te što im je obećano neke male crkavice, neke pomoći. Snalaze se sami. I nažalost ovaj rebalans pokazuje da je opet izostala ustvari spremnost i hrabrost Vlade da se poduzmu odgovarajuće mjere koje bi dale finansijsku stabilnost privatnom sektoru jer nikada ne smijemo zaboraviti da u suštini privatni sektor puni ovaj budžet. Zabrana rada mnogim djelatnostima je dovela

ustvari do potpune paralize i presijecanja lanca potrošnje privatnom sektoru iz kojeg se finansira javni sektor. Mi smo dobili odgovore na pitanja od strane ministra da nam je sada dobro. Ja vjerujem da nam je sada dobro u odnosu na ono što nas nažalost čeka naredne godine. Ali nikako ne smijemo dozvoliti da se ponašamo u 2020 godini po principu „Selo gori a baba se češlja”. Jednostavno nema prostor za to. Ne smijemo nikako prespavati 2020 godinu jer se bojim da će budžete 2021 biti bolno ne samo za te privrednike nego će se odraziti na kompletno poslovanje kolanje novca, novčanih prihoda i svega što se tiče u Kantonu Sarajevo. Znači mi moramo sada poduzimati određene mjere da bi se to nama na neki način vratilo ili održala stabilnost 2021.godine. Ja ne znam čemu se mi ovdje ne razumijemo? Ja ne znam šta sve treba posebno reći? Ja ne znam zašto te novce ne vratimo, ako imamo već dovoljno sredstva od dobiti, od onoga što se radilo u 2019 godine, znači ije to palo s neba, to je došlo od privrede. Zašto to ne vratimo privredi, zašto se to ne uradi? Znači potpuno mi nije jasna politika koja se vodi, odnosno ne vodi. Ja ne znam šta je ovo? Znači nevjerovatno mi je i opet ću to podcrtati što je ministar rekao. Ne mogu jednostavno podnijeti da stavljate jednakost između popuštanja mjera i odgovornosti prema privredi jer to je sada nije baš toliko naša stvar. Prošlo je možda najgore pa ćemo se praviti da, malo ćemo zažmiriti i krenut ćemo dalje. Kao nije baš toliko strašno. Odgovor za finansiranje institucija kulture je isto tako meni bilo vrlo zaprepašćujuće jer mjesec dana pozitivno smo iznenađeni i imalo je velikog odjeka u javnosti da će ovaj Kanton preuzeti konačno obavezu za finansiranje tih institucija. Danas saznajemo da to nije tako. Danas saznajemo da ni marke nema u budžetu po pitanju toga, da čekamo Vijeće ministara, pa ćemo vidjeti da li će nešto biti od toga. Mnogi privrednici nisu dobili podsticanja sredstva, i po onim pozivima koji su bili. Mnogi radnici su ostali bez posla zbog sporosti Vlade koja zaista nije imala hrabrosti da predloži adekvatne mjere u pravo vrijeme, tako da ja se zaista bojim budžeta 2021 i pridružiti ću se apelu kolega Konakovića da povučete ovaj budžet i da ga stvarno pokušamo napraviti zajedno boljim. Hvala vam.

Predsjedavajući:

Zahvaljujem uvažena zastupnice Bešlija. Kolegica Admela Hodžić ima riječ. Kolegice da li ste spremni?

Poslanik/zastupnik Admela Hodžić:

Zahvaljujem predsjedavajući. Pa evo ja bih u par riječi, neću dugo. Pošto sam neko ko dolazi iz privrede svo svoje radno iskustvo prije mandata u Skupštini sam stekla radeći u privredi, tako da znam koliko je privredni, realni sektor pogođen pandemijom. Isto tako znam koliko bi značilo privredi koja puni budžet kao što je kolegica Bešlija rekla, realni sektor bar u jednom dijelu, u jednom procentu osjetljivi i mogu da kažem da je malo više obazriviji prema privredi i prema realnom sektoru koji puni budžet i od kojeg se isplaćuju plaće radnicima koji su na budžetu. Na početku pandemije imali smo priliku vidjeti te sve mjere koje su donesene čak promotivni video materijal, klipove kako se trebamo zaštititi od korona virusa, prati ruke, držati distancu socijalnu, paziti na zdravlje. Međutim isto tako u tim mjerama pod trećom ili četvrtom stavkom je kazano, doneseno i napisano da je također sektor privrede pogođen pandemijom korona virusa i da je sektor privrede taj koji zaslužuje posebno pažnju isto kao i pandemija i naša zaštita ličnog zaštita. Istu pažnju zaslužuje naša egzistencija koja i dalje mora biti održiva i nakon pandemije i nakon bolesti i nakon stabilizacije svih ovih nedaća koje su nas zadesile. Iskreno govoreći, predlagala sam i nekoliko puta, da se isti takav promotivni video napravi, da se pokaže javnosti ili da se podsjetimo, svi mi to vrlo dobro znamo na koji način se puni budžet, koliko sredstava se odvaja za budžetske korisnike za plaće., koliko sredstava privredni sektor odvaja za plaće. Koliko je pogođen realni sektor ovom pandemijom, koliko su plaće smanjenje, koliko je poslovna aktivnost smanjena. Također smo svjedoci da javni sektor nije u nekoj velikoj mjeri osjetio što se tiče ekonomske situacije i plaća. Nije osjetio neka umanjena po tom pitanju. Čak sve što ih sljeduje u realnom sektoru što se toče plaća isplaćivano je na vrijeme poštivali smo kolektivne ugovore, čak su isplaćivao i regres, što u realnom sektoru, iskreno govoreći to je misaona imenica. Ja znam da

nismo zadovoljni, evo ima nedostataka svugdje, bilo kakav budžet, bilo ko da ga predloži, uvijek će neko imati izmjene i dopune budžeta bilo o da predloži, uvijek ćemo imati nešto dodati, nešto promijeniti, meni se ne sviđa, onom se ne sviđa. Međutim, ja vam moram kazati da sam ja članica komisije koordinacionog tijela za predlaganje mjera zaštite oporavka privrede, poboljšanje položaja uposlenika i privrednika pogođenih krizom izazvanom pandemijom korona virusa. Zadnju sjednicu koju smo imali, IX sjednicu, bila je održala se 13.07. mogu vam reći da je trajala veoma kratko. Naši privrednici, članovi koordinacionog tima koji dolaze iz privrede, znači nismo imali nikakvih posebnih komentara, nikakvih posebnih zahtjeva, jednostavno ljudi su samo traćili dajte nam konačno, uradite sve da se isplati minimalan lični dohodak, ono što nam je obećano i zašto je provedena procedura. Dostavljena je dokumentacija i samo se čeka isplata sredstva. Evo a vas molim, došlo je pismo, ja vas molim kao neko ko je dolazi ovdje iz privrede, ko zna koliko to znači, šta im znači u ovom momentu. Došlo je pismo svim zastupnicima na ruke predsjedavajućeg i prosljeđeno je svim zastupnicima. Ja ću vam ga pročitati radi javnosti. I zamolit ću vas da nakon ovoga prevaziđemo sve te neke razlike i negodovanja i da evo pokušamo udovoljiti privrednicima i njihovim zahtjevima. Traži se hitno usvajanje prijedloga izmjena dopuna budžeta Kantona Sarajevo. Privredni subjekti, odnosno poslodavci na području Kantona Sarajevo suočavaju se sa teškim posljedicama pandemije COVID-19 koje se ogledaju u obustavi rada, smanjenju poslovnih aktivnosti i velikoj nelikvidnosti. Sve to dovelo je u pitanje hiljade radnih mjesta i dalje zadržavanje radnika. I pored činjenice da Vlada Kantona Sarajevo prva u FBiH utvrdila set mjera za podršku realnom sektoru, zbog raznih administrativnih prepreka do danas nije uspjela povući sredstva MMF za pomoć privrednim subjektima iz tih razloga. Poslodavci očekuju hitne mjere za isplatu sredstava koja su namijenjena za pomoć privredi, odnosno za isplate plata uposlenicima za april i maj mjesec. Vlada Kantona Sarajevo na sjednici održanoj 21.07.2020. utvrdila je prijedlog mjera izmjena i dopuna budžeta Kantona Sarajevo kojom je osigurala 37 miliona KM za pomoć poslodavcima, odnosno privrednim subjektima. Potvrđenim sredstvima obezbijedit će se isplata dijela plata za 35.000 zaposlenika u 6300 privrednih subjekata. Imaju u vidu da poslodavci i njihovi uposlenici očekuju hitnu pomoć, te da je neizvjestan prenos sredstava od MMF pozivamo zastupnike u Skupštini Kantona Sarajevo da postupe odgovorno i hitno usvoje prijedlog izmjene i dopune budžeta Kantona Sarajevo. S poštovanjem. U potpisu je predsjednik UO Udruženja poslodavaca Kantona Sarajevo. Od mene toliko. Ja vas još jednom pozivam i molim da glasate i da privrednicima u Kantonu Sarajevo obezbijedimo barem ovaj minimum isplate minimalnih plaća. Zahvaljujem.

Predsjedavajući:

Molim da isključite mikrofona. Uvažena zastupnica Segmedina Srna Bajramović ima riječ. Kolegice možete krenuti sa vašom diskusijom.

Poslanik/zastupnik Segmedina Srna Bajramović:

Zahvaljujem predsjedavajući. Pa evo, neću komentarisati odgovore koje sam dobila ili većinu onih koje nisam dobila, nema zapravo nikakve potrebe za tim u ovom trenutku. No ono što ja želim reći, zapravo što moram istaći jeste da odavno nisam razmatrala dokument kojim sam blago rečeno bila više zbunjenja brojevima ili pratećim obrazloženjem. Međutim, meni lično, ovaj današnji rebalans najbolje oslikava činjenicu kako je ova Vlada sastavljena isključivo na potrebu političkog obračuna sa kadrovskim prioritetima bez ozbiljnog plana za redovno stanje. Tako da vas je ovo vanredno pandemijsko funkcionalno doslovno rasturilo. Dakle konfuzija koju ste kreirali prema vani nažalost je potpuna, kao i kompletan pristup ove Vlade posljednjih mjeseci kada je u pitanju upravljanje krizom. Moram podsjetiti javnost da smo polovinom marta imali proglašenje stanja prirodne nesreće a usvajali smo prvi rebalans početkom maja. Kao direktni rezultat vaše političke procjene zdravstvenih uticaja na ekonomiju, što i vi vrlo jasno navodite u svom obrazloženju. Citiram: „Skupština Kantona Sarajevo 07.05.2020 godine donijela prve izmjene i dopune Budžeta Kantona Sarajevo za

2020 godinu, koje su naglašavale odražavale situaciju izazvanu pandemijom COVID-19 i koje su uključivale odredbe federalnog Zakona o ublažavanju negativnih ekonomskih posljedica i odredbe Zakona o sprječavanju negativnih ekonomskih posljedica i uštedama u Kantonu Sarajevo. „, danas nakon manje od tri mjeseca razmatramo drugi rebalans koji je prema mom mišljenju dokaz potpunog fijaska i očigledno novo pogrešno legitimiziranje potpuno nepouzdatih procjena i rokova u smislu federalnog korona Zakona. I to potvrđujete sami u svom obrazloženju pa vas moram opet citirati, navodite kako su tek krajem mjeseca juna 2020 Ministarstvu finansija od strane resornih ministarstava Kantona Sarajevo upućene inicijative za pokretanje izmjena i dopuna budžeta Kantona Sarajevo koje bi uključivale izmjene povećanja rashodovnog dijela budžeta Kantona Sarajevo za 2020 godinu, za efikasnije izmirivanje zakonskih obaveza i pomoći privredi. Pa se postavlja pitanje ko je uopšte inicijator i s kojim smislom i namjerom djelovanja prvog rebalansa. Dalje, rast prihoda koji prikazujete u rebalansu su objektivno mogući ali potpuno neprirodan u poslovnom ambijentu, i da svakome je od nas jasno da se za one koji plaćaju poreze danas stanje nije značajno promijenilo, osim što je sebična politika i zbog svog interesa u daleko gorim pandemijskim brojevima ukinula stanje prirodne nesreće. Odgovorna vlast, dakle odgovorna vlast bi u trenucima u kakvim se nalazimo, svjesna ekonomske složenosti situacije, zbog novog pogoršanja zdravstvene situacije, radila na produženju mjera koje se odnose na moratorij poreskih plaćanja, a ne rebalansirala stavke u smislu opet prema mom mišljenju, potpuno nemoralnog povećanja. Ovaj izraz sam upotrijebila u jednom od svojih pitanja. Posebno je nevjerovatna vaša konstatacija da ste tek u komunikaciji sa Federalnom Ministarstvom finansija upoznati sa dijelovima odluke koju bi trebali da donese Vlada FBiH a kojom je definisano da se MMF sredstva dodjeljuju na ime finansijske pomoći budžetima Kantona u sanaciji posljedica nastalih proglašenjem pandemije COVID-19. Jasno je i vama da ste ovo znali prije prvog rebalansa jer je to znao svako ko paušalno prati politiku. S obzirom koliko je trajala javna i besmislena trakavica koalicionih partnera da se MMF novac koji je ležao na računu Centralne banke BiH, sedmicama rasporedi privrednicima i radnicima. Najgore od svega, što ni dan danas novac nije podijeljen. I pokazuje potpuno asocijalno nerazumijevanje i rekla bih brutalno nerazumijevanje vas i vaših vertikalnih partnera spram složenosti ekonomske i socijalne situacije u kojoj smo svi zajedno našli. Potpuna je dakle nekonzistentnost i konfuzija u onome što vlast na svim nivoima Kantona Sarajevo javno govori i konkretno radi u smislu implementacije vlastitih politika kroz rebalanse. Međutim, ono čime ću završiti i što smatram potpunim razotkrivanjem vašeg nesnalaženja u ovako složenom trenutku da u periodu rasta prihoda, enormno rastu zaduženja za oko 55 miliona u odnosu na prvi rebalans, što nas vodi do nevjerovatnih 400 miliona KM: bojim se da dosadašnje iskustvo ukazuje da što se mi više zadužujemo građani imaju sve manje konkretne koristi osim što se svako novorođeno dijete u ovoj zemlji rađa sa dugom od nekoliko hiljada KM koje će morati vraćati. Valjda je jasno iz moje diskusije da ni Klub SDP neće podržati ovaj Rebalans budžeta. Toliko. Zahvaljujem.

Predsjedavajući:

Zahvaljujem uvažena zastupnice Segmedina Srna Bajramović. Kolega dopredsjedavajući Handžić Vibor je sljedeći i ja njemu dajem riječ. Kolega Handžiću da li ste spremni.

Dopredsjedavajući:

Evo predsjedavajući ako smijem pitati svoju kolegicu Dizdarević da li je spremna imam nekih problema, pa samo da ih otklonim molim vas. A ko nije spremna treba mi pola minute vremena.

Predsjedavajući:

Kolegice Dizdarević da li ste vi spremni za diskusiju? Ukoliko jeste, ja vama dajem riječ. A kolega Handžić će dobiti riječ poslije vaše diskusije. Kolegice Dizdarević Neira. Izvolite.

Poslanik/zastupnik Neira Dizdarević:

Hvala predsjedavajući. Ja ću vrlo kratko. Neću se osvrnuti na sve odgovore na pitanja koja sam postavila ranije. Moram samo zaista da podcrtam da nikakvu sigurnost, odnosno čak izaziva nepovjerenje odgovor koji kaže da nemamo nikakve projekcije o razmjenama (nerazumljivo), ne znamo na koji broj radnih mjesta ciljamo, ne znamo koliko ćemo radnih mjesta spasiti i onda meni nije jasno ni kako ćemo sutra vrednovati efekte mjera i procijeniti da li smo bili u pravu, da li su mjere bile uopšte adekvatne i gdje smo pogriješili. Također zaparala mi je uši konstatacija da ne povećavate plate, već dodajete iznos na plate. I onda se postavlja pitanje ko će ustvari snositi odgovornost zbog tog lošeg planiranja i situacije da danas od ovih 20 miliona, otprilike uvećanog budžeta, u odnosu na one prve izmjene i dopune iz mjeseca maja, mi više od 10% tog iznosa, dakle 2,6 miliona usmjeravamo na povećanje plata. Vidjet ćemo također i ove pretpostavke koliko su realne, koliko su u suprotnosti, mislim prvenstveno na činjenicu da ovi ostali prihodi osim indirektnih u ovim procjenama ne padaju. Dakle od ovih 20 miliona, razlike 2,6 je povećanja plata, 4,6 tekući transferi, 11,4 na kapitalne transfere. Jer evo zaboga stižu na prvi vjesnici izbora, a to je ovo asfaltiranje održavanje puteve, popravka mostova, na to ćemo izdvojiti nekih dodatnih 6 miliona. Ulagat ćemo i u nadogradnju sistema osnježenja 1,9 miliona, rehabilitaciju ski centara Bjelašnica i Igman, a još uvijek ne znamo šta se ja sa krivičnim prijavama, gdje su pare od ski karata, zašto ratraci ne mogu uzbrdo, i evo ja ovim putem pozivam Tužilaštvo da nam kaže šta je sa krivičnim prijavama koje su ranije podnesene u ZOI. Zaista je beskrupulozno i da kažem nevjerovatna činjenica da ćemo i dalje ulagati sredstva gore, a da uopšte ne znamo gdje su do sada pokradene pare. Za pojedine ključne resore ne mogu se složiti da trebaju proći kao da se ništa u 2020 godini ne dešava, kao da nema pandemije, posebno bih rekla samo u Ministarstvu za rad i socijalnu politiku u kojoj stavke za socijalna davanja su doslovno prepisani, i ne mogu da vjerujem da ova kriza neće na neki način i ove resore dotaći. To bi bilo sve. Ne znam, nema ni potrebe da Klub Naše stranke ovakav Rebalans ne može danas podržati. Hvala.

Predsjedavajući:

Zahvaljujem uvažena kolegice Dizdarević. Kolega Handžić da li ste sada spremni, ako ste otklonili tehničke smetnje ja vama dajem riječ.

Dopredsjedavajući Vibor Handžić.

Ma ne ide me s tehnikom nešto danas, mislim da me opet ne vidite, ali ako me čujete, OK.

Predsjedavajući:

Mi vas čujemo, zaista dobro vas čujem pa evo vi možete svoju diskusiju započeti.

Dopredsjedavajući Vibor Handžić:

Hvala vam predsjedavajući. Dakle neće moja zaista diskusija biti duga. Dakle nemojte molim vas da govorite kako ovdje sa strane opozicija pa evo i na komisija i radnim tijelima na kojima se raspravljalo nije bilo nekih konkretnih prijedloga za mjere ili za izmjene budžeta. I stavljati na nas neke emotivne ucjene molim vas podržite ovaj dokument itd. Kada nas niko nikada ništa nije ni pitao po ovoj temi da konkretno predložimo niti ste nam ni u jednom momentu kada smo raspravljali o dokumentima koji se tiču ove tematike dali šansu. Evo ste nam dali jako malo vremena da dostavimo neke konkretne prijedloge. Podsjetiti ću vas, kada smo usvajali Zakon o ublažavanju negativnih ekonomskih posljedica u Kantonu Sarajevo, da ste nam dva dana, odnosno Vlada nam je dva dana prije sjednice dostavila tekst Zakona a dva sata prije rasprave nam je dostavila amandmane koji suštinski mijenjaju tekst tog Zakona i odnose se baš onako konkretno i u najvećem mogućem omjeru na pomoć privredi, a evo uz razumijevanje da je takva situacija kakva jest i ovaj Rebalans budžeta smo dobili u dopuni dnevnog reda četiri dana prije sjednice. I zaista na Kolegiju smo podržali da on uđe na dnevni red, iako nikada nismo to radili nije bio običaj da ovako složene dokumente da dajemo saglasnost da se dostavljaju u svakom periodu koji je kraći od onih 12 dana koliko nam je

poslovnički raspisano. Dakle nemojte na nas prebacivati tu odgovornost jer nikada nam niste ni dali šansu niti nas pretjerano slušate u davanju prijedloga i bilo kakvih sugestija vezano za ovu tematiku o kojoj govorimo. Dakle ono što je kolega Konaković govorio i govorilo je nekoliko kolega prije mene, dakle milion je takvih sugestija bilo u prethodnom periodu, da se ne čeka Vlada FBIH sa svojim mjerama i sa svojim potezima da bi mi nešto konkretno po ovom pitanju napravili, je to da smo, čekali ste Vladu FBIH pola godine, a Vlada FBIH vas je u dva navrata, baš onako fin povukla za uši, tako da se žargonski izrazim. Da bi ste vi konačno na kraju shvatili da FBIH ne treba čekati i da ako sami ne postupimo i ne donesemo određene mjere, da ćemo se teško uhvatiti u koštac sa ovim problemom. Prvo, ona katastrofalna korona zakonska rješenja na nivou FBIH, protiv kojih sam ja glasao na Domu naroda u interesu Kantona Sarajevo, odmah da vam kažem, a koja su vam ostavila jako veliki, odnosno ogroman teret koji će se morati izdvojiti iz budžeta Kantona Sarajevo za pomoć privredi, jer je Vlada FBIH finansirala samo dio onog osnovnog paketa doprinosa, i ovaj drugi put kada ste ova sredstva koja ste planirali povući iz fondova, planirali u budžetu i to do dan danas niste uradili, i zato ste pribjegli ovoj očajničkoj eks-strategiji a to je da kroz novi Rebalans budžeta samo par mjeseci poslije, čini mi se dva mjeseca donosimo novi Rebalans. Shvatili ste da to ipak bi trebali uraditi iz vlastitih sredstava budžeta. Zašto nikada neću podržati ovaj Rebalans budžeta. Zato što se on temelji, na po meni, jako lošim i katastrofalnim korona zakonskim rješenjima, na kojima se ovaj rebalans temelji. I ovaj i onaj prethodni. To je razlog zbog kojeg nikada neću podržati ovaj dokument. Dakle pazite kakvu mi situaciju imamo i to je ministar Halebić u svom uvodnom izlaganju govorio. Dakle digli su se prihodi u budžetu puno više od onog što smo mi očekivali u onom prvom Rebalansu, dakle puno je bolja finansijska situacija, a mjere koje ćemo mi iskoristiti i budžetska sredstva za pomoć privredi su ostale iste, samo smo taj višak raspodijelili na neke potpuno druge stavke, kao što je kolegica Srna Bajramović govorila koje nikakve veze nemaju sa situacijom u kojoj se mi trenutno nalazimo. Te mjere su bile po meni, u slučaju Kantona Sarajevo koji je finansijski najstabilniji Kanton u FBIH, jako loše čak i prilikom onog prvog Rebalansa, kada smo imali puno manju projekciju prihoda, a kamo li sada, kada imamo pun veću projekciju prihoda nego što je to bilo planirano u prvom Rebalansu. Ovako kako ste vi definisali korona mjere na kojima se temelji ovaj budžet, posebno mislim za onaj javni poziv koji je izašao iz Ministarstva privrede, za subvencioniranje dijela neto plate za mjesec april i maj, u kojem ste čak otišli korak dalje od onih propisa koje je napravila FBIH tako što ste rekli da ćete za pad prihoda za privredne subjekte preko 40% subvencionirati zaposlene sa 50% minimalnog iznosa, minimalne neto plate a preko 70% puni iznos, a prema svim ekonomskih pokazateljima sve preko 20% u padu prihoda što nam je i premijer FBiH u uvodnim izlaganjima za Korona federalni Zakon govorio je pogubno za privredu. Meni izgleda kao da ste vi svjesno napravili finansijske mjere da što manji broj ljudi dobije pomoć jer ste faktički napravili nemoguće uslove da neko dobije pomoć. I zato sam diskutovao na taj način kada su bila pitanja i inicijative zastupnika. Razgovarao sam sa malim privrednicima u Opštini Stari Grad koji su mi rekli da nisu dobili sredstva od Kantona iako su predali zahtjev zato što nisu d.o.o., a neće ih i da ih trebaju dobiti od opštine, koja nije potpisala sporazum sa kantomom. Dakle zato govorim vi ste svjesno napravili mjere da što manje ljudi dobije pomoć. A dobili ste i više sredstava nego što ste planirali jer se lokalne zajednice uključili u sistem finansiranja, dakle i od njih ste dobili finansijsku pomoć za rješavanje ovog problema. Dalje, šta je sa turističkim djelatnostima? Šta će se s njima dalje dešavati? Niste mi odgovorili na inicijativu da se dopuni javni poziv za finansiranje privrednih subjekata iz turističke djelatnosti, obrazložio sam vam to prilikom inicijative. Nisu svi turistički radnici bili njim obuhvaćeni, ali recite mi šta je dalje generalno sa ovom djelatnošću koja nije stala na noge i nije počela funkcionisati čak ni popuštanjem mjera, odnosno ukidanjem ovog vanrednog stanja jer ljudi i dalje ne mogu da rade, jesmo li sa tim milionom koje sama TZ za sebe izdvojila završili kompletnu priču sa tim ljudima? I na još jednu ću se, što se tiče odgovora koji mi je ponudio ministar Halebić, samo ću se na jednu stvar referirati koju ponavljam kao papagaj nekoliko sjednica, tiče se dobrovoljnih vatrogasnih društava. Nemojte mi govoriti da

Kanton Sarajevo ne može po bilo kojem pitanju kojem god želi u svom budžetu napraviti budžetsku stavku sa kojom će finansirati ili pomagati u finansiranju bilo kojem subjektu. Dakle Kanton Sarajevo može šta hoće, ako hoće. Govorit ću konkretno. DVD desetinama godina učestvuju aktivno u zaštiti i spašavanju ljudi i materijalnih dobara. DVD Vratnik, uzet ću ga za primjer, ima nekoliko desetina hiljada maraka troškova za intervencije po pozivu profesionalne vatrogasne brigade PVB Kanton Sarajevo izvan teritorija Opštine Stari Grad Sarajevo. I zato nemojte molim vas odgovarati an pitanje da su to neke opštinske službe kada je njihov doseg djelovanja i pomoć koju pružaju stanovništvu čak i u vrijeme pandemije, jer smo konstatovali da su radili dezinfekciju ulica druge zone, odnosno druge kategorije, ljudi obavljaju puno širi opseg posla, nego što je prevashodno im raspoređeno. Godinama unazad se finansiraju iz budžeta Kantona Sarajevo. Finansirali su se ministre Halebiću iz prvog mandata u kojem ste vi bili ministar, nastavila ih finansirati prošla Vlada Kantona Sarajevo, ostavili ih vi u budžetu, ostavili ih u prošlom rebalansu budžeta, da bi ih sada zbog nekih uredbi i milion zakonskih propisa ukinuli iz finansiranja. Napomenut ću da od oktobra 2019 godine nisu dobili ni marku, jednu jedinu KM sredstva i da im je upitno i ugroženo finansiranje a ukidanjem potpuno te budžetske stavke upitna im je i opstojnost. Ponavljam, zbog katastrofalnih korona zakonskih rješenja na kojima se ovaj budžet temelji, vraćam se kratko, neću podržati niti će Klub Naše stranke podržati ovakav Rebalans budžeta Kantona Sarajevo. Završavam i hvala.

Predsjedavajući:

Zahvaljujem uvaženi dopredsjedavajući. Kolega Jakupović Vedran ima riječ. Ako ste spremni kolega Jakupović izvolite.

Poslanik/zastupnik Vedran Jakupović:

Zahvaljujem predsjedavajući. Potrudit ću se da budem što kraći. Prvenstveno da naglasim da kao što su već kolege rekle termin kada smo dobili ovaj draft je četiri dana prije sjednice, što je nemoguće da tako kažem, za kompletnu i kvalitetnu analizu. Ja sam postavio neka pitanja jer jednostavno nismo uspjeli naći stavke gdje se nalaze, način na koji su prebacivane iz jednog konta u drugi, nisu bile poznate ni ljudima koji su konkretno zainteresovani da tako kažem za posebne stavke. Evo ovdje ću naglasiti ono pitanje u obrazovanju gdje ni ljudi koji su do sada analizirali budžet nisu uspjeli da nađu gdje su to sada u Ministarstvu finansija i Ministarstvu obrazovanja isplanirali i gdje su prebacivali određene stavke. Kada je riječ o pitanju koje je uputila kolegica dopredsjedavajuća Danijela Kristić vezano za kapitalna ulaganja u zdravstvu. Imate priliku da čujete da su odnedavno usluge urgentne medicine prebačene u ogromnom kapacitetu u Državnu bolnicu. Stavka koja se odnosi na kapitalna ulaganja opet kako ministar Halebić reče, odnosi se na ulaganja u KC u Kliniku za fizikalnu medicinu i kako sam ga shvatio kliniku Urgentne medicine. Evo mogu možda da zamislim, pa možda i da vas opravdam da nemate trenutno ministra zdravstva, da je on nestao i da nije mogao da učestvuje u promjeni tih nekih kapitalnih ulaganja. Kapitalna ulaganja se mogu izmijeniti u skladu sa izmjenama koje smo imali priliku da vidimo u zadnjih 15 dana. Riječ je o pružanju usluga, dakle, trebate pitati ljude koji rade u Općoj bolnici šta to njima treba od kapitalnih ulaganja i onda napraviti izmjenu sredstava za ovu kapitalnu stavku. Kada je riječ o ovom problemu rješavanja stambenog pitanja mladih, ta cifra izgleda betonirana na 550.000 po nekom projektu, programu koji je donesen na jedan čudan način. evo ja četvrti put ponavljam danas, ponavljat ću vjerujte tokom i jeseni, da se ove stvari moraju riješiti, morate razmisliti o mladima puno više. Naravno o mladima koji možda vam i odgovara da odlaze a nama NiP sigurno ne odgovara da mladi odlaze iz ove zemlje. A rješenje njihovog stambenog pitanja je jedno od krucijalnih. Četvrto kada je riječ o kulturi, imali smo toliko priliku da gledamo promociju, ja sam se ponadao da će se to riješiti, promociju ministra kulture i sporta koji će, kolegica Bešlija je to pomenula, imali smo faktički isto pitanje koje smo postavili, dobili smo odgovor da te stavke kao nekada su ranije jedan dio je prebačen novca i te stavke ne postoje. I mene kontaktirali ljudi iz Nacionalne univerzitetske biblioteke, Biblioteke za

slijepa i slabovidna lica, itd. Zato i ponavljam ove stvari i opet se ništa ne dešava i sva ta priča izgleda jedan dosta dobar marketing za ministra koji evo da mu ostavimo još malo prostora da pokuša riješiti te stvari. Primarno plata uposlenih u ovim institucijama i nemojte molim vas više spominjati te vertikale države, Ministarstva, državnog Ministarstva koje treba da bude zaduženo za ovo, onda Federalno Ministarstvo je definitivno od te vertikale, i tih vertikala koje spominjete jedino su vam bitne vertikale ka opštinskom nivou, naravno vezano za lokalne izbore. Kada je riječ o uslužnim djelatnostima, primarno o ugostiteljstvu i turizmu, tek ćemo vidjeti koliko smo izgubili, koliko ćemo izgubiti zbog ove ljetne sezone. Greška može biti na federalnom nivou, jer ako možemo puštati ljude iz Srbije, što ne bi smo mogli puštati ljude iz drugih zemalja da dolaze u BiH. Znamo koliko su ti ljudi donosili novca, primarno mislim na turiste iz Arapskih zemalja i tek ćemo vidjeti koliko će se osjetiti njihov nedolazak tokom ovog ljeta, ne samo u legalnim okvirima nego i u onim nekim polusivim okvirima naravno koje ne podržavam, ali znamo koliko su novca unosili tokom zadnjih nekoliko godina u ljetnom periodu. I naravno evo da zaključim, nećemo podržati, već je rečeno, Narod i pravda neće podržati ovakav rebalans budžeta. Nadati se da ćete vrlo brzo donijeti novi, ako ovaj uspijete usvojiti sa srećom. Ali nadam se da ćete shvatiti da vrlo brzo morate donijeti novi. Hvala.

Predsjedavajući:

Zahvaljujem uvaženi zastupniče Jakupović. Kolega Nikšić Damir se prijavio sljedeći za diskusiju. I kolega Nikšiću imate riječ, izvolite.

Poslanik/zastupnik Damir Nikšić:

Tu sam, tu sam hvala. Ništa ja samo kratko isto imam informaciju, ne znam da li je to da je Služba za zapošljavanje Kantona Sarajevo povukla sva ili skoro sva sredstva koja su u 2020 planirana za podsticaj zapošljavanja mladih. E sada ja ne mogu tačno da nađem taj program o tim izmjenama Programa mjera za poticaj na internetu i dobro bi bilo i volio bih da se na to malo obrati pažnja, pošto su dodatno otežani uslovi za zapošljavanje mladih zbog proglašenja pandemije i to. Isto tako, je interesantno izdvajanja su do sada bila za energiju za sve škole. Znači ljude interesuje, bazu interesuje gdje je novac koji je izdvojen od marta do sada u tim nekim mjesecima od marta, mart, april, maj nije bilo nastave i građani pretpostavljaju da je bilo velikih ušteda za struju i grijanje pa se pitaju kuda je taj novac. Pitaju se đe su pare? Toliko od mene, hvala.

Predsjedavajući:

Zahvaljujem uvaženi kolega Nikšić. Obzirom da nemamo više prijavljenih premijer ili ministar Halebić su sugerirali da bi prije zaključenja i oni da daju završnu riječ. Pa Halebić da li je spreman, premijeru ili? Prije nego što zaključim raspravu da dajem riječ predlažuću. Kolega Halebić izvolite, imate riječ.

Ministar Jasmin Halebić.

Zahvaljujem poštovani predsjedavajući. Pa evo jš par informacija kojima se može malo dati dodatnog svjetla na ovo što smo kroz Rebalans uradili. Vidimo da period u kojem je rebalans predložen i analiziran se dijelom održava na diskusije koje se vode, shvatamo da nije bilo dovoljno vremena. Da nije, optimalno je bilo punih 12 dana da se ovaj materijal dovoljno izuči i to naravno pretpostavljam malo intenzivniji rad. Vjerujte i mi radimo vrlo intenzivno. Tako da je ova četiri dana pretpostavka bila da će se svi posvetiti ovom dokumentu koji je hajde da kažem jedan od najvažnijih dokumenata ono što svi znamo koji jedna Vlada predlaže Skupštini. Ne želeći naravno da dajem neke političke izjave, ja ću se pokušati držati onih činjenica i podataka koje možda nisu dovoljno pojašnjenje ili nisu dovoljno shvaćene kroz obrazloženje ili kroz samostalno čitanje dokumenta od strane zastupnika, prvo, bilo je diskusije o prenamjeni sredstava. Značajan dio sredstava se zapravo i pored toga što je propisan da se može namjenski koristiti na druge pozicije, nije mogao koristiti ejr su to

praktično dijelovi prihoda od indirektnih poreza, propisani normativnim aktima na nivou države, a korona Zakon ovaj Federalni je kazao da propisi doneseni na nivou Federacije, dakle pitanje nivoa, mada vidim kod određenih diskutanata da to pitanje nivoa malo stvara i frustraciju. Vjerujte da dijelimo taj osjećaj, ali istovremeno ti nivoi dok postoje moramo ih poštovati jer bi u protivnom ušli u neko djelovanje koje je mimo Zakona. Prema tome, propisano je da propisi koji su doneseni na nivou FBiH se neće primjenjivati. Oni propisi koji su doneseni na nivou države BiH su ostali u primjeni. Pa jedan dio namjenskih sredstava u sektoru saobraćaja koji koristi Direkcija za puteve se nije mogao prenamijeniti. Bilo je pitanje također u vezi sa putnim troškovima. Što se tiče ovog pitanja u vezi sa putnim troškovima i sa sitnim inventarom, naročito sa putnim troškovima i prvi rebalans to pitanje je izazvalo žučnu polemiku i dajemo dodatno pojašnjenje da je razlika između Drugog i Prvog rebalansa, između ova dva Rebalansa putnih troškova takva da putni troškovi se smanjuju za 22.755 KM. Dakle čitam u posljednju marku. Dakle nije tačno da rastu putni troškovi iz prvog u drugi rebalans. Nego ti putni troškovi opadaju. Ono što je izneseno kao poređenje jeste, prvi rebalans sa budžetom 2020 a taj budžet 2020 prvi onaj normalni prije rebalansa je imao poziciju 2,6 miliona KM ali je u njemu u prvom rebalansu bio obuhvaćen i efekat razgraničenja. Razgraničenje na putnim troškovima su u najvećoj mjeri došla sa Univerziteta sa organizacionih jedinica. I to su ako vidite po izvorima transferi. Izvor 50, i ta vrsta prihoda se troši u skladu sa namjenom. Pojednostavljeno: ako je neki fakultet dobio projekat u kojem stoji da će za 100.000 KM ostvariti putovanja negdje mimo BIH u BIH, posjetiti preduzeća, laboratorije, itd, to se knjigovodstveno knjiži na putne troškove, ali se ne može smanjivati jer je to praktično izvor finansiranja koji je obezbjeđen putem transfera kroz projekte koje su dobili UNSA i organizacione jedinice. Prema tome, obrnuto bi bilo neispravno jer bi tada uveli u pravnu nesigurnost sve projekte, sve fakultete i UNSA koji bi onda bili demotivisani praktično da učestvuju u bilo kakvim projektima iz straha da će im neka Vlada ili neko Ministarstvo obrazovanja ili finansija na kraju ta sredstva pokupiti i dati ih negdje u neki utrošak mimo namjene. Stoga dajem dodatno pojašnjenje s tim u vezi. Što se tiče sitnog inventara, nabavke materijala i sitnog inventara odnosi se na CZ 160.000, i riječ je o preraspodjeli unutar CZ. jedna pozicija je smanjenja druga je povećana. A kada kažemo sitan inventar, tu se vjerujte nalazi oprema kod CZ za obavljanje njihove osnovne djelatnosti uključujući, evo te stavke se sjećam, nabavku šljemova. Onih šljemova koje nose vatrogasci. I one službe spašavanja. Na visokom obrazovanju je 68.600 KM sitnog inventara i odnosi se na unose i na preraspodjelu. Na osnovnom obrazovanju 20.000 KM unosi. To su skraćeni budžetski korisnik ostvari neki prihod recimo do opštine ili drugog nivoa vlasti i on se unese u budžet i mi to pojednostavljeno zovemo unosi, to su pozicije koje budžetski korisnici ostvaruju na druge načine. Najmanje što možemo uraditi je da im omogućimo trošenje tako što ta sredstva koja ostvare a nismo ih mi planirali unesemo u budžet. I to su one tačke u dnevnom redu Vlade, ako gledate dnevne redove Vlade uvijek budu pri dnu dnevnog reda jer to smatramo tehničkim pitanjima i onda to samo pročitamo i naravno svim budžetskim korisnicima omogućio da ta unesena sredstva troše. Što se tiče nabavke materijala i sitnog inventara u prvom budžetu je bilo 12,8 miliona, pa je onda razgraničenjima u prvom rebalansu ta stavka povećana na 15,1 milion, i onda je u drugom rebalansu povećana na 15,4 miliona kroz unose i preraspodjelu. Što se tiče pitanja da li trebamo graditi garaže ili ne trebamo. Smatramo da trebamo jer je problem mirovanja u saobraćaju jednostavno problem koji svi građani Kantona i vozači, fizička lica koja koriste bilo javni, bilo lični prijevoz, sa njim su suočena i smatramo da je izgradnja dodatnih kapaciteta garažnih koja se izgrađuju u ovom trenutku kroz resor Ministarstva saobraćaja sasvim opravdano. Mi ne vidimo ovaj rebalans kukavičkim, naprotiv mi smatramo da je ovaj Rebalans sasvim odmjeran i da on nije idealan, ni jedan rebalans niti budžet nije idealan ali on poboljšava stvari. Mi nećemo naravno povući rebalans, sugerišemo svima da ovaj rebalans podrže. Što se tiče konstatacije da je kroz rebalans omogućena pomoć samo za 1/10 ovih 50.000 kada kažemo to je oko 1/10, međutim 50.000 je istovremeno 1/3 zaposlenih. Mi podršku plaćama isplaćujemo za one koji su zaposleni. Ne isplaćujemo za stanovnike. Prema tome upoređivanje broja korisnika programa

za podršku privredi sa brojem stanovnika smatramo neispravnim, jer naravno da će procenat biti manji. To ne ide u odnosu na broj stanovnika nego ide u odnosu na broj zaposlenih. Broj zaposlenih u Kantonu Sarajevo je oko 150.000 više ili manje, varira. Sa ovih 20 miliona nećemo isplatiti 50.000 plaća. To je 1/3 zaposlenih će direktno dobiti korist ukoliko se naravno ovaj rebalans usvoji. I mi smatramo da je to jedan od objektivnih razloga zašto rebalans treba usvojiti. Dakle ponavljam 1/3 zaposlenih u Kantonu Sarajevo će dobiti podršku plaćama. E sada pošto je poenta dosta često u finansijama u detalju, dozvolite malo da se zadubimo u detalje. Pa bio je jedan komentar o tome da kriterij u Ministarstvu privrede nisu dobro postavljeni jer oni počinju tek od 40% onih koji su doživjeli pad prihoda od 40 i više%. Vidite između 10 i 20% je profitna marža. Dakle nema Vlade koja nadoknađuje profitne marže. Dakle to nije opredjeljenje Vlade da mi nadoknađujemo profitne marže. Profitna marža je ono što poduzetniku pripada zato što on preuzima na sebe poduzetnički rizik ukoliko ne ostvari profitnu maržu ni jedna država ne nadoknađuje profitne marže. Dakle 10 do 20% s profitne marže. Dodatnih 20 do 30% u strukturi troškova svakog preduzeća su troškovi radne snage. A ti troškovi radne snage su preuzeti tako što je FBiH prihvatila na sebe da će plaćati doprinose za osiguranje doprinosa za PIO/MIO i zdravstvo. Šta to znači u jednom preduzeću? To znači da će troškovi poslovanja tog preduzeća biti manji. I to su dakle ekonomske činjenice. Kada se to dvoje sabere, onda dođemo do procenta oko 40% kada praktično preduzeća zapadaju u stvarne probleme. Mi smo sa našim mjerama odatle targetirali. Nismo prije jer je kroz druge mjere to već targetirano. Odatle počinju mjere ove podrške isplatama plaća. Također bih komentarisao ovaj situaciju da smatram da ima potrebe oporezivanju popuštanja mjera i podršci privredi. Vidite, mi nismo državno kontrolisana privreda. Mi nemamo instrumente politike, ekonomske kojima možemo nadoknaditi ukupan pad ako se on dogodi pod dejstvom širenja korona virusa i o tome ne treba davati izjave zašto to niste uradili. Jer to niko ne može uraditi. Ja sam to prošli put objašnjavao i evo smatram da trebam možda i ponoviti. Ako bruto domaći proizvod u Kantonu Sarajevo padne za 10% to je oko 700 miliona minusa. Mi ne možemo kroz budžet nadoknaditi 700 miliona minusa. Ako već neko želi ili ima ambiciju da kaže da može, ja bih samo podržao tu ambiciju i pozvao da javno objave na koji način se može kroz budžet od oko milijardu KM napraviti podrška od 700 miliona i da se istovremeno osiguraju davanja za one kategorije za koje Skupština Kantona Sarajevo već preuzela obavezu da će ih finansirati kao što su boračka kategorija, kao što su proširena prava boračke kategorije, kao što su razne socijalne kategorije, kao što su javne usluge koje Kanton isporučuje, a to su usluge obrazovanja, usluge pa evo i ovih vatrogasaca, sigurnosti kroz MUP, i druge javne usluge. Te javne usluge se plaćaju iz budžeta. Što se tiče diskusije o tome šta je cilj rebalansa. Cilj prvog rebalansa je bila fiskalna stabilnost. Zašto je to bio cilj zato što je primarni cilj da se u situaciji kada imamo zakočenje privrede, kada smo imali u prvom talasu korona krize, zamislite sada da smo mi proglasili nelikvidnost zamislite koja bi tek tada panika nastala u Kantonu Sarajevo. Da smo proglasili Kanton Sarajevo prestaje ad isplaćuje sve fakture koje su došle u Ministarstvo finansija, ili u resore, one se samo transferišu prema Ministarstvu finansija. Naravno da smo djelovali na način da podržimo fiskalnu stabilnost. I to je veliko postignuće prvog rebalansa. Dodatni razlog je ova dodatni MMF. Taj MMF u prvom budžetu, ne u prvom rebalansu, nije bio predviđen jer nije bilo korone i nije bilo rebalansa i nije bilo sredstava MMF. Kada su sredstva došla mi smo ih počeli tretirati. Spomenuto je također da koalicija praktično djeluje vertikalno. Ja ću vas podsjetiti da ista koalicija nije na vlasti u Kantonu Sarajevo, ista struktura koalicije i na nivou FBiH. Dakle razlike su poznate, mislim da je dovoljno da to kažem a svi znamo u kojem segmentu se te razlike ogledaju. Prema tome, ne postoji potpuna usađenost između Kantona svih Kantona i nivoa FBiH jer nije ista struktura vlasti. Dakle nije ista u potpunosti struktura vlasti. Zašto zaduženje raste? Vidite u dobrim godinama se dugovi otplaćuju i deficit se smanjuje. Mi smo u prethodnom periodu, evo ja se također sjećam tog perioda, prvi mandat tu je poštovani premijer Konaković dao značajan doprinos, smanjivali snažno deficit. Jer su to bile dobre godine. Ali u lošim godinama će deficit rasti. U lošim godinama mi se moramo zaduživati. Zbog toga dugovi će se povećati i zbog toga se dugovi u svim zemljama

povećavaju i ne može drugačije. Zbog čega, zbog toga što bilo koju mjeru koju mi ovdje osmislimo, mi je možemo napisati, možemo je mi na Vladi izglasati, možemo je vama ponuditi kao Skupštini, ali mi moramo naći izvore finansiranja za nju. Izvori finansiranja za Kanton Sarajevo su ili porezni prihodi ili zaduženja. Vlastiti prihodi budžetskih korisnika otprilike su sredstva koja budžetski korisnici zarade da bih ih potrošili. Prema tome, to što zaduženje raste sasvim opravdano u lošim godinama. Mi kroz zaduženje pokušavamo da održimo investicionu aktivnost u Kantonu Sarajevo. To je jako bitno jer je investiciona aktivnost zapravo znači privrednu aktivnost. Očuvanje privredne aktivnosti mislim da nam je svima prioritet i mi kao Vlada smo pripremili investicioni paket a kroz druge mjere koje se implementiraju u Ministarstvu privrede, mi smo došli do brojke, to je procijenjena veličina, od oko 200 miliona KM koje se kroz razne instrumente u Kantonu Sarajevo implementiraju. Naravno možemo pisanu informaciju o tome podnijeti, ona je pripremljena kroz Ministarstvo privrede. Bio je osvrt i na projekcije, ja sam zaista transparentno i iskreno kazao da projekcije nisu savršene. Ne samo u Kantonu Sarajevo nego projekcije nigdje nisu savršene i to saznanje ne treba ni da nas ni nervira, ni da se mi zanosimo da imamo savršene projekcije, niti da je to problematično priznati. Mi nemamo savršene projekcije jer savršene projekcije nema niko jer su one povezane za budućnost a u suštini niko ne zna šta nosi budućnost. Ako neko može danas Ministarstvu finansija kazati kada će biti riješena pandemija korona virusa, ali sa vjerodostojnošću od 100% mi ćemo izračunati prihode u milion. Ako neko može, mi prihvatamo izazov da se uključimo da izračunamo prihod eu milion. Obzirom da nemamo tih ključnih informacija, bilo koji model da se primijeni on daje nesavršene rezultate i to je mislim svima trebalo bi da bude i razumljivo i prihvatljivo. Što se tiče ovog pitanja da rastu investicije na poziciju zemljište, šume zasadi sa 1 miliona na 11 miliona. To je ponovo poređenje, ako sam dobro ja sada napravio uvid iz budžeta, onog prvog budžeta i sada ovog drugog rebalansa, razlika su sredstva na Zavodu za izgradnju koja su praktično razgraničena sredstva. Zavod za izgradnju ima sredstva razgraničena i može se naravno podnijeti i pisana informacija sa subanalitikom o vrsti tih sredstava gdje su ta sredstva. Ona nisu sada povećana da mi nešto dodatno ulažemo sredstva u zemljište, šume i zasade a da zaradi toga smanjujemo podršku privredi. To nije slučaj. Koliko ćemo radnih mjesta sačuvati. Sve što viša ulaganja budu u podršci privredi naravno broj radnih mjesta koji će biti sačuvan će biti veći. Mi ovdje možemo procijeniti da ovim rebalansom isplaćujemo 50 000 plaća. I to je činjenica koja je lako provjerljiva. Što se tiče ovih vatrogasnih DVD može li to Kanton finansirati. Naravno Kanton sve može finansirati. Ali ne može sve finansirati na optimalan način i u punom iznosu. Ako Skupština ovlasti nas da u budžetu ili nas pozove da finansiramo šta bilo, mi to naravno možemo finansirati i Skupština nas može time obavezati. Što se tiče toga može li ili ne može, može. Međutim što se tiče iznosa sredstava ukoliko je neka aktivnost na općinskom nivou ili na federalnom nivou onda pokušavamo da na taj način rasporedimo i njeno finansiranje. DVD su prema informacijama iz CZ proglašena službom na nivou opštine. Stoga smatramo da takvo proglašenje DVD na opštinskom nivou treba pratiti i njihovo finansiranje i smatramo da je to fer odnos. Ne smatramo da smo ugrozili time poslovanje DVD. Nego u komunikaciji sa općinama to finansiranje se treba optimizirati. Što se tiče institucija kulture, slažem se, mi također smo pohvalili inicijativu resornog ministara da izvrši početne razgovore za finansiranje 7 institucija na državnom nivou koje su u problemima. Iznos koji je planiran u budžetu Kantona Sarajevo 770.000 je operativan. Preostali iznos zavisi od toga kako će ti razgovori, to je još uvijek u fazi razgovora, pokrenuta je inicijativa, kako će ti razgovori biti provedeni. Mi smo jedna delegacija Kantona na čelu sa premijerom i resornim ministrom je posjetila Vijeće ministara razgovarala sa predsjedavajućim Vijeća ministara i otvorila taj proces koji je godinama, sve nas podsjećam godinama bio neriješen. Prema našem viđenju, uvećane su šanse da se ta problem riješi. Da li će on biti riješen ili ne, samo djelimično zavisi od nas. U većem dijel zavisi od donosilaca odluka evo ponovo te nivoe spominjemo, na višim nivoima. Što se tiče razgovora sa privredom, mi zaista vodimo intenzivne razgovore i komunikacije sa privredom. Uvažena zastupnica Admela Hodžić je o tome nešto detaljnije govorila i to su zaista činjenice. Održali smo niz sastanaka, i ti su nam sastanci zapravo i

korisni jer time dobivamo informacije koje tište i koje opterećuju poslovanje privrednih subjekata. Jučer smo, vjerovatno ste to vidjeli bili u Federalnoj agenciji za bankarstvo koja je regulator bankarskog tržišta iz razloga što privredni subjekti imaju problem koji se ne može riješiti na Kantonu Sarajevo. A to je povrati kredita. Federalna agencija za bankarstvo je regulator bankarskog tržišta mi pokrećemo inicijative tamo gdje čak i tamo gdje nismo nadležni. Pa smo zajedno sa delegacijom Udruženja poslodavaca i privrednika inicirali taj sastanak i pokrenuli razgovore i koordinaciju u tom pravcu. Stoga smatramo da ova komunikacija naravno postoji i ona se može poboljšavati ali ne možemo prihvatiti da komunikacija Kantona i resornog Ministarstva sa privrednim subjektima ne postoji. Jedan oblik te komunikacije je naravno opservacija u smislu direktnog razgovora sa preduzećima u nekoj ulici, a drugi oblik je institucionalna komunikacija koju mi vodimo a to je putem njihovih predstavnika u Udruženju poslodavaca Kantona Sarajevo. I jedno i drugo komunikaciju mi provodimo. Evo poštovani predsjedavajući to su bile dodatna pojašnjenja za koja sam smatramo da možda ima mjesta da ih još jednom ponudim.

Predsjedavajući.

Zahvaljujem uvaženi ministre Halebiću. Obzirom da se niko nije javio sem Konakovića i Handžića, otvaramo drugu diskusiju.

Poslanik/zastupnik Elvedin Konaković:

Puno bi mi draže lično bilo da nije ministar Halebić (nerazumljivo) i da nas nije pokušao educirati i malo nas ružiti. Ko mi to nismo dubinski dobro pregledali, što je on to nama ko jedan čas (nerazumljivo). Ministre Halebiću poigrali ste se brojkama i malo ste počeli to komparirati za prijedlogom budžeta 2020, pričati o razgraničenjima. Naučio sam ja nešto, vodeći Vladu, radeći dva mandata u Skupštini. Pogotovo tih budžeta u kojim ste vi sigurno bolji. Mogli ste vi još jedan parametar uzeti, pogledajte vam izvršenja na ovim pozicijama koje vi branite zato što ste dobili politički nalog da obezbijedite načelnicima fondove i da oni krpe ulice i prave garaže. Naravno da nam trebaju garaže. Slažem se, ali ne sada kada biramo prioritete, kada bi 1m2 garaže trebao spasiti jedno radno mjesto ja nemam dilemu da tada ne gradimo garaže. Branite nešto što precizira Zakon korona. Mi smo čak predlagali poseban Zakon, podsjećam vas da je isti takav bio u vrijeme elementarne nepogode kada su bile poplave. Pa se značajan dio namjenskih sredstava koristio u druge namjene. Vi ste samo ta namjenska sredstava trebali preusmjeriti u privredu. Imate i više nego što je tranša MMF-a. Ja sam vam o tome govorio it o je kukavički da niste. I kukavički da su vam rasle sve pozicije. Sada to branite. Šta se dešava. Vi i ja se sjećamo perioda i budžetski korisnici kada imaju Vladu koja lideriše, slušaju. Pa im vi naredite, pa kažete izvršenje prošle godine materijal i usluge ovoliko nećete ići preko. Pa im naredite da zarade svoj novac koji oni legnu i kažu sopstveni prihodi nula. Pa ste vi bili predlagач izmjena i dopuna akata pa smo ih na to tjerovali. Vi sada imate ponovo na vratu politiku koja vas stavlja, važnijim od vas čine direktore kojima vi treba da komandujete, zato i ne smijete ništa. Zato ste udovoljili budžetskim korisnika na način kako ste vi to radili. Što bi vi proglasili nelikvidnost, šta bi se to desilo da smo mi proglasili nelikvidnost. Zašto? Na milijardu budžeta ste došli. Da proglasite nelikvidnost. Ne vidim uopšte kakvo vam je to poređenje bilo. Čuj šta bi bilo da smo mi proglasili nelikvidnost. E čuj boga ti. Trebali ste proglasiti nelikvidnost na milijardu budžeta. Pa to bi bilo, srušili bi ljudi zgradu, eto šta bi bilo. Što niste pokušali proglasiti nelikvidnost. Dakle tim razgraničenjima pričate. Pa znam šta su razgraničenja, znam kada se unose. Zato u ovom budžetu danas ste morali adekvatno obraditi ta razgraničenja. I vidjeti gdje je to viša i natjerati ljude da shvate da je pandemija, i da shvatite i vi da nije velika pomoć 200 KM onom čovjeku koji jedva živi koji je imao 2000 ili 1800, ili 1600 čime je hranio porodicu četveročlanu. On sa 250 KM vaših i federalnih, sa 600 ukupno ne može prehraniti porodicu. U svaki ste metar kvadratni vaših prioriteta ugradili nečiju mjesečnu platu. To je činjenica. Pričate o razgraničenjima. Naravno, evo prošli put smo mogli tolerisati. Šta je danas kada ste

razgraničili, kada znate iznose. Kako je moguće da ni marku nova niste prenamijenili. Zašto sto su to vaši prioriteti. I pogledajte vam izvršenja. Evo da ne zamaramo puno ljude.

Predsjedavajući:

Konakoviću ja vas lijepo molim da privodite kraju, ostalo vam je još 30 sekundi, isteklo je 3 minute.

Poslanik/zastupnik Elmedin Konaković:

Evo neću, postupno mi je jasno sve. Ovo je zaista cirkus. Kolegice Admela vas molim nemojte podržati. Hajte da mi ovo oborimo pa da napravimo ljudima bolje, da zaista pomognemo privredi. Da pomognemo mnogo većem broju privrednika nego ovo što nude danas na kašičicu Vlada koja je zaista čisto administrativna. Hvala.

Predsjedavajući:

Kolega Vibor Handžić 3 minute. Druga diskusija, izvolite,.

Poslanik/zastupnik Vibor Handžić:

Zahvaljujem predsjedavajući. Druga diskusija prouzrokovana je završnom diskusijom ministra Halebića. Dakle isto ovako pitam se kao što je kolega Konaković konstatovao, ne znam na osnovu čega, čijim prigovora i čijih diskusija ste iznijeli ovu nekolicinu hipotetičkih stvari koje ste iznijeli su svojim diskusijama vezano za ovu nelikvidnost ili za neki pad prihoda od 700 miliona KM koje ste naveli, kako ste to tačno rekli. Zaista ne znam koji je to zastupnik u svojim diskusijama i predvidio i komentarisao situaciju po pitanju ovih mjera na osnovu takve kataklizme koja niti se desila, niti se nalazimo u baš takvo teškoj situaciji niti je bilo ko od zastupnika takvu situaciju potencijalno takvu situaciju spominjao. Ne znam zaista na osnovu čega ste vi nas pitali da vam mi kažemo koje bi korake poduzeli u nekim hipotetičkim situacijama koje ste se sami zapitali u svojoj diskusiji. Dakle ne morate nam govoriti da postoji različita koordinacija po vertikali između FBIH i Kantona ili da ne postoji nikako. Ili da nije ista struktura vlasti u FBIH i na Kantonu, pa mi to jako dobro znamo. Zato smo vam još u martu mjesecu rekli da ne morate čekati FBIH sa donošenjem vlastitih mjera. Ali izgleda da ste vi te tek sada shvatili i da sada napokon u potpunosti slažemo. Rekli ste ono što mi znamo već pola godine. Ovi postoci pomoć privredi to je bila moja diskusija, referisali ste se na ono što sam ja u svojoj diskusiji govorio, vi ste rekli da je ovaj pad od 10 do 20 % i preko 20% da je to pokrila FBIH sa subvencioniranjem doprinosa. Ako vi to smatrate nekom pomoći to što je FBIH finansirala ne cijeli, nego samo di osnovnog paketa doprinosa, ja i prebacila sav kompletan teret na kantone, ja stvarno ne znam o čemu ovdje pričamo. A mi smo za pad prihoda od preko 40% predvidjeli 200 i nešta KM pomoći subvencioniranja minimalne neto plate teko preko 70% u kompletnom iznosu minimalne neto plate. Da ne ponavljam, evo kolega Konaković je o tome govorio u svojoj prethodnoj diskusiji. I pazite još, o tome nisam ni htio govoriti u svojoj diskusiji, u javnom pozivu stoji a cilj subvencioniranja neto plate nije pomoć privrednom subjektu nego pomoć radniku da zadrži posao. Propisali ste da samo mogu dobiti oni privredni subjekti koji su izvršili svoje obaveze. A govorimo o jednoj mjeri koja se tiče radnika i zadržavanja radnih mjesta, a ljudi niti su odgovorni niti su krivi za takvo ponašanje privrednih subjekata. I samo još kratko za DVD i zaista neću se više po ovoj temi javljati. Ja vas nisam pitao da li može ili ne može, ja sam rekao da može Kanton finansirati šta god hoće i znam da može.

Predsjedavajući:

Kolega Handžiću tri minute.

Dopredsjedavajući Vibor Handžić.

Završavam bukvalno za deset sekundi. Dakle vi ovim svojim potezom u Budžetu ne harmonizirate to pitanje kako ste rekli, već potpuno ukidate budžetsku stavku i dovodite u

pitanje opstojnost društava nakon što ste općinama i načelnicima prebacili desetine miliona maraka u predizbornoj kampanji našli ste se da optimizirate 350.000 KM. E svaka čast. Zahvaljujem.

Predsjedavajući:

Zahvaljujem uvaženi dopredsjedavajući Handžić. Imate repliku od gospodina Konakovića.

Poslanik/zastupnik Elmedin Konaković:

Kolega Handžić zaista dao mi je šlagvort na ovom što sam propustio reći pa se i njemu sada obraćam. Slažem se i ja kolega Handžiću, oni su govorili o sedam (nerazumljivo) i Halebić kaže ko nam može naći 700, ne može niko. Ali 100 može sada. I večeras da se zatvorimo u kancelariju i pretresemo sve budžetske korisnike, da ih natjeramo kada kupuju toalet papir da shvate da je pandemija. Ako su trošili pet rolni da troše tri. Da vam banaliziram a da ih natjeramo da na svaku marku potrošenu pet puta više vode računa svi redom, linearno. Nji 11.000. mogli smo mi tu, a vi znate da smo mogli, zagrebat 100 miliona, s nokta. Poredati prioritete, nikako ne pristati, to sam ja kolega Handžiću i govorio. Poredati prioritet. Ne može garaža danas biti važnija od radnog mjesta čovjeka jer on svoje aut prodaje da bi preživio. Njega ne zanima trenutno gdje će parkirati, njega zanima da preživi da prehrani svoju djecu koja ga kući čekaju. Kompletan javni sektor Kantona Sarajevo nije istrio ni marku pandemije. Niko. Vi ste maloprije rekli nama je poslodavac Skupština. I mi moramo udovoljiti zahtjevu da se na materijal i usluge potroši još 60.000 KM. Po 200 KM koliko je to plata? I koliko je plata i plata. To sam ja kolega Handžiću, vama se obraćam njima govorio. Ali boga mi, govorio ne govorio, oni imaju naloge. Šteta ljudska a radost politička pa su pokazali kakav je njihov kapacitet i olakšali nam ovo što je pred nama. Na žalost otežali nam život u Kantonu Sarajevo. Hvala.

Predsjedavajući:

Zahvaljujem uvaženi zastupniče Konakoviću. Obzirom da se niko ne javlja za riječ zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA I DOPUNAMA BUDŽETA KANTONA SARAJEVO ZA 2020. GODINU

ZA JE GLASALO 18 ZASTUPNIKA, PROTIV 16, SUZDRŽANO je bilo 1.

KONSTATUJEM DA JE SKUPŠTINA DONIJELA OVAJ ZAKON.

Prelazimo na realizaciju tačke tri:

AD – 3.

PRIJEDLOG ZAKONA O IZMJENI I DOPUNI ZAKONA O IZVRŠAVANJU BUDŽETA KANTONA SARAJEVO ZA 2020. GODINU - HITNI POSTUPAK

Prijedlog ste dobili u dopunskom materijalu. Molim da isključite mikrofone, neko iz Vlade izgleda je ostavio mikrofon uključen.

Molim predstavnika Predlagača da podnese uvodne napomene. Kolestice i kolege zastupnici, da li ima potrebe za uvodnim napomenama? Nema. Da li predstavnici radnih tijela žele riječ? Ima li pitanja? Nema pitanja. Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENI I DOPUNI ZAKONA O IZVRŠAVANJU BUDŽETA KANTONA SARAJEVO ZA 2020. GODINU.

Otvaram glasanje.

ZA JE GLASALO 18 ZASTUPNIKA, PROTIV 16 i SUZDRŽANO 1.
KONSTATUJEM DA JE SKUPŠTINA DONIJELA OVAJ ZAKON.

Obzirom da smo imali konsultacije na zahtjev dopredsjedavajućih i ostalih članova Kolegija, da li tražite pauzu da bi se dogovorili do kada ćemo raditi ili da prekinemo današnje zasjedanje a o nastavku ćemo vas obavijestiti. Molim šefove klubova da se izjasne. Kolegice Kerla ili ćete pauzu ili da prekinemo, evo? Zahvaljujem. Uz konsultacije sa dopredsjedavajućim, prekidamo današnje zasjedanje. O nastavku ćemo vas obavijestiti. Svako dobro, prijatno.

STENOGRAM
nastavka 27. Radne sjednice Skupštine Kantona Sarajevo
održane u četvrtak, 27.08.2020. godine sa početkom rada u 12,00 sati (ONLINE)

Predsjedavajući Mirza Čelik (u nastavku predsjedavajući):

Dobar dan kolegice i kolege, evo mi ćemo za nekoliko minuta samo da pripremi se i TVSA. Oni će nas obavijestiti ako bude kašnjenja par minuta, nemojte zamjeriti. Mi ćemo krenuti kada bude TVSA spremna. Molio bih kolegicu Duraković Jasnu i prozvat ću kolegu Marjanovića na telefon, pa evo da se jave. Hvala.

Jel u redu TVSA? Ide najava za Radnu sjednicu.

Otvaram nastavak 27. Radne sjednice Skupštine Kantona Sarajevo. Pozdravljam uvažene kolegice i kolege zastupnike, članove Vlade, uvažene gledaoce, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Sjednici prisustvuje ONLINE 32 zastupnika, što je dovoljan broj za punovažan rad i odlučivanje.

Kašnjenje su najavili ostali zastupnici koji nisu online zbog tehničkih problema. Kolegica Amra Junuzović-Kaljić je kazala je jedno sat vremena da će kasniti. Izostanak sa ove sjednice nije niko opravdao.

Podsjećam vas da smo u prvom dijelu sjednice obradili prve tri tačke dnevnog reda, tako da nam danas preostaju sljedeće tačke:

4. Prijedlog zakona o izmjenama Zakona o visokom obrazovanju - hitni postupak ;
5. Prijedlog Zakona o izmjenama i dopunama Zakona o prekršajima protiv javnog reda i mira - hitni postupak;
6. Prijedlog Zakona o izmjeni Zakona o udžbenicima u Kantonu Sarajevo-skraćeni postupak;
7. Prijedlog Zakona o izmjenama i dopunama Zakona o osnovnom odgoju i obrazovanju-skraćeni postupak;
8. Nacrt Zakona o dopuni Zakona o pravobranilaštvu;
9. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
10. Prijedlog Odluke o imenovanju članova Vijeća nacionalnih manjina Kantona Sarajevo;
11. Prijedlog Odluke kojom se daje saglasnost na Nacrt Sporazuma koji se zaključuje između Univerziteta u Sarajevu, Fakulteta zdravstvenih studija Univerziteta u Sarajevu i Javne ustanove „Studentski centar“ Sarajevo o ustupanju na dugoročno korištenje objekata Paviljon VIII i Paviljon IX u okviru Javne ustanove „Studentski centar“ Sarajevo koji su sagrađeni na parceli 2400/1 KO Sarajevo novog premjera, pri čemu po starom premjeru odgovaraju parcela broj 26 upisana u zk. ul. broj. 96 K.O. SP_SARAJEVO - MAHALA LXVII1 i parcele br. 24, 323, 324, 123, 25, 30, 135, 206, 414, 416, 423, 424, 31, 433, 547, zk. ul. broj 223 K.O. SP_SARAJEVO-MAHALA LXVIII, na kojima je kao nosilac prava raspolaganja upisan Univerzitet u Sarajevu;
12. Prijedlog Odluke o davanju saglasnosti na Program rada i Finansijski plan Javne ustanove "Fond Memorijala Kantona Sarajevo" za 2020. godinu;
13. Izvještaj o radu sa finansijskim poslovanjem Univerziteta u Sarajevu za period 01.01. - 31.12.2019. godine;
14. Izvještaj o radu i finansijskom poslovanju Zavoda za izgradnju Kantona Sarajevo za 2019. godinu;
15. Izvještaj o radu i finansijskom poslovanju Zavoda za informatiku i statistiku Kantona Sarajevo za 2019. godinu;
16. Izvještaji o poslovanju za 2019. godinu:
 - a) KJKP „TOPLANE SARAJEVO" d.o.o. Sarajevo;
 - b) KJKP "Park" d.o.o. Sarajevo;

- c) KJKP "Tržnice-pjace" d.o.o. Sarajevo;
- d) KJKP "Vodovod i kanalizacija" d.o.o. Sarajevo;
- e) KJKP "Sarajevogas" d.o.o. Sarajevo;
- f) KJKP "Pokop" d.o.o. Sarajevo;

17. Izvještaj o poslovanju Kantonalnog javnog preduzeća za gospodarenje državnim šumama "Sarajevo - šume" d.o.o. Sarajevo za 2019. godinu;
18. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za Projekat energetske efikasnosti u javnim zgradama Sarajevo;
19. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo za potpisivanje Ugovora o isplati naknade po osnovu izgubljene dobiti sa „Duhanpromet“ d.o.o. Sarajevo; ;
20. Prijedlog Odluke o davanju saglasnosti na nacrt ugovora o kupoprodaji garaže u garažnom nizu od četiri bloka-Blok 3, izgrađenom u naselju Stup-Bačićko polje, općina Ilidža, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Muaz Zuberović) ;
21. Prijedlog Odluke o davanju saglasnosti na nacrt ugovora o kupoprodaji u stambenom objektu K-37, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Dženana Zametica) ;
22. Prijedlog Odluke o davanju saglasnosti na nacrt ugovora o kupoprodaji u stambenom objektu K-37, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Faruk Mudžet);
23. Prijedlog Odluke o davanju saglasnosti na nacrt ugovora o kupoprodaji stana u ulici Žunovačka bb, općina Hadžići, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Adi Kalem);
24. Prijedlog Odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnine (Mohamed Semrin);
25. Prijedlog Odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Irmel Dervišević);
26. Prijedlog Odluke o davanju saglasnosti na nacrt ugovora o kupoprodaji nekretnine nastale nadziđivanjem postojećeg stambenog objekta na adresi Huseina Đoze broj 238E, općina Ilidža, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Fazlić Ismet);
27. Prijedlog odluke o davanju saglasnosti na Finansijski plan prihoda i rashoda za 2020. godinu Kantonalnog stambenog fonda Sarajevo;
28. Prijedlog odluke o davanju saglasnosti na Program rada Kantonalnog stambenog fonda Sarajevo za 2020. godinu;
29. Izvještaj o poslovanju KJP "ZOI 84" Olimpijski centar Sarajevo d.o.o. Sarajevo za 2019. godine;

30. Izvještaj o radu sa finansijskim izvještajem, na koje je predhodno dato mišljenje ovlaštenog revizora, Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2019. godinu;
31. Prijedlog Odluke o davanju saglasnosti na Finansijski plan prihoda i rashoda za 2020. godinu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe;
32. Prijedlog Odluke o davanju saglasnosti na Program rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2020. godinu;
33. Izvještaj o radu i finansijskom poslovanju Javne ustanove Kantonalni zavod za zaštitu kulturno-historijskog i prirodnog naslijeđa Sarajevo za 2018. godinu.;
34. Izvještaj o radu i finansijskom poslovanju Javne ustanove Kantonalni zavod za zaštitu kulturno-historijskog i prirodnog naslijeđa Sarajevo za 2019. godinu;
35. Informacija o poslovanju Bags Energotehnika d.d. Vogošća za 2018. i 2019. godinu

Premijer je tražio riječ. Ja molim premijera ako je spreman, ako je u mogućnosti da se javi. Premijeru da li se čujemo?

Premijer Mario Nenadić:

Gospodine predsjedavajući, gospodo dopredsjedavajući. Uvažene zastupnice i zastupnici, članovi Vlade Kantona Sarajevo, dragi građani Kantona Sarajevo, pozdravljam vas. Razlog što sam zamolio riječ u toku usvajanja današnjeg dnevnog reda jeste da li postoji mogućnost da nam se odobri da tačka 18. Prijedlog odluke o prihvatanju zaduženja po Ugovoru o zajmu između BIH i Evropske banke za obnovu i razvoju EBRD za projekat energetske efikasnosti u javnim zgradama Sarajevo, bude evo prioritarno danas rješavano, utoliko što nam je vezan za određene rokove i važne aktivnosti sa EBRD-om? Dakle tačka 18 ukoliko je moguće da se razmatra prioritarno.

Predsjedavajući:

Zahvaljujem premijeru. U skladu s članom 3 Poslovnika sve što nije definisano Poslovníkom može se donijeti zaključak. Ja ću otvoriti anketu i molit ću zastupnike da glasaju kako bi se danas na nastavku sjednice 27. prva tačka razmatrala Prijedlog odluke o prihvatanju zaduženja po Ugovoru o zajmu između BIH i EBRD-a za projekat energetske efikasnosti u javnim zgradama Sarajevo. Molim zastupnike da glasaju. Otvaram glasanje. Još 20 sekundi za glasanje.

Za je glasalo 34 zastupnika, protiv i suzdržanih nije bilo.

Konstatujem da smo usvojili zaključak da se tačka 18 razmatra na današnjoj sjednici kao prva tačka.

Prelazimo na realizaciju dnevnog reda, tačka osamnaest:

AD – 18.

PRIJEDLOG ODLUKE O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA PROJEKAT ENERGETSKE EFIKASNOSTI U JAVNIM ZGRADAMA SARAJEVO

Prijedlog ste dobili u dopunskom materijalu. Molim predstavnika Predlagača da podnese uvodne napomene. Premijeru da li je neko?

Ministar Jasmina Halebić: UVODNE NAPOMENE

Predsjedavajući:

Zahvaljujem uvaženi ministre Halebiću. Ima li predstavnika radnih tijela koji žele riječ? Kolega dopredsjedavajući Vibor Handžić se javio za pitanja.

Dopredsjedavajući Vibor Handžić:

Zahvaljujem predsjedavajući. Dobro dan svima pošto se javljam prvi put danas. Moje pitanje je da li je konačni spisak objekata 40 objekata mijenjan u odnosu na prvobitni. Ako jeste, koji su to objekti zamijenjeni za koje i iz kojeg razloga da nam se pojasni. Zahvaljujem.

Predsjedavajući:

Zahvaljujem. Nemamo više zastupnika koji bi postavili pitanje. Ministre Halebiću možete li odgovoriti?

Ministar Jasmina Halebić:

Poštovani predsjedavajući, evo dozvolite da se konsultujemo sa resornim Ministarstvom. Ovdje je u implementaciji ovog projekata, pored naravno Ministarstva finansija koji vodi ovja finansijski dio a to je u materijalu naznačeno nosilac projekta Ministarstvo prostornog uređenja a Ministarstvo finansija praktično svako u okviru svojih nadležnosti, zajedno sa Ministarstvom za prostorno uređenje, provodi ovaj projekat, tako da evo čekamo input i dodatno pojašnjenje od ministarstva prostornog uređenja.

Predsjedavajući:

Uvažene kolegice i kolege ako se slažete, mi bi da otvorimo raspravu, pa kada ministar Kapidžić bude spreman da odgovori na postavljeno pitanje uvaženom dopredsjedavajuću Handžiću, da ga uključimo ili imate neki drugi prijedlog. Kolega dopredsjedavajući Handžić da li se slažete s ovim prijedlogom da idemo sa raspravom pa da sačekamo odgovor.

Dopredsjedavajući Vibor Handžić:

Pa mislim ja se generalno slažem, ali potencijalni odgovor možda izazovu neku raspravu. Pa eto molim vas ako neko n a osnovu odgovora bude imao potrebu da spravlja ju još da to još dozvolite. A nemam nikakav problem da krenemo s raspravom.

Predsjedavajući:

Zahvaljujem se uvaženi dopredsjedavajući. Možemo krenuti sa raspravom. Otvaram raspravu. Da li ima zastupnika da se prijavljuju za raspravu? Ukoliko bi krenuli na drugu tačku dnevnog reda, morat ćemo onda ponoviti zaključak da krenemo a da se vratimo na tačku kada Vlada bude spremna, ali evo dajte, evo kolegica uvažena Vildana Bešlija, rasprava. Kologice izvolite.

Poslanik/zastupnik Vildana Bešlija:

Hvala predsjedavajući. Pa ja sam ustvari samo htjela da kažem (nerazumljivo) kolega je već rekao Vibor, potencijalno rasprava može zavisiti od odgovora koje ćemo dobiti od Ministarstva i imali smo prethodno, konkretno ja sam imala raspravu, imali smo određene, kada smo bili u Domu mladih na sjednici, tako da mislim, generalno šta sada postaviti bez posebnih odgovora prethodno dostavljenih. I mislim da je bolje rješenje da idemo na drugu tačku dnevnog reda ovo je stvarno nekako preskakanje, nije u redu.

Predsjedavajući:

OK, zahvaljujem se. Ali ćemo morati i glasati za ovaj prijedlog, pa otvorit ćemo anketu da idemo na drugu tačku dnevnog reda. Kada završimo Zakon o visokom obrazovanju koji smo donijeli zaključak da se razmatra u hitnom postupku, vratit ćemo se ponovo na Prijedlog

odluke o prihvatanju zaduženja o zajmu između BIH i EBRD za projekat energetske efikasnosti u javnim zgradama Sarajevo, kao tačka 18.

molim sekretara da napravi anketu za ovaj prijedlog zaključka.

Kolega Damir Nikšić ima pitanje. Izvolite kolega Nikšiću.

Poslanik/zastupnik Damir Nikšić:

Da li se čujemo? Ja se pitam i pitam vas zašto ste insistirali da ovo bude prioritarno prva tačka a niste pripremili nikakve odgovore?

Predsjedavajući:

Jesmo pripremili. Vjerovatno Vladi treba nekoliko minuta da pripremi kvalitetan odgovor kako bi mogli raspravljati na osnovu odgovora Vlade. Evo možemo napraviti anketu i da zamolimo zastupnike da prijedlog ovaj koji smo već čuli od mnogih zastupnika i izglasamo. Otvaram glasanje.

ZA JE GLASALO 28 ZASTUPNIKA, PROTIV 1, SUZDRŽANIH NIJE BILO. KONSTATUJEM 29 JE ZASTUPNIKA GLASALO. KONSTATUJEM DA SMO USVOJILI PRIJEDLOG ZAKLJUČKA DA PRELAZIMO NA TAČKU 2, A NAKON TAČKE 4 DA SE VRATIMO NA TAČKU 18, KAKO JE TO I DEFINISANO RANIJIM ZAKLJUČKOM.

Tačka četiri:

AD – 4.

PRIJEDLOG ZAKONA O IZMJENAMA ZAKONA O VISOKOM OBRAZOVANJU - HITNI POSTUPAK

Prijedlog ste dobili u dopunskom materijalu. Molim predstavnika Predlagača da podnese uvodne napomene. Ministre da li ste spremni?

Ministar Anis Krivić: UVODNO IZLAGANJE

Predsjedavajući:

Zahvaljujem uvaženi ministre Kriviću. Da li predstavnici radnih tijela žele riječ? Kolega Damir Marjanović se prijavio. Kolega da li se čujemo i da li ste vi spremni?

Poslanik/zastupnik Damir Marjanović:

Da, spreman sam. Neću paliti kameru da ne bi konekciju narušavao. Pozdravljam vas, pozdravljam sve prisutne i sve one koji prate ovu Skupštinu. Prvo ću kao predsjednik komisije za obrazovanje nauku Skupštine Kantona Sarajevo da izrazim nezadovoljstvo zašto ovaj materijal nije prošao kroz standardnu proceduru. Tj došao je kao dopuna dnevnog reda, te ga mi na komisiji nismo mogli razmatrati. A da smo ga moli razmatrati vjerujem da bi smo na njega dali konkretne sugestije koje ćemo dati u diskusijama. Znači zamolio bih znam da se radi o hitnom materijalu i nemam ništa protiv ovoga što je predložilo Ministarstvo ali ima tu još dosta tačaka ko je bi trebale hitno promijeniti ako želimo regularno školsku godinu sljedeću. Dajte da izvučemo pouku iz ovoga. A u diskusiji ćemo pričati konkretno o ovome, ali dajte da ne šaljemo izmjene Zakona po hitnome postupku kao dopunski materijal a da se komisije koje su zato nadležne i u kojima sjede ljudi koji znaju ponešto o tome ne mogu izjasniti o svemu tome. Evo završavam sada, to je komentar i zvanična informacija, na žalost, ovo je išlo u dopuni dnevnoga reda i Komisija za obrazovanje, nauku nije mogla da se izjasni o ovome i nije razmatrala ovaj materijal. Hvala velika.

Predsjedavajući:

Zahvaljujem uvaženi zastupniče Marjanović. Ima li pitanja? Uvaženi zastupnik Hasanović Senad se prvi prijavio, izvolite kolega Hasanoviću, imate riječ.

Poslanik/zastupnik Senad Hasanović:

Zahvaljujem predsjedavajući. Pozdravljam sve prisutne kao i gledaoce koji prate rad današnje sjednice. Pa evo ja bih zamolio ministra ako može da nam odgovori na par pitanja, odnosno da nam da par pojašnjenja. Prvo pitanje je kada je upisana posljednja generacija po starom sistemu? I koje je ovo po redu prolongiranje krajnjeg roka za okončanje studija po predbolonjskom sistemu? Drugo pitanje bi bilo da li imate podatke za ovih nešto više od 2000 studenata koliko je ostalo po starom sistemu, koliko je studenata na prvoj ili drugoj godini, a koliko je studenata na završnim godinama studija? Treće pitanje bi bilo da li imamo evidenciju o broju studenata prema fakultetima sa kojih dolaze? I posljednje pitanje, da li je Ministarstvo u saradnji sa Senatom u proteklim godinama osmislilo bilo kakav program kojim bi se studenti stimulisali na prelazak na bolonjski sistem? Toliko. Zahvaljujem.

Predsjedavajući.

Zahvaljujem uvaženi zastupniče Hasanović. Ministre pošto nemamo više postavljenih pitanja ja bih vas lijepo molio da odgovorite. Ministar Krivić da li ste spremni? Uvaženi ministre da li se čujemo? Evo sačekat ćemo još koji trenutak dok se javi uvaženi ministar Anis Krivić.

Ministar Anis Krivić.

Ja se izvinjavam. Imao sam tehničke probleme. Hvala uvaženom zastupniku na pitanjima. Ja nisam siguran koje godine je upisana posljednja generacija studenata koji studiraju po predbolonjskom sistemu studija. Također, želio bih da odgovorim da li imamo informaciju koliko studenata (smetnje).

Predsjedavajući:

Mi vas čujemo odlično ministre.

Ministar Anis Krivić:

U redu hvala vam. Dakle, mi imamo podatke o tome koliko studenata koliko studenata studira na prvoj, drugoj, trećoj, četvrtoj, završnoj, koliko je studenata na magistarskom. Također imamo i podatke na kojim fakultetima su studenti koji studiraju. Ja mogu dostaviti navedene tabele uvaženom zastupniku Hasanoviću. Koliko se sjećam mislim da je veći broj ovih studenata otprilike na trećoj i završnoj godini. Ali evo da ne bih govorio napamet budući da se radi o preko 2000 studenata, vrlo rado bih dostavio takav podatak u pismenoj formi. Imamo te tabele. Kada je riječ o saradnji sa UNSA da li smo napravili, da li razradili, razgovarali, napravili sistem za stimulaciju studenata kako bi prešli. Ja bih možda, odgovorio na način da nismo iz razloga što u suštini ne ide se u stimulaciju da pređu, već u stimulaciju da završe što ranije. Koliko je puta do sada prolongiran rok? Pa rok je prolongiran, mislim da se nije na ovakav način nikada prolongirao, prolongirao se uvijek na način da je donesen novi Zakon u kojem bi onda bio novi datum. Mislim da je to bilo tri ili četiri puta, evo nisam siguran. Za posljednja tri znam. UNSA je do sada radio više nekih mjera na osnovu kojih bi mogao da poveća fluktuaciju studenata u cilju njihovog okončanja studija. Ono što u ovom trenutku smatram mnogo važnije jeste da se studentima neophodno izaći u susret jer ukoliko dođe do toga da se moraju prebaciti na bolonjski sistem studiranja, mislim da bi velika većina ovih studenata napustila studij i da ne bi nikada u suštini ni završili studij. Mnogi kojima je ostao jedan ili dva ispita, koji su na završnoj godini, kada bi se trebali prebaciti na bolonjski sistem studiranja, mislim da bi bili vraćeni na drugu godinu, naravno zavisi od fakulteta do fakulteta. Evo smatramo ovu izmjenu neophodnom, hitnom i korisnom. Hvala vam.

Predsjedavajući:

Zahvaljujem uvaženi ministre Kriviću. Nemamo više zastupnika za pitanja. Ali imamo zastupnika prijavljenih za diskusiju. Prvi je uvaženi zastupnik Marjanović Damir. Kolega da li ste vi spremni?

Poslanik/zastupnik Damir Marjanović:

Kako da ne? Zahvaljujem se predsjedavajući. Bit ću dosta kratak. Dakle vezano za već uvodne informacije koje smo dali, ja mogu prepoznati potrebu za ovakvim izmjenama Zakona mada uvijek ne volim kada po hitnom postupku otvaramo onako poprilično kompleksan Zakon samo zbog jednog člana, no doveli smo se u takvu poziciju. Vjerovatno zbog nekog odugovlačenja donošenja novog Zakona koji ne možemo nikako. Ja jesam u opoziciji ali ne bi bilo fer da to odugovlačenje pripišemo između ostalog ovom ministru. Znamo da postoji nacrt ali mislim da smo mi daleko od same procedura ta se taj nacrt i pusti se u ono zvanično skupštinsko zbivanje. E sada, ono što jeste mali problem u cijeloj ovoj priči, postoji još par članova i mi smo predali neke amandmane. Ja osobno sam predao tri amandmana. Dva amandmana su iz onog što se zove osobno iskustvo i sa pozicije bivšeg ministra, ali i sa pozicije Rektora i znam da nastava koja se sada odvija kroz distance learning, ako bi ostao ovaj Zakon neizmijenjen imala bi veliki problem i ne bi se odvijala po Zakonu. Neću uopšte se upustiti šta se dešavalo u proteklom periodu, posebno jer su to bili specifični neki uvjeti, bile su proglašeni neki, koliko znam stanje nesreće, pa se tu možda nešto može izvrdati, no međutim postoje konkretno dvije stvari koje se stvarno moraju izmijeniti da bi se taj distance learning, kako za standardni distance learning tj učenje na daljinu, da pojasnim, tako i za ove prisilne distance learning odvijao po zakonu. Tako da smo to i konkretno predložili. S druge strane, ima ovdje i konkretnih prijedloga koji dolaze od strane SPUSA, ja se slažem sa tim. I te amandmane smo predložili, ali zbog tehničkoga izgleda ove izmjene Zakona i samo jedne tačke duboko smo svjesni da ne možemo se referirati na ovu tačku konkretno. Tako da ćemo predložiti i evo u dogovoru nekako i sam predsjedavajući ali nadam se sa ostalim članovima Skupštine, mi budimo svjesni da ćemo ako morati već na sljedećoj sjednici sigurno izmijeniti možda tri ili nešto više, znam da druge kolege imaju, četiri člana Zakona, možda smo mogli to da izbjegnemo da smo malo bolje iskordinirali i da je materijal došao ne kao dopuna nego kao dio cijele priče. Dakle evo već sada najavljujem inicijativu koju ću ja podnijeti vama ispoštovat ću sve procedure, već na sljedećoj sjednici po hitnom postupku izmijenimo određene članove Zakona da bi sljedeća školska godina mogla da se odvija po Zakonu, ali i da bi se izašlo u susret prvenstveno studentima ali i kolegama profesorima, posebno onima koji pošteno i časno obavljaju svoj posao na svim univerzitetima u Kantonu Sarajevo. Toliko od mene. Hvala vam velika.

Predsjedavajući:

Zahvaljujem uvaženi zastupniče Marjanoviću, da zaista to je ispravno. Dakle u članu 129 vi možete podnijeti vašu inicijativu za izmjenu bilo kojeg zakona, pa i Zakona o visokom obrazovanju, ali vas napominjem da u skladu sa članom 130. tu inicijativu trebate podnijeti direktno meni, ja ću to proslijediti u skladu s Poslovníkom Zakonodavno-pravna komisija Skupštine i Vladi Kantona Sarajevo. Tako da ne bi došlo do greške u proceduri, ja samo ponavljam odredbe i čitam odredbe Poslovnika o radu Skupštine.

Poslanik/zastupnik Damir Marjanović:

Samo da vam se zahvalim svakako ću to u potpunosti ispoštovati i ukoliko sutra najkasnije u ponedjeljak već možete očekivati to normalno u suradnji s ostalim zastupnicima. Hvala vam velika.

Predsjedavajući:

Zahvaljujem uvaženi zastupniče Marjanović. Kolegica dopredsjedavajuća Danijela Kristić. Da li ste vi spremni kolegice za vašu raspravu, odnosno diskusiju?

Dopredsjedavajuća Danijela Kristić:

Naravno predsjedavajući. Obzirom da se prvi put javljam, pozdravljam sve prisutne i gledaoce kraj malih ekrana. U materijalima koje ste nam dostavili kao razlog za donošenje izmjena Zakona o visokom obrazovanju naveli ste veći broj molbi, zahtjeva i inicijativa s jasno navedenim razlozima, zašto se treba prolongirati sporni rok. Vi ste te razloge i naveli kao osnov za izmjene zakona o visokom obrazovanju. Ja ih sada trenutno neću čitati pošto ih imamo sve navedene u materijalima i dobili su ih svi zastupnici i zastupnice. Također jedan od razloga koji ste naveli i zaključak koji je usvojio Senat UNSA, ja ispred sebe imam taj zaključak Senata gdje je rok za prolongiranje naveden 2025 godina, kao i u svim dopisima studenata na koje se pozivate također je naveden rok za prolongiranje 2025 godina. U Nacrtu Zakona o visokom obrazovanju, u članu 151 pod tačkom 13) također je naveden rok za prolongiranje 2025 godina. Onda mi nije jasno zašto niste usvojili inicijative i molbe studenata i stavili rok na koji se prolongira da je to 2025 godina, umjesto 2022 godine? Također ja sam podnijela amandman u kojem sam navela da se taj rok prolongira do 2025 godine. A Vlada je, evo sada smo dobili tu informaciju, odbila taj amandman, gdje kao obrazloženje navela da u suštini je dovoljan rok za okončanje obaveza za 2017 studenata, koliko ih trenutno studira po predbolonjskom sistemu studija. Nadalje navedeno je da je resorno Ministarstvo trenutno u izradi novog Nacrta Zakona o visokom obrazovanju gdje bi se između ostalog trebalo razmotriti eventualno produženje navedenog roka. Mene interesuje šta je sa studentima Medicinskog fakulteta, Stomatološkog, Veterinarskog, Fakulteta zdravstvenih studija, kojih ima oko 712 tih studenata, da li ste razmišljali o tome šta je sa studentima koji su upisali treću godinu studija? Za dvije godine trebali bi biti na petoj godini. Koje je onda nama rješenje? Iz obrazloženja na moj amandman, vidim da ste svjesni toga, navodite da ćete u novom Nacrtu Zakona razmotriti eventualno produženje. Zašto niste odmah prolongirali taj rok na 2025 godinu? Zbog svega navedenog, ja ću tražiti od Skupštine da se izjasni o mom amandmanu. Hvala.

Predsjedavajući:

Zahvaljujem uvažena dopredsjedavajuća Kristić. Kolegica Jasna Duraković nam je sljedeća zastupnica koja se prijavila za raspravu. Kolegice izvolite, imate riječ.

Poslanik/zastupnik Jasna Duraković:

Dobar dan predsjedavajući. Nadam se da se čujemo. Hvala. Obzirom da se prvi put javljam, srdačno pozdravljam vas i rukovodstvo i naravno sve kolegice i kolege i sve one koji prate rad današnje sjednice. Ja bih se osvrnula vrlo kratko na ono što je rekao kolega Marjanović. Apsolutno se slažem. Dakle mi smo već evo kao što vam je poznato, uspjeli jutros prije početka ove sjednice dogovoriti naredne korake, a to bi išlo u pravcu upravo onoga što je rekao kolega Marjanović, dakle da ćemo mi što hitnije tražiti od Ministarstva i do vas predsjedavajući da se u što hitnijem vremenu zakaže redovna sjednica ili hitna sjednica koja će razmatrati samo ovu tačku dnevnog reda a to su izmjene i dopune Zakona o visokom obrazovanju gdje će biti razmatrati svi ovi naši predloženi amandmani. Naravno svima nam je jasno da u ovom trenutku to ne može biti razmatrano i to ste objasnili, zahvaljujem se na tome. Dakle evo ja vas samo molim da evo nakon što kolega Marjanović uputi tu inicijativu, ispred Komisije za nauku i obrazovanje da razmotrimo opciju da se to što prije razmatramo da imamo samo ovu tačku dnevnog reda, da konačno objedinimo sve to i da imamo prečišćen dodatak teksta na Nacrt Zakona o visokom obrazovanju. Dakle ja se nadam da ćete tada u tom trenutku razmatrati sve ove naše amandmane i da će isti biti usvojeni i vjerujem da ćemo imati nekolicinu još dodatnih prijedloga kako bi unaprijedili naravno sam tekst Zakona o visokom obrazovanju. Evo toliko, zahvaljujem.

Predsjedavajući:

Zahvaljujem uvažena zastupnice Duraković. Kolegica Bešlija Vildana da li ste vi spremni za diskusiju?

Poslanik/zastupnik Vildana Bešlija:

Jesam. Pa evo iz postavljenih pitanja i ovog što je ministar rekao, prvo zaista ne mogu da vjerujem da ne znamo tačno koja je struktura studenata, mislim da smo to čak u materijalima vidjeli da je najviše iz Medicine, ali sam ministar je rekao da smo trebali, odnosno da je do sada uvijek mijenjano na način da se Zakon uvijek promijeni da bis e prolongirao rok. Zadnja bar tri puta oliko se ministar moga sjetiti je bilo tako. I upravo zbog toga je još čudnija činjenica da mi nismo uopšte imali priliku do sada da razmatramo u redovnoj proceduri nacrt Zakona. Ako smo ga već imali spremnog i ako smo imali dovoljno vremena da on ide redovnom procedurom. Znači kompletan smisao ovoga još dodatno se mijenja. Također bih naglasila da sam ja već bila podnijela inicijativu u formi zaključka za koji sam vas pitala na prošloj sjednici tj prošle sedmice zbog čega na redovnoj sjednici koju ste zakazali nije to bila kao tačka dnevnog reda, zato što je tako i usvojeno. Tako je i trebalo da bude. Ja znam da Nacrt Zakona zahtjeva i proceduru, zahtjeva određeno vrijeme i da ne može to sada odmah da starta, ali mislim da je jako važno i da trebamo priznati da Ministarstvo obrazovanja nije odradilo posao onako kako je to trebalo, nije odradilo na vrijeme ono što je trebalo da se uradi, da ulazimo u školsku godinu opet na prečac, da gasimo požare opet po ko zna koji put. Da evo kolege koji rade u visokom obrazovanju predlažu i pokušavaju naći neki način na koji će se ublažiti posljedice koje ćemo evidentno imati, da opet imamo neka ad hoc rješenja i zaista smatram da je krajnje vrijeme i da se moramo uozbiljiti da stvarno za sljedeću sedmicu što prije uputimo taj nacrt i da se on razmatra da ga imamo spremnog bar u nekom dogledno vrijeme, jer koliko svi znamo, ove promjene, nije u pitanju samo rok, ovo je samo jedan mali segment. Mi smo na velikoj prekretnici kada je u pitanju obrazovanje, mi moramo napraviti velike i ozbiljne rezove zato na taj način moramo ozbiljno i pristupiti. Hvala vam.

Predsjedavajući:

Zahvaljujem uvažena zastupnice Bešlija. Kolegica Kerla Bibija. Kolegice imate riječ. Izvolite. Kolegice Kerla mi vas loše zaista čujemo. 'Ajte da malo ili nađete bolji internet pa da se uključiti. A ja ću dati riječ uvaženom dopredsjedavajućem Handžiću nakon dopredsjedavajućeg Handžića, vratiti ćemo se, pretpostavljam da će kolegica Kerla biti spremna za svoju raspravu. Izvolite dopredsjedavajući Handžić-.

Poslanik/zastupnik Vibor Handžić:

Zahvaljujem predsjedavajući. Ja ću imati jednu kraću diskusiju. Ja mislim da je ovdje ključni problem, a govorio je kolega Marjanović o tome, nedostatak komunikacije i razumijevanja za nešto što je apsolutno zajedničko dobro u interesu svih aktera u ovom cijelom procesu vezano za Zakon o visokom obrazovanju. Dakle ja se apsolutno slažem da hitne izmjene nekoliko članova Zakona za bilo koji Zakon, nisu dobre i da je puno bolje da smo razmatrati kompletan Zakon u nacrtu i pustili ga u javnu raspravu. Ovdje naravno imamo specifičnu situaciju. Ja moram napomenuti da je vezano za polemiku koja se vodi o početku bolonjskog procesa, posebno na fakultetima zdravstvenog spektra da oni nisu svi u isto vrijeme i na vrijeme krenuli s primjenom bolonjskog modela učenja i zato je ovaj rok koji je postavljen Zakonu za neke fakultete bio dosta kraći. Nije važno. Što se tiče ovog Zakona i ove problematike, imamo specifičnu situaciju jer zaista postoji potreba hitnosti, ali vidjeli smo po diskusijama drugih zastupnika kolege Marjanović, kolegice Duraković da postoji potreba hitnosti za još neke članove Zakona. Upravo u nedostatku tog razumijevanja, jedina gora opcija od one da cjepkamo Zakon po jedan ili dva člana jed a ga cjepkamo svaku sjednicu po jedan ili dva člana. Moram istaći kao plod tog nerazumijevanja da su i ove izmjene Zakona, ovog jednog člana koji danas razmatramo, došle kao plod inicijativa, intervencija i napora pojedinih zastupnika u Skupština. Također moram izraziti bojazan da nacrt Zakona bez obzira što je Skupština Kantona Sarajevo usvojila ovaj zaključak na prošloj sjednici jednoglasno da se za

sljedeću sjednicu, Nacrt je utvrđen davno, čini mi se u januaru mjesecu, programiran je za maj mjesec ove godine. I ono što je meni nejasno je to da Ministarstvo, ono samo, na osnovu svog programa rada predlaže i programira kada će neki Zakon dostaviti na Skupštinu, zastupnicima na odlučivanje. A onda imamo situaciju da skoro u septembru mjesecu Zakon ni blizu nije spreman. Meni apsolutno nije sporno i razumljivo mi je da novi ministar ima svoju neku viziju kako taj Zakon treba da izgleda, ali ja se bojim iz ovih diskusija i ovoga svega što se dešava, da ministar još uvijek nije siguran šta želi da uradi s ovim zakonom, a da nam vrijeme prolazi i curi jer svakako ovaj Zakon koji trenutno na snazi, to su apsolutno svi saglasni, i te kako je potrebno da se mijenja. I na kraju, samo da se kratko dotaknem ovoga što je govorila kolegica Krivić, ja stvarno ne razumijem šta je sporno sa rokom sa kojim su se potpuno usaglasili i studenti i Senat UNSA, koji su u suštini najvažniji akteri u ovom cijelom procesu. Zahvaljujem.

Predsjedavajući:

Zahvaljujem uvaženi dopredsjedavajući Handžić. Kolegice Kerla da li ste sada na boljem signalu pa da se možete uključiti? Kolegice Kerla, ako ste spremni

Poslanik/zastupnik Bibija Kerla.

Pa ja se nadam da me sada čujete.

Predsjedavajući:

Čujemo vas sada kolegice Kerla ja se izvinjavam za maloprije ali zaista vas nismo čuli, pa zato sam dao riječ uvaženom zastupniku Handžiću, odnosno dopredsjedavajućem riječ. Kolegice Kerla izvolite.

Poslanik/zastupnik Bibija Kerla:

Nikakvih problema. Pozdravljam sve prisutne kao i gledaoce pored TV ekrana. S obzirom da se radi samo o jednom članu izmjene Zakona, a vrlo je bitan za 2000 studenata, pa da mi ne bi izgubili te 2000 studenata, DF će podržati ovaj prijedlog Zakona. Hvala lijepo.

Predsjedavajući:

Zahvaljujem uvažena zastupnice Kerla. Kolegica Segmedina Srna Bajramović je sljedeća zastupnica. Kolegice imate riječ.

Poslanik/zastupnik Segmedina Srna Bajramović:

Hvala predsjedavajući. Pozdravljam sve prisutne. Pa evo ono što želim reći jeste da ja u potpunosti razumijem potrebu da određene objektivne situacije u visokom obrazovanju ozakonimo i time otklonimo neizvjesnosti za studente i njihove roditelje kada je u pitanju nova akademska godina. Apsolutno se slažem s kolegama koji su prethodno diskutovali, i neupitno je da ćemo mi podržati i ovakve izmjene. Ali ovo je svakako prilika, zapravo sve su to razlozi zbog kojih sam ja još 03. jula uputila i prema vama predsjedavajući i prema premijeru Kantona Sarajevo i ministru za obrazovanje nauku i mlade, inicijativu za produženje ovog roka za završetak studija po predbolonjskom sistemu i to na osnovu zahtjeva studenata, evo Medicinskog, Stomatološkog i da ne nabrajam dalje, Farmaceutskog, Veterinarskog i Fakulteta zdravstvenih studija. Međutim, ono što želim iskoristiti danas unutar ovih naših kratkih diskusija, jeste da sam iskreno razočarana što današnjim potezom na neki način promoviramo diskriminaciju jer nismo bili u stanju napraviti mali napor kako bi osigurali, podsjetiti ću vas, pravo svakog učenika na srednje obrazovanje u skladu s njegovim sposobnostima, koja su u ovakvim slučajevima iznad prosječnih interesovanja i mogućnosti. Moram vas podsjetiti da već mjesecima pokušavam ukazati na problem Srednje muzičke škole, koja izmjenama Zakona o srednjem obrazovanju, konkretno našom greškom, greškom Skupštine, faktički ostavljena u pravnom vakuumu. Dakle aktuelnim zakonom o srednjem obrazovanju onemogućeno da se u umjetničkim školama za muzičku i baletnu umjetnost, a u

Kantonu Sarajevo, jedinom takvom školom, redovno obrazuju i učenici koji pohađaju i neku drugu srednju školu, što je bila praksa od kada egzistira Srednja muzička škola. Bez obzira koliko sam naporna ili dosadna u svom istraživanju, smatram neprihvatljivim da imamo problem za koji je Zakon gotovo i radi se doslovno o dva ili tri člana, a nismo bili u stanju da ga danas stavimo kao dio dnevnog reda. Iskreno, ne vidim niti jedan opravdan razlog da danas u ovom setu Zakona iz oblasti obrazovanja nismo imali navedene izmjene koje su također pripremljene i spremne za usvajanje. Toliko. Hvala.

Predsjedavajući:

Zahvaljujem uvažena zastupnice Segmedina Srna Bajramović. Imamo repliku. Izvolite kolega.

Poslanik/zastupnik Damir Marjanović:

Ja se zahvaljujem. Nemojte mi zamjeriti, ovo je pozitivna replika. Znači u potpunosti se slažem s kolegicom Srnom i pozivam je da zajedno sjednemo i preko vikenda pripremimo i tu tačku. U potpunosti sam upoznat sa tim i podržavam vašu inicijativu i vrlo rado bih da pripremo tačku za ovu hitnu sjednicu koju ćemo predložiti. Hvala velika. Izvinjavam se ako sam zloupotrijebio repliku.

Predsjedavajući:

Zahvaljujem uvaženi zastupniče Marjanoviću. Kolegica Segmedina Srna Bajramović odgovor na repliku.

Poslanik/zastupnik Segmedina Srna Bajramović:

Zahvaljujem još jednom predsjedavajući. Evo hvala kolegi Marjanoviću za podršku. Prije svega moramo dati podršku djeci koja imaju takva interesovanja i riješiti ovaj problem koji je napravljen u važećem Zakonu o srednjem obrazovanju, no prema mojim informacijama Zakon je spreman, odnosno izmjena ova tri člana. Pa sada, naravno razgovarat ćemo o tome i nadam se što prije imati i izmjene ovog Zakona o srednjem obrazovanju. Zahvaljujem.

Predsjedavajući:

Zahvaljujem uvažena zastupnice Segmedina Srna Bajramović. Konaković Elmedin je sljedeći diskutant. Izvolite kolega Konakoviću ako ste spremni.

Poslanik/zastupnik Elmedin Konaković:

Hvala predsjedavajući. Ja sam spreman. Nadam se da je ton OK, da se čujemo. Pozdravljam vas, skupštinsko rukovodstvo, kolegice i kolege zastupnike, te gledaoce koji posredstvom TVSA prate rad današnje sjednice. Stanje u našem društvu, stanje u Vladi, stanje u Ministarstvu obrazovanja vidimo danas kroz ovaj prijedlog jedne tehničke izmjene Zakona i kroz diskusije kolega koji govore o nužnim, potrebnim pa čak i hitnim izmjenama koje se ne dešavaju. Ja sam ministru Kriviću zadnju sedmicu poslao nekoliko mailova, na koje ne dobivam nikakve odgovore, ne znam da li uopšte čita, ili ga zanimaju stavovi zastupnika. Danas me prenerazio svojim nekim stavovima, to ću reći na kraju. Ali evo dok naravno ovu jednu neupitnu stvar u kojoj ljude koji iz nekih razloga, vjerovatno većina njih objektivnih, nisu se baš prebacili na bolonjski sistem studiranja, ostale su im obaveze po starom sistemu. Nismo mi jedinu, to su radile u regionu i druge zemlje, manjem bh entitetu također. Dakle mislim da je to tehničko pitanje oko kojeg niko nije trošio puno vremena, niti je nešto posebno diskutovao. Svi ćemo to podržati. Ali nam se onda naravno nameću pitanja poput ovih o kojima su govorile kolege. Ne znam da li je iko pomenuo, ja smatram jako bitnim danas dok mi diskutujemo o ovome, Danis Tanović, Damir Šagolj, ljudi nosioci i dobitnici najvećih svjetskih priznanja u našem Zakonu ne mogu predavati djeci na fakultetu, zato što nisu imali prosjek na masteru koji propisuje ovaj Zakon, jer su se usavršavali na prestižnim svjetskim univerzitetima. Dakle jedna anomalija, pored njih upoznao sam puno ljudi. Dakle

evo, kolegici Srni, kolegi Marjanoviću delegira i ovu temu, vrlo rado ću proslijediti prijedlog i ove dopune. Kolega Handžić je rekao da nije dobro da cjepkamo, ali mi kolega Handžiću na žalost moramo, jer nam ova Vlada nije ponudila nikakav integralni materijal tako da sam mislio zaista na narednoj sjednici predložiti i ja izmjenu i dopunu da ne bi to prešlo u cirkus onda predlažem da se ova ekipa, predvođena kolegom Marjanovićem skupi, ubaci ove najbitnije, najhitnije stvari, jer sumnjam da ćemo od ministra Krivića dobiti Zakon koji bi trebao suštinski rješavati ove probleme. Dok m i pričamo opet o ovoj tehničkoj stvari danas vam na KC koji je jedina nastavna baza za studente Medicinskog fakulteta, ti studenti (nerazumljivo) operacije sekundarnog nivoa, neku operaciju slijepog crijeva, ili eto neku malo lakšu žuč ili slično, ne mogu se usavršiti, ne mogu praktično naučiti zato što ovaj Zakon ne dozvoljava da takvu vrstu edukacije obnašaju u drugoj eventualnoj nastavnoj bazi, jer mi to smo zakonom zabranili. I naravno svima poznatih političkih razloga. Sada mi vi, pogotovo naravno podržavam stavove, ujedinjeni stav i Senata i studenata, ne znam zašto je Vlada odbijala prijedlog kolegice Kristić. Pozivam zastupnike da ispravimo tu nepravdu tehničku da je tako nazovem, da podržimo ovaj amandman svi zajedno. I ono zapravo dok istovremeno prepisujete ove mjre kako će djeca u školu, kako će od prvog do četvrtog, dakle sve što Vučić uradi u Srbiji, mi vidimo kod vas da za nekoliko dana primijenite u sistemu obrazovanja. Apel je da ne gledate previše u naše istočne susjede, da gledate više u zapadne i da nešto uradite i sami. Ali kako da uradite sami kada je nama danas ministar Krivić rekao javno nema on ništa protiv da se fakulteti koji ispunjavaju zakonske obaveze otvaraju ukoliko to Okvirnim zakonom ako je tako propisano. Jeste, s tim što zanemarujete ključnu stvar, to je društveno – ekonomska opravdanost otvaranja bilo kojeg fakulteta. Kada vi kao prioritet imate otvaranje Hajrizovih fakulteta, kako da mi od vas očekujemo da vi riješite probleme o kojima evo kolege govore. Na žalost, ministre Kriviću, mnogo stručnije nego vi sami, jer vi uglavnom ste nepripremljeni za (nerazumljivo). Hvala.

Predsjedavajući:

Zahvaljujem uvaženi zastupniče Konakoviću. Kolegica Neira Dizdarević je sljedeća zastupnica. Kolegice izvolite, imate riječ.

Poslanik/zastupnik Neira Dizdarević:

Hvala predsjedavajući. Također prvi put se javljam pa pozdravljam sve prisutne kao i građane koji prate naš današnji rad. Ja ću samo napomenuti da upravo sada imamo nastavak sjednice koju smo počeli prije negdje mjesec dana. Stoga je još više nedopustivo da prilikom razmatranja ove tačke ne možemo dobiti odgovore na par logičnim pitanja zastupnika i zastupnica, već ministar kaže da će iste dostaviti napismeno. Ne znam kada ali s obzirom da mi danas usvajamo izmjene ovog Zakona. Također demantovat ću da se nikada prije nisu radile izmjene na ovaj način. Makar 2015 godine smo također izmjenama jednog člana pomjerali rok za studente predbolonjskog sistema. Što se tiče same ove teme, ja smatram da nas je i ovo dočekalo kao i mnoga druga pitanja nespremnima. Ne znam da li se iko u Ministarstvu bavio kvalitetom online nastave na visokoškolskim ustanovama. Anketa koju su organizovali studenti iz mjeseca aprila u kojoj je učestvovalo oko 10.000 studenata ocijenila je kvalitet online nastave, kao izuzetno loš. Da li je Ministarstvo provelo istraživanje o kvalitetu online nastave? Parcijale su kasnile. Da li su opravdane molbe za dodatnim ispitnim rokovima. Tuzlanski Kanton je išao tako daleko da su dobili dodatne rokove i preduslovni prelazak u narednu godinu. Banjaluka je odobrila osam dodatnih rokova. Da li je možda potrebno prolongirati početak nove akademske godine? U medijima je odjeknulo obraćanje direktora osnovnih škola koji tri dana prije početka nove školske godine kažu da nemaju osnovne elementarne uslove za novu školsku godinu. Prošlu sjednicu ste nas uvjeravali da nema potrebe za usvajanjem inicijative moje kolegice Vildane Bešlije za prolongiranje početka nove školske godine za sedam dana. Da li nas to isto očekuje i sa studentima? Šta je sa novim Nacrtom Zakona koji je bio spreman z mjesecu januaru prema programu rada Skupštine, planirano usvajanje u mjesecu maju. Evo mi smo pred septembrom, još uvijek taj

Nacrt koji i ne treba bit savršen da bi kao takav bio pušten u javnu raspravu, još uvijek nemamo, a upravo on treba da riješi mnogobrojna pitanja jer prije nekih pet, šest godina UNSA je imao oko 35.000 studenata, danas je to nekih 27 ili 28. Ja ću samo napomenuti da zaključak Skupštine nije na dobru volju Vladi, odnosno Ministarstvu, on je jasan i na narednoj radnoj sjednici očekujemo Nacrt Zakona o visokom obrazovanju na dnevnom redu. Toliko hvala.

Predsjedavajući.

Zahvaljujem uvažena zastupnice Dizdarević. Kolega Dević Mahir nam je sljedeći zastupnik. Kolega izvolite imate riječ.

Poslanik/zastupnik Mahir Dević:

Pozdravljam vas predsjedavajući. I naravno sve kolegice i kolege. Naravno cijenim generalno da svima nama treba da bude cilj da imamo što više visoko obrazovanih ljudi kao društvo, a evo u konkretnom slučaju kao Kanton Sarajevo. Treba dati priliku i omogućiti ovim studentima po starom sistemu koji su iz nekog razloga nisu bili u mogućnosti da završe svoj studij, priliku da to i učine u narednom periodu. Svaki visokoobrazovan čovjek nam je jako potreban. I iz tog razloga evo, iako je već ne znam koji put donosimo odluku da im podražavamo, i da im damo priliku, mislim da se trebamo boriti za svakog tog čovjeka da završi studij koji je započeo po ovom predbolonjskom procesu i da dobije diplomu visokog obrazovanja. Evo mi kao klub naravno podržat ćemo jednu ovakvu izmjenu.

Predsjedavajući:

Zahvaljujem uvaženi kolega. Kolega Zvonko Marić nam je sljedeći. Kolega Mariću imate riječ. Izvolite.

Poslanik/zastupnik Zvonko Marić:

Zahvaljujem predsjedavajući. Dame gospodo, drugarice i drugovi, svi poštovani građani koji pratite ovu sjednicu. Zaista, ali zaista nisam mislio da se javim za bilo kakvu diskusiju vezano za ovu temu, ali ponukali su me neke vrlo nekorektne diskusije to moram reći. Reći ću i zašto. Ako govorimo o broju studenata i imamo tu dvojbu da li je posljednja situacija bila 2005 ili 2006t, sasvim je nebitno za ovo što ću reći. Iako su ti ljudi bez obzira na sve imali 16 godina mogućnost da završe pod uvjetom da je to bilo negdje 2004 i ako se zalažemo da im damo još pet godina, to je cijeli jedan studijski proces od pet godina. To je 21 godina i svi mi ako se zalažemo za to da oni koji studiraju Medicinu završe nakon 21 godine, očekujemo od njih da nas liječe, onda smo mi licemjerni. I ja bih volio od nas bilo koga da vidim ko bi otišao i ko bi poželio da ga takav neko liječi, bez obzira na okolnosti zašto nije. I kakvu mi zapravo poruku šaljem građanima ako dajemo, vrlo je nekorektno prema onim ljudima koji zaista se žrtvuju, završavaju studij u predviđenom roku i nisu teret niti državi niti bilo niti sistemu, niti sustavu itd ako to moram pojašnjavati. Onda je stvarno poražavajuća činjenica. I ja ne zalažem se za takvo nešto. Mislim da je dobro rješenje ovo sada da im se da još dvije godine, pa eventualno kroz novi Zakon o kojem svi mi govorimo neka se predvidi još jedan rok ili neka se to prolongira ali sada za sada, zaista je neumjesno i od nas, ja znam da je počela predizborna kampanja za lokalne izbore i da svi mi želimo nešto da se istaknemo na neki način. Ali ako je to na nekorektan način onda zaista sam protiv toga. Dakle, nemam ništa protiv da se o tome raspravlja ali isto tako, vratimo se samo unazad da vidimo šta je to učinile prethodne Vlade ili prethodni ministri od gospodina Kazazovića, pa idemo u prošlom mandatu prije gospodina Krivića, šta je to učinjeno epohalno i zbog kojih razloga nje a mi znamo i da ne podsjećam ljude, mi svi koji sjedimo u skupštinskim klupama koje su peripetije bile vezano za Ministarstvo obrazovanja, i sada treba da sve fakturiramo ovom mladom čovjeku koji je pokazao entuzijazam i naslijedio jedan kaos u Ministarstvu obrazovanja. Mi smo potpuno svjesni i vidjeli smo i znamo, pogotovo u okolnostima korona virusa. I sada paljbu uputiti na ovog ministara koji pokušava sve ono što nisu prethodni učinili da popravi i da učini novi

iskorak, ja mislim da je vrlo nekorektno. Druga stvar, evo i reći ću i sljedeću činjenicu, ako mislite da to nije dobro, i da to nije dobar kurs, onda molim vas samo za jaču argumentaciju, ozbiljniju argumentaciju iz koje ćemo mi vidjeti da i s pravom stoje eventualne kritike na račun toga. Ali pazite jednu stvar, i ja potpuno razumijem i ministra Krivića i svakog bi od nas postupio na takav način da neki nacrt koji je neko drugi pripremao i bezuvjetno i bez njegovog pečata, bez čega da samo ga proslijedi u proceduru a da pri tome on ne da u određenom trenutku neka svoja viđenja i to je vrlo nekorektno. Intimno svi bi mi nismo tu da statiramo i eventualno ono što je neko drugi pripremio, imao viziju prije četiri, pet godina, tri četiri, da ne damo priliku da možda i on da svoje mišljenje kroz nacrt svoje viđenje i svoja rješenja za goruće probleme u obrazovanju. Zato molim sve kolege bilo bi i vrlo pristojno i uljudno da smo korektniji da imamo u vidu sve ovo o čemu sam govorio. Hvala.

Predsjedavajući.

Zahvaljujem uvaženi zastupniče Marić. Kolega Vedran Jakupović nam je sljedeći zastupnik koji se prijavio. Kolega Jakupoviću imate riječ, izvolite.

Poslanik/zastupnik Vedran Jakupović:

Zahvaljujem predsjedavajući. Nadam se da se čujemo. Ja ću samo ovako audio, obzirom na kvalitet mreže. Ja ću ponoviti još jednom da NiP i Klub NiP 2 je apsolutno na strani studenata koji žele da završe započete studije. Želio bih da kolege prihvate amandman dopredsjedavajuće Kristić, da ovim ljudima pomognemo da još 5 godina dobiju produženje roka. Slažem se s kolegom Marićem da je ministar Krivić činio dosta napora. Ovo je čisto tehničko pitanje. Ali se ne bih složio, obzirom da je riječ uglavnom o mojim kolegama s Medicine i sa Stomatologije i djelom i sa tehničkih fakulteta, primarno govorim o Medicini i Stomatologiji, znam ljude koji su studirali 10 godina i puno su bolji doktori nego neki ljudi koji su prozujali kroz fakultet. Morate imati u vidu da među ovim kolegama, govorim kolegama jer je u uglavnom riječ o kolegama s Medicine, imate ljude koji su cijeli rat proveli na linijama i koji su nakon toga smogli snage da ponovo završe ovako teške fakultete. Imate ljude koji su bili bolesni, koji su imali porodičnih problema, imali ste priliku vidjeti da od prošlog produženja se duplo smanjio broj ljudi koji su zainteresovani za završetak ovog procesa studiranja i smatram da bi smo trebali ono što kažu da ne idemo tuk na utuk, ili da ganjamo sada neke nazovimo ih principijelnosti da podržimo amandmana dopredsjedavajuće Kristić. Trebali bi smo ovaj rok produžiti do 2025 godine. Kada je riječ o novom Zakonu, o nacrtu Zakona, očekujem da ministar Krivić vrlo brzo donese, da ga pustimo do sljedeće sjednice, i mi smo rekli kako su kolege već rekli, imali smo velike ako se sjećate, da kažem sukobe na Kolegiju, to je bilo krajem jula mjeseca, evo prošlo je već 15 dana, od tada da se što prije donese Zakon o visokom obrazovanju. Ako ministar Krivić ne smatra da je Zakon koji je u nacrtu dostavljen, nije dostavljen, Vlada usvojila a Skupština nije razmatrala, početkom ove godine. Ako ministar Krivić smatra da taj Nacrt Zakona nije kako treba, da se napravi novi Nacrt što prije, da se okrenemo malo prema zapadu više i da promijenimo ove anomalije koje imamo očigledno u Zakonu koji je donesen 2017 godine. Ne bih dalje ulazio u probleme visokog obrazovanja, samo još jednom da podcrtam obzirom da je riječ o samo ovoj izmjeni koja je bitna studentima i koja ističe krajem septembra mjeseca da ćemo podržati ovaj amandman dopredsjedavajuće Kristić da ove izmjene budu produžene do 2027 godine. Hvala.

Predsjedavajući:

Do 2025 godine, kolegica je podnijela amandman. Druga diskusija uvaženi zastupnik Zvonko Marić. Kolega imate riječ izvolite.

Poslanik/zastupnik Zvonko Marić.

Zahvaljujem predsjedavajući. Da, manje više razumijemo se kolega Jakupović i ja, ali moram samo nekoliko stvari reći. Tačno je bilo je onih koji su studirali po 10 godina. Ali 10 i 20 godina je ipak razlika. Ipak je ogromna razlika. U tome i jeste stvar. Ja sam rekao 2022 ako

eventualno kroz novi Zakon da se novi termin da, to bi bilo sasvim u redu. Ja razumijem i složenost tih fakulteta i da je to vrlo kompleksan sud i da je zahtjevan itd. Ali vjerujte mi znam čovjeka koji je tokom rata, poznajem ga mogu i da kažem prezime Petrić, on je bio četiri godine u silosu pa je odmah nakon rata završio fakultet i to u redovnom roku nakon toga u Banjaluci i znam, rekli su mi ljudi da radi već desetak godina kao uspješan doktor. I vrlo je dobar doktor. Ja se u potpunosti slažem da ima nekih koji su studirali desetak godina i da su eventualno bolji, ali ipak 20. i kada je riječ, riječ je o 2000 studenata otprilike i to na svim fakultetima. Mi mislim da destimuliramo ostale studente i svi reći pa dobro uvijek će nam se produžavati taj rok itd. I destimuliramo ih da se posvete studiranju i da u što skorijem vremenu to završe. Mislim da je to loša poruka i zaista se slažem da ima problema i porodičnih i evo korona virus, ali zaista ako pružimo šansu tom novom Zakonu da eventualno popravi ali sasvim sigurno ovo je principijelno da pokušamo da stimuliramo na neki način te ljude da se posvete studiranju i naredne dvije godine, i ako su svi, a čuli smo, ja sam jako dobro, pažljivo sam slušao da je većina njih na trećoj ili četvrtoj onda ako im dajemo još pet godina, sedam, evo sada čujem, tako će to ići u nedogled. I novi će im Zakon omogućiti tako nešto. I zaista ne radi se o tome da mi nismo iz SBB za te studente da okončaju studij. Jesmo naprotiv, ali želimo da im na taj način pomognemo i da svate da ipak moraju to riješiti. Jer znate šta, ako počne s 20 da studira, još 20 da završi fakultet, 22, u 42, 43 ili 44, mislim stvarno je to besmisleno. Ali evo, OK. Mi ostajemo pri našem stajalištu, ali sasvim sigurno nismo ako smo principijelni to ne znači da smo protiv ovih studenata o kojima govorimo. Hvala vam.

Predsjedavajući:

Zahvaljujem uvaženi kolega Mariću. Ja imam tehničkih problema. Molit ću vas samo za pet minuta pauze kako bi tehničke smetnje na računaru otklonili. Ja ne vidim ni koga uključujem. Pa evo molim vas samo pauza pet minuta samo da otklonimo ove smetnje tehničke. Hvala.

NASTAVAK NAKON PAUZE

Predsjedavajući:

Evo mi ćemo nastaviti. Kolege iz Zavoda za informatiku i statistiku su otklonile ove tehničke probleme, samo da TVSA bude spremna i nastavljamo evo za par minuta. Kolega Dino iz ZIS KS-a komunicira sa TVSA kako bi nastavili rad sjednice Skupštine Kantona Sarajevo. Za dvadesetak sekundi nastavljamo.

Nastavljamo sa radom. Zahvaljujem se uposlenicima ZIS na podršci i na otklonjenoj smetnji koju smo imali prilikom realizacije Skupštine online. Replika je bila uvaženog zastupnika Stojanovića Mariću. Kolega Stojanoviću da li ste prisutni. Imate riječ, ako ste spremni.

Poslanik/zastupnik Igor Stojanović:

Hvala predsjedavajući. Moja replika kolegi Mariću odnosi se na ovaj dio gdje govorimo o kriterijima studenata, da li im treba omogućiti ili ne. Ja sam shvatio njegovu diskusiju na način da treba držati kriterije ko to može studirati i na koji način, šta ima smisla. Ja apsolutno podržavam njegove poglede na studente. Ali ja smatram kolega Mariću da je ovdje ključna stvar da ti studenti koji studiraju deset ili 20 godina ne dođu u poziciju da kao što ste rekli u vašoj prvoj diskusiji da odlučuju o našim sudbinama. Mi se moramo izboriti kao zastupnici da oni koji imaju prosjek 10 budu ti koji će voditi Opštu bolnicu, KCUS ili bilo koju instituciju koja vodi računa o našim životima. Vi znate da to danas nije takav slučaj. Mi danas imamo studente i šaljemo jednu poruku kroz naš obrazovni sistem da je studenti koji studiraju po 10 ili 15 godina, imaju prosjek 7,20 ili 8,20 mogu biti direktori, mogu biti lideri u svim procesima. A oni najbolji ne mogu ni dobiti posao. E ja mislim da je to naša briga, da obrazovni sistem bude ujedno vrijednosna jedinica i za onoga koji će sutra voditi sve procese u našem društvu. A ovo mislim da trebamo podstaći upravo ovako kako je kolega Mahir

Dević rekao, da trebamo podsticati ljude da nivo obrazovanja u Sarajevu bude na što većem nivou. Ali se treba voditi računa ko su to lider i ko nas vodi. Sigurno ne oni koji studiraju po 8, 10 ili 20 godina. Hvala vam.

Predsjedavajući:

Zahvaljujem uvaženi kolega Stojanoviću., odgovor na repliku kolega Marić Stojanoviću.

Poslanik/zastupnik Zvonko Marić:

Zahvaljujem predsjedavajući. Pa kolega Stojanoviću u suštini mi se slažemo, znam o čemu govorite i znam sve vaše aluzije i motive zbog čega ste to kazali i naravno ali kako i na koji način, napraviti selekciju i takve kriterije i takve mehanizme pa da te ljude koji studiraju 20 godina kvalificiramo na određeni način kada se prijave, kada znamo da će se upravo takvi ljudi i većina njih i oni koji su kupili diplomu, ipak im se dati prednost u odnosu na one koji su, o tome se radi. To je ta bojazan zbog čega ja kažem da bi možda trebalo ili ih prisiliti, primorati na neki način da okončaju svoj studij a ne da ide to u nedogled i da iščekujemo umjesto da stvaramo bolje uvjete onim ljudima koji ostanu neupisani možda a završili bi za četiri, pet godina. Ja samo govorim o principijelnoj stvari. To što je gospodin Dević rekao, to je njegov pogled ali ja znam o čemu zapravo govorim. I niko nije protiv takvih studenata da okončaju, ja se u potpunosti slažem. I trebaju da okončaju i nismo protiv njih, ali kako ih primorati kada je rat prošao. Rat je bio prije 20 i nešto godina oni nisu uspjeli da okončaju studij, nego na trećem, četvrtom, pa hoće, pa neće. Možda čak iz ja znam čak ljude na TV koji su donijeli samo potvrdu da studiraju i drže čak rukovodeće pozicije i to javnom servisu. Jer tobože na studiju su ne popušaju, imenovani su tokom rata. Znam jako puno primjera, prema tome znam zbog čega sam govorio. Ja se u suštini slažem s onim što ste vi rekli bez obzira što ja prepoznajem šta vi između redova želite poručiti. Hvala.

Predsjedavajući:

Zahvaljujem uvaženi zastupniče Mariću. Druga diskusija uvaženi dopredsjedavajući Handžić Vibor, izvolite kolega imate riječ.

Dopredsjedavajući Handžić Vibor:

Zahvaljujem predsjedavajući. Ja imam potrebu u drugoj diskusiji još jednom da napomenem ono što sam rekao u prvoj. Dakle od broja ovih studenata o kojim govorimo i koji su obuhvaćeni ovim izmjenama, čini mi se preko 90% ne spada u kategoriju ljudi koji studiraju 20 godina i da pripadaju fakultetima koji su dosta kasnije za razliku od fakulteta društvenih grupacija počeli sa bolonjskim sistemom izučavanja nastave. Čak 2010, a neki fakulteti i kasnije. Apsolutno niko ovdje ne sputava niti ograničava niti na taj način, kao što je kolega Marić govorio, ne kritikuje ministra Krivića. Ovdje su zastupnici u 90% svojih diskusija govorili o realnim problemima u primjeni Zakona o visokom obrazovanju i stvarima koje se hitno moraju izmijeniti kako bi naredna školska godina funkcionisala normalno. Od toga ovdje imamo i zastupnike koji su ujedno i profesori na fakultetima i ko bolje od njih zna na koji način funkcionise primjena samog Zakona o šta može ugroziti početak funkcioniranja naredne školske godine. Što se tiče Nacrta koji se ovdje nešto kratko spominjao, niko apsolutno i ja sam to u svojoj diskusiji rekao, da je meni potpuno logično da gospodin Krivić kao novi ministar ima svoju viziju. Ovdje mi samo plediramo i apelujemo da se ta vizija što prije ukaže i ostvari, zato što donošenje novog Zakona neće služiti za neku internu upotrebu u Ministarstvu već od toga zavisi sudbina funkcionisanja nekoliko hiljada ljudi. Zahvaljujem.

Predsjedavajući:

Zahvaljujem uvaženi kolega Handžiću. U skladu sa članom 157. prelazimo na izjašnjavanje. Pošto nemamo više zastupnika koji su se prijavili za raspravu. Ja zaključujem raspravu. I molim zastupnika Marjanovića i kolegicu Duraković i kolegicu Kristić, kolegicu Kristić se već izjasnila da želi da se Skupština Kantona Sarajevo izjasni o amandmanu. Ostaje nam

amandmani uvaženog zastupnika Marjanovića. Da li vi ostajete pri svojim amandmanima ili povlačite amandmane? Kolegica Jasna Duraković da li vi možete se javiti da čujemo da li ostajete pri vašim amandmanima-

Poslanik/zastupnik Jasna Duraković:

Evo tu sam predsjedavajući. Zahvaljujem. Dakle ja ostajem pri amandmanu ali na način kako sam rekla, da zakažemo naravno narednu hitnu sjednicu ili redovnu sjednicu na kojoj će se razmatrati Nacrt Zakona o visokom obrazovanju i da se to inkorporira u tekst Zakona, taj amandman kako stoji. Dakle za današnju sjednicu neću tražiti izjašnjavanje obzirom da smo već objasnili o čemu se radi. Toliko hvala.

Predsjedavajući:

Zahvaljujem uvažena zastupnice Duraković. Kolega dopredsjedavajući Handžić mi je sugerirao da kolega Marjanović također odustaje od svojih amandmana jer će biti na narednoj sjednici razmatrati. Amandmani koje će radna grupa koju su već naveli i iste predložiti u skupštinsku proceduru. Kolegica Kristić Danijela je podnijela amandman. Čitam. A molim sekretara da napravi anketu kako bi zastupnici mogli da se izjasne o prijedlogu amandmana uvažene zastupnice Kristić.

Amandman I

U članu 180.st.(7) i (16) Zakona o visokom obrazovanju („Službene novine Kantona Sarajevo“ broj: 33/17) mijenja se i glasi:

„ (7) Lica koja su započela postdiplomski studij za sticanje stepena magistra nauka/umjetnosti i doktora nauka prema propisima koji su bili na snazi prije stupanja na snagu ovog zakona, imaju pravo steći naučni stepen magistra nauka/umjetnosti odnosno doktora nauka zaključno sa 30.09.2025.godine.“

„ (16) Student koji je započeo studij po predbolonjskom sistemu studija ima pravo, u skladu sa zakonom, isti okončati do 30.09.2025.godine.“

Molim zastupnike da se izjasne o prijedlogu amandmana uvažene zastupnice Kristić. Otvaram glasanje i molim zastupnike da se izjasne o prijedlogu zastupnice Kristić. Još 30 sekundi za glasanje. Izvolite. Molim da glasate. Zaključujem glasanje.

Konstatujem da smo sa 25 zastupnika koji su glasali ZA usvojili prijedlog amandmana uvažene dopredsjedavajuće Kristić. Protiv nije bilo nikoga a suzdržanih je bilo 6.

MOLIM ZASTUPNIKE DA PRISTUPE IZJASNJAVANJU O PRIJEDLOGU ZAKONA O IZMJENAMA ZAKONA O VISOKOM OBRAZOVANJU.

Otvaram glasanje. Molim sekretara da napravi anketu. Molim zastupnike da glasaju, anketa je otvorena. Još 20 sekundi za glasanje. Zaključujem glasanje.

ZA JE GLASALO 34 ZASTUPNIKA, PROTIV I SUZDRŽANO nije bilo.

KONSTATUJEM DA JE SKUPŠTINA DONIJELA OVAJ ZAKON.

Vraćamo se na tačku 18. a to je:

AD-18.

PRIJEDLOG ODLUKE O O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA PROJEKAT ENERGETSKE EFIKASNOSTI U JAVNIM ZGRADAMA SARAJEVO.

Bilo je pitanja. Da li je sada neko od članova Vlade spreman da odgovori na postavljeno pitanje uvaženog zastupnika dopredsjedavajućeg Handžića?

Ministar Faruk Kapidžić:

Hvala. Pa bilo je pitanje vezano za ovih 40 objekata i ovim sporazumom sa EBRD u tom sporazumu odluka Vlade je bila donesena u okviru toga je bio i spisak 40 objekata koji je izmijenjen tri su objekta izmijenjena, skinuta sa spiska, a stavljena su druga tri. Pa je pitanje bilo u tom pravcu koji su razlozi toga? Dakle sa EBRD kada smo došli ja sam imao jedan niz pregovora s njima i zahtijevao sam neke stvari da se poprave u vezi toga. Između ostalog bilo je da se izmijeni i ta tri objekta. To je da se ne radi u ovome Pravni fakultet, odnosno zgrada Rektorata, Gazi Husrev-begova medresa i Srednja škola primijenjenih umjetnosti. Umjesto njih smo stavili da se radi Veterinarski fakultet, Srednja medicinska škola i Pedagoški fakultet, zgrada na Skenderiji. To je isključivo urađeno iz razloga što ova tri ova tri objekta su jedina tri objekta pod zaštitom nacionalnih spomenika. Vrlo su specifična za raditi, i nisu se uklapali u tehnologiju i ono što je bilo predloženo čitavim programom rada. Dakle mnogo više para treba za ta tri objekta obzirom da su spomenici kulture. Pogotovo rad na fasadi i problemi npr na zgradi Rektorata mi imamo ono nakaradnu nadstrešnicu koja čuva da ne padaju cigle. Dakle ti problemi te tri zgrade nisu uopšte trebale biti tretirane i rješavani. E zbog toga sam ja tražio da se izbace ta tri objekta obzirom ako bi ušli u ovaj program finansiranja pitanje je da li bi mi mogli u narednom periodu obezbijediti kroz kredite i druge pravce koje možemo ostvariti za prave rekonstrukcije tih zaštićenih spomenika. Bilo bi upitno da li bi mogli ići dalje jer smo već potrošili na neki način tu mogućnost. Tako da smo ubacili tri objekta koji su zamjenski bili određeni isključivo zbog finansijskih sredstava uklapale su se u finansijska sredstva da ne bi mijenjali tu stavku povećavali i smanjivali. Eto. Hvala.

Predsjedavajući.

Zahvaljujem uvaženi ministre Kapidžić. Otvaram raspravu. Pitanja smo već završili uvažena zastupnice Bešlija. Mislim da trebate se prijaviti za diskusiju. Uvažena zastupnica Bešlija Vildana diskusija. Izvolite imate riječ.

Poslanik/zastupnik Vildana Bešlija:

Pa evo to je problem. Ja generalno imam pitanje, ali evo pokušat ću ga nekako performulisati, nadam se da će ministar uzeti u obzir ili obavijestiti nas o ovome. Mene sada interesuje ta tri objekta koja nisu ušla u ovu odluku u finansiranje da li ministar ima neki plan za narednu godinu, za naredni period ako je procjena bila, iako mi je to nejasno jer sam i diskutovala o tome da je prošao kompletan proces, navodila sam i određene članove tada na Skupštini da je kompletno sve prošlo, da tim koji radi ne samo u BIH, nego se radi i o stručnjacima koji rade i u regiji i šire, tako da mi nije jasna uopšte ova konstatacija da se to nije moglo početi raditi ali evo ako je situacija upravo takva interesuje me koji je plan, da li je razgovarao i da li ima nešto i sam ministar po pitanju toga u planu u buduću. Šta će se desiti sa ta tri objekta. Hvala vam.

Predsjedavajući:

Kolegice Bešlija ja bih vas lijepo molio da vaša pitanja koja ste naveli sada pretočite u inicijativu i pretpostavljam i vjerujem da će uvaženi ministar Kapidžić odgovoriti na ista. Obzirom da nemamo više zastupnika prijavljenih za raspravu. Ja zaključujem raspravu. I molim zastupnike da pristupe izjašnjenju a kolegicu sekretara Skupštine da napravi anketu kako bi mogli glasati.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA PROJEKAT ENERGETSKE EFIKASNOSTI U JAVNIM ZGRADAMA SARAJEVO.

ZAKLJUČUJEM GLASANJE. 21 ZASTUPNIK JE GLASAO ZA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke pet:

AD – 5.

PRIJEDLOG ZAKONA O IZMJENAMA I DOPUNAMA ZAKONA O PREKRŠAJIMA PROTIV JAVNOG REDA I MIRA - HITNI POSTUPAK

Prijedlog ste dobili u dopunskom materijalu. Molim predstavnika Predlagača da podnese uvodne napomene. Ko nam je za uvodne napomene, premijeru?

Ministre Jusko izvolite.

Ministar Ismir Jusko: UVODNO IZLAGANJE

Predsjedavajući:

Zahvaljujem ministre Jusko. Da li predstavnici radnih tijela žele riječ? Ima li pitanja? Ukoliko nema pitanja, otvaram raspravu. Da li imamo zastupnika za raspravu? Uvaženi zastupnik Konaković, izvolite imate riječ.

Poslanik/zastupnik Elmedin Konaković:

Hvala predsjedavajući. Pozdravljam naravno ovakve izmjene i dopune Zakona i pozivam kolege zastupnike da podržimo jednu ovakvu brzu mjeru i konstatujem sa žaljenjem da je i ovaj nivo vlasti i svi viši nivoi vlasti do sada propustili priliku ili nisu prihvatili naše sugestije da parlamenti u vrijeme pandemije rade više, da se zakoni donose brže kako ne bi smo došli u situaciju da danas, evo ne znam koliko mjeseci, ni sam ne znam nakon početka pandemije ispravljamo anomalije. Evo nisu ni anomalije, one stvari koje Zakon možda nije prepoznavao. Riječ je naravno o procesima koji su popadali listom ili mahom na sudu, u kojima smo izmaltretirali organe reda, prije svega policiju, tjeravši ih da sankcionišu ljude koji se nisu pridržavali naredbi nadležnih organa, kako danas u izmjenama ovog Zakona pretpostavlja i piše i ljudi su radili zaista Sizifov posao. Policajci su bili pritisnuti pritiscima, političkim, svjedočio sam jednoj takvoj situaciji da se hitno kažnjavaju počinioci, a s druge strane ko god je završio na sudu oslobođen je jer nije postojalo zakonsko uporište da se takve sankcije i prekršaji izriču. Dakle ovo je jednom pljuska cjelokupnom sistemu a podsjetite se da su čak neke izvršne vlasti htjele da potpuno zabrane parlamentima da rade. Vidjet ćete koliko ima još ovakvih anomalija, koliko naši zakoni nisu bili spremni za pandemiju i koliko su ljudi na terenu trpili. Dakle, potpuno podržavamo ministre Jusko vaš prijedlog, slažemo se s njim i znamo da će policiji na teretnu nakon usvajanja ovog Zakona i inspekciji, biti mnogo lakše raditi svoj posao jer mi zapravo tek od objave u Službenim novima, od dana stupanja ovih izmjena i dopuna na snagu, tek sada počinjemo zakonito uvoditi red tamo gdje je reda moralo biti u proteklih pet, šest mjeseci. Hvala.

Predsjedavajući:

Zahvaljujemo uvaženi zastupniče Konaković. Poturak Dževad nam je sljedeći zastupnik koji se javio za riječ. Kolega Poturak da li ste spremni?

Poslanik/zastupnik Dževad Poturak:

Jesam, spreman sam. Da li se čujemo? Zahvaljujem predsjedavajući. Selamim i pozdravljam sve prisutne prije svega. Želim da pohvalim i pozdravim predlagače izmjena i dopuna ovog Zakona jer su iste zaista neophodne. Naime, zakonom o prekršajima protiv javnog reda i mira se primjenjuje već 13 godina te u navedenom periodu nisu vršene dopune ili izmjene istog. Shodno društvenoj situaciji koja se mijenjala, odnosno samim društvenim kretanjima, pohvalno je vršiti izmjene istog, kako bi ovakav Zakon predstavljao kvalitetnu pravnu osnovu za poduzimanje određenih radnji nadležnih organa. Posebno ističem činjenicu i mislim na pojavu pandemije korona virusa i postojanje potrebe da se u cilju sprječavanja širenja istog uspješno i sa pravnom osnovom poduzimaju sve neophodne mjere i radnje nadležnih organa. Dosadašnje odredbe Zakona nisu imale osnov da nadležni organi sankcionišu one koji ne poštuju mjere nadležnih organa u vezi pojave pandemije korona virusa. Te ovakve izmjene i

dopune su zaista bile neophodne u situaciji koja nas je zadesila. Te ona osnovu svega smatram da ovaj Zakon treba da dobije podršku zastupnika u Skupštini. Isto tako ja želim da dodam da možda bi u budućnosti bilo poželjno razmisliti i o dopuni ovog Zakona u odnosu na postojanje kontinuiranog problema u Kantonu Sarajevo. A to je zagađenja zraka, gdje bi se takvom dopunom osigurao pravni osnov za kontrolu i poduzimanje radnji nadležnih organa, odnosno sankcionisanje onih koji se ne bi pridržavali eventualnih naredbi i mjera koje bi se ticale zaštite stanovništva uslijed pojave zagađenja zraka, tj npr par-nepar mjera ili neka druga mjera. Nadležni organi ne mogu sankcionisati zbog nepoštivanja jer takav prekršaj nije predviđen ovim zakonom. Zahvaljujem predsjedavajući.

Predsjedavajući:

Zahvaljujem uvaženi zastupniče Poturak. Ukoliko se. Ja se izvinjavam, kolegica Šahman se prijavila za diskusiju. Kolegice imate riječ izvolite.

Poslanik/zastupnik Bilsena Šahman:

Zahvaljujem predsjedavajući. Pozdravljam sve kolege koji prisustvuju Skupštini i naše gledaoce. Naravno zahvaljujem predlagачu. Želim da ohrabrim MUP i upravu policije zajedno sa drugim organima, prije svega mislim na Ministarstvo pravde pokrene aktivnosti na sveobuhvatnim izmjenama Zakona jer kako se navodi u razlozima za donošenje ovih izmjena i dopuna, očigledno je da je Zakon prilično ostario, i da je u skladu s ukupnim društvenim kretanjima potrebno je početi aktivnosti na prilagođavanju kako današnjoj epidemiološkoj situaciji tako i drugim promjena i neophodnostima, evo upravo i ovo što je rekao kolega Poturak, pa i jedne inicijative za pse što sam predložila, tako da ministre Jusko svaka čast na ovome i mislim da trebate što prije uraditi još nekih izmjena u vašem resoru. Zahvaljujem.

Predsjedavajući:

Zahvaljujem uvažena zastupnice Šahman, ukoliko se više niko ne javlja za riječ ja zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O PREKRŠAJIMA PROTIV JAVNOG REDA I MIRA.

Molim zastupnike da glasaju. Zaključujem glasanje.

ZA JE GLASALO 32 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVAJ ZAKON.

Prelazimo na realizaciju tačke šest:

AD – 6.

PRIJEDLOG ZAKONA O IZMJENI ZAKONA O UDŽBENICIMA U KANTONU SARAJEVO - SKRAĆENI POSTUPAK

Prijedlog ste dobili u dopunskom materijalu. Nekome je uključen mikrofona, molim da isključite. Zahvaljujem.

U skladu sa članom 158. stav 2) Poslovnika Skupštine Kantona Sarajevo molim predstavnika Predlagачa da nam ukratko obrazloži razloge za donošenje Prijedloga zakona po skraćenom postupku. Izvolite ministre Kriviću.

Ministar Anis Krivić:

Poštovanje, dobar dan. Naime Zakon o udžbenicima u Kantonu Sarajevo stupio je na snagu u osmom mjesecu 2019 godine. Ministarstvo za obrazovanje, nauku i mlade Kantona Sarajevo

pokrenulo je postupak izrade nastavnih programa zasnovanih na ishodima učenja. Odnosno kurikulum Kantona Sarajevo za predškolski, osnovno školski odgoj i obrazovanje, i srednjoškolsko obrazovanje u Kantonu Sarajevo. Nakon čega bi trebalo pristupiti izradi udžbenika u skladu sa rezultatima kurikularne reforme, odnosno predmetnih kurikuluma. U ovom momentu ne bi bilo opravdano da Ministarstvo u 2020 godini preduzme aktivnosti na donošenju spiska udžbenika u Kantonu Sarajevo a da se paralelno provodi reforma izrade nastavnih planova i programa zasnovanih na ishodima učenja a koja će za rezultat imati nove nastavne planove i programe na osnovu kojih će se izraditi udžbenici. Dakle, navedena izmjena odnosni se na datum primjene ovog Zakona. I sama primjena nije moguća početkom ove školske godine, pa stoga smo predložili izmjenju datuma primjene Zakona, a koja je u prilogu materijala. Hvala vam.

Predsjedavajući:

Zahvaljujem uvaženi ministre. Ima li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA SE IZJASNE DA LI ĆEMO PRETRES PRIJEDLOGA ZAKONA O IZMJENI ZAKONA O UDŽBENICIMA U KANTONU SARAJEVO PROVESTI PO SKRAĆENOM POSTUPKU.

Molim zastupnike da glasaju za prijedlog da se Zakon razmatra u skraćenom postupku. Zaključujem glasanje.

ZA JE GLASALO 30 POSLANIKA, PROTIV I SUZDRŽANIH nije bilo.

KONSTATUJEM DA JE SKUPŠTINA PRIHVATILA PRIJEDLOG DA SE PRETRES PRIJEDLOGA ZAKONA PROVEDE PO SKRAĆENOM POSTUPKU.

Molim predstavnika Predlagača da podnese uvodne napomene. Ministre Kriviću vi ste već dali uvodne napomene, evo ako želite možete ponoviti ako želite. Ministre Kriviću da li se čujemo? Izvolite.

Ministar Anis Krivić: UVODNO IZLAGANJE

Predsjedavajući:

Zahvaljujem uvaženi ministre Kriviću. Da li predstavnici radnih tijela žele riječ? Uvaženi zastupnik Konaković ima pitanje, izvolite uvaženi zastupniče Konaković.

Poslanik/zastupnik Elmedin Konaković.

Evo glasali smo ministre Kriviću da ide u skraćeni postupak a nekako ste vrlo površno objasnili. Dajte nam malo detaljnije objasnite koji je period od usvajanja Zakona do danas prošao, šta neko u Ministarstvu nije uradio. Dakle, vrlo ste površno, eto Zakon je usvojen, ne može se početi primjenjivati sada, mora (nerazumljivo). Šta smo to izgubili u još jednom jako važnom Zakonu kom smo ovdje čini mi se jednoglasno dali podršku, u sastavima Vlada u promjenama Vlada, nismo imali tu dilemu. Ministar Kazazović je to najavljivao, ministrica Bogunić to predlagala, tako mi se čini, vi ste sada došli. Šta se dešava, zašto nismo spremni za početak ove školske godine i da li ima neko odgovoran u Ministarstvu zato što nismo?

Predsjedavajući:

Zahvaljujem uvaženi zastupniče Konakoviću. Obzirom da nemamo više prijavljenih zastupnika za pitanja, ja dajem riječ uvaženom ministru Kriviću da odgovori. Kolega izvolite, imate riječ.

Ministar Anis Krivić:

Hvala vama. Hvala vam na pitanju uvaženi zastupniče Konaković. Dakle, odgovor na pitanje je da kažem vrlo jednostavan i zaista su objektivni razlozi. Naime, kurikularna reforma kao jedan veći proces koji podrazumijeva između ostalog i testiranje učenika u klupama. Evo ja ću

samo par teza reći za izradu samog kurikuluma. Da bi smo, i pojasnit ću to na jedan jednostavan način. Da bi smo mogli dobiti nove udžbenike oni se moraju referirati na određene nastavne planove i programe. Da bi smo nastavne planove i programe mogli da izmijenimo kako bi bili kvalitetniji i kako bi smo ih usmjerili ka ishodima učenja, dakle nećemo se više fokusirati na to šta je potrebno šta dijete zna, nego šta želimo da dijete u konačnici zna. Da bi takav jedan postupak mogao da se privede kraju, bilo je potrebno oformiti timove koji rade na kurikularnoj reformi i koji rade već duže vrijeme. Ono što oni nisu bili u mogućnosti da okončaju na vrijeme jeste samo testiranje učenika budući da učenici nisu bili u klupama zbog pandemije. Evo to je jedini razlog zbog čega mi danas nemamo kurikulum Kantona Sarajevo a koji je preduvjet da bi smo mogli primjenjivati ovaj zakon o udžbenicima. Meni je, ja podjednako žalim što nismo bili u takvoj prilici. Mi smo razmatrali razne mogućnosti testiranja djece. Naime, imali smo određene kontrolna odjeljenja djece koja su već radila po novim nastavnim planovima i programima, paralelno sa planovima i programima koji su sada na snazi, a imali smo i kontrolna odjeljenja. Pa je bilo neophodno izvršiti testiranje kako bi smo znali da ovo što se radi je korisno. Budući da to testiranje nismo mogli sprovesti na pravilan način jer djeca nisu bila u klupama, onda su ljudi koji se bave kurikularnom reformom obavijestili i naravno radili smo konsultacije da vidimo da li može izvršiti to testiranje. Njihovo je mišljenje bilo da je mnogo važnije izvršiti kvalitetno testiranje, imati bolje rezultate nego žuriti sa kurikularnom reformom. I bili su jasnog stava da se samo testiranje ne može realizirati online platformom. Evo, to je jedini razlog zbog čega mi kurikulum Kantona koji je preduvjet za primjenu ovog Zakona nemamo i ne preostaje nam ništa drugo nego da ga odgodimo za iduću godinu. Hvala.

Predsjedavajući:

Zahvaljujem uvaženi ministre Kriviću. Otvaram raspravu. Prva se javila uvažena zastupnica Segmedina Srna Bajramović.

Poslanik/zastupnik Segmedina Srna Bajramović:

Hvala predsjedavajući još jednom. Pa evo, kada je u pitanju ova izmjena Zakona, moram reći neke stvari, jer se smatram na neki način suodgovornom zašto nismo u stanju važne reformske procese u našem društvu izolovati od naših mogu reći toksičnih političkih odnosa. Na žalost, svjesna sam da se radi o kratim praktičnim izmjenama, koje ipak suštinski ukazuju da ne znamo voditi reformske procese, i da nam očigledno smjene parlamentarnih većina vrlo često preusmjere fokus i vrijeme na kadrovske križaljke dok suštinska pitanja rješavamo pomjeranjem rokova. Najpogubnije je da u najvažnijim reformama za perspektivu našeg društva, kao što je obrazovanje, mi pokazujemo maksimalnu neozbiljnost i političku neodgovornost. Ne govorim dakle ni o kome pojedinačno nego o svima nama zajedno. Udžbenici su okosnica mnogih važnih procesa u sistemu obrazovanja i jasno je da pomjeranje roka znači isključivo relaksirajuću vremensku odrednicu koja i dalje ambiciozna ako se nastavimo ovako ponašati. Novi propisi su definitivno najavljeni kao pozitivna promjena u vidu prilagođavanja novim trendovima i standardima što je važno s aspekta naše dugoročne transformacije prema društvu znanja. Dakle, reforma i novi zakoni skrojeni su tako da ne opterećuju niti školske torbe učenika niti novčanike roditelja. Te iz tih razloga vrlo važno da implementaciju detaljno planiramo i efikasno realiziramo. Na kraju, moramo biti svjesni da u provođenju velikih reformi, kao što je ova, udžbenici predstavljaju iznimno važne karike u procesima primjene novih praksi oko udžbenika i propisa koji su za njih definisani. Zato pozivam sve nas zajedno da se politički uozbiljimo i praktično organizujemo da novi rok istinski bude i stvarna realizacija udžbeničke reforme. Zahvaljujem.

Predsjedavajući:

Zahvaljujem uvažena zastupnice Segmedina Srna Bajramović. Čekamo da vidimo da li će se još neko prijaviti. Zastupnik Konaković Elmedin ima riječ. Izvolite kolega Konakoviću.

Poslanik/zastupnik Elmedin Konaković:

(nerazumljivo)i ovaj prijedlog nećemo (nerazumljivo).

Predsjedavajući:

Loš vam je signal zastupnice Konaković, ništa vas nismo čuli, molim vas da ponovite.

Poslanik/zastupnik Elmedin Konaković:

Predsjedavajući, evo čujete li me. Kratko ću vrlo. Nećemo ništa opstruirati ni prekidati, neće djeca trpiti naša politička prepucavanja, s kolegicom Srna slažem se apsolutno. Samo hoću još par rečenica da kažem. Dakle znamo mi ministre Kriviću, i vi i ja i svi mi ovdje u sali koliko nam te komisije za kurikulare već dugo rade. Znamo da mi da neki od njih koji su tu imenovani i povučeni sa svojim radnih mjesta na malo veće plate ljudima je nezgodno što ništa ne rade navodno ni dan danas neki od njih nemaju ni računare ni kancelarije. I to je to što u procesu obrazovanja apsolutno stoji. Apsolutno uvažavam činjenicu da je COVID i ovo testiranje, to je argument kojim ste odgovorili adekvatno ali sve prije toga i jeste upravo to politiziranje i jedan nerad koji nije bio artikulisan. Nisam htio replicirati kolegi Mariću prošli put jer ja se osjećam odgovornim naravno i govorio sam često o tome šta smo mi to promašili u tim zakonima. I ovo smo između ostalog promašili ali to nije razlog da se stvari ne rade dalje. Vi ste vrlo ambiciozno najavljivali brze reforme i podsjećam vas za sedam dana bit će punih šest mjeseci od kada je ova Vlada imenovana. Vi ste 03.marta sjeli u te vruće stolice i ovdje se odluke moraju donositi mnogo brže, hrabrije a pogotovo se ljudi kojima ste nadležni moraju tjerati da više rade ukoliko oni ne rade. Hvala.

Predsjedavajući:

Zahvaljujem uvaženi zastupnice Konakoviću. Kolegica Kerla Bibija je sljedeća zastupnica koja se prijavila za raspravu. Kolegice imate riječ, izvolite.

Poslanik/zastupnik Bibija Kerla:

Interesantno je kako opozicija koristi svaki momenat da kritikuje Vladu koja trenutno radi. A što se mene tiče ovaj Zakon treba podhitno usvojiti jer u članu 33. član 121 Zakona o osnovnom odgoju i obrazovanju izmjene su opravdane, pogotovo u članu 121 jer bi u protivnom u Kantonu imali velikih problema sa radnom snagom, budući da veliki broj nastavnika nema završen drugi ciklus Bolonje a bez toga fali nastavnika informatike, tehničke kulture i njemačkog jezika i još nekih profila. Da su plaće u obrazovanju veće ovih problema ne bi bilo. I ja smatram da nema potrebe da dalje diskutujem što se tiče ovog Zakona da se napravi anketa i da se ide na glasanje. Hvala lijepo.

Predsjedavajući:

Zahvaljujem uvažena zastupnice Kerla. Kolega Jakupović Vedran je sljedeći zastupnik koji treba da diskutuje. Da li ste vi spremni kolega Jakupović?

Poslanik/zastupnik Vedran Jakupović.

Ako se čujemo, jesam. Ja bih samo da kažem kao što je kolega Konaković rekao da ćemo podržati da ne bi smo zaustavljali procese, ali procesi su tako spori i toliko dugo traju da ovo već postaje frustrirajuće. Uključen sam u cijelu priču oko kurikularne reforme kroz rad komisije za obrazovanje iz koje sam izbačen nakon dolaska nove vlasti. A zanimalo me, možda sam trebao postaviti pitanje koliko je novca potrošeno za ovo što nije urađeno? Koje su razlike plata tih ljudi koji su prešli sa svojih normalnih radnih mjesta? Da li je to urađeno i na kakav način? Znamo da je ministrica Zineta Bogunić vodila te procese. Ne očekujem da se bilo šta uradilo kako treba. Neću personalizirati bilo šta. Podržati ćemo rok, ali ćemo pratiti i vjerujte da nećemo biti ako ministar Krivić bude na tom mjestu, kada ovaj rok prođe, nećemo biti nimalo nježni prema eventualnom narednom produžavanju nekog roka zbog nekakvih testiranja koja se kao ne mogu obaviti online. Tako da ako se ne budu mogli fizički obaviti, onda smislite način kako ćete obaviti online.

Predsjedavajući:

Zahvaljujem uvaženi zastupniče Jakupović. Dević Mahir je sljedeći zastupnik. Izvolite, imate riječ.

Poslanik/zastupnik Mahir Dević:

Zahvaljujem predsjedavajući. Pa imam potrebu da se podsjetimo samo onoga što smo mi kao Klub SDA govorili kada je ovaj Zakon najavljivan od tadašnje većine u Skupštini Kantona Sarajevo, kao nešto što je revolucionirano u Kantonu Sarajevo, kao nešto što je jako važno da se donese. Podsjetiti ću da smo tada kao Klub govorili da donosimo Zakon koji se neće moći primijeniti, i da nije bilo korone i ovih testiranja mi bi imali naravno probleme s ovim zakonom. Dobro je malo da se kolege čini mi se pojedine malo posipaju pepelom jer su shvatili sada sve te promašaje u zakonima koje su napravili, pa su tako napravili naravno i promašaj u Zakonu u visokom obrazovanju, pa su napravili promašaj i u ovom Zakonu o MUP-u, pa su evo napravili ove promašaje itd. Ali desi se to naravno i uslijed i neznanja i nespremnosti i nekada zbog političkih okolnosti, ali nema potrebe da se to sve najavljuje kao neka revolucija, kao nešto će se sada spektakularno desiti. Znači imao sam potrebu da to kažem, i naravno zamolit ću stručnu službu Skupštine Kantona Sarajevo da diskusije koje je tada vodio Klub SDA na ovu temu dostavi kolegi Konakoviću putem maila da ih pročita. Nije to tako davno bilo. Nek ima u arhivi čisto radi kontinuiteta političkih stavova ovo što smo mi govorili da mu dostave. Hvala.

Predsjedavajući:

Zahvaljujem uvaženi zastupniče Deviću. Podnesite zastupničku inicijativu i mi ćemo to dostaviti. Kolega Konaković replika.

Poslanik/zastupnik Elmedin Konaković:

Pa ja kolegi Deviću govorim šta da mi kaže pa da mu ja odgovorim. Da vi niste p(nerazumljivo) oteli vlast 16+2, i da ja nisam pogriješio s imenovanjem ministre Bogunić lično, zato preuzimam odgovornost, a vi je u zvijezde ukivali, kada je izmišljala na toj političkoj sceni, ovo se ne bi desilo. Tu bi sjedili ozbiljni ljudi, kontrolisao bi se proces, ne bi to bili politički direktori kojima je važno isključivo da li će biti dva mandata na čelu škole, kako bi stranka pobjeđivala u toj opštini. Nego bi to bila čista struka. I naravno, ja ako niste primijetili kolega Deviću, najviše sam se puta posuo pepelom za procese koje sam vodio dok sa bio sa vama u istim klupama. I nekih me je zaista i danas sramota. Neke smo mi popravili brzo a neke smo trebali i sada ćemo ako bog da ubrzo mi to popravljati, ali recimo ovo je jedan od primjera da je ostala normalna forma vlasti bez previše političkog uticaja naravno ministar Krivić ima, i Vlada ima s jedne strane alibi zbog ove korone, ali bi ovi procesi bili potpuno drugačiji. Mnogo bi to bilo brže, nego, i pitanje da li bi ste vi mogli danas konstatovati da ste tada bili u pravu, a eto vaša ministrica koju sam ja imenovano, i rekli ste da je vaša na kraju, zaista nije dobro vodila taj proces, tu se slažem s vama. Hvala.

Predsjedavajući:

Zahvaljujem uvaženi zastupniče Konakoviću. Odgovor na repliku Dević Konakoviću. Izvolite.

Poslanik/zastupnik Mahir Dević:

Naravno kolega da ste vi strašno mnogo stvari pogriješili od kada činite vlast u Kantonu Sarajevo ispred bilo koje političke partije u posljednjih 15 godina. I ne bi se tu ništa promijenilo i da je stara Vlada ostala. Istu bi mi situaciju imali oko ovoga, istu bi vi situaciju imali oko Zakona o MUP-u, istu ste vi situaciju napravili oko Zakona o visokom obrazovanju. Zašto se to sve dešava? Pa zato što vi to vrlo populistički najavljujete, i jako površno ulazite u suštinu. Vaše izmjene Zakona su obično populističke, političke, često puta koriste se u lične

obračune, i naravno da iza velikih riječi stoje mala djela. To je ono što ja u kontinuitetu govorim kada vi se referirate o bilo kojoj oblasti, koja je van vaše oblasti da kažem. A vaša je oblast je ako sam dobro informisan, oblast tjelesnog odgoja. Ali naravno vi ste sveznalica u svim tim procesima i vi ovdje nama držite lekcije posljednjih 10 godina i onda kada se pokaže da niste bili u pravu vi na neki vješt način pokušavate da se sakrivete iza pamfleta kako ne znam, Zineta Bogunić naša ministrica iz SDA. Zna se vrlo dobro kako vi radite. Prvo postavite ljude kao fol nestranačke kadrove a onda su vam takvi direktori VIK-a kandidati za načelnika itd. To su vicevi koji su naravno ispričani u Kantonu Sarajevo i jasni su i maloj djeci. Dobro bi bilo da konačno jednom preuzmete odgovornost za one postupke gdje pogriješite. A jako ste puno toga pogriješili. Sjetite se naših diskusija, tada smo vam govorili ne žurite sa ovim zakonom, ne može ovaj Zakon ići prije nego što se sve ovo uskladi. Vi ste hiljadu jezika okrenuli protiv toga da mi zaustavljamo, da smo mi protiv. I danas vas ovo dočeka. I evo da vam kažem pošto je meni ovo uža oblast obrazovanja, i da vam nije bilo korone i da je vaša Vlada bila, ovo s ovim zakonom vam ne bi zaživjelo. Ali to se tada vama naravno nije moglo dogovoriti ni na koji način. Hvala.

Predsjedavajući:

Zahvaljujem. Imamo repliku uvažene zastupnice Kerle. Ja se izvinjavam, kolegica sekretarka mi nagovještava da je bila poslovnička intervencija, samo da vidim od koga. Kolega Vedran Jakupović poslovnička intervencija. Meni kasne malo poruke. Ja se izvinjavam. Kolegica Kerla ima repliku za uvaženog zastupnika Devića. Nakon uvažene Kerle imat ćemo ponovo repliku uvaženog zastupnika Konakovića Deviću. Ne možemo dati odgovor jer je to poslovnička odredba.

Poslanik/zastupnik Bibija Kerla:

Pa s obzirom po kritici, odnosno diskusiji gospodina Konakovića u prošloj Vladi uopšte nije bilo politike. Stavljam distancu i kažem ironija. Ja molim gospodina Devića ne samo Konakoviću nego i svim ostalim zastupnicima u Skupštini Kantona Sarajevo dostavi diskusije koje su vođene povodom ovog pitanja. Hvala lijepo.

Predsjedavajući:

Replika uvaženog zastupnika Konakovića Deviću. Izvolite.

Poslanik/zastupnik Elmedin Konaković:

Samo da konstatujem da sam imao prednost prije kolegice Kerle jer smo nas dvojica u repliciranju i odgovorima. Replike imaju prednost. A neću (nerazumljivo) nakon ovog što je rekla kolegica Kerla, odustajem od rasprave. Hvala.

Predsjedavajući:

Odgovor uvaženog zastupnika Devića na repliku uvaženog zastupnika Konakovića, izvolite kolega Deviću imate riječ.

Poslanik/zastupnik Mahir Dević:

Odustajem, mislio sam da će nešto kolega Konaković kazati novo pa da mu odgovorim, ali pošto nije ništa, nemam ništa. Hvala.

Predsjedavajući:

Zahvaljujem. Da li imamo zastupnika koji žele da diskutuju po osnovu ovog Prijedloga Zakona o izmjenama Zakona o udžbenicima u Kantonu Sarajevo po skraćenom postupku? Ukoliko se više niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENI ZAKONA O UDŽBENICIMA U KANTONU SARAJEVO.

Molim zastupnike da glasaju. Otvaram glasanje. Zahvaljujem i zaključujem glasanje.

ZA JE GLASALO 33 ZASTUPNIKA, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVAJ ZAKON.

Prelazimo na realizaciju tačke sedam, a to je:

AD – 7.

PRIJEDLOG ZAKONA O IZMJENAMA I DOPUNAMA ZAKONA O OSNOVNOM ODGOJU I OBRAZOVANJU - SKRAĆENI POSTUPAK

Prijedlog ste dobili u dopunskom materijalu.

U skladu sa članom 158. stav 2) Poslovnika Skupštine Kantona Sarajevo molim predstavnika Predlagača da nam ukratko obrazloži razloge za donošenje Prijedloga zakona po skraćenom postupku. Kolega Krivić da li se čujemo? Izvolite imate riječ.

Ministar Anis Krivić:

Poštovanje, dobar dan. Naime, u članu 33. važećeg Zakona o osnovnom odgoju i obrazovanju, propisan je način realizacije odgojno obrazovnog rada u slučaju proglašenja prirodne katastrofe, elementarne nepogode, stanja neposredne ugroženosti, ratnog stanja. Pa stavom 10) tog istog člana definirano je da odluku o tome donosi Vlada Kantona Sarajevo na prijedlog ministra. Međutim, imajući u vidu iskustvo koje smo imali u vremenskom periodu od proglašenja stanja nesreće, članom 1 Prijedloga Zakona o izmjenama i dopuni Zakona o osnovnom odgoju i obrazovanju, predviđena je dopuna kojom će se pojednostaviti procedura donošenja odluke o načinu izvođenja nastave. Odnosno olakšati prelazak sa kabinetske na online nastavu, u vidu davanja saglasnosti školama od strane ministra. Stavom 2) istog člana predloženo je donošenje bližeg detaljnijeg propisa o načinu i uvjetima izvođenja online nastave. U članu 36. u stavovima 6) na dalje, članom 36 u stavovima 6 i 7) preciziran je sedmični odnosno dnevni broj časova koje mogu imati učenici od IV do IX razreda osnovne škole. Pedagoškim standardima i normativima za OŠ, propisano je da se odjeljenja koja broje više od 20 učenika dijele u dvije grupe za nastavne predmete koji sadrže praktični dio nastave, kao što su informatika, kultura življenja, osnovne tehnike. No, propisana podjela odjeljenja u grupe rezultirala je do sada problemima prilikom izrade rasporeda u školama koje imaju veliki broj učenika a nedovoljan broj učionica. Stoga su takve škole izrađivale raspored i održavale nastavu iz pomenutih predmeta na način da jedno odjeljenje u toku sedmice ima jedan čas više u odnosu na broj časovima propisan članom 36 Zakona. A naredne sedmice to isto odjeljenje bi imalo jedan čas manje. Ovakav raspored održavanja nastave predstavlja kršenje zakonske odredbe i rezultira novčanim kažnjavanjem odgovornog lica iz škole od strane nadležnih inspeksijskih organa. Stoga smo predložili dopunu člana 36 Zakona o predloženom da se olakša izrada rasporeda za učenike od V do IX razreda ali se svakako ne uvodi čas više već se samo na zakonski način nalazi rješenje da se prevaziđe gore navedeni opisani problem koji sam upravo rekao. I u članu 121 važećeg Zakona o osnovnom odgoju i obrazovanju propisano je da radnici sa završenim prvim ciklusom Bolonjskog visokoobrazovanog procesa mogu zasnovati radni odnos na poslovima nastavnika do 01.09.2020.godine. Međutim zbog nedostatka radnog kadra u školama sa ovom stručnom spremom odnosno postojanja deficitarnih zanimanja koja su ustanovljena provođenjem prethodnih konkursa, odlučili smo se na izmjenu Zakona na način da se članom 2. Prijedloga Zakona o izmjeni i dopuni Zakona o osnovnom obrazovanju izvrši promjena datuma. Dakle, praktično izmjene o kojima govorimo su također da kažem tehničkog karaktera. Treća i najznačajnija, budući da se nastavni proces ne bi mogao realizirati jer znamo sa sigurnošću da dovoljan broj kadrova se ne bi prijavio na konkurse da se može realizirati sama nastava, i evo mogu da da kažem i ova prva koja je i odgovor na samu pandemiju, kako bi smo imali puno brže procedure, da nam Zakon omogućava da možemo da se prebacimo na online nastavu

koju smo i do sada provodili. Ovo ne znači svakako da nastava koja je realizirana u prošlom periodu je bila nezakonita, već samo nalazimo bolji i efikasniji put. Hvala vam.

Predsjedavajući:

Zahvaljujem. Ima li pitanja? Ima kolega Dević pitanje, izvolite kolega Deviću pitanje za skraćeni postupak.

Poslanik/zastupnik Mahir Dević:

Predsjedavajući nije pitanje bilo za skraćeni postupak, već za samu tačku dnevnog reda.

Predsjedavajući:

Moramo se izjasniti prvo za prethodno pitanje koje smo naveli. Otvaram raspravu. Kolega Poturak Dževad. Izvolite imate, ali govorimo samo o skraćenom postupku, naknadno ćemo kada otvorimo tačku o samom Zakonu. Izvolite kolega Poturak.

Poslanik/zastupnik Dževad Poturak:

Što se tiče ove tačke dnevnog reda, želim da istaknem sljedeće, na moju inicijativu koju sam kao zastupnik uputio na sjednici Skupštine kada je došlo do prvobitne pojave koronavirusa u našem Kantonu, a to je da dođe do obustave nastavnog procesa u samim školama zbog sigurnosti.

Predsjedavajući:

Kolega Konaković, poslovnička intervencija. Ja se izvinjavam uvaženi zastupniče Poturak, pretpostavljam da niste čuli. Ja vas lijepo molim da ostavite raspravu kada otvorimo tačku. Sada govorimo samo o dijelu skraćenog postupka. Poslovnička Konaković izvolite.

Poslanik/zastupnik Elmedin Konaković:

Pa nisu krive kolege zastupnici, ministar Krivić već drugi put u obrazlaganju razloga za skraćeni postupak uđe u objašnjavanje suštine Zakona. I tako vjerovatno ponuka zastupnike. Dakle molim vas da objasnite ministru Kriviću iako ministre šest mjeseci će biti kako ste imenovani, za sedam dana. Objašnjavate razloge kada je hitna hitnost, skraćeni zašto skraćeni. A kasnije nam u drugom krugu objašnjavate suštinu Zakona. Ono što ste oba puta uradili pa kolege krenu diskutovati. Hvala vam.

Predsjedavajući:

Zahvaljujem na sugestiji. Ja sam to već kada smo razmatrali prethodni Zakon o udžbenicima naglasio da se samo referišemo vezano za skraćeni postupak. Da li imamo nekoga za raspravu o skraćenom postupku da se razmatra Zakon? Ukoliko nemamo ja zaključujem raspravu.

MOLIM ZASTUPNIKE DA SE IZJASNE DA LI ĆEMO PRETRES PRIJEDLOGA ZAKONA O IZMJENAMA I DOPUNAMA ZAKONA O OSNOVNOM ODGOJU I OBRAZOVANJU PROVESTI PO SKRAĆENOM POSTUPKU.

Otvaram glasanje i molim zastupnike da glasaju u viber grupu. Zaključujem glasanje.

ZA JE GLASALO 29 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA PRIHVATILA PRIJEDLOG DA SE PRETRES PRIJEDLOGA ZAKONA PROVEDE PO SKRAĆENOM POSTUPKU.

Molim predstavnika Predlagača da podnese uvodne napomene. Izvolite uvaženi ministre Kriviću imate riječ.

Ministar Anis Krivić:

Zahvaljujem se na sugestijama. I budući da sam ja u suštini već obrnuo ovaj postupak, da sam uvodnu riječ već rekao, ukoliko predsjedavajući dopušta ja mogu dvije rečenice reći vezano za hitnost postupka, pošto očigledno je da sam to propustio učiniti. Pa ukoliko mi dopustite.

Predsjedavajući:

Uvaženi ministre, nije bio hitni postupak, bio je skraćeni postupak.

Ministar Anis Krivić:

Skraćeni, da, da. Ako dopuštate ja mogu dvije rečenice.

Predsjedavajući:

Već ste uvodne napomene dali, mislim da trebamo krenuti dalje. Već ste uvodne napomene dali. Da li predstavnici radnih tijela žele riječ? Ja vam se zahvaljujem ministre, isključite mikrofonsamo. Niko. Ima li pitanja? Ima uvaženi kolega Dević pitanje. Kolega Deviću da li ste spremni? Ako jeste imate riječ.

Poslanik/zastupnik Mahir Dević:

Predsjedavajući hvala vam. Pitanje za ministra. S obzirom daje ostalo svega nekoliko dana do početka školske godine, da bi direktori srednjih i osnovnih škola, odnosno u konkretnom slučaju osnovnih škola, mogli angažirati stručni kadar, koji će biti u skladu sa navedenom izmjenom. Da li ste u ovim izmjenama koje planirate danas da usvoji Skupština Kantona predvidjeli da one stupe na snagu danom donošenja a da će se objaviti u službenim novinama jer ukoliko budete čekali objavu u službenim novinama koja će trajati evo nekih šest, sedam, ili već ne znam koliko, doći ćete u situaciju da će vam početi školska godina, a nećete biti u stanju da ovi koji imaju prvi ciklus bolonjski da budu angažovani u nastavnom procesu. Da li ste predvidjeli jednu takvu izmjenu ovog člana?

Predsjedavajući:

Zahvaljujem uvaženi zastupniče Deviću. Obzirom da nemamo više postavljenih pitanja, molim ministra da odgovori na postavljena pitanja uvaženog zastupnika Devića. Kolega Krivić izvolite ministar.

Ministar Anis Krivić:

Uvaženi zastupniče hvala vam na pitanju. Ono što smo mi pretpostavili i ono što smo ovom izmjenom predložili jeste da kada govorimo o stupanju na snagu, ovaj Zakon stupa na snagu narednog dana od dana objavljivanja u službenim novima Kantona Sarajevo. To smo predložili tada kada smo ovu tačku i uvrstili na dnevni red, kada smo je uputili na dnevni red Skupštine Kantona Sarajevo. Mi nismo mogli znati da će se Skupština održavati danas. To bi eventualno moglo predstavljati problem. Ali budući da evo ako se usvoji danas vezano za samo angažiranje mi bi smo tu mogli biti da kažem u jednom škripcu od par dana ali i mislim ono bi bilo bolje da možemo imati Zakon koji stupa na snagu odmah. Ono što smo predložili je kako sam i objasnio. Hvala.

Predsjedavajući:

Zahvaljujem uvaženi ministre Kriviću. Molim vas samo da isključite mikrofonsamo. Kolega Deviću i vama je ostao mikrofonsključen. Ja ću ga isključiti. Obzirom da nemamo više odgovora ministra Krivića. Otvaram raspravu i prvi se prijavio uvaženi zastupnik Poturak Dževad. Izvolite kolega. Da li ste spremni? Izvinite, imate riječ, maloprije smo vas prekinuli ali razumjeli ste zbog čega. Zahvaljujem se na razumijevanju. Imate riječ.

Poslanik/zastupnik Dževad Poturak:

Naravno da sam razumio ali eto pošto sam u samom izlaganju čuo vezao za korona virus, morao sam da se osvrnem na to i ponovit ću da sam kao zastupnik uputio na sjednici

skupštine kada je došlo do prvobitne pojave korona virusa u našem Kantonu, a to je da dođe do obustave nastavnog procesa u samim školama zbog sigurnosti zaštite naše djece od korona virusa. Resorni ministar Anis Krivić je moju inicijativu prepoznao i pozdravio te se maksimalno angažovao u realizaciju online nastave. A sve kako bi sačuvali zdravlje naših najmlađih i budućih generacija. Brzina i kvalitet reagovanja i sposobnost resornog ministra u ovoj situaciji koja je zadesila cijeli svijet i napravila velike probleme u sistemima obrazovanja, pa tako i kod nas, zaista je za svaku pohvalu, posebno kada uzmemo činjenicu da koncept online nastave u našem Kantonu Sarajevo nikada nije postojao u ovakvom obliku. Navedene i predložene izmjene i dopune ovog Zakona su neophodna zakonska pretpostavka za što kvalitetnije izvođenje nastavnog procesa, posebno u vanrednim okolnostima kao što je situacija s pojavom pandemije, te smatra da je potrebno podržati ovakve napore resornog ministra u cilju efikasnosti odvijanja nastavnog procesa i zaštite zdravlja i života naših najmlađih i naravno njihovih porodica. Zahvaljujem predsjedavajući.

Predsjedavajući.

Zahvaljujem uvaženi zastupniče Poturak. Konaković Elmedin je sljedeći zastupnik. Konakoviću da li ste spremni? Izvolite imate riječ.

Poslanik/zastupnik Elmedin Konaković:

Jesam predsjedavajući. Neće zaista trajati dugo ja sam dio svoje diskusije rekao, podržat ćemo naravno sve zavrzlake koje zavrzlama rješavate ipak su nekako nužne. Samo bih zamolio sekretarku ili nekog pravnika da malo pojasni Deviću i ministru Kriviću ovo što su njih dvojica malo između sebe porazgovarali. Prvo jš jedna napomena. Sve smo vam podržali skraćene postupke. Nismo tražili da idete u hitni. A ministre Kriviću kada radite skraćeni mi nemamo pravo na amandmane u raspravi. Eto i to smo vas ispoštovali i ako postoji zaključak jedan Kolegija, koji nikada nije stavljen van snage, čak i Skupštine, da skupštinske zastupnike kako bih rekao ne stavljate u podređen položaj i da zakone ne donosite u skraćenim nego u hitnim procedurama. I ako ćemo gledati razloge ovo zaista ima karaktere hitnosti. Mi bi vas u tome podržali, vi ste nam uzeli pravo da dopunimo eventualno vaše prijedloge, pa tako ovo što je htio Dević ne bi ste ni mogli i da hoćete, a posebno ne možete zato što zakoni generalno stupaju na snagu dan nakon objave u službenim novinama. Bilo bi dobro sekretarko da se malo uključite u ove rasprave, vi nekoliko pitanja prošli put niste odgovarali. Malo pojasnite procedure zato ste lično odgovorni. Hvala.

Predsjedavajući:

Zahvaljujem uvaženi zastupniče Konakoviću. Dević Mahir je sljedeći, kolega izvolite, imate riječ.

Poslanik/zastupnik Mahir Dević:

Zahvaljujem. Pa jasna nam je važnost da kažemo ovih kratkih, skraćenih izmjena Zakona, one su vrlo funkcionalne prije svega, omogućavanje online nastave, i prije svega vezano za stručnu zastupljenost kadrova koji treba da rade u obrazovanju. Važno je naravno da se to uradi. Moje pitanje, a možda više i diskusija koja se odnosila na ovu pravnu nedoumicu je više usmjerena bila prema ministru da ga upozori, ima možda sasvim dovoljno vremena, ako se ovo danas usvoji, a nadam se da će svi ovo podržati naravno, da se takva jedna izmjena i objavi u Službenim novinama, tako da onda to pitanje bi možda bilo i besmisleno. Mislim da ima možda i dovoljno vremena da se to objavi u Službenim novinama. Ovo je više bio kao savjet ili neka sugestija ministru da vodi računa o tome jer ugovore ljudi moraju sklapati očigledno početkom školske godine. Tako da evo ovo shvatite kao savjet i pitanje i jedno upozorenje svima nama. Podržavamo naravno ovo izmjene u skraćenom postupku, jasne su nam šta one znače. I one su naravno posljedica jednog Zakona koji je takav kakav jeste. Zahvaljujem predsjedavajući.

Predsjedavajući:

Zahvaljujem uvaženi zastupniče Deviću. Marjanović Damir nam je sljedeći zastupnik koji se prijavio i imate uvaženi zastupniče riječ.

Poslanik/zastupnik Damir Marjanović:

Hvala predsjedavajući. Bit ću jako kratak. Dakle, svjesno podržavam ove izmjene s tim što bih onda rekao da istu priču, isto treba uraditi u Izmjenama Zakona o visokom obrazovanju. To je ono što smo sugerirali i tako da sam siguran da će ministar obrazovanja podržati i one izmjene Zakona o visokom obrazovanju koje budemo sugerirali na hitnoj sjednici u septembru. Hvala velika.

Predsjedavajući:

Zahvaljujem uvaženi zastupniče Marjanoviću. Druga diskusija uvaženi zastupnik Konaković. Izvolite, imate riječ.

Poslanik/zastupnik Elmedin Konaković:

Ma samo jedna kratka sugestija kolegici Kerli. Kolegice Kerla ono što pročitali na prošloj tački, to vam je s ove tačke. Ono ste čitali vezano za ovu tačku, ako trebate pročitajte ponovo, o zapošljavanju ovih profesora, kada smo vas prošli put u čudu gledali. Na prošloj ste tački to promašili malo temu.

Predsjedavajući:

Zahvaljujem uvaženi zastupniče Konakoviću. Da sačekamo još trenutak da vidimo da li imamo još prijavljenih zastupnik za diskusiju. Kolegica Kerla se javila za riječ. Prva diskusija, uvažena zastupnica Kerla. Izvolite imate riječ.

Poslanik/zastupnik Bibija Kerla:

Ja samo ovo nije diskusija, ovo je ustvari replika gospodinu Konakoviću. Žao mi je stvarno što je došlo do onoga jer me zbunilo više onih tačaka o udžbenicima, jedan, dva, tri, tako da je jednostavno došlo do toga da sam ja izašla na momenat vani pa sam mislila da je došla ta tačka i zato gospodine Konakoviću nema potrebe da je ponavljam. Hvala vam za ono. Hvala lijepo.

Predsjedavajući:

Zahvaljujem uvažena zastupnice Kerla. Ukoliko se više niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O OSNOVNOM ODGOJU I OBRAZOVANJU.

Molim sekretara Skupštine da napravi anketu. Otvaram glasanje. Izvolite glasajte. Zaključujem glasanje.

ZA JE GLASALO 33 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVAJ ZAKON.

Prelazimo na realizaciju tačke osam:

AD – 8.

NACRT ZAKONA O DOPUNI ZAKONA O PRAVOBRANILAŠTVU

Nacrt ste dobili uz poziv za sjednicu. Molim predstavnika Predlagača da podnese uvodne napomene. Ministrice da li ste spremni?

Ministrica Mersa Kustura: **UVODNO IZLAGANJE**

Predsjedavajući:

Zahvaljujem uvažena ministrice. Da li predstavnici radnih tijela žele riječ? Niko se nije prijavio. Imamo li pitanja? Molim vas da se prijavljujete naknadno za diskusiju kako bi olakšali nama rad u rukovodstvu Skupštine. Da li imamo pitanja? Nemam pitanja. Otvaram raspravu. Kolegica Segmedina Srna Bajramović se prva prijavila. Kolegice imate riječ, izvolite.

Poslanik/zastupnik Segmedina Srna Bajramović:

Zahvaljujem još jednom predsjedavajući. Pa evo na samom početku moram naglasiti da mi je izuzetno drago da bez obzira što imamo kratke izmjene, iste razmatramo u formi Nacrta, jer se po sadržaju istih očigledno radi o primjeni principa praktičnosti nad suštinom i to konkretno, reduciranja nadzorne funkcije Pravobranilaštva nad (nerazumljivo) javnom imovinom, gdje moramo biti izuzetno oprezni kada je u pitanju promet bilo čije, a posebno javne imovine. Pravobranilaštvo prema Zakonu vrši poslove pravne zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton, te je stoga jasno koja im je uloga u ovom konkretnom slučaju. Potpuno sam svjesna njihovog obima posla i kadrovskog deficita ali to ne smije biti motiv za pribjegavanju njihovog zakonskog reduciranja poslova, posebno onih iz kojih se nalaze značajna javna sredstva, nego kadrovskog jačanja, da mogu efikasno provoditi svoja zakonska ovlaštenja. Ako usvojimo ovakav pristup, onda se postavlja pitanje ko je sljedeći i koja mu norma smeta iz koje će tražiti isključenje u smislu izmjena Zakona. Nisam ekspert iz ove oblasti, pa zato želim da stručna, pravna javnost razmotri navedene izmjene kako bi bili sigurni da radimo pravu stvar. Moje mišljenje i završavam, kako je bolje neke stvari procesno spriječiti u nastanku jer je šteta sigurno manja, nego izgubiti vrijeme i novac u naknadnom dokazivanju prava u javnom vlasništvu. Toliko, zahvaljujem.

Predsjedavajući:

Zahvaljujem uvažena zastupnice Segmedina Srna Bajramović. Kolegica Kerla nam je sljedeća zastupnica koja je tražila riječ. Imate riječ kolegice Kerla Bibija.

Poslanik/zastupnik Bibija Kerla:

Hvala lijepa. Želim da istaknem da sam kroz svoj angažman u Skupštini, kao i svi vi upoznata sa radom Pravobranilaštva Kantona Sarajevo, kako kroz mišljenja o projektima tako i kroz izvještaj o radu koji smo jednoglasno usvajali to znaju svi, moje i bivše i sadašnje kolege. Podrška ovom organu koji svoj posao obavlja na najbolji mogući način i zaštitu imovine i imovinskih interesa Kantona bila je iskazana kako u ovome tako i u prethodnom sazivu Vlade. Svjesni značaja ove institucije a imajući u vidu obim posla koji obavljaju, kao i ljudske resurse kojim raspolažu, nadam se da će Ministarstvo i ministrica dati sve od sebe da ojačaju ovaj organ i njegov rad. Hvala lijepo.

Predsjedavajući:

Sačekat ćemo još nekoliko sekundi ako se bude neko prijavio za raspravu. Segmedina Srna Bajramović druga diskusija. Izvolite.

Poslanik/zastupnik Segmedina Srna Bajramović:

Zahvaljujem. Izvinjavam se propustila sam reći nešto što zbilja smatram jako važnim ovdje a to je da obrazloženje preduzeća koja imamo u Zakonu kako im ovakva procedura komplikuje poslovanje može biti istinita, ali bih voljela čuti konkretne argumente šta te komplikacije konkretno podrazumijevaju. Da li je to vrijeme čekaju mišljenje, ili možda imaju loše odnose s Pravobranilaštvom. Na žalost u tekstu Zakona se ne može spoznati ništa više od činjenice da postoji komplikacija, što priznat ćete, nije objektivni argument od presudnog uticaja da donesete konačnu odluku o bilo čemu. Samo kratko. Zahvaljujem.

Predsjedavajući:

Zahvaljujem uvažena zastupnice Segmedina Srna Bajramović.

Ukoliko se više niko ne javlja za riječ, zaključujem raspravu i predlažem da Skupština po Nacrtu zakona o dopuni Zakona o pravobranilaštvu donese sljedeće Zaključke:

1. Utvrđuje se Nacrt zakona o dopuni Zakona o pravobranilaštvu;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće **30 dana**.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o dopuni Zakona o pravobranilaštvu.

MOLIM ZASTUPNIKE DA PRISTUPE IZJAŠNJAVANJU O PREDLOŽENIM ZAKLJUČCIMA.

Molim sekretara Skupštine da napravi anketu a vas molim da se izjasnite o predloženim zaključcima. Zaključujem glasanje.

**ZA JE GLASAO 31 ZASTUPNIK, PROTIV I SUZDRŽANIH NIJE BILO.
KONSTATUJEM DA JE SKUPŠTINA DONIJELA OVE ZAKLJUČKE.**

Prelazimo na realizaciju tačke devet:

AD – 9.

PRIJEDLOG ODLUKE O IZMJENI ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Materijal ste dobili uz poziv za sjednicu. Molim predstavnika Predlagača da podnese uvodne napomene. Kolega Deviću da li ste spremni?

Poslanik/zastupnik Mahir Dević:

Kratko. Čini mi se da je to bilo na 26 ili 27 sjednici Komisije za izbor i imenovanje. Znači gospodin Hasan Ganibegović je podnio ostavku kao vanjski član ispred SDA u ovu komisiju. Novi prijedlog je gospodin Mustafa Tabak koji je jednoglasno usvojen prijedlog na sjednici Komisije za izbor i imenovanje i predlažemo evo Skupštini Kantona Sarajevo da izvrši izmjenu i dopunu ovog skupštinskog radnog tijela.

Predsjedavajući:

Zahvaljujem uvaženi zastupniče Deviću. Da li predstavnici radnih tijela žele riječ? Nemamo nikoga. Ima li pitanja? Otvaram raspravu. Kolega Igor Stojanović, izvolite imate riječ. Kolega Stojanoviću da li ste spremni, ako niste imamo prijavljenog Konakovića.

Poslanik/zastupnik Igor Stojanović:

Da li me čujete?

Predsjedavajući:

Mi vas čujemo, izvolite, imate riječ kolega Stojanoviću.

Poslanik/zastupnik Igor Stojanović:

Hvala lijepo predsjedavajući. Dakle ja samo kroz svoju diskusiju želim da izrazim zadovoljstvo s obzirom da je Klub zastupnika SDP pokrenuo inicijativu za smjenu gospodina Ganibegovića nakon silnih informacija koje smo dobili, nažalost Skupština Kantona je odbila našu inicijativu. I evo na svu sreću gospodin Ganibegović je sam podnio ostavku na člana ove Komisije i evo danas tek dobijamo zamjenu. Meni je drago što i na ovakav način, bez obzira što Skupština nije usvojila inicijativu Kluba SDP što smo ipak na neki način dobili rezultat naše inicijative, makar ona bila i bez podrške Skupštine Kantona Sarajevo. Hvala.

Predsjedavajući:

Zahvaljujem uvaženi zastupniče Stojanoviću. Konaković Elmedin je sljedeći zastupnik, izvolite.

Poslanik/zastupnik Elmedin Konaković:

Čitam odluku o izboru predsjedavajućih i vidim da ste u istoj odluci razriješili i imenovali čovjeka. Dakle zašto niste tu odluku o razrješenju napravili razrješava se a posebno odluku o imenovanju. Naravno pozdravljamo, upravo sam to htio reći, kolega Stojanović je bio brži, sjećam se baš je njegova inicijativa, niste htjeli tada, iako su prezentirani očiti dokazi da je riječ o toj grupi o kojoj se sada vodi istraga, o kojoj smo mogli gledati na slikama kako ugovaraju, transfere u aferi respirator, kako nas lažu mjese dana da s tim nemaju veze, a onda im Tužilaštvo dokaže sve suprotno. I naravno doveli ste nas u jednu vrlo nezgodnu situaciju dakle da se istim aktom razrješava neko i imenuje neko drugi. Sekretarko ponovo vas zovem da nam to pojasnite šta se dešava. Naravno da ćemo za akt o razrješenju ovog čovjeka glasati, jer je očigledno da riječ o dobroj procjeni evo kolega iz SDP prije svega, ali kako da vjerujemo mi u kadrovska imenovanja SDA, ponovo nekog čovjeka, i tamo piše SDA ga predložila, tamo naravno vjerovatno mišljenje daje ova Komisija za izbor i imenovanje, jer je vidio sam predlagač ovog čovjeka predsjednik Kluba Mahir Dević. SDA ga predlaže, a komisija valjda onako provode proceduru, da mišljenje, pa ga donese u vidu odluke. Dakle zašto ste ovo stavili zajedno sekretarko? Može li se ovaj akt i mora se razdvojiti. Dakle nećemo glasati za kadrovsko rješenje jer SDA kadrove koje predlaže sumnjamo da će se desiti isto ko s ovim Ganibegovićem. Molim pojašnjenje.

Predsjedavajući:

Zahvaljujem. Evo ja ću pojasniti pošto sam i ja bio predsjednik Komisije za izbor i imenovanje i administrativna pitanja kao i vi gospodine Konakoviću. Mi smo razriješili mnogo ljudi na zahtjev svake političke partije i ta je odluka bila kao i ova odluka, znači nije bilo pod a) i b) razrješenje i imenovanje. Na zahtjev svakog šefa kluba i uradili te izmjene. I evo ja sam bio predsjednik Komisije za izbor i imenovanje i to smo učinili u više navrata i možemo pogledati i akte ranije kada ste vi bili, ali pretpostavljam da je isti način prijedlog odluke glasio odluka o razrješenju i imenovanju je jedna odluka kada se mijenja odnosno kada se vrši zamjena u skupštinskim komisijama. Nadam se da ste zadovoljni odlukom uvaženi zastupniče Konakoviću. Replika Čeliku Konaković. Izvolite.

Poslanik/zastupnik Elmedin Konaković:

Ma evo neću tvrditi sa sigurnošću, provjerit ću, dakle znam da se veliki broj, ne sporim to pravo, naravno u raspodjeli u koeficijentima se podijele mjesta. Ovo je mjesto SDA, vanjski član, ništa to ne sporim. Samo ne glasam za vaše prijedloge, jer sam se uvjerio u kvalitet prijedloga. A provjerit ću da li su baš to uvijek bila razrješanja i imenovanja na istom papiru ili se ipak odluka o razrješenju. Da ne tvrdim sada suprotno, dakle samo hoću da kažem ja ne mogu glasati. Uzeli ste mi pravo da sa zadovoljstvom razriješim Ganibegovića jer bih to uradio od sveg srca jer je riječ o toj ekipi Fadila Novalića udarnom timu za angažman kod afere „Respiratori”. I istovremeno bih morao ruku sebi slomiti da glasam za nekoga ko je

možda opet dio te cijele hobotnice o kojoj ja puno toga znam. Tako da mi nećemo glasati za ovaj vaš prijedlog.

Predsjedavajući:

Zahvaljujem uvaženi zastupniče Konakoviću ali evo odgovor na repliku. Znači hobotnica dobrih ljudi je ponovo izabrala dobrog čovjeka i mislim da ćemo biti zadovoljni sa njegovim radom u komisiji za sigurnost. Ukoliko se više niko ne javlja za riječ. Odgovor na repliku Čeliku – Konaković, izvolite.

Poslanik/zastupnik Elmedin Konaković:

Ma samo kratko, isto smo to čuli kada je bio ovaj Ganibegović, tako da ja vas hvalim, vi dobro radite svoj posao. Kadrovske vaše odluke ne bih nikada za to dizao ruke. Slušali smo isto o Ganibegoviću, hvala.

Predsjedavajući:

Zahvaljujem uvaženi zastupniče Konakoviću. Aljoša Čampara diskusija, prva izvolite kolega Čampara. Uvaženi zastupniče Čampara da li imate pristup signalu?

Poslanik/zastupnik Aljoša Čampara:

Da li se čujemo predsjedavajući? Zahvaljujem. Ma evo nisam se mislio javljati na ovu temu zato što sam ja bio jedan od zastupnika koji je podržao ovu inicijativu SDP-a potpuno opravdanom za smjenom Hasana Ganibegovića, koji je bio član te komisije u ono vrijeme kada se događala ova afera, i kao prvo ja kao neko ko pripada Klubu SDA nisam uopće znao otkud ovaj čovjek ispred Kantonalnog odbora SDA zato što ne živi u Sarajevu. Dakle nije iz Sarajeva, čovjek je iz Tuzlanskog Kantona. Nikada m nije bilo jasno niti mi je ko to mogao objasniti, niti mi je objasnio, ni moj šef Kluba gospodin Mahir Dević, otkud ovaj čovjek uopšte u komisiji za sigurnost Kantona Sarajevo. Jer ipak moramo voditi računa o toj nekoj teritorijalnoj zastupljenosti to bi isto bilo ko kada bi mene sada neko stavio u Skupštinu TK, ili nekoga drugog. Tako da mi je to prije svega bilo čudno otkud čovjek. I ja ne mislim da je to bio ni prijedlog neki poseban koji se raspravljao na nekim kadrovskim komisijama SDA, odnosno Kantonalnog odbora SDA jer imamo dosta pojava da nam se onako samo serviraju neka rješenja bez ikakve odluke nadležnog organa ali naravno to nije stav i stvar Skupštine Kantona Sarajevo. Ne želim da ulazim u ovu stvar. A što se tiče ovoga novog prijedloga isto nisam dobio objašnjenja niti mi je ko rekao, ali mislim da se radi o Mustafi Tabaku koji je bio komandant Specijalne jedinice u jednom periodu Vikićevih specijalaca, kako ih mi zovemo ovdje u Sarajevu, i ja ću podržati ukoliko se stvarno radi o tome čovjeku. Ali mislim da se radi o tome čovjeku. I predlažem i drugim kolegama zastupnicima da podrže jer je to jedan od ratnih heroja, možda i drugi ljudi u Skupštini Kantona sigurno ne znaju da li se tačno radi o tom čovjeku. Dakle bez obzira ko ga je predložio, da li je to SDA ili neko drugi, ja mislim da bi ovaj čovjek trebao dobiti našu podršku. Ali mislim da se radi upravo o komandantu Specijalne jedinice Bosna. Hvala.

Predsjedavajući:

Pa evo ja ću iskoristiti pravo, da iskoristim naravno kao pozitivnu repliku uvaženom zastupniku Čampari i da potvrdim da je uvaženi kandidat koji je predložen za Komisiju za sigurnost taj isti o kojem ste kazali sve najbolje. Pa evo i ja pozivam sve zastupnike da podrže prijedlog da Tabaka imenujemo u Komisiju za sigurnost jer će biti sigurno od koristi. Ja vam se zahvaljujem. Uvaženi zastupniče Čampara nadam se da nećete odgovarati na repliku jer je bila pozitivna. Kolega Konaković druga diskusija, poslije kolege Konakovića Stojanović. Izvolite Konaković.

Poslanik/zastupnik Elmedin Konaković:

Evo, i ja ću kratko. I ovamo na jednoj grupi sam i ja također dobio informaciju o kojem čovjeku je riječ. Kolega Čampara je to objasnio i vi predsjedavajući. Hoću da vam kažem predsjedavajući da ste bili u pravu i za odluku. Našao sam nekoliko odluka iz ranijih saziva u kojima su se istovremeno razrješavali i imenovali ljudi. Tako da ovo nije presedan, sada sam to malo pogledao pa se i tu korigujem. I ubijedile su me vaše rasprave i glasat ću za imenovanje gospodina Tabaka iz razloga njegovog kvaliteta. Ali ipak mnogo sretniji jer onog jednog pomaknuli iz sistema.

Predsjedavajući:

zahvaljujem se. Obzirom da imamo foto pamćenje pretpostavljam i vi i ja, pa ste brzo to korigovali. Ja vam se zahvaljujem. Kolega Stojanović izvolite, imate riječ.

Poslanik/zastupnik Igor Stojanović:

Hvala predsjedavajući. Klub SDP će također podržati ovu odluku prije svega zbog ove smjene ali i zbog ovog što nam je objasnio kolega Čampara. Ja vjerujem njegovom sudu da je ovaj čovjek znatno, da može doprinijeti mnogo značajnije nego prethodni kada je u pitanju bezbjednost u Kantonu Sarajevo s obzirom na svoj kredibilitet i s obzirom da je to pozicija SDA, Klub SDP će to podržati. Međutim ne bih toliko zanemarivao diskusiju gospodina Čampare kada je u pitanju odabir kadrova i gospodin Ganibegović. Ispadne kao da je gospodin Ganibegović došao upravo zbog onog što se dešavalo na federalnom nivou i da ga je postavio neko za koga ni članovi stranke ne znaju kako je došao na mjesto člana komisije za bezbjednost a savjetnik je premijera i iz drugog je Kantona. Šta se sve dešavalo znamo na Federaciji ali vjerujemo da će ovo novo kadrovsko rješenje bez obzira na ovaj propust SDA biti kvalitetnije nego ovo što smo do sada imali i Klub SDP će, ponavljam, podržati ovo. Hvala.

Predsjedavajući:

Zahvaljujem uvaženi zastupniče Stojanoviću. Kolegica Kerla je imala poslovničku intervenciju. Mi smo sada dobili taj prijedlog kolegice u 15,00 pa evo ja dajem vama riječ. Kolegica Kerla poslovnička intervencija.

Poslanik/zastupnik Bibija Kerla:

Odustajem od poslovničke intervencije jer je upravo moj kolega Stojanović stao sa svojom diskusijom koja uopšte ne priliči ovom svemu.

Predsjedavajući:

Zahvaljujem se uvažena zastupnice Kerla. Ukoliko se više niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O IZBORU PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO.

Otvaram glasanje. Zahvaljujem.

ZA JE GLASALO 33 ZASTUPNIKA, PROTIV I SUZDRŽANIH NIJE BILO. KONSTATUJEM DA JE SKUPŠTINA DONIJELA OVU ODLUKU.

Prelazimo na realizaciju tačke deset:

AD – 10.

PRIJEDLOG ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO

Materijal ste dobili uz poziv za sjednicu. Molim predstavnika Predlagača da podnese uvodne napomene. Ministrice da li ste spremni?

Ministrica Mersa Kustura: UVODNO IZLAGANJE

Predsjedavajući:

Zahvaljujem ministrice. Da li predstavnici radnih tijela žele riječ? Ima li pitanja? Ukoliko nema pitanja otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO.

Otvaram glasanje i molim zastupnike da glasaju. Još 20 sekundi za glasanje.

ZA JE GLASALO 33 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

U skladu sa članom 93. uz prethodne konsultacije s dopredsjedavajućim, ja prekidam ovu sjednicu. O nastavku ćemo vas obavijestiti. Zahvaljujem. I svako dobro želim.

STENOGRAM

**Drugog nastavka 27. Radne sjednice Skupštine Kantona Sarajevo
održanog u ponedjeljak, 05.10.2020. godine sa početkom rada u 10,00 sati (ONLINE)**

Predsjedavajući:

Otvaram drugi nastavak 27. Radne sjednice Skupštine Kantona Sarajevo.

Pozdravljam uvažene kolegice i kolege zastupnike, članove Vlade, i sve one koji prate rad današnje sjednice.

Svima nama želim uspješan rad i ugodnu radnu atmosferu.

Prije nego što otvorimo nastavak sjednice, zamolit ću sekretara Skupštine da napravi anketu prisustva sjednici, nakon toga ćemo nastaviti sa dnevnim redom koji je ostao. Ja bih vas lijepo molio da isključite mikrofone, kolega Pecikoza. Nova je sjednica, trebamo imati prisustvo. To smo radili i maloprije. Samo napravite prisustvo anketu. Molim zastupnike da ne glasaju na ovaj način, napraviti ćemo anketu i samim tim ćemo utvrditi prisustvo zastupnika. Molim da prijavite se na anketu kako bi mogli evidentirati. Zahvaljujem.

ONLINE sjednici prisustvuje 31 zastupnik, što je dovoljan broj za punovažan rad i odlučivanje.

Izostanak sa ove sjednice opravdao uvaženi zastupnik Milavica.

Podsjećam vas da smo na prethodna dva zasjedanja obradili prvih deset tačaka, kao i tačku 18. dnevnog reda, tako da nam danas preostaju sljedeće tačke:

11. Prijedlog Odluke kojom se daje saglasnost na Nacrt Sporazuma koji se zaključuje između Univerziteta u Sarajevu, Fakulteta zdravstvenih studija Univerziteta u Sarajevu i Javne ustanove „Studentski centar“ Sarajevo o ustupanju na dugoročno korištenje objekata Paviljon VIII i Paviljon IX u okviru Javne ustanove „Studentski centar“ Sarajevo koji su sagrađeni na parceli 2400/1 KO Sarajevo novog premjera, pri čemu po starom premjeru odgovaraju parcela broj 26 upisana u zk. ul. broj. 96 K.O. SP_SARAJEVO - MAHALA LXVII1 i parcele br. 24, 323, 324, 123, 25, 30, 135, 206, 414, 416, 423, 424, 31, 433, 547, zk. ul. broj 223 K.O. SP_SARAJEVO-MAHALA LXVIII, na kojima je kao nosilac prava raspolaganja upisan Univerzitet u Sarajevu;
12. Prijedlog Odluke o davanju saglasnosti na Program rada i Finansijski plan Javne ustanove "Fond Memorijala Kantona Sarajevo" za 2020. godinu;
13. Izvještaj o radu sa finansijskim poslovanjem Univerziteta u Sarajevu za period 01.01. - 31.12.2019. godine;
14. Izvještaj o radu i finansijskom poslovanju Zavoda za izgradnju Kantona Sarajevo za 2019. godinu;
15. Izvještaj o radu i finansijskom poslovanju Zavoda za informatiku i statistiku Kantona Sarajevo za 2019. godinu;
16. Izvještaji o poslovanju za 2019. godinu:
 - a) KJKP „TOPLANE SARAJEVO“ d.o.o. Sarajevo;
 - b) KJKP "Park" d.o.o. Sarajevo;
 - c) KJKP "Tržnice-pjace" d.o.o. Sarajevo;
 - d) KJKP "Vodovod i kanalizacija" d.o.o. Sarajevo;
 - e) KJKP "Sarajevogas" d.o.o. Sarajevo;
 - f) KJKP "Pokop" d.o.o. Sarajevo;
17. Izvještaj o poslovanju Kantonalnog javnog preduzeća za gospodarenje državnim šumama "Sarajevo - šume" d.o.o. Sarajevo za 2019. godinu;
18. OBRAĐENA
19. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo za potpisivanje Ugovora o isplati naknade po osnovu izgubljene dobiti sa „Duhanpromet“ d.o.o. Sarajevo; ;
20. Prijedlog Odluke o davanju saglasnosti na nacrt ugovora o kupoprodaji garaže u garažnom nizu od četiri bloka-Blok 3, izgrađenom u naselju Stup-Bačićko polje, općina Ilidža, koji će Fond Kantona Sarajevo za izgradnju stanova za članove porodica

- šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Muaz Zuberović) ;
21. Prijedlog Odluke o davanju saglasnosti na nacrt ugovora o kupoprodaji u stambenom objektu K-37, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Dženana Zametica) ;
 22. Prijedlog Odluke o davanju saglasnosti na nacrt ugovora o kupoprodaji u stambenom objektu K-37, izgrađenom u naselju Šip, općina Centar Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Faruk Mudžet);
 23. Prijedlog Odluke o davanju saglasnosti na nacrt ugovora o kupoprodaji stana u ulici Žunovačka bb, općina Hadžići, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Adi Kalem);
 24. Prijedlog Odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnine (Mohamed Semrin);
 25. Prijedlog Odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Irmel Dervišević);
 26. Prijedlog Odluke o davanju saglasnosti na nacrt ugovora o kupoprodaji nekretnine nastale nadzidićanjem postojećeg stambenog objekta na adresi Huseina Đoze broj 238E, općina Ilidža, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Fazlić Ismet);
 27. Prijedlog odluke o davanju saglasnosti na Finansijski plan prihoda i rashoda za 2020. godinu Kantonalnog stambenog fonda Sarajevo;
 28. Prijedlog odluke o davanju saglasnosti na Program rada Kantonalnog stambenog fonda Sarajevo za 2020. godinu;
 29. Izvještaj o poslovanju KJP "ZOI 84" Olimpijski centar Sarajevo d.o.o. Sarajevo za 2019. godine;
 30. Izvještaj o radu sa finansijskim izvještajem, na koje je prethodno dato mišljenje ovlaštenog revizora, Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2019. godinu;
 31. Prijedlog Odluke o davanju saglasnosti na Finansijski plan prihoda i rashoda za 2020. godinu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe;
 32. Prijedlog Odluke o davanju saglasnosti na Program rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2020. godinu;
 33. Izvještaj o radu i finansijskom poslovanju Javne ustanove Kantonalni zavod za zaštitu kulturno-historijskog i prirodnog naslijeđa Sarajevo za 2018. godinu.;
 34. Izvještaj o radu i finansijskom poslovanju Javne ustanove Kantonalni zavod za zaštitu kulturno-historijskog i prirodnog naslijeđa Sarajevo za 2019. godinu;
 35. Informacija o poslovanju Bags Energotehnika d.d. Vogošća za 2018. i 2019. godinu

Prelazimo na realizaciju tačke jedanaest:

AD –11.

PRIJEDLOG ODLUKE KOJOM SE DAJE SAGLASNOST NA NACRT SPORAZUMA KOJI SE ZAKLJUČUJE IZMEĐU UNIVERZITETA U SARAJEVU, FAKULTETA ZDRAVSTVENIH STUDIJA UNIVERZITETA U SARAJEVU I JAVNE USTANOVE „STUDENTSKI CENTAR” SARAJEVO O USTUPANJU NA DUGOROČNO KORIŠTENJE OBJEKATA PAVILJON VIII I PAVILJON IX U OKVIRU JAVNE USTANOVE „STUDENTSKI CENTAR” SARAJEVO koji su sagrađeni na parceli 2400/1 KO Sarajevo novog premjera, pri čemu po starom premjeru odgovaraju parcela broj 26 upisana u zk. ul. broj. 96 K.O. SP_SARAJEVO - MAHALA LXVII11 i parcele br. 24, 323, 324, 123, 25, 30, 135, 206, 414, 416, 423, 424, 31, 433, 547, zk. ul. broj 223 K.O. SP_SARAJEVO-MAHALA LXVIII, na kojima je kao nosilac prava raspolaganja upisan Univerzitet u Sarajevu

Materijal ste dobili uz poziv za sjednicu. Molim predstavnika predlagača da podnese uvodne napomene.

Ministar Anis Krivić: UVODNO IZLAGANJE

Predsjedavajući:

Zahvaljujem uvažani ministre Kriviću. Na zahtjev šefa Kluba SDA Devića, 20 minuta pauza. Nastavljamo sa radom u 17,20. Zahvaljujem.

NASTAVAK NAKON PAUZE

Predsjedavajući:

Molim TVSA samo ako je spremna da nastavimo sa zasjedanjem. TVSA možemo li? Ide najava, evo molim zastupnike za minutu još.

Zahvaljujem-. Nastavljamo sa radom. Na tački smo 11. kolega Krivić je dao uvodne napomene. Da li predstavnici radnih tijela žele riječ? Kolega Marjanović e tražio riječ ispred Komisije.

Poslanik/zastupnik Damir Marjanović:

Zahvaljujem predsjedavajući. Bit ću vrlo kratak. Komisija je imala priliku da analizira dati materijal. Jednoglasno, svi članovi koji su bili prisutni toj sjednici su podržali. Jako nam je drago što UNSA pronalazi načine da riješi te probleme vezano za Fakultet zdravstvenog studija i nadamo se da će vrlo brzo, ja i dalje smatram da je to privremeno rješenje, da će vrlo brzo neko finalno rješenje ovaj fakultet pronaći u Kampusu UNSA jer definitivno je to zaslužio. Hvala.

Predsjedavajuća:

Hvala kolega Marjanović. Imamo li pitanja? Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O KOJOM SE DAJE SAGLASNOST NA NACRT SPORAZUMA KOJI SE ZAKLJUČUJE IZMEĐU UNIVERZITETA U SARAJEVU, FAKULTETA ZDRAVSTVENIH STUDIJA UNIVERZITETA U SARAJEVU I JAVNE USTANOVE „STUDENTSKI CENTAR” SARAJEVO O USTUPANJU NA DUGOROČNO KORIŠTENJE OBJEKATA PAVILJON VIII I PAVILJON IX U OKVIRU JAVNE USTANOVE „STUDENTSKI CENTAR” SARAJEVO.

Molim sekretara da napravi anketu. Glasat ćemo za prijedlog odluke tačka 11. zaključujem glasanje.

ZA JE GLASALO 26 ZASTUPNIKA, PROTIV niko, SUZDRŽANO 2.
KONSTATUJEM DA JE SKUPŠTINA DONIJELA OVU ODLUKU.

Prelazimo na tačku dvanaest.

AD – 12.

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN JAVNE USTANOVE "FOND MEMORIJALA KANTONA SARAJEVO" ZA 2020. GODINU

Prijedlog ste dobili uz poziv za sjednicu. Molim predstavnika predlagača da podnese uvodne napomene. Ko nam je?

Ministar Kenan Alikadić:

Uvaženi predsjedavajući, po ovlaštenju premijera povlačim navedenu tačku sa dnevnog reda.

Predsjedavajući.

Zahvaljujem.

Prelazimo na realizaciju tačke trinaest:

AD – 13.

IZVJEŠTAJ O RADU SA FINANSIJSKIM POSLOVANJEM UNIVERZITETA U SARAJEVU ZA PERIOD 01.01. -31.12.2019. GODINE

Materijal ste dobili uz poziv za sjednicu. Molim predstavnika Predlagača da podnese uvodne napomene. Ko nam je ispred Vlade.

Ministar Kenan Alikadić:

Također po ovlaštenju povlačim tačku broj 13.

Predsjedavajući:

Zahvaljujem. Prelazimo na realizaciju tačke četrnaest.

AD – 14.

IZVJEŠTAJ O RADU I FINANSIJSKOM POSLOVANJU ZAVODA ZA IZGRADNJU KANTONA SARAJEVO ZA 2019. GODINU

Izvještaj ste dobili uz poziv za sjednicu. Molim predstavnika Predlagača da podnese uvodne napomene.

Ministar Kenan Alikadić:

Tačku broj 14. povlačim sa dnevnog reda.

Predsjedavajući:

Prelazimo na realizaciju tačke broj petnaest:

AD – 15.

IZVJEŠTAJ O RADU I FINANSIJSKOM POSLOVANJU ZAVODA ZA INFORMATIKU I STATISTIKU KANTONA SARAJEVO ZA 2019. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene.

Ministar Kenan Alikadić:
Tačku broj 15. povlačim sa dnevnog reda.

Predsjedavajući:
Prelazimo na realizaciju tačke broj šesnaest:

AD – 16.

IZVJEŠTAJI O POSLOVANJU ZA 2019. GODINU:

- 1.KJKP „TOPLANE SARAJEVO" d.o.o. Sarajevo;
- 2.KJKP "Park" d.o.o. Sarajevo;
- 3.KJKP "Tržnice-pjace" d.o.o. Sarajevo;
- 4.KJKP "Vodovod i kanalizacija" d.o.o. Sarajevo;
- 5.KJKP "Sarajevogas" d.o.o. Sarajevo;
- 6.KJKP "Pokop" d.o.o. Sarajevo

Materijal ste dobili uz poziv za sjednicu. Predlažem da o izvještajima obavimo jedinstvenu raspravu, a izjašnjavanje pojedinačno.

MOLIM ZASTUPNIKE DA SE IZJASNE O OVOM PRIJEDLOGU da li da se vodi jedinstvena rasprava a izjašnjenje pojedinačno. Molim sekretara Skupštine da napravi anketu. A vas kolega Konakoviću da ne pravite anketu, ipak imamo sekretara Skupštine Kantona Sarajevo. Evo odgovorio sam, zato što imamo sekretara Skupštine Kantona Sarajevo. Molim zastupnike da glasaju.

ZA JE GLASALO 13 ZASTUPNIKA, PROTIV I SUZDRŽANO nije bilo.
KONSTATUJEM DA SKUPŠTINA NIJE USVOJILA OVAJ PRIJEDLOG.

Molim predstavnika predlagača da podnese uvodne napomene. Ko nam je od Vlade za ove stvari.

Ministar Kenan Alikadić:
Po ovlaštenju premijera, povlačim tačku broj 16.

Predsjedavajući:
Zahvaljujem ministre Alikadiću.

Tačka sedamnaest:

AD – 17.

IZVJEŠTAJ O POSLOVANJU KANTONALNOG JAVNOG PREDUZEĆA ZA GOSPODARENJE DRŽAVNIM ŠUMAMA "SARAJEVO - ŠUME" D.O.O. SARAJEVO ZA 2019. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene.

Ministar Kenan Alikadić:
Povlačim tačku broj 17.

Predsjedavajući:
18. tačku smo obradili u prethodnom zasjedanju. Tačka 19:

AD – 19.

PRIJEDLOG ODLUKE O DAVANJU SAGLASNOSTI ZAVODU ZA IZGRADNJU KANTONA SARAJEVO I DIREKCIJI ZA PUTEVE KANTONA SARAJEVO ZA POTPISIVANJE UGOVORA O ISPLATI NAKNADE PO OSNOVU IZGUBLJENE DOBITI SA „DUHANPROMET“ D.O.O. SARAJEVO

Prijedlog ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:
Povlačim tačku broj 19.

Predsjedavajući:
Zahvaljujem. Tačka devetnaest:

AD – 20.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI GARAŽE U GARAŽNOM NIZU OD ČETIRI BLOKA-BLOK 3, IZGRAĐENOM U NASELJU STUP-BAČIČKO POLJE, OPĆINA ILIDŽA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (MUAZ ZUBEROVIĆ)

Prijedlog ste dobili u dopunskom materijalu. Molim predstavnika predlagača da podnese uvodne napomene.

Ministar Kenan Alikadić:
Povlačim tačku broj 20.

Predsjedavajući:
Tačka dvadeset i jedan:

AD – 21.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU K-37, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (DŽENANA ZAMETICA)

Prijedlog ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:
Povlačim tačku broj 21.

Predsjedavajući:

Tačka dvadeset i dva:

AD – 22.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU K-37, IZGRAĐENOM U NASELJU ŠIP, OPĆINA CENTAR SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (FARUK MUDŽELET)

Prijedlog ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:
Povlačim tačku broj 22.

Predsjedavajući:
tačka dvadeset i tri:

AD – 23.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U ULICI ŽUNOVAČKA BB, OPĆINA HADŽIĆI, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (ADI KALEM)

Prijedlog ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:
Povlačim tačku broj 23.

Predsjedavajući:
Realizacija tačke 24.

AD – 24.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCIMA NEKRETNINE (MOHAMED SEMRIN)

Prijedlog ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:
Povlačim tačku broj 24.

Predsjedavajući:
Realizacija tačke dvadeset i pet:

AD – 25.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU B1-B, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (IRMEL DERVIŠEVIĆ)

Prijedlog ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:
Kada je u pitanju tačka broj 25, istu povlačim.

Predsjedavajući:
Realizacija tačke dvadeset i šest:

AD – 26.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE NASTALE NADZIĐIVANJEM POSTOJEĆEG STAMBENOG OBJEKTA NA ADRESI HUSEINA ĐOZE BROJ 238E, OPĆINA ILIDŽA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE, KAO PRODAVAC, ZAKLJUČITI SA KUPCEM NEKRETNINE (FAZLIĆ ISMET)

Prijedlog ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:
Tačka broj 26 se također povlači.

Predsjedavajući:
tačka dvadeset i sedam:

AD – 27.

PRIJEDLOG ODLUKE O DAVANJU SAGLASNOSTI NA FINANSIJSKI PLAN PRIHODA I RASHODA ZA 2020. GODINU KANTONALNOG STAMBENOG FONDA SARAJEVO

Prijedlog ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:
Povlačim tačku broj 27.

Predsjedavajući:
pod dvadeset i osam:

AD – 28.

PRIJEDLOG ODLUKE O DAVANJU SAGLASNOSTI NA PROGRAM RADA KANTONALNOG STAMBENOG FONDA SARAJEVO ZA 2020. GODINU

Prijedlog ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:

Kada je u pitanju tačka 28, istu povlačim.

Predsjedavajući:

Tačka dvadeset i devet:

AD – 29.

IZVJEŠTAJ O POSLOVANJU KJP "ZOI 84" OLIMPIJSKI CENTAR SARAJEVO D.O.O. SARAJEVO ZA 2019. GODINE

Izvještaj ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:

Povlači se tačka broj 29.

Predsjedavajući:

Trideset tačka:

AD – 30.

IZVJEŠTAJ O RADU SA FINANSIJSKIM IZVJEŠTAJEM, NA KOJE JE PRETHODNO DATO MIŠLJENJE OVLAŠTENOG REVIZORA, FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE ZA 2019. GODINU

Izvještaj ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:

Povlačim tačku broj 30.

Predsjedavajući:

Prelazimo na trideset i jedan.

AD – 31.

PRIJEDLOG ODLUKE O DAVANJU SAGLASNOSTI NA FINANSIJSKI PLAN PRIHODA I RASHODA ZA 2020. GODINU FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE

Prijedlog ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:

Povlači se tačka broj 31.

Predsjedavajući:
Tačka trideset i dva:

AD – 32.

PRIJEDLOG ODLUKE O DAVANJU SAGLASNOSTI NA PROGRAM RADA FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE ZA 2020. GODINU

Prijedlog ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:
Povlači se tačka broj 32.

Predsjedavajući:
Tačka trideset i tri:

AD – 33.

IZVJEŠTAJ O RADU I FINANSIJSKOM POSLOVANJU JAVNE USTANOVE KANTONALNI ZAVOD ZA ZAŠTITU KULTURNO-HISTORIJSKOG I PRIRODNOG NASLIJEĐA SARAJEVO ZA 2018. GODINU

Izvještaj ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:
Također, tačka broj 33 se povlači.

Predsjedavajući:
Tačka trideset i četiri:

AD – 34.

IZVJEŠTAJ O RADU I FINANSIJSKOM POSLOVANJU JAVNE USTANOVE KANTONALNI ZAVOD ZA ZAŠTITU KULTURNO-HISTORIJSKOG I PRIRODNOG NASLIJEĐA SARAJEVO ZA 2019. GODINU

Izvještaj ste dobili u dopunskom materijalu. Molim predstavnika Predlagača da podnese uvodne napomene.

Ministar Kenan Alikadić:
Tačka broj 34 se povlači.

Predsjedavajući:
Prelazimo na realizaciju tačke broj trideset i pet.

AD – 35.

INFORMACIJA O POSLOVANJU BAGS ENERGOTEHNIKA D.D. VOGOŠĆA ZA 2018. I 2019. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene.

Ministar Kenan Alikadić:
Povlači se tačka broj 35.

Predsjedavajući:
Zahvaljujem uvaženi Alikadiću.

Obzirom da smo iscrpili sve tačke današnje sjednice zaključujem rad na 27. Radnoj sjednici i zahvaljujem se uvaženim kolegicama i kolegama. Doviđenja.